

袁中郎全集

詩集

袁中郎全集

各埠特約經售

新加坡 香港 漢口 北平 天津 濟南 杭州 重慶 汕頭

正興美術公司 上海書局 美代書局 現文書局 會文齋書局 佩文齋書局 佩文齋書局 大報代辦部 北洋書局 武林書局 開明書局 新商務印書館

丙種全部分裝五冊

詩尺遊文隨
樂尺遊文隨
一讀一紗一筆
一實一實一實
價實實實
二角五角五角五角
分分分分

分購

總經售：

出版者：

上海白保羅路和平坊第一六一號
中國圖書館出版部

上海四馬路三二四號
上海雜誌公司上海總店
廣州永漢北路二二三九號
上海雜誌公司廣州支店
南京太平路二四八號
上海雜誌公司南京支店

中華民國廿四年七月廿日刊行

袁中郎傳

袁宏道，字中郎，號石公，公安人。先主之生也，母夢月入懷，故小字月。少時即具倍年之覺，母卒，先生不數哭，一哭即痛絕，人以其有隱憂焉。總角，工爲時藝，塾師大奇之。入鄉校，年方十五六，即結文社於城南，自爲社長，社友年三十以下者皆師之，奉其約束不敢犯。時於舉業外，爲聲歌古文辭，已有集成帙矣。咸子舉于鄉，主試者爲馮卓庵太史，見其後場，出入周秦間，急拔之。明年上春，官時伯修方爲太史，初與聞性命之學，以啓先生，先生深信之。下第歸，伯修亦以使命事返里，相與朝夕商榷，索之華梵諸典，轉覺茫然，後乃于文字中言意識，不行處，極力參究，時有所解，終不欲恃矜。火微明以爲究竟，如此者屢年。一日見張子韶論格物處，忽然大豁，以證之太史，太史喜曰：「弟見出蓋纏，非吾所及也。」然後以質之古人微言，無不妙合，且洞見前輩機用，一一提倡，聊示鞭影，命名曰「金屑」。時聞龍湖李老冥會教外之旨，走西陵質之，幸老大相契合，賜以詩，中有云：「誦君玉屑句，執鞭亦欣慕，早得從君言，不當有老苦。」蓋龍湖以老年無朋，作書曰：「老苦故也，仍爲之序以傳。」留三月餘，殷殷不捨，送之武昌而別。壬辰舉進士，不仕，復與太史還里，居石浦之上，偕外祖春所龔公，及舅惟學，性長叢，終日以論學爲樂。當是時，太史與公雖於千古不傳之秘，符同水乳，而於應世之跡，微有不同。太史則謂居人間當斂其鋒鏑，與世抑揚，萬石周慎，爲安親保身之道；公則謂鳳凰不與凡鳥同巢，麒麟不與凡馬伏櫪，大丈夫當獨往獨來，自舒其逸耳，豈可逐世啼笑，聽人穿鼻絡首，竟見各不同如此。已復同太史與小修遊楚中，諸勝再至，龍湖晤李老，李老謂伯也，穩實，仲也，英

特皆天下名士也，然至於入微一路，則諄諄望之公，蓋謂其識力膽力皆迥絕於世，真英靈男子，可以擔荷此一事耳。乙未謁選爲吳縣令，始以其學試之政，人皆謂吳門繁劇，而公超脫，或足以困之，乃公洒然澹然，不言而物自綜，事自集。吳賊甲于天下，猾胥朱紫，其籍莫可致詰，飛洒民間，溢于額而不知，公一目了然，摘其影射之條若干，呼猾胥曰：「此何爲者？」胥不敢欺，皆俯首曰：「弊」公俱置之法，而清額外之征凡巨萬，吳民大悅。又不折徵收之封，惟苛兌者許民告白，以其所贏代輸者爲傾瀉費。上官聞而便之，下其例諸邑，悉如吳縣。機神朗徹，遇一切物態，如鏡取影，卽巧幻莫如吳，而終不得遁，故遁詞恆片語而折，咄嗟獄具，吳人謂之升米公事，自非重情，無所罰贖，杖之示懲而已。以故署門酒家蕭條皆移去。縣胥隸之類，或三四爲曹共一役，不食縣官，惟借公事漁獵里閭，公揀其宜用者食之，無所差遺，終日兀坐，不能糊口，皆逃去歸農。有屢投匿名牘者，公出，見縣前占星人，覺黠甚，念必此人也，呼來占星一紙，視手跡與匿名牘無二，訊之立伏，其妙於得情皆此類。公爲令，情次骨，才敏捷甚，一縣大治。宰相申公時行聞而歎曰：「二百年來無此令矣！」一居常不發私書，塵覆函數寸，期年而政已成。會吳中有天池山之訟，公意見與當路相左，居恆不樂，遂閉門有拂衣之志，當事知其不可強，始令予告，俟病痊補職。公旣得請，走吳越訪故人陶周望諸公，同覽西湖天目之勝，觀五泄瀑布，登黃山齊雲，戀戀烟嵐，如飢渴之於飲食。時與石簣諸公商證，遞相取益，而間發爲詩文，俱從真源中溢出，別開手眼。一掃王李雲霧，天下才人文士，始知疏淪心靈，搜剔慧性，以滂滌摹擬塗飾之病，其功偉矣！戊戌太史字趣公入都，始復就選，得京兆校官，時太史官春坊，小修亦入太學，復相聚論學，結社城西崇國寺，名曰蒲桃社。庚子補禮部儀制司主事，數月卽請告歸。

歸未幾，太史下世，公感念絕輩血者累年，無復宦情，時於城南得下窪地，可三百畝，絡以重隄，種柳萬株，號曰柳浪，潛心道妙，閒適之餘，時有揮酒，皆從慧業流出，新綺絕倫，而遊屐所及，如匡廬太和桃花源，皆窮極幽遐，人所不至者，無不到，發于詩文，烟嵐溢毫楮間，蓋自花源後，詩字字鮮活，語語生動，新而老，奇而正，又進一格矣。丙午入都，補儀曹主事，曹務清簡，蕭然無事，乃以存問藩圻，謝公之便，歸里。戊申春暮入都，補驗封司主事，攝選曹事，滑吏多舞文，屬當急選之期，故事掣籤時，凡瑣屑事皆曹即躬爲之，吏無敢近者。一老吏忽排闥而入曰：「每次大選，例與都吏一二美缺，今有某驛缺，已予都吏百金矣，幸以見與！」公目憚之，叱之出，私念曰：「銓事一至此乎！普爲國家除此大蠹。」少宰楊公喬曰：「吾輩身爲大臣，受制胥吏，切齒久矣。」會猾吏私一姻戚，已罷官而仍留之，刻報至，公廉得其故，大憤曰：「如此，則銓柄盡歸此輩矣！」時冢宰擬以疏文而後逮治之，公曰：「此胥吏也，但置之於法，以一知會疏上，則疾雷不及掩耳，雖有與援，將安用之？」遂如言具疏，而猾吏未知也。公令兩隸持之曰：「去！送汝入刑部！」卽繩之以法。疏下，竟以欺罔坐重辟，銓曹設刑具自公始。冢宰孫公知公爲大用器，甚重之。己酉，公主試秦中，試官以避嫌，不過搜求，公通場皆自取閱，所取士大半得之落卷中，及出榜多名士，試錄爲天下第一。公典試後，與左轄汪公可受密以道相證，遍遊秦中諸勝，歷中嶽嵩山，登華山絕頂而還，著「華嵩游記」。居吏曹二年，會考事竣，遂給假南歸，定居沙市，中治一樓，名曰硯北，取段成式「杯瀝之餘，常居硯北」意也。庚戌卒，年四十三。海內知己，謂其識如王文成，膽如張江陵，而不逮下壽以歿，天下惜之。所著詩文有「敝篋集」、「錦帆集」、「解脫集」、「廣陵集」、「瓶花齋集」、「瀟碧堂集」、「破硯齋集」、「華嵩遊草」。

袁中郎傳

若干卷行世。吳縣祀名宦，公邑祀鄉賢。

四

——公安縣志現代散文鈔——

附錄原刻本序文

袁中郎十集敘

袁石公吏部既以筆味大鮮中人舌本所稱錦帆解脫瓶花瀟碧諸集似於古今四部鼎鑿之餘別得內家烹點爲一世韻人之所爭嗜然得其嗜者每慮其所嗜之窮人莫不謂尙有俎上蒸豚盤中荔枝在也於是周九真太學以書癖募書遺編響應從洪慶之北歸詩稿得破研齋集從郁伯承架上得廣陵桃源瓶史諸刻又蒐得敝篋華嵩廣莊觴政及兩狂言合爲十種遂乞慶之手校倒囊投梓以慰嗜者未見之思夫曰未見必有見所未見者如能見石公之所以鑄剔心髓所以咳唾游戲所以思人所未及言人所未至則於未見時已具見理脫曰徒見峭爽明快之爲石公必將以當世結撰爲陳陳相因一切吐棄是以嗜石公者望人人石公而後可也不知石公但可有一使人人石公則天下食指不必爲石公動矣又當知陳必自新因有所授纖穠醇澹各自安排惟應於披陳揀新之間手抽一卷爲常餐飽飫之哀家梨芥山茶中冷水以消送几案庶幾其不負石公不負慶之九真矣乎

海鹽姚士麟叔祥譔

錦帆集序

錦帆涇者吳王當日所載樓船鼙鼓與其美人西施行樂歌舞之地也閱今千百年霸業烟消美人黃土而錦帆之水宛然如舊姑蘇吳治實踞其上此水抱邑治如環乙未之歲余友中郎袁君來宰吳彈力圖民昕夕拮据憔悴之衆賴以頓蘇踰明年君以過勞成疾上書乞歸凡七請乃得解政去君性超悟深於名理才敏剏嫻於詞賦第一行作吏都成廢閑間或觸景起興感事據辭有所題詠撰著越二年亦遂成帙其行也友人方子公稍稍哀次付諸梓問題於君君自標曰錦帆集蓋不佞嘗詣吳署謁君君指此水驕余曰是錦帆涇也吳王霸業之餘我乃得撫而有之不亦快哉而其實君執筆簿書餐沐幾廢勞與余等余因歎曰同一錦帆涇耳當吳王之時滿船鼙鼓及吳令之身兩部鞭箠吳王用之紅姝綠娥左歌右絃吳令御之疲民黎黎朝拊暮煦昔何以樂今何以苦丈夫七尺相肖胡所遭苦樂頓異乃爾雖然人生有涯苦樂有窮惟山水爲無盡操有窮之具遊無盡之間而能與之俱不朽者其唯文章乎君詩詞暨雜著載在茲編者大端機自己出思從底抽據景眼前運精象外取而讀之言言字字無不欲飛真令人手舞足蹈而不覺者嗟嗟後霸業而盡者此水乎與此水而俱無盡者茲集乎夫君齒最少異日名山之業未可泯湮乃錦帆獨託茲集以傳倘亦吳王有知乞靈中郎之筆不靳西施爲君捧研而令揆藻見奇有如是耶余所蒞治百花洲在其前而余日沾沾刑名間不能有所題詠撰著俾此地託以傳也則百花洲之遭不逮茲涇遠甚假使西施有靈問江郎夢中之筆安在不佞無辭置對矣

桃源友弟江盈科進之撰

瓶花齋集序

石公瓶史以諧謔爲文章予讀而好之謂不復有張功甫矣頃又示予瓶花齋集瓶可以史復可以文可以詩瓶何物事乃能發石公奧心如許耶石公深於禪故能悟文者詩之指於教外予不能參石公禪而猥欲定其人陋也然而於石公有窺也石公居嘗語友人文必慕秦漢詩必襲杜陵此自世儒大病夫人自有真面目謂學文者必四乳學孔者必河目隆額無學久矣彼古之人又何所沿而成耶斯言出疑信參半其信者遂亦謂石公自爲文若詩焉耳余獨謂石公之文從秦漢出石公之詩善學老杜者昔人稱遷史文極於酒肆帳簿無不可點化而眉山長公嘻笑怒罵無非文章石公妙得此解隨所耳目俱可書誦今讀其文無一字不肖長公無一字剿長公亦猶長公之於秦漢諸醜醜醜而食者不覺醜醜之即醜醜也故謂石公法秦漢可也其於詩復自出機軸上不爲李杜中不爲中晚下不爲近世王李諸家然予味石公詩而賀奇全僻郊寒島瘦元輕白俗殆無不有夫奇僻寒瘦輕俗數者亦杜有也俗儒直取其高聲壯語以爲真杜愈近愈遠徒令識者嘔噦而石公以有激力矯之甯以病病不欲以不病病故知石公深於學杜者乃所爲真杜也或者曰問道取勝恐傷大家不知少陵初出取其質率大雅者與六朝初唐之婉麗則亦問道也石公於詩自是當行不斬爲大家而大家歸焉背水可陳刁斗勿擊不言正兵而兵屈也善乎司空表聖之論自知非詩詩未爲奇奇天下之道德德逾泥則愈遠相反則相肖故曰謗佛者讚佛者也石公悟矣

同郡友弟曾可前退如讓

破研齋集敘

此袁中郎先生瓶花以後未刻稿也已酉秋友人曹遠生請刻於秦中而邀余作序余以
使事之餘欲暫歸廣陵無須與暇乃於郵亭寄言於遠生曰人多謂中郎之詩俊逸似太白而下筆無一點塵似子
瞻庶幾篤論欲別爲引擬終未有若兩言之肖者遠生其卽以此弁之世有具通眼者自當不昧茲言也

泰興朱一馮非二撰

桃源詠跋

往中郎居長安時每向余誇楚州之遺宛如桃花源上儘堪避世余遂從中郎諱寓內勝境如石投水也竟日忘倦客間常從中郎譚詩中郎之爲詩瑜者十居八九瑕者亦不能無一二詞家爭賞其瑜而中郎顧自負其瑕余愛中郎之瑕甚於中郎之自愛其瑕也暨中郎請休沐歸楚余亦還吳絕無音耗第傳中郎據柳浪以自適也心殊妬之遂築垂露亭於斷橋之堤將藉絳桃綠柳洗濯塵心冀與中郎稱勗敵遇新安潘景升於亭下出桃源詠四十字餘章詠余其詩語翩翩欲僂大脫楚歌猛厲氣習令愁者讀之而快憤者讀之而舒泣途窮悲路岐者讀之如履康莊而就平陸甯止瘡頭痛已邪與千年前離騷氏孤憤語各占一奇毋容簡重余嘗欲過江漢而作楚游遇上官子蘭輩益增憂讒畏譏之感今幸有柳浪主人在則披一簑戴一笠首向漁郎問津者必曹生矣第綠蘿已萎詞壇寂寞恐中郎避地轉深不容桃花瓣從谿水中流出如何如何

桃源詠引

桃源靈境袁中郎靈物如中郎可入桃源源中人尙不知有漢無論魏晉何暇識中郎面目又何暇及中郎詩擲令武陵漁人鼓吹十九首因之以左建安而右元熙款乃沿洄政恐溪老婆婆失笑何物嬰兒啼將山山紅葉盡作金窻止不給違相與謳而粵諸雖然唯中郎可入桃源先中郎或紀桃源爲中郎不可踈桃源世人耳食中郎不如雷不知衡山頂上雲霧中聞雷正作嬰兒聲又有一種耳食詩者鼓吹十九首左建安右元熙而以點次中郎將不比於擊音嗟乎政使鷄鳴犬吠亦復在雲中耳沈郎別中郎來久近得綠蘿主人惡耗悽然爲念得爾詩不能讀

風雨寒窗忽復一展如坐對中郎宜梵唄桃花片片落研席也友人潘景升遂相與譔而粵之曰當遊仙之引爰授殺青僊僊乎二靈景升載半去矣

烏程沈淮仲兩譔

敝篋集序

世之稱詩者必曰唐稱唐詩者必曰初曰盛唯中郎不然曰詩何必唐又何必初與盛要以出自性靈者爲真詩爾夫性靈竅於心寓於境境所偶觸心能攝之心所欲吐腕能運之心能攝境卽螻蛄蜂蠶皆足寄興不必雕鳩驟處矣腕能運心卽諧詞誦語皆足觀感不必法言莊什矣以心攝境以腕運心則性靈無不畢達是之謂真詩而何必唐又何必初與盛之爲沾沾蓋中郎嘗與予方舟汎蠡澤適案上有唐詩一帙指謂予曰唐人之詩無論工不工第取而讀之其色鮮妍如且晚脫筆研者今人之詩卽工乎然句句字字拾人釘飯纒離筆研已似舊詩矣夫唐人千歲而新今人脫手而舊豈非流自性靈與出自模擬者所從來異乎夫茄瓜梨棗之初登於市也一錢一顆人爭食焉而可於口越歲之熏豚臘兔一錢一盞坐客投筯而不肯下蓋新者見嗜舊者見厭物之恆理唯詩亦然新則人爭嗜之舊則人爭厭之流自性靈者不期新而新出自模擬者力求脫舊而轉得舊由斯以觀詩期於自性靈出爾又何必唐何必初與盛之爲沾沾哉中郎論詩之概如此君艸角時已能詩下筆數百言無不肖唐君乃自嗤曰奈何不自爲詩而唐之爲故居恆所題詠輒廢置不錄及其令吳二年移病乞歸友人方子公爲檢其圖書付行李從敝篋中得君詩一編讀而旨於口曰異哉有物若是而以供蠶魚其不盡充蠶魚腹也其猶有物護之歟於是稍稍哀次付諸梓題曰敝篋集夫繼下之桐至音出焉則中郎茲集之謂乎

桃源友弟江盈科進之譔

袁中郎詩集目次

擬古樂府雜體……………一

飲馬長城窟行
長安有狹斜行
結客少年場行
釣竿行
秋胡行
妾薄命
有所思
善哉行
猛虎行
相逢行
悲哉行
門有車馬客行
短歌行
京洛篇
蝦蟇行

袁中郎詩集

目次

升天行
懼歌行
青驄馬
折楊柳
紫駟馬
短歌燕中逢樂之律作
橫塘渡
醉鄉調笑引
劍泉上
浦賦謠
祝雨
西陵橋
宋帝六陵
西施山
入青口三首
玉京澗
別石簣十首

酒正喧蕭君席上作
坐王官谷朋石館得石字
洋溪湖嘲沈青平二首
戲題道士泚
代青溪道士見招
嘲王以明先生
雀勞利歌
採蓮歌
戲別唐客客豐城人二首
浩歌
諸衲送至江干自嘲
戲作三星行送曹子野歸楚時
予亦將歸里
過中山見諸名蹟題清風店壁
石公解嘲詩
潼關題壁
贈李醫者

一

171 首
五言古詩……………一四

哭臨漳令王子聲二首

湘湖蓴菜

出燕別大哥三弟

漸漸詩戲題壁上

戲題齋壁

贈汪咸池乃郎

別鷓散木

陶石簀兄弟遠來見訪詩以別

之

戲題黃道元瓶花齋

初度戲題

答江進之別詩

別江郎

雪夜感懷同黃道元作

別黃道元信筆題扇上

豔歌

仲春十八日宿上天竺二首

山陰道

霧中望山

賀家池

禹穴

第一泄

志別種山閣作

湘湖

姚叔父

送王靜虛訪李卓師

餘杭雨二首

於潛道中偶成

天目道中和陶石簀韻

天目書所見

浩歌登天目峯頂

宿幻住曉起戲題

玉上人

雲上人

微詠戲柬陳正甫

贈潘景升

夢中題尊經閣醒後述之博笑

喜逢海季豹

戒五老峯題石

齊雲巖

石橋巖

贈章子

嚴子陵灘限韻同陶石簀方子

公賦四首

贈李雲峯二首

孟生爲尊慈索詩信筆題四韻

湖上別同方子公賦七首

舟中寄江進之得珠廉字二首

過吳戲柬江進之

答徐伯潤

贈沈飛霞

聽朱生說水滸傳

環翠樓曹平子吳平仲沈飛霞

言別得送字二首

潘景升穀日生同讀公小集得

穀字

過高郵

過露筋祠

過彭城巾西楚霸王

濟寧舟中

德州舟中清明

夜深同伯修月下觀梨花

暮春同黃無淨曹季和黃昭質

家伯修遊高粱橋

三月二十八日曹季和邀遊嶽

祠置酒靈慧寺中

宿西山碧雲寺水亭上

出城觀柰子花遇大風至草公

寺而還同遊爲顧升伯李西

卿家伯修

古樹

送劉都諫左遷遼東苑馬寺簿

夏初黃無淨邀同項玄池諸公

及家伯修泛舟三忠祠

貞壽詩爲馮太史母

古詩爲楊中翰母中翰生十日

而亡其母

別方子公

大人壽日戲作

冬夜集顧升伯齋中劉譚偶成

戊戌除夕

己亥元日晨起

燈市和三弟

二月十一日崇國寺踏月

偶成

看月

遊滿井

裕陵陪祀示潘尙寶王太學弟

小修

崇國寺葡萄園集黃平倩鍾君

威謝在杭方子公伯修小修

劇飲

端陽日集諸公葡萄社分得未

字

和鍾君威花字

和黃平倩落字

和伯修家字

和方子公童字

和小修掃字

吳人求別詩

節壽篇二首

七月廿一日有憶偶題

伯修齋中同汪參知諸兄共譚

贈王以明納資歸小竹林

十景園小集

崇國寺同王章甫小修看月

宿千倬寺東鍾刺史

盤山

盤山頂

遊天門關

贈太宗長老

初入紅螺嶼

眞定大悲閣同王六字年兄及

小修弟登覽有述

遊石洲

和官谷館字

雨久初晴

題伯修齋居

遊廬山初入東林雨中

天池寺

遊佛手巖至竹林寺

途中懷大兄

漢陽蕭仲子參知山亭清話

舟中偶成二首

人日同度門發足上玉泉二首

白香山二十四歲作感時詩余

今正其時矣仍次其韻

天柱峯謁帝

南巖

遊玉虛巖

月下

薤葦

秋夜坐明月水軒同驪散木劉繩

之賦

穀日小集五弟春草堂得數字

限韻

舟中望黃山

九日登高河湫山

穿石

水心崖

桃花源和靖節韻

集小修篋管谷偶成

夜坐讀少陵詩偶成

十二月十七日五弟初度

人日自笑

新晴

初春暴熱過靜者居限韻

庵中閱經示諸開士

喜王以明自村中來同竄方官

谷限韻

別玉以明用前韻

五弟新卜園居余笑曰奈物力

不敷何社中途以為韻作詩

嘲之仍限四章各四韻四首

迎春日舟中宴坐限韻

入春屢作雪不見梅花仍用雪

中韻作古詩悲之

採桑渡

過二酉師舊齋

從軍行

道傍柳

寄子髻

過毛太初見二甥

述懷

夢子髻

狂歌

答李子髻

為官苦

驃陽驛題壁

鄴郡夢中詩

夏日過葡萄園賦得薰風自南

來

三教堂詩為杜總戎日章

方子公自真州入燕客死清源

詩以哭之

秦中雜詠二首

新尙詞

別無念

別邱大

白乳泉

送梅子馬督木北下

別袁中夫

哀傷二首

夢詩

大遊仙詩

經太華二首

邢州道上大風

飲方渭津齋中

避俗

送峨嵋僧清源時源清有檀香

佛刻鏤甚精

黃梁祠

可道人影贊

白鹿泉

戲題飛來峯二首

感興四首

別黃道元

七言古……………五五

數鏡

東阿道中晚望

少王郎爲幼度作

惠山僧房短歌

迎春歌和江進之

江南子五首

美大睡起詞

蘭舟引

西園女兒歌

巷門歌

春江引

春曉曲

述內

答內

湖上

五泄

贈模上人

沈母篇爲蕭山令沈廣乘年兄

賦

過雲樓見蓮池上人有狗醜韭

酒紉詩戲作

又用前韻

題潘生小像生嗜酒時將別

漂母祠

淮陰侯祠

燕子樓

子房山謁子房

題楊粉署小像

花朝日伯修初度

長陵

夏日同江進之邱長孺黃平倩

方丈峨五月江深草閣寒爲

韻余得五字二首

和邱長孺

和小修

和方子公

和江進之

和伯修

和黃平倩平倩有文君盤出以

行酒

顯靈宮集諸公以城市山林爲

韻言

顯靈宮夜歸

邱長孺醉歌和黃平倩

德勝橋水軒集諸公詩

避雨崇國寺三日紀事

戲贈死心和尙死心以秀才出

家

月夜登良鄉塔岡與子公諸友

作別

趙州觀水壁憶真際和尚

賦得斜風細雨不須歸

文殊臺

瀑布

夜臥青玉峽看月

出城至大別寺題壁

舟中夜話贈馬元龍

荊州前苦雪引

荊州後苦雪引

春江引

契劉尙書晉川

和東坡梅花詩韻今年雪多梅

開不甚暢爲花解嘲復以自

解云耳三首

虎耳巖逢不二和尚

隆中偶述

黃平倩至玉泉以書見要偈道

趨之馬上感舊有作

贈陳正夫

和穀字韻

看梅用前韻

代廣陵姬用前韻

借崔晦之過二聖禪林諸衲子

出紙索書戲得猪字

甲辰會榜題名至時舊友及諸

弟在場屋者皆被落因及之

聞省城急報

和東坡聚星堂韻

送惟長先生歸寧途中偶成

午日沙市觀競渡感賦

影長卿自武陵至公安遊甚困

便欲由梁之魯入都歌以送

之

古瀾篇

病中短歌

北邙

自從行別袁水部

長安秋月夜

贈黃道元

白銅兒

長卿內子無如氏繡佛及諸人

物行楷精絕詩以紀之

客有贈予官燈者即席同劉元

定方子公邱長孺陶孝若賦

之

官箴

夏日劉元定邀同顧升伯沈仲

潤李長卿邱長孺集城西荷

亭是日熱甚得暴雨乃解

萬壽寺解文皇舊鐘

蛙飲歎

賦得朱華冒綠池

雲起樓爲澈如賦

畢少參舟中見武錄知邱長孺

被落詩以悲之

宿遷道中阻風和方子公

中山觀長公雪浪石

天開巖

觀音庵爲一心隱齋上人題

子佛堂爲玉輪上人題

般若臺爲無懷上人作

西林庵爲從石上人題

集張園分得對字

步小修韻懷景升

從軍行贈程生

達摩影石

過浙陞河

綠雲庵爲蒼麓禪人題

河陽

驪山懷古

五言排律………八一

涇陽驛見王子聲壁間韻愴然

有述

賦得野竹上清霄拈三江韻和

五弟韻

王回先一夕尙痛飲叫笑如常

時侵曉三弟來云回病且革

以爲戲也急往觀之回奄然

逝矣遂爲長律哭之

法華菴同諸開士限韻

又次前韻

旃檀館雨中限十一韻

香光林卽事用前韻

法華庵雨中諸公以詩相角限

六韻

雪中限韻時寓沙市同度門作

二首

雪霽後仍用前韻

舟中看月仍用前韻

舟中風霜遲蘇潛夫遊玉泉不

至和客韻二首

題曾太史退如慈齋用十三覃

韻

小齋有隙地植花木數本同孝

若寓庸賦得松字

夏五望日興德寺紀遊得興字

集元定行妃齋再賦得原字

元定齋不甚寬而布置有態器

具亦精餘興未已仍用原韻

賦贈兼訂後來之約

夏日城四月張園見荷花得蓮

字

遊金山寺見舊作有述同遊者

兩謝君方子公張明教及董

子二仲也

過三橋莊莊在真州城西余舊

遊地也今屬潘稚恭

重九日發釣魚臺限韻

至日集山響齋送陶孝若論禪

門限韻三首

上元日同王遣狂過燈市得來字

別恨篇爲方子公賦

舟中與諸上講人亡友潘雲松

事詩以紀之

五言律……………八九

蘆溝道中

良鄉道中懷弟

宿涿州

河間逢北去人寄書口號

夜行

郵亭不餐

高唐道中

遷膝贈舍尹趙年兄乾所

舟中

舟中同黃綺石沈廣乘湯鄴陸

賦

往有誣傳龍君御死者作詩哭

之後讀塘報始知君御方立

功塞上喜不自勝因并前詩

存之以識交情

附哭詩三首

鶴林寺和尚

舟中

同江進之登金山二首

渡太湖

泊西洞庭

東山晚望

乞歸不得

紀宦

初杜門

齋居戲題

戲東江進之

惜日

任意吟

荒園獨步

病起

夜起

偶成

獨坐

述懷

和江進之寒山寺之作二首

初夏同江進之坐孫內使池臺

感賦二首

登陽山

飲徐參議園亭

贈江進之八首

邱長孺二首

張伯起

曹以新

張幼子

皇甫仲璋

劉子威二首

縣齋孤寂時曹以新王伯穀黃

道元方子公見過有賦

題方子公蓼莪館

歲暮卽事

除夕同王伯穀皇甫仲璋方子

公衛齋守歲

元日述懷

元日方子公對弈

述懷

病痊

苦雨

宿惠山僧房二首

初時

偶成三首

寄江進之

嘉興道上過古寺

嘉興道中

過龍井

飲湖心亭

靈隱路上三首

過靈峯

過龍井

去湖上

天真書院陽明講學處

初至紹興

吼山觀石壁

蘭亭

諸暨縣

贈高峯

贈海禪

宿雙清莊贈印上人

贈蓮小師

潘庚生館同諸公得錢字

贈景升

宿落石臺山房二首

泛溪

新安江十首

贈心湛一小師

拜長耳和尚肉身

憩法相

留別黃道元

戊戌元日潘景升兄弟偕諸詞

客邀余及洪子崖知縣踏青

真州東郊以雲霞梅柳句爲

韻余得度字

淮安舟中四第

宿房村

徐州道中

濟寧守邀飲南池

青縣贈潘茂碩

入燕初遇伯兄述近事

尊經閣偶成

學齋留梅子馬

送張西篋之任羅平

遊滿井

劉常侍水軒四首

尊經閣偶題

雙寺逢本上人

坐小修齋中

送白敦諭之昌邑

送艾敦諭之鎮安

冬日雜興四首

美人臨鏡四首

送武岡州判張子之任

人日

穀日懷潘景升

題龍騰山房

王氏雙節
花朝日白蘇齋看梅
昌平道中
謝在杭鍾樊桐諸兄集郊外
送李湘洲使浙
秋日集江進之王以明方子公
王章甫小修飲崇國寺
九日大慧寺登高遲家伯修黃
平倩不至
過通州
寒溪道中
叢臺
雨中過王官谷香光林二首
風柳
和王以明山居韻八首
柳浪館月中泛舟
瀟湘舟中別禪人
岳陽舟中同諸上人語
漢陽遇邱長孺二首
舟中逢周行可

登平山閣同江浦諸友論文
將抵家園作二首
冬盡
除夕觀諸公飲
雪霽看月和度門韻時將發玉
泉
舟中元夕偶談郡中舊事
元夕舟中同馬元龍夜話
荊門道中二首
峴山道中聞頌汪使君德政詩
以紀之
入瓊臺觀二首
智者洞
龍灣市
生女
元日書懷二首
偶成
月下偶成
夏五雨不止
賦得風雨亦來過

早秋曉行入寺
秋夜獨坐看月
柳浪雜詠三首
八月十二日同諸公看月水軒
柳浪雨中時親朋多自塲中歸
兩弟白文戰歸
和散木韻八首
再和散木韻八首
九月二日盛集諸公郊遊至二
聖寺仍用散木韻八首
九月初五日得三弟京闈第三
報志喜仍用散木韻踐前約
也八首
舟行黃金口同散木王回飲
又九日偕諸叔及諸季昆散木
陳正夫王回登高孟溪劇飲
和散木登高之作
村居雜題二首
散木和前詩仍用韻答二首
再和散木韻二首

集泚青平齋限韻二首

齋中閒夜小集二首

歲暮書懷得風字二首

次峯字韻二首

小竹林蠅梅盛開兼贈主人

和僧韻因贈

甲辰元旦飲劉繩之梅花下聽

歌時一納在側

花朝月下泛舟限四韻

清明

石馬莊夜集得封字

竹林限四韻二首

竹林爲官谷物今屬小修四歲

中凡三易主矣余頻年與作

故後半以自箴仍用前韻

偶成

湖上碧甃樓落成

暑中舟行入村舍愴冷雲及明

教居士二首

初入村居二首

七月六日

山中

山中限韻

中秋惜諸納泛舟洞庭

秋夜宿德山絕頂翫月前此看

月江上頂有善卷壇

龍君超邀余過新置山莊莊在

翠微中甚幽僻四首

德山遍入諸巖壑

夜入桃源縣月中

望滄蘿山有懷江濠蘿

題桃源縣

入桃花源四首

九月二十九日同羅服卿及社

中諸兄弟登高二聖寺二首

服卿訪余柳浪不過俟我沙頭

既歸服卿且至遂用韻答之

唐堯胤自貴竹過訪用君御韻

贈奉

唐堯胤以詩見授用韻奉答

閏九月一日羅服卿唐堯胤王

以明劉繩之王連玉及方平

無煩兩弟夜集齋頭得成字

燈下觀菊花影同社中諸友賦

八首

五弟清梵閣落成閏九月九日

同鄒伯學王闡然王連玉劉

繩之方平弟觴其上得清字

過五弟天花館同郝公炎王尙

父小酌

月下坐小閣

秋夜痛飲李上舍家和公炎韻

郝公炎邀過禪堂訪諸高衲二

首

過法華練若

夜話清梵閣限韻

看諸友弈二首

風林織月落四首

夜話春草堂限韻三首

喜蘇潛夫至柳浪座上限韻三

首

集方平弟綠蔭堂古槐下卽事

限韻

小修久住沙市蘇潛夫遲之十

餘日矣雨中集劉繩之高齋

小修忽至賦得十灰

賦得裙拖六幅瀟湘水

賦得歡場害馬

乍寒集王連玉宅小飲

丈石居小集送潛夫

送郝公炎南下

外甥毛雲花燭詩

夜起同廖道人扣王生門索酒

酒行而雷大作衆皆辟易余

與益豪子夜乃休二首

會長石詩來約以寒食見過用

韻答之

苦雨

會退如太史返棹江千雨甚宿

楊上舍家令門僧持卷來觀

夜坐有懷敬題其末二首

泛舟便河二首

送蘇潛夫北上

遊章臺寺和小修韻四首

夏日同龍君超傳中執蕭李星

龔散木彭長卿崔晦之小修

王小白泛舟便河得橋字

又和龍君超韻

劉元質宅宴得金字

龍君超邀集章臺以看花臺爲

韻三首

病起新齋見月

林蘭閣同王以明先生及尙父

謝道人小集偶成

醉歸示凡公饗泉道人

當陽僧來邀遊青溪紫蓋諸勝

二首

登遊遊塚有感示凡公饗泉道

人

將入青溪值雨雪凡公有詩見

促用韻答之

送雪照還吳

又代作

暮鳥投林和張明教三首

乙巳除夕

春日同謝于楚周觀國小修李

澄之王尙夫崔晦之劉繩之

過智者堂訪度門法師

諸納見過

哭江進之十首

送周觀國還會稽兼寄陶周望

兄弟二首

會雷二太史過柳浪用杜韻二

首

黃平倩久無書有僧自蜀來傳

其厭世余不信數日後陶周

望書來云聞平倩有疾求消

息於余余謂小修曰必無他

詩以志之

西來僧云平倩初病瘵今已痊

復志喜

夏日同鵬散木能者崔晦之鄉

伯學李子髯攜妓泛舟和尚

橋二首

病起獨坐

病起偶題四首

花朝卽事

江漲

卽事

秋屏

夏日泛舟

得李宏甫先生書

冬菊

江行

登臺

除夕前八日

夜坐別彭子

社中

小齋

迎九

憶蟹

夏日同鵬君超君善家伯修郊

外小集

宿村中

示社友

同鄒伯學過崔晦之村莊

送周尙寶左遷海澄典史三首

九日江上小集

偶成

郊行同鵬散木能者鄒伯學

嘉魚李太清書齋

夏日鄒伯學園亭

夏日卽事二首

夏日同鵬能者崔晦之鄉伯學

納涼李子髯中高柳下

偶題

寄沈介庵

初秋

秋闈

漫興二首

江崩及城

寄散木

寄楊敦初二首

憶弟三首

登高有懷

過古寺

宿僧房

憶弟三首

異僧

出郭

江上

郊外小集二首

三弟同志喜四首

花朝呈伯修二首

京師夜坐

北行道中示弟

挽蘇母

秋夜感懷

余山居六年矣丙午秋復北上

臨發偶賦

過荆門觀蒙惠泉

石橋道中

襄陽道中逢龍君御君御節鎮

西甯便道省太夫人

壬辰秋日余與伯修兄先後出

都門至鄧相及同宿州署今

相去十五年伯修厭世亦六

年矣電火驚心山川觸目因

書數語兼示小修方平兩弟

鄧城道十首

遊崇國寺得明字二首

惠安伯園亭同顧升伯李長卿

湯嘉賓看牡丹二首

浴佛日劉元定邀諸公偕遊高

梁橋得爲字二首

月夜歸來與長轡道舊仍用前

韻

偕曾退如過淨土庵

湯嘉賓以使事入江西將遍遊

名勝賦詩送之四首

早起入朝書冊午間衝暑走城

外送湯嘉賓晚赴劉元定飲

時諸公已半酣賦得原字

夏日城西園亭聞蟬得陰字三首

苦雨吟和曾退如四首

中秋泊潞河看月同子公雲影

賦四首

潞河舟中和小修別詩十首

滄洲逢瞿太虛運使問及近事

偶題二首

德州舟中逢沈何山二首

偶作

下邳舟中和子公

集平山堂用平山字爲韻偕遊

者方子兩謝生也二首

鄒子尹偕僧秋水見訪門者不

知却之相見乃一笑

雪中投宿棲隱寺寺去大冶五

十里在亂山中三首

立春日金牛道中

漢陽過王章甫葵園和二仲韻

舟中除夕憶李安人

王章甫送余石頭口因共遊赤

壁章甫將歸讀書九峯山三

首

柳浪館雜韻四首

過藕花莊

夏日同顧朗哉居士王還狂遊

謝公巖主人于野宗侯留飲

二首

登定州開元寺塔二首

黃竹石入都作別

殘冬選曹乏人戴星出入不覺

過春感賦

初授司功副郎

寒食高梁橋

暮春偕蘇潛夫邱長孺李茂賢

僧寶方雪照出郭

暮春同王以明邱長孺蘇潛夫

魏二方游韋氏莊得寬字三

首

飲渭南郭外水亭

喜小修至四首

與小修夜話憶伯修

百六詩爲邱大賦五首

赴棲霞

攝山紀遊二首

小集張伯質齋頭

問方子公病二首

送李季宣北上二首

日暮

望鄉

偶成

送蘊璞之通州

憶潘景升

寄伯修

卽事

揚州曉泊

卽事

賦得迷樓

小集吳嗣仙齋頭

集喬光祿齋頭

飲王太古館中

偶成

感懷作

雪中

閒行

雪中看月

無題

讀書

閒居

乍晴卽事

偶成

劉侯宴

陶石簣書致

何茂倩索遊吳詩

子公貧病口占乞笑

揚州舟中晨起

送洪子崖之歸化縣

丁酉除夕

登蘇門山泛舟百泉二首

和朱非二山間作五首

偕朱非二入少林至初祖洞

話無言上人方丈

山中逢老納少時從征有功者

次良鄉

次定州和壁間韻

定州見拙詩榻戲題

宿趙州

曉出柏鄉

書所見

隋陵壁間見黃平倩詩悵然有

懷和韻

灑關題壁

偕朱非二汪以虛段微之雨中

投興教寺望南山三首

過華清宮浴湯泉六首

再泛百泉

浪歌(附)

灑地和平倩壁間詩二首

七言律……………一六四

登焦山

病中和黃道元至日禪寺夢愁

詩

別王百穀

閒居雜題六首

皇甫仲璋邀飲惠山上二首

元宵飲華中祕宅上二首

飲華中祕園亭上

得罷官報

遊惠山作二首

和沈飛霞代老嫗別用原韻踏

堤曲四首

飲第六橋酒壚上

遊虎跑泉

贈虞德園兄弟

雨中過蘇二首

廣陵別景升小修

秋日同梅子馬方子公飲北安

門

伯修齋中

齋中偶題

閒居六首

戊戌初度四首

贈黃平倩編修

十六夜和三弟

和陸放翁初春遣興

遊高梁橋

暮春同汪生謝生小修遊北城

臨水諸寺至德勝橋水軒待

月二首

和韻贈黃平倩

卽事和韻

送顧升伯出使還吳二首

送夾山舅令太原二首

送黃貞父令進賢

邱長孺自塞上來

和江進之雜詠四首

繁臺張昭甫給諫竹居王孫邀

飲留別

柳浪館二首

雨中坐方平弟旃檀館卽事

伯學齋中話舊感賦

別程彥之歸吳

夢中得詩醒記中二聯足成之

坐王章甫水明樓

赤壁懷子瞻

寒香

無念同余迎先伯修賦此爲別

寄黃諭德平倩兼申玉泉之約

初正偶題

久不到沙市感賦

久雪忽晴喜而有作

示度門

放言效白五首

卷中見亡友王官谷姓字感賦

二首

苦雪戲作

新買得畫舫將以爲庵因作舟

居詩十首

期蘇潛夫游玉泉竟月不至及至而余復以大人病瘡歸于其行也以訊之

花朝和坡公韻

是日新晴

述舊西山下有門頭村多精藍

習池道中

七真洞贈道者

長生巖逢休糧道者

秋日柳浪館雨中王以明劉繩

之見過

館中再用前字寄王以明

鵝塘

山居

九日偕諸弟及僧泛舟至和僧

橋

玉泉寺

哭夾山先生時先伯修歸窆

余蔬食三年矣偶因口饑遂復

動葷軼爾有作用呈諸納不

獨解嘲兼亦志愧云爾

柳浪初正

舊太守徐濱岳觀察岳陽偶道

敵邑詩以送之

代送徐觀察

和萃芳館主人魯印山韻五首

柳浪偕諸客偶題時午節將至

題澧州沈大夫加恩冊

謝魯印山惠舟兼答來什

書尼以濟川見期非所望也因

述鄙懷以報

湖亭對月述懷同散木賦

中秋對月同散木作

偶成

寄小修

山中舊齋

答魯印山見賀新居之作

癸卯初度筵中示社友及兩弟

集五弟春草堂

浣溪莊落成同社中諸友賦二

首

賦得溪上落花

余友黃鶴生與所暉相去二舍

爲置符以召各藏其半題曰

花信風社中雜其事作詩詠

之二首

雨中集鵬名世平遠樓

四弟旃檀館卽事

和散木韻二首

集子靜水明樓聽歌仍和散木

韻

散木方鰥誓不娶詩以嘲之仍

用前韻

偶成示衛道人用前韻

竹香二首

喜小修至自燕

碧鮮樓小集談養生

偶成

入德山舟中借寒灰冷雲雪照

諸納及雲影居士月中有述

龍君御載酒過德山見訪一別

十三年矣感念存歿不覺悽然已復自笑舉觥相樂遂大醉

德山東劉憲使二首

別君超君御兄弟

托龍君超爲覓仙源隱居詩以寄之

質簞谷七夕露坐

送唐堯胤北上

送羅服卿還夷陵兼柬陶孝若

年兄

閏九月菊

過田我在鶴墅

初冬夜同郝公炎觀常木閒譚郡人來言楚事久未得旨感賦

二首

月下過小修淨綠堂試吳客所

餉松蘿茶

甲辰初度四首

五弟生日同諸公集春草堂得

文字

又次三弟韻

立春日偶題

梅花二首

乙巳元日

寄黃平倩庶子二首

寄會長石太史

春分忽大雪同小修賦

乍晴述懷

長石過訪共宿二聖禪林次日

至柳浪遂有三峽之約

陶不退以容城諭丁內艱歸漢

中至敵邑殤其令子遂整焉

於其行也詩以送之二首

送君超兄還武陵二首

龍堂招提觀影戲精緻妙解前

此未有汪師中龍君超皆有

作三首

謝于楚陶孝若見訪柳浪得風

字

謝于楚由川入楚將東歸歎復

北上有姬在燕也

雁字十首

錢王以明赴南都試

會退如雷何思過柳浪湖時退

如初度有詩見示次韻答之

和退如舟中韻退如訪道回家

有新姬併以爲嘲

初夏同惟學惟長舅尊遊二聖

禪林檢藏有述四首

萬二西老帥有垂老之疾感而

賦此萬里中老儒余家父子

兄弟祖孫皆從之遊其人可

知二首

傷周生

送鄰金吾游白下時寓武昌

飲彭山人

寄贈

偶成

卽事

辛卯元日

感王齋庚

寄李子翥

送莊冲虛使粵

江上送別

韻惟長侍御舅初度

贈散木和小修韻二首

別閩人王生

感事

歸來

哭兆孺二首

寒食飲二聖寺

送焦弱侯老師使梁因之楚訪

李宏甫先王

郊外送客卽席

郊外水亭小集三首

送南粵使

別李年兄

上巳日東惟長

懷龍湖

將發黃時同舟爲王以明先生

龍散木家修伯小修俱同訪

龍湖者

阻雨

贈嘉魚李太清

龍潭

惠泉見黃平倩大書作字時余

同在玉泉今五年矣

宣城飲王舍人家留別

送君御憲僉兵甘州四首

壽雷元亮母太宜人

惠安園亭看白芍藥

湯嘉賓邀同顧升伯李長卿唐

君平遊章橋別墅

五月十二日會退如生辰以詩

見示聊述二章奉報二首

和退如初度譚仙次韻

送曹遠生進士左遷宜州典史

與元定孝若同話歸計用扇頭

韻

秋日苦雨和退如太史四首

七夕同方子公蔣子厚弟小修

避水樓居

爲耿華平題先公冊先公居江

陵時以繡衣直指錄囚不及

格被謫

劉元定齋中別諸社友時余有

內人之戚

早春過葵園次蘇潛夫壁間韻

余往過此八年矣

登晴川閣望武昌

夏日馮明甫郡公招遊謝公巖

同顧朗哉處士于野宗侯刺

飲分韻得千字

卽席用韻贈于野宗侯

又贈朗哉仍用前韻

七夕招黃道元邱長孺陶孝若

張柏質王遺狂十弟平子飲

小齋得衫字道元先以詩來

率爾奉答道元永嘉人余時
以儀曹改司封

中元日夜歸卽事仍用前韻

暮春偕同署諸君子飲郭外

暮春遊韋氏莊憶十二年前先

伯修暨顧升伯李長卿偕遊

此地今伯修去世八年顧李

二兄新以言去古人云未免

有情誰能遺此潸然久之

壽畢侍御兩尊人

初夏偕同署諸君子飲西郊池

亭仍用前韻

贈作贈方子

冬盡偶成

別小修

王太古令郎有父風卽賦

卽事時京使至

丁酉十二月初六初度九首

遊仙詩爲胡仲魚作

崔氏女拜無念學道戲東念師

雪夜感懷

侵曉見閩人禮懺

放言效元體五首

得家報

登華一六首

華頂示同游博道人

岳頂歸至青柯坪示同游道人

登太室絕頂

觀廬岩寺瀑布二首

贈登封令傅元鼎

嵩陽宮古柏封於漢非漢物也

都玄敬以爲三代時物信然

石淙二首

將入秦試士諸同舍別於西郭

水亭得魚字

入超化寺水村

青樓曲

五言絕………二一九

虎邱三首

嚴陵四首

偶作

別無念八首

滴瀝蓬書壁

別洪子兼寄吳臨川

龍湖帥八首

附龍湖答詩八首

同無念過二聖寺二首

十二月十八日至新陽舍舟從

與國走咸甯道出金牛鎮山

路如刀脊飛雪浸空與人艱

窘蹙不能步然千峯雪綴或

如鴉鷂或如積瓊亦行役之

一快也道中隨事口占遂得

十六絕句十六首

途中口占三首

江上見數漁舟爲公卒所窘二

首

途中口占六首

六言絕………二二七

與會退如過葡桃園話舊偶成

四首

七夕偶成二首

題尙覺和尚卷

七言古絕……………二二八

題劉生

病中見中秋連日雨東江進之

小婦別詩四首

初至西湖二首

湖上遲陶石簀戲題二首

桃花雨

湖上贈錢塘湯令四首

徧虛

經下邳

紀夢末句遲之德州詩

梨花初月夜

秋日同梅子馬方子公周承

明飲北安門水軒

天壇四首

香山

昌平道中

兒開美殤江進之書來始知四

首

得舍弟徐州書二首

遺姬

羅隱南王章甫小集齋中話舊

事偶成四首

燈市

柳枝詞

盤山道中嘲竇方死心寂子三

和尚

石雨洞

紅螺嶼道中紀事三首

過黃梁祠二首

宿朱仙鎮四首

看梅二首

送臨湖成公還至源寺寺時有

火災四首

送蜀僧往南海

法華庵看月江老衲移柏樹五

首

王闈然館中看梅三首

柳三首

祇園理藏完三首

過赤壁

大林寺寶樹二首

題天池後嶺

山中逢寺僧七首

明空住柳浪五月附舟南下別

於歸宗道上因作柳郎三疊

以送之三首

過歸宗寺

蕪湖舟中同范長白念公看月

三首

采石峨眉亭三首

白門逢焦師座主二首

侯師之水軒二首

八月六日舟中憶去年此日與

大兄都城歸義寺別泫然念

及大姑自云明歲二三月當

還出籠不速因大笑而別今

大姑與兄俱逝矣哀哉五首

齋中偶同諸友作時菽

除夕偶題二首

壬寅元日

元夕度門出宮中月餅同賦三首

竹枝詞十首

食荷時方正月七首

侍家大人游太和發郡城借遊

者僧寶方冷雲尹生也三首

習家池

大堤女

題紫霄太子巖

七星巖

關公祠

除夕有感

擬將

范生善形家言自山西還將歸

豫章詩以送之三首

遊石洲二首

柳浪館同鸚散木小修賦得雪

中新柳

戲題十姊妹花

水仙祠

看紙鷂

甲辰午節觀競渡二首

吳生貧甚所遭軋奇詩以送之

二首

甲辰中秋後二日禮德山鑑大

師塔偶成四偈示同行諸衲

四首

德山遇大智龍湖舊侶也二首

答龍君御見憶之作君御詩云

我家德山不得住故末句云

云用博一笑次篇聊爲解嘲

亦可作一段公案也二首

德山聞長嫂去世慟念伯修感

而有作二首

夜深不寐起視星文遂成謎語

戲別君御兄

答君御諸作四首

伏波將軍避暑石室二首

桃花流水引十首

竹枝詞時阻風安鄉河中四首

送寒灰入參上兼訪陳遇卿四首

乙巳初度口占二首

江上二首

過康節先生安樂窩

擬作內詞八首

夜飲鄒金吾家

見宮監走馬

登嘯臺

聞齋

戲題君山

余凡二度阻雨冲霄觀俱爲訪

龍湖師戲題壁上二首

黃昭質憲使得銅雀敗瓦割而

爲三一以寄乃兄平倩其二

遺余及小脩弟四首

惠安伯園亭看芍藥開至數十

萬柳述數絕以紀其盛兼贈

主人四首

衛河道中和邱長孺惜別八首

和曾退如別詩次韻二首

丁未初度泊池陽自壽兼憶李

安人二首

舟中聽王姬彈琴

雪中看山二仲呈詩一章後來

似亦粗能者喜而有作

廿三日至蒲圻謝中丞出迎時

年九十二鶴髮丹容尚能騎

乘真人中端也口占二絕以

紀其盛二首

謝公伯子京兆君時年七十趨

走膝下有若稚子凡謝公拜

起俯仰皆京兆君扶之

天甯州逢老僧百一歲三首

元日登王章甫水明樓二首

借王章甫陳公弼登黃鶴樓二

首

峴首山觀羊叔子墮淚碑

博望驛

王郡丞邀飲陽和樓二首

中山劉刺史邀飲西溪

杪秋陪祀山陵同陶孝若黃道

元謝響泉入僊人洞洞奇絕

去馳道二里許

嘲道人白鬚四首

蘇潛夫侍御買燕姬爲賦合歡

詩四首

閒閣試題爲蘭亭脩禊圍效作

二首二首

送醫者黃生謁東諸侯

送從軍羅山潭大足

散木至自公安

送顯宗禪師南歸二首

花燭詩爲顧小侯所建作時所

建娶婦已五年二首

廣陵曲戲贈黃昭質時昭質校

士歸四首

題潘稗恭小像 首

子公貧病無日開顏閱坐舟中

口占乞笑

題方醫卷方歛人客高郵

公超谷

希夷峽二首

同心石

千尺嶺至百尺峽

胡孫愁

擦耳岩

蒼龍嶺

衛叔卿博臺

希夷避詔岩

望嵩少二首

嵩陽宮古柏二首

中元夜枕上有憶

宿華州公署

華州公署古槐大可四十圍蓋

二百餘年物也余題之日國

槐詩以記之

袁中郎詩集 目次
密縣天仙廟白松四首

袁中郎詩集

擬古樂府 附雜體

樂府之不相襲也。自魏晉已然。今之作者。無異拾唾。使李杜元白見之。不知何等嘲笑也。舟中無事。漫擬數篇。詞雖不工。庶不失作者之意。具眼者辨之。

飲馬長城窟行

長城水鳴咽。夜夜作秦語。問子何代人。防胡舊軍旅。冤魄滯孤魂。不得歸鄉土。白水洗白骨。酸澆水酸澆。洗多成黑流。水性毒於蠱。立馬古戰場。長嘶待天雨。

長安有狹斜行

按金駒。立長溝。枇杷落盡菜萸秋。山西女兒帕勒頭。面上堆粉鬢堆油。二十五絃彈箜篌。猩紅衫子葡萄袖。笑問南裝如此不。

結客少年場行

結交徧四海。鄉人無半識。恥納無意儒。寧結有心賊。白手一布衣。喜怒關通塞。將相每在門。望氣如望職。易卜天昏晴。難候君顏色。頭顱可擲人。一顧不可得。

釣竿行

嚴灘一絲名。渭水一竿勢。所釣非所求。巨鱗安得至。不如無名子。心胸少根蒂。朝隨鷓鴣歌。夜引魚蟹醉。探水

如探甕。隨手得鱸鱖。鮮蔬煮活魚。無鹽亦有味。

秋胡行

堂上姑。待汝哺。袖中雖有金。不堪贈彼姝。妾懷如日。君情若泥。路旁之心不自保。安保他國無蛾眉。沙浩浩。水咽咽。妾死情不死。節。河水如可竭。妾腸當再熱。

妾薄命

落花去故條。尚有根可依。婦人失夫心。含情欲告誰。燈光不到明。寵極心還變。只此變蛾眉。供得幾迴盼。看多自成故。未必真衰老。辟彼數開花。不若初生草。織髮爲君衣。君看不如紙。割腹爲君餐。君喚不如水。舊人百宛順。不若新人罵。死若可回君。待君以長夜。

有所思

人生如驛騎。往復無停勒。胸懷無盡絲。漫天作虛織。秋霜與春風。乘間遞爲賦。衰老迫紅顏。白髮傳消息。積雪填枯井。井深填不得。肩稜萬斤重。白日沈幽墨。欲行戒險難。欲飛防翰弋。

善哉行

今日相樂。式舞且歌。鷓絃鐵板。白面青娥。食羔以七。盛酒以盆。刀鑕亦厭。何必河豚。儒迂墨儉。跖非堯是。善哉諸君。請入禪裏。讀書不成。學仙寡效。隱腹鸚枝。從吾所好。

猛虎行

甲蟲蠹太平。搜利及邱空。板卒附中官。鑽篠如蜂蟻。蟻換不敢問。州縣被訶斥。槌掠及平人。千里早沙赤。兵衛與郵傳。供億不知幾。即使沙沙金。官支已倍蕪。蠶徒多剽盜。嗜利深無底。一不酬所欲。忿決如狼豕。三河及兩浙。在

在竭膏髓。焉知疥癬憂。不延爲瘡痂。

相逢行

行行卽曲巷。曲巷多蒿草。隄路掠蛛絲。讀書歲月老。壁上榮啓圖。手裏黃石綿。當盡三時衣。不直數緡錢。兒女無權著。常時煨故紙。稅地植桃花。十樹九樹死。君莫悲腐草。腐草發光耀。元靈長冬青。白髮做年少。

悲哉行

石馬立荆棘。荒城叫老狸。昔時冠帶人。唯有鶴來歸。宿志慕長生。朋黨盡刺譏。父母不我容。碧海三山飛。朝牧老君龍。莫守劉安雞。仙家歲月長。桃子三垂枝。歸來見荒塚。半是孫曾碑。城池百易主。族里無從知。古人悲夜舖。今我亦似之。白骨不可語。鶴歸空爾爲。

門有車馬客行

門有車馬客。錦欄烏紗巾。寒毛接短鬢。絲絲沙與塵。問子何勞勞。上書西入秦。八年始一命。官卑不救貧。冒霜揖槐柳。望灰拜車輪。一身百糾縛。形如一束薪。手纏不自解。利刃寄他人。庶與藥同餐。雖甘亦苦辛。

短歌行

酌君易州之清醞。被君吳閩之織縞。男兒二十無所成。腰肢一半沒青草。趁輕健。買駿裊。哭聲多。笑聲少。黃金蕩盡君莫嗔。古來餓殺幾賢人。

京洛篇

煌煌京洛城。朱衣喧廣道。白首賤書生。驢糞掛詩草。懷刺謁恩門。門卒相輕眇。十上十不達。登街顏色槁。疊身專貴公。習諛苦不早。罩眼一寸紗。茫茫遮人老。

餛飩行

餛飩出潢潦。道逢東海使。魚服而介身。呷浪以相戲。物微恐見侵。跳波爭努臂。東陂招能兄。西谿喚螺弟。水蟲萬餘種。各各條兵議。聚族鼓鱗鬣。不能當一噓。

升天行

乘赤霧。鞭鸞輶。路逢王子晉。玉簫已吹折。織女弄機絲。餘緯爛霄闕。下土囂風民。誤喚作雌霓。張翁老且耄。止多媿。侍仙三萬年。不曾見陸準。真人多竄左。天狐餘擊。羲御失長鞭。牽牛嘆河竭。

權歌行

妾家白蘋洲。隨風作鄉土。弄篙如弄鍼。不曾拈一縷。四月魚苗風。隨君到巴東。十月洗河水。送君發揚子。揚子波勢惡。無風浪亦作。江深得魚難。鷓鴣充餿膳。生子若鬼雛。穿江復入湖。長時剪荷葉。與兒作衣襦。魚苗風。洗河水。皆長年語。

青驄馬

青驄馬。九尺強。百金買。千金裝。雙蹄不著地。影滅如飛翔。借問冶遊郎。何爲在他鄉。下馬立青槽。手提碧珊瑚。千喚不知人。盡眼眇當壚。當壚豈不治。褰衣愁曉露。五步一停驄。十步一回顧。客從遠道來。贈我青鸞帶。交頸復同心。白石青松在。東家好女秦羅敷。西家蕩兒馮子都。鸞鶴只愛毛翎好。那知水底有鷓鴣。

折楊柳

黠陽二三月。楊柳枝參差。每逢雙燕子。憶得別君時。憶得別君時。蓬窗翳柳枕。君行佳麗地。何人薦君賦。越女性如綿。吳妓情似紙。夫君浪子心。吹作東西水。前月父書來。道君遊淮北。今月見君字。知作江南客。江水自清流。照

君不照妾。

紫驪馬

紫驪馬。行且嘶。願爲分背交頸之逸足。不願爲追風絕景之霜蹄。霜蹄滅沒邊城道。朔風一夜霜花老。縱使踏破天山雲。誰似華陰一寸草。紫驪馬。聽我歌。壯心耗不盡。奈爾四蹄何。

短歌燕中逢樂之律作

下馬一言。不及暄寒。昔年毛羽。今日肺肝。我懷如痿。君懷幾許。登堂直視。無心可舉。明月浮空。清霜墮地。將軍北園。金吾西第。羅屏畫掩。金疊夜開。呼盧射覆。飛爵流杯。吾爲若舞。若爲吾歌。劍去龍沉。逝將奈何。情長刻短。爐寒火青。敬尊亂筴。誰是主人。鷗飛九萬。爲鷺鳩笑。我欲攜君。連翻梅嶼。

橫塘渡

橫塘渡。臨水步。郎西來。妾東去。妾非倡家人。紅樓大姓婦。吹花誤唾郎。感郎千金顧。妾家住虹橋。朱門十字路。認取辛夷花。莫過楊梅樹。

醉鄉調笑引

無懷十六傳。乃至酒聖人。其道尙清淨。無爲而化成。周公作酒誥。流言幾禍身。宣王不得已。乃爲述酒經。經曰。天有酒。則不傾。國有酒。則不爭。有王者起。必世而後仁。何用導以德。齊以刑。但當引酒爲河。果麴爲城。日月所照。霜露所墜。凡有血氣者。莫不醉醒醒。死兮不知死。生兮不知生。沃殺知巧鬼。何愁不太平。

劍泉上

劍泉上。山如黛。劍泉下。水如佩。一片青。闕人代。鬼竊窺。山巒巒。生公法。今何在。真娘墓。遙相對。一日計千舟。一

舟計萬錢。寧負公家稅。莫負少年年。女可鬻。妻可徙。石上歌。應不止。

通賦謠

索逋賦。逋賦索不得。不是縣家苦催徵。朝廷新例除本色。東封西款邊功多。江淮陸地生洪波。內庫馬價支垂盡。民固無力官奈何。蘇州舊逋七十萬。漕折金花居共半。安得普天盡雨金。上爲明君舒宵吁。嗟乎。民日難。官日苦。竹園花。鑿生土。

祝雨

雲縷縷。山絮絮。寒欲來。暖先據。洗山山骨新。洗花花色故。寄言行雨兒。莫下山頭去。

西陵橋

西陵橋。水長在。松葉細如鍼。不肯結羅帶。鶯如衫。燕如釵。油壁車。斫爲柴。青驄馬。自西來。昨日樹頭花。今朝陌上土。恨血與啼魂。一半逐風雨。

宋帝六陵

冬青樹。在何許。人不知。鬼當語。杜鵑花。那忍折。魂雖去。終啼血。神靈死。天地叛。傷心事。大兒年。錢塘江。不可渡。汴京水。終南去。縱使埋到厓山厓。白骨也知無避處。

西施山 一名土城西施教歌舞處

西施山。一片土。不惜金作城。貯此如花女。越王跪進衣。夫人親搗鼓。買死傾城心。救出迷天舞。一舞金闕崩。再舞蘇臺折。槌山作館娃。舞袖猶嫌窄。舞到夫差愁破時。越兵潛渡越來溪。

入青口

入青口。青口山何直。雲老玻璃天。鬼下空青壁。一路罡風吹地起。神禹無功巨靈死。

二

入青口。青口山何仄。石人立而啼。雲吼吼相逼。紺巖開老沉香花。飛仙失路虎無家。

三

入青口。青口山何翠。潤色碧琉璃。山花紅玳瑁。天荒地窘無行處。山頭魍魎紛來去。

玉京洞

深如谷。高如屋。穴雲心。穿地腹。路荒唐。齒嶮巖。石如病。天似癡。黃者漿。白者髓。雲絮絮。出轉底。白蝙蝠。大於雞。衝焰起。撲人飛。突而高。嶺間之。忽而平。谿限之。龍欲言。聞人止。涎沫流。腥風起。鬼邪仙。煙欺霧。炬無光。將安去。海可通。江可涉。靈威丈人難再得。

別石篋

十首不容分析故總入雜體

別石篋。石篋何忍別。相知是相知。知處難容舌。一等是肝腸。輸君生死切。烈火燎虛空。火盡空不滅。

其二

古今只四倫。大抵缺朋友。誰識楚越人。萬里爲奇偶。我腸寄君心。君心出我口。覓同本自無。異於何處有。

其三

一葉隨東風。飄泊已半載。梯雪度深山。寒氣鏢孤拐。三入淨寺門。寺僧笑狂駭。欲得不相識。除非觀自在。是仙是凡人。請君是揮解。

其四

君攜我如頭。我從君若尾。不是西看山。便是東涉水。誰家薄福緣。生此兩狂子。受用能幾何。苦他雙脚底。

其五

學道不學禪。談星不談義。愛曲不愛音。讀書不讀字。人天收不得。賢智亦爲祟。不知何因緣。偏得同臭味。每笑儒生禪。顛倒若狂醉。除却袁中郎。天下盡兒戲。

其六

南山有禽其字曰希有。北山有鳥其名曰鳳凰。兩鳥排雲扶霧入虛空。虛空莽莽四顧絕稻粱。下界豈無七寸之梗米。爭奈網羅纒纒常高張。

其七

不卽凡。不求聖。相依何。覓性命。三入湖。兩易令。無少長。知名姓。湖上花。作明證。別時衰。到時盛。後來期。不敢問。我好色。公多病。

其八

歸去尋阿賓。阿賓亦呼人。公家廿一弟。超脫是其倫。天下孤生物。有轡必有輪。狂態誠可取。其若頭上巾。

其九

氣噓爲風。雲流爲水。人之小人。天之君子。鴨不能飛。蚓不能躍。鼻哭非愁。鸞歌非樂。無曰升天。天卑於淵。無曰瞰淵。淵高於天。卽佛卽聖。非儒非禪。

其十

能再相從否。若鴛相思車。當問白門柳。

酒正喧齋君席上作

酒正喧。關吏言。請君秣馬飭歸轅。巴川健兒豕成羣。邊官挾吏通州門。逐虎怯。逐飛蚊。倭刀吼室箭出韃。東坊西市榜明文。不嚴軍律嚴司關。木門蒼琅根。日未昏。斷行人。

坐王官谷朋石館得石字

林家梅。米家石。荀家香。謝家殿。鶴瘦帶道容。松老入詩格。竹子一萬梢。十里屯秋碧。雜花四五種。聊作琅玕役。貯雪點梅湯。和香燒笋炙。一分供調御。一分待幽客。

洋溪湖嘲沈青平

家湖頭。客湖尾。深盎淺甕量魚子。大婦得白鱸。小婦得赤鯉。天乾富馬滂富鮓。驅兒牧豕荻根下。

二

湖頭船。湖尾屋。丈人把叉堵收目。朝舖乾鼈裙。暮膾鮮鱗絲。螺頭蚌子送婦歸。

戲題道士泐

小孤詩真山翻作假山看

道士名。髻其顛。真石壁。假貌山。陽戶開北面。東流水西還。采石娥眉小姑鬢。蒼瘦爭似老黃冠。江漢手覆三迴乾。古鳳遺尾青闌干。

代青溪道士見招

青溪月。和霜和冰發。萬仞沁寒潭。冷盡玻璃骨。青溪花。傍水帶煙斜。東曲謝蘭香。西曲蕁綠華。青溪水。雲根洗清泚。朝浸角里芝。暮烹王烈髓。青溪雪。萬頂千峯徹。隔浦喚仙奴。夜春雲母宵。君之來。猿鳥笑。雲爲舟。風爲棹。鬼谷罷談。孝先徙竈。陰風與鴛鶴。知非君所好。吾爲君招赤城之化骨。及絕逸之髻。君爲我歡然而就道。君不來。雲山懊。

嘲王以明先生

王夫子。有書如郝隆。何緣阿堵堆青銅。君不見牀頭有心癩夷甫。道上無人追楚弓。

雀勞利歌

雀勞利。雨雪至。大雀悲。小雀悸。黃鵠舉千里。大鵬搏九萬。鷓鴣與杜宇。聲聲來相勸。字曰不如歸。鵠曰行不得。小大各有分。何用嘈嘈在我側。鸚鵡雖有舌。藏巧不如黠。

採蓮歌

採蓮花。花開何鮮新。映月爲處子。隨風作舞人。深紅淺白間秋水。妬殺麻姑與洛神。採蓮葉。蓮葉連香襪。一片青花古玉盤。持贈秦娥與燕妾。採蓮子。蓮房劈破香且美。纖手分來顆顆勻。何事經年沉湖水。湖水深猶可。水濁情無那。試問南溪二月泥。妾心辛苦知不知。

戲別唐客客豐城人

年年爲客向瀟湘。楚澤煙雲拾滿囊。綿花如雪歸故鄉。歸故鄉。應知青雀鷹梳日。內人罽子墜衣裳。

其二

年年爲客向章臺。面脂如珠紅滿腮。短褐行纏歸去來。歸去來。稱得油麻如黍子。依舊風帆向楚開。

浩歌

雲作雨。不成歸。箭離弦。無還期。昨日犬。前日獅。一番花。一番泥。花有色。鏡周之。人有容。鏡照之。鏡方新。容已非。檻未敞。花先飛。短可續。用何物。一曲歌。三杯醪。我欲長生天下人。拔刀斬斷金烏足。

諸衲送至江干自嘲

湘江渡。二十年中五番去。餐雲醉石幾經春。畢竟驅上長安路。湘江上。柳如雲。江若有知應移文。隔谿老衲笑且語。塞耳喧呼如不聞。

戲作三星行送曹子野歸楚時子亦將歸里

石公先生。汝生以鄧爲宅，以水爲度。眠龍擬蛟鞭其尾而不飛。唯有螿龍聞雷而起。仰天瀟瀟如有訴。所樂者瘦壤清泉。所吟者溪風月露。有竅無心。何所鬱以鳴。不過感時觸機。如風行於空。而萬竅自怒。隱流緇客。目爲山中之詔護。識者又以爲偏枯冷淡。似於陵仲子之清。軒轅彌明之句。石公撫几而笑曰。曹君。汝豈敦煌之索。平原之轄。長安冠帶。隘巷陌而相求。胡爲乎逐西風而遠去。君旣脂車。余亦戒路。望江上之青峯。指湘臯之紅樹。漢沔相跟。一衣帶水。埃君於油口之渡。左公城外綠刺天。便是巨擘高吟處。（巨擘。劍之大者。）

過中山見諸名蹟題清風店壁

中山酒可飲。塔可登。灤川翠竹風稜稜。東坡瘦墨如健鷹。唐封古蹟石峻嶒。刺史愛民慈且能。高看青山夜抱冰。

石公解嘲詩 有序

客有嘲石公不能飲者。石公作詩解之。石公不知何許人。嘗吏吳。登石公山而樂之。因自命曰石公山人。醉國之君臣。未必皆飲徒。石公西來時。曾一造其廬。飲流相與言。不飲眞害馬。寧知醉國遙。不在杯與壘。辟如解琴人。非是用絃者。又如古董家。不必善陶冶。海闊酒池波。天限糟邱域。大有麴蘖郎。欲往不可得。於是石公乃攘袂而起。撫手按節而爲之歌。歌曰。昔者汝陽王。道逢麴軍口流涎。醉鄉之日月不加延。後來蘇子瞻。望酒盡而醉。醉鄉之日月不加逝。又歌曰。信美此土兮樂而忘死。彼國之人兮愛賢好士。彼國之王所與遊者何人兮。華胥之君臣。

西方之父子。彼國無劫數等量兮。不知者以爲自西而開。至卯而止。於是醉君聞石公名。乃召以爲客卿。

潼關題壁

官道上。塵昏昏。郵舍中。氣燼燼。夾道如火益膏薪。柏魚失水險其脣。華山君。豈不聞。濡筆雨。和墨雲。十丈蓮焦。玉女噴。乘風自振瀟湘裙。夜半澆我洗頭盆。

贈李醫者

秋橋綠成行。方書白滿架。君非韓伯休。胡乃不二價。去年褫褐辭鄉里。遊來牛載聲名起。參苓如山信手空。門前冠帶若流水。長安醫士亂於麻。箇箇烏紗似老鴉。誰似豐城李公子。談笑直掛五侯家。朝賣藥。晚致身。大婦喜。小婦嗔。席未溫。呼先生。

哭臨漳令王子聲 附

窮冬夜冷蘭煙黑。死字傳來聽不得。白日誰防鬼射人。昏荒頗怪天如墨。憶昨與君發長安。白齒青眉吐肺肝。小杯擊筑大杯舞。優兒牙板角盤盤。別來愁絕湘鱗子。蠟花箋子無高翅。銅雀臺邊萬縷腸。館娃宮裏千行淚。麒麟蹶地青鸞叫。不得生書得死報。帝前金管豈無人。何必如花一年少。天公錯注不回頭。銀匣沉沉地下愁。漳水萬年嘶石馬。虎號龍愁兩廢邱。

其二

垂頭再哭哭聲啞。長夜幽幽悲逝者。破玉鑪珠可惜人。天何言哉無知也。三哭眼酸淚枯欲流不得流。焚香告天願天爲我開嚙喉。顏淵魯高士。胡爲三十二而死休。靈均楚直臣。云何枯槁江潭望。君門而媒糞修。秦何爲而投關。賀何爲而賦樓。渴何爲而病馬。癩何爲而疾牛。龍何愚而觸網。鰲何細而隨鈎。山何卑而成水。海何升而爲邱。聖

者不能言。愚者不能變。釋迦與老子。昧瞶變白頭。卽如王子聲。高第十二秋。窮年只淹蹇。低眉拜督郵。讒言復聞之。刺心如戈矛。纏棺布三尺。棲身土一坏。嗟乎子聲。汝生不能一日牙。牌黑鬚拱手長安道。又不能拂衣故園補綴先人草。萬里迢遙魄伴魂。一具瘦骨官送老。福君何其薄。奪君何其早。和氏空有泣。楚國無以賞。天不平。地不平。吁嗟乎王子聲。

湘湖蓴菜 附

托根西湖。沉質湘水。鍊玉爲脂。熬冰出髓。松及蘇人。皆云無此。盛春而生。方夏而止。何故季鷹。待秋風起。

五言古

出燕別大哥三弟

晏安二月時。陽緩北風厲。霜刀割地皮。古木凜寒氣。紛紛驃馬塵。曉起如雲碎。置酒上南岡。別我好兄弟。一母生三人。頂踵皆相類。發願窮無生。百劫相砥礪。言前識鋒機。死裏尋關鍵。居身如豎銅。著口唯談義。兄性溫而真。弟性溫而毅。余性兼寬猛。弦韋時相濟。頃地便同根。飛天亦共翅。一旦忽分首。能不添憔悴。白馬望吳門。慘淡無邊際。畏路如畏虎。猜官如猜謎。長兄見老成。勸余勉爲吏。錢穀慎出入。上下忌同異。小弟發狂譚。兄言胡乃贅。胸臆自可行。榮枯安足計。縱使挂彈章。亦只數行字。八十日彭澤。獨非男兒事。言罷日西沉。強起各分袂。馬尾對馬尾。東西饒異位。欲哭近婦人。一笑飛寒淚。

漸漸詩戲題壁上

明月漸漸高。青山漸漸卑。花枝漸漸紅。春色漸漸虧。歛食漸漸多。牙齒漸漸稀。姬妾漸漸廣。顏色漸漸衰。賤當壯盛日。歡非少年時。功德黑暗女。一步不相離。天地猶缺陷。人世總參差。何方尋至樂。稽首問仙師。

戲題齋壁

一作刀筆吏。通身埋故紙。鞭笞慘容顏。薄領枯心髓。奔走疲馬牛。跪拜羞奴婢。複衣炎日中。赤面霜風裏。心若捕鼠貓。身似近蝦蟇。舉眼盡無權。垂頭私自鄙。南山一頃豆。可以沒餘齒。千鍾麴與糟。百城經若史。結廬觀筆峯。繫艇車臺水。至理本無非。從心卽爲是。豈不愛熱官。思之爛熱爾。

贈汪咸池乃郎

不是干時客。零丁向吳越。家貧訪故人。吞嚙學干調。先鬼能文章。清新好氣骨。遺篇猶入梓。桂枝已摧折。不忍念姓名。逢君潑哽咽。哀哉勿復言。長風捲愁雲。

別龔散木

梅雨濯江干。江風細吐寒。紅亭一林酒。慘無賓主歡。天風吹子墮。倏忽送子還。遊踪如電影。閃爍太無端。子曰爲官苦。予嗟行路難。各自相慰勞。言言沁肺肝。與子如林鳥。升沉各羽翰。別子如湍水。東西異波瀾。何如一合併。白首臭春蘭。萍散有時聚。雲老終還山。江頭風雨白。容易彫朱顏。

陶石簣兄弟遠來見訪詩以別之

五步一花開。十步一花飛。不知誰家子。鬱鬱吐清姿。恬淡僧標格。灑灑士威儀。手提白玉塵。身披淺色衣。徒步入闔門。揮羽上階墀。僮僕盡魁偉。一皙而肥。或言是山人。或言星相師。或云鄉里子。聞聲始覺非。通刺無姓名。短紙摺不齊。一揖徑登牀。草草寒暄而。執手不問病。捧腹但言饑。設黍呼兒子。蒸魚命小妻。廣長舌有象。突兀語難羈。欲窮人外理。先剖世間疑。五行何因起。天地何高卑。鵠鳥何白黑。日月何盈虧。生胡然而至。死胡然而歸。天胡然而喜。鬼胡然而悲。事無微不究。語無響不奇。獨不及臧否。一切細碎詞。玄旨窮三日。清言暢四肢。愛君深入理。恐我倦傷脾。未作經年別。先爲五日辭。入宮尋西子。涉水弔鴟夷。七十二螺髻。三萬六玻璃。山水旣奇敞。相得永因依。有如重瞳郎。配合皇英妃。又如曹阿瞞。生逢大耳兒。石公貌高古。林屋洞傾欹。玉壘消夏灣。水鬻千人磯。浪頭懸閭里。屋底腥蛟螭。山鬼攀蘿出。鮫人傍檻睇。卑者如鼃蠱。立者如象犀。幽者穿海底。高者躡雲梯。綠橘黃柑樹。青牛白馬祠。土人進新果。鄉女貢山雞。勝事紛雜記。名山到始知。三朝盡縹渺。一雨負莫釐。歸來爲我言。山水見鬚鬢。長公八九紀。叔子二十詩。字字傳寶跡。語語發光輝。不獨作者難。讀者亦應稀。譚龍理前問。愁來申後期。還將赤金子。試我白

綿鐘。拈花憐佛笑。摘葉止兒啼。蹶殺紫胡犬。踢倒西河獅。擊石原無竹。悟桃空有枝。一番銅鐵語。萬仞箭鋒機。病得發而減。客以樂忌疲。流連十許日。情短六箇時。丈夫一滴淚。錯落貴珠璣。今日若爲別。相顧浩漣瀾。去去復去去。吳江落日低。

戲題黃道元瓶花齋

朝看一瓶花。暮看一瓶花。花枝雖淺淡。幸可托貧家。一枝兩枝正。三枝四枝斜。宜直不宜曲。鬪清不鬪奢。仿佛楊枝水。入碗酪奴茶。以此顏君齋。一倍添研華。

初度戲題

碌碌復碌碌。浮生如轉轆。帝宏匝地羅。人窘彌天獄。墮地三十載。強半是顰蹙。算喜無十星。量愁有千斛。十五歲以前。師傅苦拘束。朝愁日上春。暮愁書難讀。十五歲以後。龜手事場屋。儒巾才去頭。官網又纏足。千虧得一官。萬虧得微祿。誰知微五斗。妻子轉枵腹。顏色低上官。肝腸枯案牘。舉止動得過。憎恚若相觸。月不十回圓。酒無三勳熟。來者不可知。去者不可曠。欲留色枯橘。欲歸心寸寸。一病覺昨非。萬仞逢黃鶴。勿以徑寸榮。易茲尋丈辱。

答江進之別詩

橫將一尺素。寫出消魂別。淚深筆波紅。情苦絹文裂。事君才兩載。相期礪高節。有過必直陳。無憂不共切。寤寐臭蘭旂。奇談飛金屑。案牘與文史。一一相商決。對客語如綿。當機鋒似鐵。喜怒哀情眞。緩急肝腸熱。所以小修言。江郎吳令傑。官雖暫時離。交豈中道輟。古井絕迴波。深山無化雪。

別江郎

江郎貌奇崛。文字多古質。十三讀父書。十五夢先筆。父母憐愛之。保護常在膝。何不從我遊。扁舟訪二室。

雪夜感懷同黃道元作

孤館寂無人。童僕三兩輩。白勢壓山來。雲冷天憔悴。燈寒字欲青。爐死灰相對。流火掣空飛。錯落如星碎。可惜行樂場。都被微官礙。歌喉絡飛珠。誰家佳姊妹。

別黃道元信筆題扇上

千里負空囊。蹙足投吳令。客子旣數奇。主人復善病。薄俗異臨邛。好事乏程鄭。逆居垂半載。無人知名姓。乞飯隨白足。傭經飯大聖。未免無魚歌。能不馴龍性。貧者士之常。達豈文章命。舌在卽王侯。文成足歌詠。去矣莫徘徊。無官誰相敬。

豔歌

鵲尾唾蘭烟。灰冷烟不滅。東風多少愁。吹落謝豹血。郎寄鱸魚子。妾寄西施舌。花開不待人。青春忍相別。仲春十八日宿上天竺

三步一號呼。十步一禮拜。萬人齊仰瞻。菩薩今何在。欲尋真大士。當入衆生界。試觀海潮音。不離浙江外。其二

山陰道

若以色見我。是人行邪道。饒他紫金身。只是泥與草。朝來自照面。三十二種好。終日忙波波。忘却自家寶。錢塘豔若花。山陰芊如草。六朝以上人。不聞西湖好。平生王獻之。酷愛山陰道。彼此俱清奇。輸他得名早。

霧中望山

霧是醒山酒。霧重山如醉。登高氣不清。萬象爭規避。日無光而毛。天不昏而睡。雲影疊飛沙。風花洒空淚。

賀家池

昔聞八百里。今來八百畝。爲問袁阿宏。何如賀監否。黃冠吾願學。其如多八口。形體作僕奴。禮法成枷鈕。幸爾略知識。效擊辭五斗。強作舒眉詩。學飲寬腸酒。所以不脫然。爲身非我有。恩愛毒其躬。父母掣其肘。未免愧古人。青山空矯首。

禹穴

窆石立如人。鼻穿腰半折。不看碑頭字。那知是禹穴。欄楣半摧殘。古文盡磨滅。山高仰瘦容。松老添孫鬣。古屋閉狐妖。香臺蹲豹跡。

第一泄

踏人肩而行。次第乃得過。射眼風絲飛。置足山毛破。踞身縋草移。定蹠盤泥坐。五水勢高低。千峯身頓挫。路荒雨氣腥。樹老斑皮裹。度嶺羨猿輕。投崖愁虎餓。常恐決性命。歸來始相賀。

志別種山閣作

楚國一段雲。落地無根蒂。偶爾置臚風。吹作塵羣氣。道逢三鷓鴣。啣我入雲際。携手上仙山。長嘯起天寐。作用笑三家。功德卑二帝。插身淨丑場。演作天魔戲。東西南北人。恩情若兄弟。若不是前因。焉得此奇異。再會是何時。別後有何計。知心如冰焰。前程若神謎。君看露上枝。無心也垂淚。

湘湖

而我游湘湖。恰值湖水小。湘湖舊有名。敢道湖不好。辟彼如花人。必須眉黛姣。一旦決洪流。山甯不枯老。白鯉曝腮鱗。漁刀截深草。水少已不堪。何況酒更少。

姚叔乂

昔我吏奧門。冠帶填門闕。白髮老山人。聞名面不識。一朝棄官去。空山翻見跡。何不噓熱官。而煨寒灰客。

送王靜虛訪李卓師

天地愁結成。聖賢愁眷屬。舉眼皆鉞鋒。何處可容足。儒生有毛病。道理充窮腹。百慮堆作城。萬想鍛成獄。突有大妄人。手持無羽鏃。欲解大地羅。先肆彌天毒。扇海作洪鍾。燎山資精鑪。何不觸其噴。懸崖求所欲。

餘杭雨

不恨今日雨。却恨前日晴。無端放隙光。誘我餘杭行。餘行有何趣。敗寺老和尚。若使在西湖。亦得閑眺望。出門無去處。袖手東西顧。桑下見蠶娘。泥滓沾衣袴。只是去臨安。已覺步步難。何況徑山路。千盤與萬盤。

其二

一心閑處忙。四體山行瘦。荒吹破夢歡。孤枕逼簷響。山靈無好情。梅天多異候。主僧嗔客留。僕子呼天漏。雲不十丈高。泥凡尺餘厚。縱有健馬驅。揮鞭豈能驟。

於潛道中偶成

出門二三月。客行常踰質。問我亦不知。奔波爲可物。越鳥也嘲人。解問爹歸弗。爹豈不思歸。山淫成癩疾。百里一名山。一山須十日。東南半壁地。十分未了一。雲霞朝到肩。魍鬼夜入室。遇伴覓定方。逢仙談飛術。形體節節勞。心神般般逸。名勝尙可窮。遊子興難畢。(歸讀作居。越人呼子規爲爹歸弗。)

天目道中和陶石簣韻

萬嶺色嬌榮。千松韻蒼老。溪錦新織成。雲文初脫稿。古屋聚龍兒。幽崖聚仙媪。淡冶天微醒。昏沉霧尙飽。山靈

如有情。遊子暫舒懶。梯石路漸高。踰嶺天乍小。微茫一帶青。遠遠出山杪。白雲封其半。恍若衣輕縞。山僧向我言。此是諸山老。四顧盡兒孫。纍纍爭圍繞。一乳作鳳飛。一支學龍矯。萬絡與千支。支支相縈攬。山形雖渾成。石貌實妍巧。初視尙冥迷。策騎漸分曉。何況陟其顛。邈途亦已好。

天目書所見

菩薩與凡庸。不知誰正倒。牛馬若率真。形貌亦自好。獨有知見人。不食本分草。拾他糞掃堆。祕作無價寶。面上曲折多。腹內安穩少。坐立皆成文。閑話亦打稿。演出活法聰。難瞞俊閣老。

浩歌登天目峯頂

一笑廓天籟。邈矣何空曠。千山如藻萍。點點白波上。世界無安置。虛空有等量。茫茫幾亂人。妍醜分何狀。邱壑語曰知。舜噲禪爲讓。禪中閑是非。甕裏狂波浪。十年學貢高。一朝色沮喪。

宿幻住曉起戲題

咄哉袁中郎。胡不侵晨起。百千大世界。吹作瀛海水。披衣起視之。果然雲在底。彌天布琉璃。山神聖乃爾。

玉上人

山下逢老僧。爲我設齋供。生斷活埋關。醒却高峯夢。空嫌毛孔多。瘦覺數珠重。回首鴨子飛。歸來鼻頭痛。

雲上人

一喝三日響。江西立宗派。師蹟多少時。證得觀自在。不受喧寂塵。跳出聲聞界。笑殺觀世音。圓通却成礙。

微謠戲柬陳正甫

操履若雲青。肝腸如日杲。打臉坐黃堂。要把好頭掃。披霜夜書食。戴星朝畫卯。移文四五張。禁約三兩道。拊心

謀民窮。攢眉視金寶。夏衣半足萬。冬絮一領襖。門子赤脚多。皂隸白牌少。世人眼如豆。便道太爺好。誰知大夫心。厭之如糞草。本是雋男兒。扮作酸寒老。慈悲心愈毒。鷹豪胆乍小。閉門錄高士。留客抒愁抱。所事皆明暢。無法不精曉。只在一寸心。愈參愈不了。人品高難拚。佛法近難討。處脂不能潤。徒勞傷枯槁。

贈潘景升

彌天作放人。着處爲眷屬。新知與舊歡。湊集如雲族。掌上羅楚羞。堂下度吳曲。東階串僕奴。西階懸馬轂。麴糵大如柱。盤鮮高於屋。鞭車行酒盃。猶恐歡不足。咳吐寸寸腸。揮毫字字玉。不過沈宋門。事作李王役。世人眼如盲。相牽入穿獄。豈以甕中雞。而易雲外鶴。萬事無奈君。難君只有貧。轉貧客轉多。貧豈奈君何。

夢中題尊經閣醒後述之博笑 閣在休甯儒學

壯哉尊經閣。縹緲入烟霧。千山列魯儒。拱揖不知數。俗競形家言。兩塔遙相顧。纍土作尖峯。上有參天樹。海陽多賈人。織綺積聚。掘算不十年。豐於大盈庫。富也而可求。執鞭所忻慕。金口親傳宣。語在述而處。帥與商孰賢。賜與回孰富。多少窮烏紗。皆被子日誤。

喜逢梅季豹

曠里少冶容。鄙鄙無高步。萬耳同一聾。活佛不能度。暮擬成鈍賊。士子遞相誤。鞭骨螳迴旋。驢脊蒼蠅聚。徐渭儼臬才。身卑道不遇。近來湯顯祖。凌厲有佳句。賓也曠蕩士。快若水東注。邱肥與潘髻。俱置兄弟數。越中有三齡。解脫詩人趣。立意出新機。自治自陶鑄。舉世盡奴兒。誰是開口處。我擊塗毒鼓。多君無恐怖。洗眼讀君詩。披天扶雲霧。不獨愛君詩。愛君心相顧。衆人嗔我喜。天下憎君慕。雞壇如可盟。旗幟爲君樹。

戒五老峯題石

嘗怪楊真珈。作俑飛來峯。名山如有靈。請以一丸封。齊雲富奇壁。題識徧空翠。卷石亦不容。嶽神有何罪。碑文多諛辭。金壁增腐氣。所幸五老峯。筆災尙未至。珍重後來人。慎勿妄題字。山神已證明。後生毋輕易。好事倘不然。頭骨隨鞭碎。

齊雲巖

江濱有異石。好事持作供。珊瑚木難珠。似者即矜重。齊雲天下巖。深壁連紺洞。山山瑪瑙紅。高古復飛動。只是作盆景。鮮妍已堪弄。假饒置籠篋。豈不吝奇貢。幽崖鬼斧窮。玄壑飛仙憫。霖雨萬絲飛。雲彩千年凍。

石橋巖

天門卽前關。石橋卽後戶。兩門去幾何。五五二十五。石老易生雲。山髡不藏虎。嶽神饒客情。閣起千峯雨。

贈章子

越俗上形家。貴賤倚爲命。郭璞多於毛。譚者自神聖。近來陶石簣。頗不遜先令。獨喜令親章。議論能持正。楚人無遠謀。相地多任性。不識到頭龍。休貪書世盛。願得星如金。不願砂如印。

嚴子陵灘限韻同陶石簣方子公賦

一州數百里。山水半呼嚴。先生高潔人。取名胡不廉。宏也負奇氣。氣高心廉纖。空有如綿腰。了無似戟髯。稽首先生祠。自羞自棄嫌。高跡如可履。乞我上上籤。

其二

不是劉文叔。詎說嚴老子。羊裘釣灘下。一漁戶而已。無用合退藏。非是退藏是。誰知誤得名。來者趨如市。末世競聲稱。藏醜翻成美。與其作假龍。孰若真蟲蟻。

其二

不肯助爲理。咄咄嚴子陵。墨壘與管商。問君能不能。衆狗逐羶羊。疾者業先登。我才不如狗。安用強奔騰。明目雖有照。終不笑孤燈。不見東陽股。強出如凍蠅。積溺以自監。效鳩勿效鷗。

其四

因山以爲臺。因水以爲灘。因草以爲絲。因木以爲竿。因拙而辭世。因傲而棄官。嚴翁誠自知。劉叔亦難瞞。寧有同肝膈。而不可羽翰。

贈李雲峯

西湖多奇山。其巒乃在水。杭人伴婦遊。嗜肉不嗜髓。先生每追隨。藹足窮其底。何處識老髯。自虎跑泉始。

其二

追我於天目。因而上白嶽。葛衫芒草鞋。高坐享天樂。敗石齧鞋耳。罡風剪衣角。一味戀冥鴻。何曾伴鳩鷲。

孟生爲魯慈索詩信筆題四韻

少年讀孟書。長大更聰明。他日逢滕子。井田行不行。十年奉慈教。督子若先生。將豈比軻母。知君未嫌輕。

湖上別同方子公賦

舞低楊柳樓心月爲韻

甫作西湖奴。不作吳宮主。死亦當埋茲。粉香漬邱土。一住二三月。天食供窮饑。萬五千樹花。百二十回舞。花爲結子忙。人爲別花苦。辟彼一天雲。特地吹作雨。彼此俱黑頭。一夜添霜縷。

其二

望望鄂公墳。石龜與人齊。塚前方丈土。澆酒濕成泥。雖知生者樂。無益死者啼。如彼墳前馬。張吻不能嘶。天地

入海劫。志士合鸞棲。曷爲近湯火。爲他羊與雞。孤山梅處士。事業未曾低。西陵倡家女。松柏夾廣蹊。紅粉是活計。山花足品題。笑折蘇公柳。策馬度花堤。

其三 余家塚子山故云

一段青石堤。孌娜下垂楊。十許種名花。紅紫白成行。借問此誰種。云是監中郎。紗紋織作浪。文玉砌爲堂。安得塚子山。吹來置此傍。醉中發狂思。醒後益周張。吾身自可移。何必移吾鄉。

其四

葛巾不束毛。紗袷常見肘。無日不醒花。有時坐枯柳。天地一排場。誰分日與丑。神仙既荒唐。富貴復難偶。枕人有諺言。言卑趣則有。雷峯變作糟。西湖化爲酒。藕花作美人。一歌了一口。三萬六千回。一回三百斗。

其五

天地如懸鶴。聖賢若藏圖。萬古愁茫茫。誰是的路頭。官者爲利縛。隱者爲名囚。玄無點化術。禪有知見憂。欲滅身旁影。終迷水底樓。十年而一葉。枉自費雕鐫。

其六

年年負空篋。滿貯不十金。自知荷葉命。著水終難任。抱臏苦不治。抱甕苦不深。安得清神藥。止我狂華心。苦吟終爲病。不苦不成吟。飛思入九淵。拮拾到蟲禽。聞說三天頂。別有無憂林。何日陟其顛。洗耳聽仙琴。

其七

龍井饒甘泉。飛來富石骨。蘇橋十里風。勝果一天月。錢祠無佳處。一片好石碣。孤山舊亭子。涼蔭滿林樾。一年一桃花。一歲一白髮。南高看雲生。北高見日沒。楚人無羽毛。能得幾遊越。

舟中寄江進之得珠簾字

一月探會稽。二月了西湖。五日登西目。十日躡天都。醉中逢山神。長笑捋其鬚。渴飲仙人漿。寒分玉女襦。奚囊雖小狹。所貯盡奇珠。世無售珠人。欲開復踟蹰。前者道新安。有客貌類胡。發篋玩三日。略以竇其膚。具眼非無人。要與慧眼殊。持此試江郎。江郎售也無。

其二

一病衰小安。五誠江猶淹。宦味朝朝盡。鄉思刻刻添。有愁到眉稜。無工削爪尖。枕書調倦眼。照影鑷霜髭。東齋草滿徑。西堂灰一簾。鼠子溺書篋。侍兒匿牙籤。少婦乞畫眉。雙腕痛花僉。管城頭轉秃。空闈笑無鹽。俗吏貌態工。末世禮法嚴。餽他潘與陶。風流豈得兼。

過吳戲東江進之

少年作客時。浸浸慕官長。干旄絡長衢。一呵已神往。前者爲吳令。始復羨游客。覺彼白衫寬。恨我腰帶窄。今日過吳下。客來官已了。從頭細付量。客比官較好。客是一尺雪。官是一窟塵。欲得客兼勢。同年作主人。

答徐伯潤

客徑草許長。多君不忘故。珍重品字書。斜封三尺素。問我客何方。昨日西興渡。問我友朋誰。多半鷗與鷺。東西南北人。飄落等飛絮。一葉會衝風。再問知何處。

贈沈飛霞

江上逢老郎。六月雙重布。墮人戕電光。飛白寫輕霧。口不絕吟哦。喃喃若有訴。不知腸幾寬。容得許佳句。黃金類。離人抵死不相遇。文章如可典。爲君作詩庫。

聽朱生說水滸傳

少年工諧諷。頗溺滑稽傳。後來讀水滸。文字益奇變。六經非至文。馬遷失組綫。一雨快西風。聽君酣舌戰。

環翠樓曹平子吳平仲沈飛霞言別得送字

一別能幾何。花蹊密成洞。白石與朱欄。舉首卽成夢。一種好心情。都爲愁所送。別意如水寒。六月溪雲凍。聚首復何時。思來當一慟。

又

歸思如奔馬。千夫不能控。溪飛潮雨涼。柳絡烟條重。來時鬼蓋迎。去惟白雲送。銅章聊一戲。已醒不重夢。莫以滑之龍。而易衰分鳳。

潘景升穀日生同諸公小集得穀字

山雪泮冰鱗。江風起羅縠。十年九羈旅。萍海聚骨肉。白藕雪凍絲。紅魚剖臍腹。主人前置壺。醉語顛相屬。華髮不同根。義規無返轂。只此七尺五。無兩三萬六。世儒罟禮樂。爲我導君穀。豈惜一微言。爲君饜已熟。導君以達生。達是君所足。導君以憂生。憂非我所欲。澤廣定生龍。山高豈礙鶴。

過高郵

白浪先孤隍。萬室魚蝦氣。居民若水族。來往波間戲。曉風龍子鬪。夜雨蚌精至。壘石作湖堤。豎柵擲水勢。官家一丈石。民間一斛淚。治渠如治虜。智士無中計。千里築黃金。猶恐西風厲。

過露筋祠

鐵索界黃沙。石羊吹右道。下有露筋祠。荒螭臥深草。夜月水花香。西風杉葉老。空房聚牧兒。蒿根食鄰媪。

過彭城弔西楚霸王

一騷渡江東。猛氣不可觸。隻手挈河山。英王盡奴伏。鴻門故亭長。肝腸何煜煜。猛虎快吞咬。終不噬伏肉。劉項敵道茶。一先成隕覆。亞夫眞聖眠。西楚亦王局。

濟甯舟中

河口三十仞。懸水如橫嶂。一夜糧船風。送我至南旺。離家日幾何。倏忽易弦望。水郵無定程。一闌隔天上。百里飛黃沙。乾風裂綿纈。蚤與人爭席。泥波充五臟。三十何所成。勞勞密虛妄。如彼上水船。進尺而失兩。

德州舟中清明

俯仰一小籥。焉知茲朔易。空裏躍紅粧。始覺清明至。累累烏角丸。濁香滿唐肆。麥苗鬱馬鬣。高低疊青翠。柳嫩碧芽繁。泉煖土膏膩。空郊逢醉娘。鞦斷紅衫墮。客中覓舊題。開卷省前事。夢裏別杭州。一枕西湖淚。

夜深同伯修月下觀梨花

涼月浸梨花。空庭雪數武。皓質而豐肌。有似京城女。物忌太鮮明。能保不風雨。一夕百盼望。眼中生芒鱗。菊酒瀉空罍。移榻坐堦午。瓶甕臥樹根。兒童僵柱礎。天欲月漸沉。微微動街鼓。袖裏索講章。徘徊出亭戶。（時伯修爲文華日講。）

暮春同黃無淨曹季和黃昭質家伯修遊高粱橋

東風織溪面。細緯疊春羅。長波將人影。直直入宮河。一萬樹垂楊。無枝不繫珂。闌貴馬嘶風。挾彈毳前過。精藍如兜率。朱碧鮮且多。微沙障西山。羅幃中青娥。陰蔭即張席。禮法捐煩惱。高車載美酒。傾瀉若洪波。歸路及嚴更。門尉稍譙呵。憲令禁肩藍。醉卒控疲驪。

三月二十八日曹季和邀遊嶽祠置酒靈慧寺中

一縫納傾城。江河倒瓶甕。人肩承馬蹄。白里接飛鞚。神斛金粉鮮。璜壁嵌飛棟。天家出名香。梅檀作薪用。掖廷千許人。緋羅刺文鳳。當年三月終。宮監恣獻貢。庭中百怪陳。歌呼殊萬衆。趨走稠人場。昏荒如晝夢。禪寺稍空曠。置酒羅鮮供。塵埃不到唇。高議窺鴻洞。席終陳雅戲。鉤發每奇中。西日沉未魄。歸鞅尙不動。醉鎖踏高閣。俯視聽雷開。萬古同一禪。安問知與慘。

宿西山碧雲寺水亭上

涼夜水浸夢。枕上吹寒雨。屢變而失真。江行聞鶯鷓。倏然聽松風。天日半山許。舉首見仙人。雲中捉松鼠。醒時月挂簾。窮階流一縷。石竇激寒涼。空水互吞吐。日日居朝市。合眼見塵土。始悟山中人。夢境亦清楚。

出城觀柰子花遇大風至韋公寺而還同遊爲顧升伯李西卿家伯修

終日惜柰花。一身苦牽羈。半月始得行。垂老翫姜姬。飛鞭出重城。修途會封姨。撲面吹砂礫。熱馬昏路岐。白日恣狂羶。彌空塞琉璃。舉頭觸橫柳。烏紗冒高枝。一步一摧折。歇馬憩仁祠。山僧出慰勞。白水泛槍旗。諸餘小比邱。目眇心刺譏。未聞看花人。單眼對春姿。馬疲人亦困。酌酒却寬脾。不獨負花約。兼亦怖天威。自我入京來。無日不沙飛。四月雙重綿。立夏無春時。司尹省惟日。愚賤安敢知。長歌擊流水。驚起雙鷗鷺。

古樹

樹老亦如人。骨勁皮皴裂。百卉爭繁華。一枝冷坳鐫。強陽發空心。紅芽吐枯節。有若老翁醉。頽頽照頭雪。姿態雖寡妍。根株免摧折。百遍聞景風。冰凌傲石碣。不似天桃花。容易與春別。

送劉都諫左邊遼東苑馬寺簿

三年憂國計。鬢髮飄霜霰。世事閱飛波。場偶觀時變。遼陽雖左謫。前箸可借便。昔時風聞者。眼可得而見。倭奴逼朝鮮。虛費百億萬。竭盡中國膏。不聞駭隻箭。東虜近乘勝。虛聲震京甸。我兵折大將。腹背兩受戰。辟如相撲人。舉手先救面。棄遠固不可。失近豈爲善。公宿負奇策。下馬可措辦。志士立功名。不在麒麟殿。卑官如冶場。英雄聽鍛鍊。奇謀若可展。簿尉何足厭。胸臆不得行。三公猶爲賤。

夏初黃無淨邀同項玄池諸公及家伯修泛舟三忠祠

京師百戲都。所少唯舟筏。御水落漕渠。淙淙流一髮。凡日未經見。雖少亦奇絕。何況集棠舟。遊邀似吳越。麥浦得水長。鳧鶩避沙熱。朱碧好亭子。稀疎出林樾。雙航無定質。隨波作周折。遇樹卽停帆。因風或回櫂。開水高十仞。百斛量珠屑。駿馬下危坡。疾雷震空碣。西門亦有水。寬丈深寸尺。計較今昔遊。居然分勝劣。長跪謝主人。舉酒旌勞伐。朝日照來騎。歸途見微月。

貞壽詩爲馮太史母

寶髻瞻塵灰。隻鳳啼曉額。舉眼望愁空。蒼蒼不如石。篋裝能幾何。典髮買書籍。孤燈瘦形影。寒幃風雨夕。廿年立孤成。名字照丹冊。宮錦到地紅。霜心與頭白。

古詩爲楊中翰母中翰生十日而亡其母

十日無知識。那知有慈母。稍長聽人言。一言一酸楚。辟如少唐兒。原不知鄉土。從人問閭廡。悲咽淚如雨。哀怨本由衷。焉知涕無從。一封黃紙詔。十里白楊風。

別方子公

霜天客病難。何況千里去。空囊唯敗錘。飢程如何度。客店指煤烟。窮鳥啄冰樹。了了羸馬鈴。終夜相伴住。懷刺

二十載。畢竟無一遇。瀉淚憶黃金。相仇復何故。聰明百倍人。百算百成誤。日日扶搖風。不肯吹飛絮。天高鸞戟門。誰是思深處。

大人壽日戲作

堂前冬青樹。霜至葉婆娑。雞鳴起衣冠。兒郎盛綺羅。八十兩大家。鬢髮如鶯養。微笑動頰頰。鳩杖手摩挲。平明啓扉闔。威鸞相經過。白馬繫垂楊。雲冠高峨峨。或呈履與襦。或盛練與網。紛紛貧族子。趨走供鸞鷲。門下諸術人。諛口若懸河。命宮直田宅。晚子更高科。東隣老書塾。儒衫衣敗荷。方丈詩一篇。高聲自吟哦。社中諸法友。勉力事禪那。光陰如電掣。溫言相切磋。二壻白湖來。青衫夾兩騾。入門疾奔趨。不顧坎與坡。庖丁膾魚肉。蠻奴治酒醪。甕開一徑香。決口溜江波。金綠燦俳優。豔綺列青娥。開塲演蟠桃。牙板隨高歌。袖錢出醜李。濃酒唾曹何。蘭膏盡一斛。上馬五更多。京華宦遊子。朝夕思舊窠。夢中聽笑聲。一寤出雲蘿。

冬夜集顯升伯齋中劇譚偶成

瓶火激焦聲。紅焰吐紅賦。吳酒貯楊妃。幽香瀉荷菱。格外發狂譚。一呼醒羣睡。涼颺入檀林。敗葉皆香氣。人間塵土事。了不關腸胃。百年深障習。一分留文字。抽空出妙絲。劈天展高翅。碌碌彼人奴。餘羶蔽天地。鉛刀笑魚腸。巢毛遮翡翠。鑄金哭坡仙。百世想標幟。

戊戌除夕

余夕何所除。匝地除寒氣。除却好年光。不會除世味。石小聚香多。纏焦聽酒沸。供佛洗頻婆。插瓶鮮老卉。脫簪理新裝。藤紙萬餘字。蠟火照鉛丹。如欲見腸胃。時事不堪書。下筆每驚悸。道書參謎機。禪理供嘲戲。

己亥元日晨起

雞鳴拜聖人。同官六七輩。絳衫如葛絺。麝香起青鬚。古柏老子儒。拱揖向庭內。花氣熏一城。沙澗市茫昧。官卑亦暇騎馬看年對。

燈市和三弟 鄭僊贊二首皆可讀漢書音贊

摩肩盡冠簪。呵呼接留鄧。空天蔽幃裳。高衢泥馬汗。古肆列商周。異物窮番漢。障目不能名。橫陳失真贗。僻書與蠹蹟。種種覓心飢。突然發一編。如窮歸里閭。輕紗障朱樓。煙裏露微燦。笑韻自空飛。幽香度籬蒜。不覺腹蕪疲。唯愁眼光慢。衆中慮相失。一步幾回喚。

二月十一日崇國寺踏月

寒色浸精藍。光明見題額。踏月遍九衢。無此一方白。山僧盡掩扉。避月如避客。空塔寫虬枝。格老健如石。霜吹透體寒。酒不暖胸膈。一身如數甍。天街斷行跡。雖有傳柝人。見慣少憐惜。惜哉清冷光。長夜照沙磧。

偶成

入秋寒色來。將夏春未至。煖氣與寒官。相值如相避。麥田無寸青。山客添老賴。古梅不敢開。何況桃李媚。京師重拜客。酬嘗有成例。強起出西街。天風吼濤勢。飛沙澁齒牙。霧眼揮酸淚。未必諸高官。不省塵霧氣。

看月

良月下空懸。秋水浸綉裘。寒氣迫衣來。垂帷禦風入。飄風月亦驅。轉若靡舊識。端坐不可忍。強起下簷立。苦酒呼一杯。聊以寬風力。不惜待陽和。三春光景失。永夜伴清輝。寒士寒亦得。

遊滿井

出東門子城。古道三五折。破石礫荒邱。云是故元碣。燒柳發柔條。臥槎吐紅節。石溝注涓水。寒鑑瀉空潔。燕女

競遊駘。羅纒帶春雪。梅花堆鬢髻。波影動文纒。青山酣遠客。新鳥困啼舌。紅塵視此地。如穢與迷迭。汲泉烹一杯。醉
腑沁香冽。不惜看頻頻。可消奔競熱。

裕陵陪祀示潘尙寶王太學弟小修

長陵一聲鐘。百官鞞革厲。雷鳴集簪裳。空山醒龍蛻。明月度欵贊。凹影落虛砌。炬光灑松枝。千鳥展平翅。紅綬
老中官。閒語先朝事。屈指鼎湖年。仙人幾回淚。

崇國寺葡萄園集黃平倩鍾君威謝在杭方子公伯修小修劇飲

入門似出門。莎畦布平遠。十畝蕃草龍。垂天芬鬢鬚。真根老蟻石。涼蔭厚深蠟。茫茫三夏雲。有舒而無卷。分棟
理孫枝。鑿泉通小畝。樹上酒提偏。波面流盃滿。榴花當觥籌。但訴花來緩。一呼百螺空。江河決平衍。流水成糟醲。鬢
髮沾苔辭。侍立薰醺頭。不辨盃與饑。翹首望禪中。天地困沈沔。未覺七賢達。異乎三子撰。

端陽日集諸公葡萄社分得未字

榴花鮀清渠。激激紅波沸。十里菖蒲風。一幄菱荷氣。行年三十餘。辟若午將未。樂事竟虛無。勞勞長世味。試把
硃砂餹。一洗滯腸胃。野性發雲嵐。祭若新開甕。世事本閒闊。無端用怖畏。無論失算非。得算亦無謂。不有出世人。焉
知酒標貴。

和鍾君威花字

官貧僻冶游。僧貧僻種花。兩貧戲問取。身困意何奢。數畝葡萄棚。下馬如到家。衰朋遞指引。佳會屢停車。竹石
能幾何。使我心忽遐。自來慳飲者。嚙酒亦如茶。甕瓶高疊疊。腹罄臥平沙。歡呼達夜半。一里無栖鴉。藻文沾白恰。碑
榻倒烏紗。衫襴沾酒盡。或恐到袈裟。

和黃平倩落字

諸君且停誼。聽我酒正約。禪客匏子卮。文士銀不落。酒人但盆飲。無得濫杯杓。痛飲勿移席。極歡勿嘲謔。當杯勿議酒。鹿罰無過劫。種種皆歡候。違者三大爵。

和伯修家字

京師盛重五。所在競繁華。空庭唯竹石。勝之以清嘉。藤陰代帷幄。禪板代笙箏。荷筒當酒盞。藥草當名花。枯柏四五株。勝彼百鬢丫。風篁數枝響。陋彼百淫哇。敝歌此嘔咽。質樸類田家。區區未免俗。白酒漬紅砂。

和方子公童字

方生老爲客。往往狎青童。下馬揖平頭。興發如颺風。瘦骨載野心。一飲百餘鍾。微波照頭影。線偶繫虛空。十圍七負航。脫冠語纂纂。從君文字飲。辜負石榴紅。

和小修掃字

禪客惡花繁。引水植香草。迸階多子篔。棲樹無凡鳥。碎日搖空庭。波紋如可掃。鸚鵡與鳧鷖。自鄰自社保。客來非習靜。偶然合大道。一味出林風。銷盡諸塵抱。止酒但止甘。聚朋先聚老。

吳人求別詩

聞名不識面。勝於識面者。未晤先惜別。形骸翻是假。京師沙磧場。風光少秀冶。樂事盡輸吳。蕪酒獨難捨。空囊何所戀。身輕等飛瓦。夜雨潞河風。秋郊吳苑馬。

節壽篇

爲蕭山沈令廣乘母夫人作

三十年藐諸。一顧一嗚咽。淚濕瓊腮花。紅紫也成雪。窮巷苦書聲。孤缸語寒錢。敝帙三五箱。字字腥痕血。垂老

課兒官。霜花冷白髮。湘湖千頃蕩。不敢餉兒姪。母貞益子廉。源清者流潔。辟如干霄鶴。稚筍亦高節。鬢錦落花。萬古冰潭熱。鄉邦傳盛事。似作昔賢說。試檢繡娥編。女史難爲烈。

又代作

立孤丈夫難。何況婦也。妻淚看零丁。忍作山頭石。塵隴閉孤影。幾曾見天碧。夜雨絲絡聲。窮巷瓦軋響。尺椽起雛皇。長風老勁翮。五載蕭山令。空齋顛禪客。近雪無緇流。何況羈自白。

七月二十一日有憶偶題

霧月曉花啼。柳冷鶯夢怯。石枕刻相思。穠香散幽帖。清思如靜水。紅從笑頰起。背燈換澣衣。情郎收瑤珎。別淚浸蘭被。恩愛等蟬翅。銀筋撥香灰。寫作天長字。塔燈繞層檠。紅闌對大道。昔時合歡場。今見高塚草。楓根聞鬼語。鄉音帶淮楚。淪淪女鬼神。吹作何山雨。

伯修齋中同汪參知諸兄共譚

石瘦盆池清。竹冷秋臆倩。只數本蓼花。亦復添幽豔。賢朋三五人。肝膽皆如面。寶月含琉璃。無心不可見。摩礪若許年。宦網增塵習。學道不出纏。如以澀加菌。辟諸生礦金。渣滓少陶鍊。毛孔薰旃檀。龐公以爲鑑。

贈王以明納貲歸小竹林

讀書三十年。何曾效一字。九萬里衝風。不能起蟬翅。人間龍子藏。天上司文睡。譬書典青山。勉就冬官例。鳳老泣枯梧。強作迴翔計。低枝無偉巢。聊減衝雲氣。擲巾響篔簹。脫衫賞荷芰。萬竹中棲身。崖風吹遠唳。銷心白傅詩。遺老龐公偈。鐵錐題冷簞。畫破千竿翠。

十景園小集

一門復一門。牆屏多於地。侯家事整嚴。樹亦分行次。盆芳種種清。金蛾及茉莉。蒼藤蔽檐楹。楚楚干雲勢。竹子千餘竿。叢梢減青翠。寒士依朱門。索然無偉氣。鶴翎片片黃。丹旗榜銀字。錦綿裏文石。鸚作青山崇。兌酒向東籬。頽然索清醉。

崇國寺同王章甫小修看月

涼月白霜階。光賦平於砥。古木坐寒窩。寫影空牕裏。牙刀劈沉心。雲母熏紅紙。茶蘊藏古雲。一葉寒吹起。角燈抽紫焰。凍花老瓶水。滑波映琉璃。一片冷光死。灰心伴夜彈。寒鴉映行履。

宿千像寺東鍾刺吏

詰曲款嘔出李羣玉纖秀瘦透出米元章

詰曲款嘔路。纖秀瘦透石。飛巖繡鐵花。螺子點雲額。平生米南宮。耽幽窮鬼跡。石根搜古雲。踏遍秋空碧。豁眼見新槽。長笑落巾幘。貪看不知晚。懸石布茵席。回首神仙吏。青嶂達門闕。侍史朝焚香。秋雲幾回白。稜稜怪石供。聊以施遊客。

盤山

分明眞山子的的有畫意。風霜勻粉丹。雲霞綴錦地。一皴一百仞。雕鏤入空際。瘦骨間青脂。蒼勁有餘媚。天紳秣頂垂。僂藥披檜被。虬松育萬株。粘石無根蒂。峯峯有活石。石石挾仙氣。一石置一山。一山一點翠。散作諸巒巖。分身可千計。

盤山頂

摩天抽碧簪。俯不見鳥背。西日照塔輪。影落重邊外。峨鬢瘦仙人。玉冠蒼水佩。貌古骨奇清。見者靡而拜。浮空日翳雲。足底呈光怪。或聚或披絲。或舞或澎湃。千里聽風鈴。飛花落羶塞。一萍一青山。一點一人界。

遊天門關

發足自礮石。灣環可四里。一步一驚魂。路荒不容趾。粘壁行刀脊。下視深無底。狂鐔搗虛空。癡石綴癩瘡。其沙生以墳。其骨汗而泚。其草油以絲。其樹糟而圯。忽然礮礮巖。忽然崩騰水。忽而沒九天。忽而九淵起。健夫引長繩。半日一移趾。四肢互相用。臂行足以視。或如鴨折身。或如丁旋尾。或如殼出殼。或如蟹引跪。又如研古綸。蟲蠹蝕絲理。又如讀殷盤。聲軋釘奧詭。當其快心意。虛空躍繩妓。少焉筋力疲。蚊虻撼犀兕。鬚髮生烟嵐。肌膚碎荊杞。百苦到天門。相對惟口哆。雙壁削青銅。飛鳥不能止。一匣銜古光。方空如水洗。陰陽工刻轢。霜雪恣摩砥。萬古貯雲霞。石紋繡青紫。敗桐蛇腹段。古鈕蟻贖蠹。詰曲史籀畫。斑駁硃砂藥。僧言三十年。茲石未沾履。往時威將軍。梁空一遊此。長老傳白猿。今來猿亦死。是時七月初。寒肌如粟子。引指人人危。回身面面鬼。歸來問僮僕。鬚鬢白餘幾。破網取珊瑚。判命競奇傀。

贈太宗長老

鬚髮茁霜根。精神出骨上。能令見者心。自發幽巖想。西山萬螺青。得意即孤往。履嶮若平阪。寬衣不持杖。道逢破衲人。長跪必合掌。除却身口外。一鉢無餘錫。經行達曙雞。念珠長五丈。淨月含寶瓶。徹底皆澄朗。

初入紅螺嶼

鑿天出古空。意匠窮刻露。贖取長吉魂。幻作鬼工賦。霜巖透斑鏗。石骨竦清怒。歷劫至於今。彫鏤不會住。無石不巧心。轉眄殊態度。一種老健中。自發嫵媚趣。陰巖夾琉璃。飛仄窘仙步。一死直青山。梯足於懸樹。

真定大悲閣同王六字年兄及小修弟登覽有述

一盤三十級。低臆平鳥翅。空裏約數盤。始盡金色臂。碑文深蘚痕。歷歷隋唐字。樹老北朝根。霜綉生古翠。飛颺

接綺疏。斑駁有奇織。鬪古不鬪鮮。眞丹無兩寺。憑虛弔古人。觸眼傷新事。擁麪一談空。稍獨憂時淚。憶初直省時。把手青卿地。光華著春條。白面青絲髻。塵土十年餘。鬚毛添老賴。面皮堆浪紋。陰憂如有帶。少年可喜譚。入口皆無味。相逢低兩眉。但訴歸林計。蓮花求主人。長誓作兄弟。沐猴暫衣冠。了却開箱戲。

遊石洲

江神發幻思。十里金沙變。白波蕩琳球。雲燦復霞漲。頭頭螺甲青。點點妖唇茜。股股瑪瑙雲。絲絲交背面。風沙誰刻畫。霜雪幾陶煉。暴精萬餘年。今始數光綯。鄉人陋莫知。騷客遠難見。付之蠻賈兒。鑿火激流電。辟如傾國人。埋沒在鄉縣。靈輿與將樂。下賈得高薦。荔枝未登科。百果爭嬌豔。開卷讀雲林。續作石潭傳。

和官谷館字

雲以竹爲郵。雪以梅爲館。君看竹多處。無陰雲亦滿。將雪近柳條。柳意自疏緩。一種漠漠思。盡屬寒花管。儂與君亦然。氣味同老懶。冷澹足生活。不向晴處暖。

雨久初晴

梅花吐冷魄。竹子舒烟尾。晡影落寒窳。微微苔甲起。向虛置楮牀。臥聽鳩婦喜。發蠟鬢古灰。一片沉心死。乍聞隣塾言。兒童攤潤紙。乳鳥背臆啼。花間掠紅紫。

題伯修齋居

竹子居數梢。且有干雲勢。齋居足丈餘。迂迴有餘地。閒花不用多。一株兩株賦。閉戶炙沈心。石眼通雲氣。卷中秋水波。硯裏春山意。晡影生浪紋。衣光沈冷翠。

遊廬山初入東林雨中

窮天刻冷翠。濃雨洗幽青。瀑雲挾西嶺。坐見武昌晴。遠公昔菴此。蓮花漏初成。巖竇列宗雷。石梵徹天清。想像
醉五柳。顛頽望釜鑪。曠心聞法語。啼兒長錦綳。達哉遠師鑑。禮法憐裸裎。客兒雖百醒。不以易一醒。千二百歲後。白
藕無根榮。蓮宗啓末社。唐子慚道育。掬流洗塵貌。寒潭吹古腥。山僧如石瘦。蓮堂空幾楹。

天池寺

山以雲爲鄰。雲窮山身見。石貌呈巧心。瘦研競奇變。暄涼隔下天。葛絺易柔練。一石一狂呼。前石翻爲殿。萬仞
瞰崎雲。倏縹倏飛片。撫松坐枯巖。一往謝塵習。

遊佛手巖至竹林寺

以手摩蒼霞。終古搏秋碧。掬取九江流。澆空洗雲魄。茫茫竹林人。斑花生古額。坐斷滄海烟。日月如窮客。引領
見長眉。及至化苔石。一往號菁林。鬢鬚如雲白。

途中懷大兄

十宵九入夢。明明知已逝。識得中陰來。未審寄何位。前者四月初。恍惚上叨利。容光若平昔。天服祭遊戲。伸紙
與我讀。奇文千餘字。夢中了了知。醒後都不記。曾聞釋子言。天樂稍濃賦。若非道種深。未免天色醉。記兄初生時。大
姑兆奇瑞。靈人躍空飛。姑也承以袂。苦旅思樂宅。返促亦何異。但恐冶心多。滅却道人氣。少日念權場。鳴泉奔渴驥。
一臥三年茵。肌消如寒蝟。從茲稍譚仙。習靜學觀鼻。朝坐一絲香。暮禪半幅被。閤門杜色聲。精神轉強銳。蒙莊不去
手。卓有出塵志。幾年客金馬。漸識宗門事。乞差既里還。刻苦相摩礪。且尋復昏披。研惟空有諦。有如羣嬰兒。揆手量
鷗翅。突聞物格言。石火掣飛燧。感魔雖暫熾。狂使方爲厲。挈疑過龍湖。息求而得刺。一自直東華。先雞每戒睡。日夜
抱一編。形神俱焦瘁。眼灑如有沙。舌乾無厚味。國本既艱危。臣也難爲退。余時官閑局。弟也負書至。每當聚首時。言

必窮幽邃。毒語攻沉疴。當機無迴避。俱悟昔時非。馳馬歇狂轡。淨侶偕數人。結期向北寺。下直卽停車。六時聲如沸。合掌化如來。白毫與青鬢。東林十八賢。高舉標奇致。披此塵勞衣。縛人如鳥罽。便欲脫簪紱。指彼青山誓。或假或休沐。次第作歸計。余也先羣飛。入山選幽翠。結茆四五間。日日昞歸幟。夢魂總不及。逝也一交臂。嚴親頭觸石。聚哭空里肆。海內學道人。千里緘酸淚。弟也冒雪行。十日走臯驕。不忍見京華。何況舊邸第。寡婦一屋壁。天地爲陰陸。立後以祈年。殷哀方小替。傳聞四月終。白旄出淮泗。余也偕諸衲。奔帆如雲駛。念公闕我來。追至溇陽際。十日抵瓜儀。南北舟相次。肝腸慟一割。石火迭相謂。富貴竟何成。頑毛不如薙。十載無生學。劈運微見悉。痛呼隔聞塵。天高日西墜。前者潘去華。夢中忽見示。生平四良友。君家得其二。賴茲切摩力。今亦生善地。信我同心人。冥墨亦相締。祠之柳浪館。兄與白蘇四。天上雖酷樂。勉來一豎義。破礦出精金。剗却知見祟。攜手入蓮邦。沙劫爲兄弟。

漢陽蕭仲子參知山亭清話

平平數點山。因水發妖情。鱗鱗萬室瓦。以山增奇豔。簷際織波紋。盤裏落霞片。風橋對岸出。人影隔江見。是日雲態繁。薄陰與晴戰。漏光瀕水花。淨眼生微眴。三山五湖舫。只此大江面。幾人厲霜刃。割盡閑塵冪。無髮可留青。何繩堪繫電。爲侑橋皮仙。江渚幾週變。

舟中偶成

何云賤勝貴。賤死悲易止。何云頑勝智。頑者多壽死。晤女與妍夫。相去不盈咫。欲得截憂愁。先須斷歡喜。行年三十餘。稍稍窺茲理。視官如舍郵。等子于衣履。舍郵非不住。斷不悲移徙。衣履非不着。無心計華侈。深谷旣慳緣。闕途且停趾。出世我不能。免作勞薪爾。

二

冶煙豈不見。見之如青糟。絲肉豈不聽。聽之如鳴濤。聽水無蕩思。愛山無熱顏。辟如懷抱兒。挈手弄金丸。山雞眩其影。竟死白波間。

人日同度門發足上玉泉

燒却門符紙。匝地競如螳。青眉稚齒兒。堂上誦夫子。余也亦皇皇。趁時治山水。瓢笠共山僧。緇衣附行李。是壑卽吾居。是雲卽吾市。逸思觸東風。吐若爭春藥。胃霜遵修途。十里黃埃起。

二

西眉東衡匡。天公賜我履。道遠不能從。玉泉且經始。幾年說堆藍。未語頰先起。夢中見青溪。石泉帶雪洗。疊身智者洞。扣我先鄉里。鄉人說鄉事。真切彌可喜。問我氏伊何。作講堂者是。一隨天台講堂乃袁子雄作。

白香山三十四歲作感時詩余今正其時矣仍次其韻

少年沐新髮。鬱若青莎地。一朝盆水中。霜縷忽三四。辟如百里途。行行半將至。視老猶壯容。比少已憔悴。是身如肉郵。皮毛聊客寄。微官復寄身。寄輿寄爲二。浮雲畸太空。種種非作意。鱗鬣及髮鬢。散時等一氣。爲樂供朱顏。及時勿回避。青山好景光。花木饒情致。我有戰老策。勝之以無累。胸中貯活春。不糟自然醉。虛舟蕩遠波。從天作升墜。

天柱峯謁帝

除却善法堂。人間無此露。靈題鑄黃金。玉板花紋地。羲和曳長輪。銳碧返籀轡。霞裏召仙官。飛斷青溪翅。茫茫諸夏人。綃綺被山翠。號呼夾笙鏞。醒却天娥睡。燦珠薪水沉。千里薰燎氣。長髯老真人。曉暢天家事。逸典絕云亭。功高七十二。鞭山駕龜壘。一笑秦皇帝。

南巖 望絕頂及五龍諸宮有述

珠題嵌絕壁。人巧依天匠。峭綠疊頽嵐。青天怯脚邊。濛濛太始雲。曠劫相醞釀。一自開玄宮。斧作仙家障。蒼鬱夾欹簷。高天入盆盎。終古客清虛。諸仙幾回喪。真人將上升。先此規圖樣。十二樓五城。某天如某嶂。宮成付黃冠。仙郵侈供帳。道裝俗鬚眉。只此輸天上。

遊玉虛巖

一壁繡烟霜。石老嶽嶽露。蛻骨留空巖。青山也仙去。或織削而清。或高古而怒。瘦過必成妍。喜極多由怖。咽者爲奔泉。古者爲杉樹。種種出天成。幽奇互遭遇。翹首告仙真。此地好流寓。未必三神山。有此奇絕處。

月下

明月照我身。宿鶯熟吾貌。床几落柯文。臨風忽一笑。淨月貯空潭。如以照銜照。遞互發光明。幽陰洗晴耀。面石張枯桐。自發淒寒調。疾風傳遠林。萬籟振清竅。

薙葦

柳塘三十畝。菱葦翳其半。寒毛與垢癢。蝕却青娥面。童子厲鎌刃。飛光激流電。疾風卷殘枯。倏忽青天見。照我池上人。露鬢白團扇。菱荷一簇風。碧水千丈練。遂能入東溪。招鯿過西堰。鱗介拔族行。知有蛟龍遜。

秋夜坐月水軒同龔散木劉繩之賦

一綫露雲棧。微光漾青樹。空翳與庭昏。總被風吹去。虛欄當水心。是月流連處。頻夜厭清光。衣衫浣花露。世間濃冶物。到眼卽成故。無地不追隨。只似如今遇。空階欹瘦石。寒影清而怒。試問月中妃。雞皮凡幾度。拋却射鳥兒。億載牧寒兔。

穀日小集五弟春草堂得穀字限韻

七尺捐酒杯。一笑三萬六。紅袖間緇衫。烟水疊絲肉。花光熏冷雲。溪紋緯春艷。寧爲去水鷗。不作在樊鶴。簾波捲青天。高空墮寒玉。鐵板鷓鴣絃。長歌倚脩目。柳浪千本柳。腰肢舞不足。誕傲貽衆譏。達者以爲穀。

舟中望黃山

識面三十年。登臨纔半次。濡雨出層嵐。未曾留一字。青山笑主人。何事近相易。墨潑汗巉峿。數盡他家事。主人忽沈想。爲君構幽麗。兀然三四峯。反覆無可記。孱陵一萬家。家家立生翠。倍遠倍高寒。淡冶如秋睡。昔我登郡樓。微芒見葱鬢。越三峽而南。千里盡平地。見培塿則喜。何況發姿媚。見色不見山。此是山三昧。

九日登高河湫山

高閣俯蒼崖。下有花源路。料得避秦人。入山從此去。潭水洗山膚。膚盡紅霞露。老蛟挾瘦石。千古盤渦怒。溪上盡漁郎。誰識花流處。專往白雲新。人去青山故。挂却茱萸囊。長嘯倚丹樹。

穿石

溪上望穿石。欹懸如甕子。石底望溪山。山山如鏡裏。平平翠疊中。一峯天矯起。淡與奇相值。幽豔忽無比。鬼斧鑿天眞。刻意出新詭。一處幻玲瓏。千崖燦花燼。虛空不受雲。飛仙無停趾。唯有地籟風。終古來遊止。時時隨落花。飄渡秦人水。

水心崖

甯龍負巨山。一往冰潭睡。春沫與秋瀾。洗盡青山蛻。石膚鑑水光。遞互發清麗。轉盼分瘦妍。生動各有意。我欲舉鐵網。拔出珊瑚翠。付與種桃人。置之花深地。他時攜梓來。石上聊一戲。

桃花源和靖節韻

一笑叩烟嵐。白雲今幾世。桃花不肯流。溪水無情逝。竅開渾沌亡。模散羲黃廢。青山一舍郵。仙家偶來憩。白頭老黃冠。攜手事耕藝。呵呼隨里胥。鞭笞了官稅。岫老鷓鴣斑。谿茂琉璃吠。日供冠裳驕。寧曉麥荷掣。細想紫芝人。膝雲幾相詣。洞府簾堂深。雲霞空凜厲。天人二昏且。人間百餘歲。宇宙何不有。謾勞作聰慧。迂儒飽世情。俗腸非境界。紛紛辨僞真。等爲方內蔽。常聞列子風。可以駕烟外。長驅入仙林。徧覓心所契。

集小修篔簹谷偶成

東家貸矮屏。西家貸華燭。髻鬟錯巾冠。歡場稍彌緝。虛窗浙瀝風。四圍遮被襖。涼月蔭叢枝。十畝莎庭綠。主人季次貧。衣馬欣馳逐。三秋客渚宮。百金倚吳肉。歸來雙羞囊。風枝掃空屋。徵伎列樽罍。情侈歡不足。幸有萬竿篔。寒梢瀉春淥。蕩盡管絃心。豁開烟嵐目。何處覓清歌。微風憂修玉。

夜坐讀少陵詩偶成

嘗聞工書人。見書長一倍。每讀少陵詩。輒欲洗肝肺。體格備六經。古雅凌三代。武庫森戈戟。廟堂老冠佩。變幻風雲新。妖韶兒女黛。古鬼哭幽塚。竊遊感絕塞。古人道不及。公也補其廢。他工有遺巧。代之以覆載。僅僅蘇和仲。異世可相配。剪葉及綴花。語餘多瑣碎。紛紛學杜兒。伺響任鳴吠。入山不見璠。何用拾瓊塊。

十二月十七日五弟初度

任運閱年光。不識支干易。但聞蠟梅香。知弟生辰至。二十八番花。一開一回麗。讀盡古人書。識遍天下事。家世安國學。鐵硯工文字。無射不穿楊。一往看聯轡。屈指鬼目花。黃時甫再歲。千里宿春糲。養就天池翹。

人日自笑

是官不垂紳。是農不秉耒。是儒不吾伊。是隱不蒿萊。是貴着荷麥。是賤宛冠佩。是靜非杜門。是講非教誨。是釋

長鬢鬚。是仙擁眉黛。倏而枯寂林。倏而喧露闌。逢花卽命歌。遇酒輒呼鑿。一身等輕雲。飄然付大塊。試問空飛禽。澄潭影何在。曠哉龍屈伸。頽焉方外內。下惠本介和。夷逸乃清廢。

新晴

雞鳴聽遠鐘。淒清入寒嶠。曉枕氣微暄。紛紛簽鳥笑。花香乍襲人。窗湧一痕照。溫風露泫光。塵斂青天耀。逸思如絮騰。繫解心浩浩。出門見平湖。流水清面貌。村醅白癡杯。沿堤呼所好。

初春暴熱過靜者居限韻

花氣鬱春蒸。下馬脫吳絨。坐看細格下。時有撲紗縷。嚙口與木筆。非時聯作朋。雛篔簹雁齒。冶葉被蒼藤。聞蝶趁風廊。香鬢沾其膺。似彼青娥子。夢亦戀花綰。盆池供瘦石。斜幌隱龜燈。迴風送香縷。裊裊青烟騰。研丹竄今文。時軌裂柯會。雲山刻騷士。穠香惱定僧。

菴中閱經示諸開士

乘急參姪女。戒急性聞釵。香象截河流。一非剌衆皆。悶觀百喻經。奇勝千齊諧。八十翁憐兒。莊語間談俳。我願作書魚。死卽藏經埋。勝彼火坑子。以身殉粉娃。

喜王以明自村中來同寶方官谷限韻

骨交削濃茜。氣交和水鹽。魂交破幽石。空天徹捲簾。十日九緘題。秋水扁方奩。銳毛刻雲山。巧鑊百戈鋸。東風鼓蚺發。發我小言詹。勉自角妍媸。青娥突老髻。櫻桃本凡品。况乃經療醃。高枝蔭寸毛。貞名濫官闕。鑄銅哭瘦鳥。一往何李熾。搖頭鈍優孟。豎兒口可箝。女態非瘦肥。茶韻出香甜。瀉我傾腸波。螻蟪如可拈。鷹龍乘高雲。細蠶舞盆險。

別王以明用前韻

一室閉冷雲。花月擯無鹽。兀坐生泉石。榻風吹水簾。花斑繡青銅。夜吼紅氍毹。微言破麈尾。厲彼昆刀銛。野夢牽墟落。松寮寤省詹。空潭侶水影。垂竿掛枯髯。往往抽栗尾。拾鮮棄其醜。當其雋發時。叱畜排馬鬪。秀句傳活水。死語遭夷殲。騷家心悅惘。玄子口吃箝。異物乖今直。時味鮑歌甜。窮怪鑄九鼎。等以一毛拈。尺水晶巨鱗。吐沫聊自噉。

五弟新卜園居余笑曰奈何社中遂以爲韻作詩嘲之仍限四章各四韻

研紅裁粉竿。作意綴春物。長短稱身難。貧兒貸朱紱。百碗貯虛空。買破秋烟燭。莫似雜花林。卜菴典古佛。官谷時以柳浪湖易余古佛。余遂菴之名曰雜花林。

二

鑿地出方空。日費十蠻力。東谿招鷲鷲。西谿捕錦鶻。束腹釋青畦。圖租雲母食。墻屏列胸中。日夜幾雕刻。

三

螺子洗春雲。空塘繫瘦鵠。柳烟不蔽條。遮得鴉雛不。裁剪湘波紋。蒼根刪古玉。附僧覓紫綿。筠籠客西蜀。

四

石鑰扁春風。籬棘森戈戔。閒雲不隸館。任意邏門窰。天花爛僧械。逼眼霞紋敷。繡衣裹小蠻。茆茨享淳母。模。

迎春日舟中宴坐限韻

妖靚樂芒神。荆俗乃不典。縮頭亂臍中。通身如藏爾。面窗理瓶梅。幽香度前牖。野心似綠秣。一夜遍春賦。勁風破長雲。飛片落如剪。霜管刻春容。鐵心寄婉變。信手抹溪藤。霞舒而雲卷。坐俟山翠濃。青天策疲蹇。花草與翎蟲。作意爲敷演。夢裏題玉泉。枕上百迴輓。

入春屢作雪不見梅花仍用雪中韻作古詩悲之

寒花如古玉。未出屢遭刑。幽魂訴冷石。怨入楚騷經。置驛報花安。未曉心先聽。夢到訊不到。洗炙瘦園丁。雪心膠蠟蒂。亂結如頑礪。安得鶴膝枝。一洗龍腦腥。掃室待天女。潔水貯空瓶。枕上見羅浮。諸仙門反扃。菊格與蘭韻。於汝猶鶻鶻。紛紛縛桃李。奚啻渭與涇。

採桑渡

姊姊行四五。朝朝行採桑。青絲絡籠底。光豔映道傍。去年採桑遲。今年採桑早。只愁蠶不熟。悞我嫁時襖。採桑復採芝。照水濕羅衣。歡自不吞華。牽儂百丈絲。

過二酉師舊齋

士老不會官。女老不會媒。無媒知真性。不官見隱才。守道七十載。寂寞類寒灰。逢山過琢句。得黍卽啣杯。筆絕知麟獲。人亡爲國哀。科斗餘文字。殘書化草萊。馬鬣封三尺。文翁安在哉。空齋遺杖履。長嘖續歸來。

從軍行

百金裝寶刀。千金買駿馬。投鞭瀚海陲。繫馬陰山下。駱駝吼如雲。黃羊陣滿野。膠勁弩牙酸。霜重角聲啞。虜女貌如花。提刀向空裏。白乳滴葡萄。千鐘一時瀉。

道傍柳

濃葉藏曉鴉。青條挽遊騎。一株大道傍。閑盡行人淚。風攪玉蛾翻。烟繹長眉醉。本無別離心。行人自憔悴。

寄子髯

結髮治詩書。交情灑肺肝。十年事熊膽。何止千餘丸。文字挾飛霜。千頃躍波瀾。白髮柔似塚。青雲路轉艱。舉網珊瑚易。投珠明月難。閑情寄魚鳥。小築避暄寒。過雨常移竹。當窗學種蘭。興來摹柳字。愁至裂囚冠。駭足憐騏驎。冲

天羨鳳鸞。願借扶搖力。爲君送羽翰。

過毛太初見二甥

朝見衛叔寶。朗朗來照人。鬢髮若青絲。楚楚足精神。作對才五字。遽有驚人辭。下籌讀左史。酌酒誦唐詩。阿舅無長處。素心差足師。居官萬不可。談藝一無知。爾父敦儉樸。山居伴鹿麋。鄰公誠晚令。育長恐情癡。似之非賢者。不肖乃佳兒。

述懷

少小讀詩書。得意常孤往。手提無孔鎚。擊破珊瑚網。香象絕衆流。俊鶴起秋莽。淫僻畏仁義。行止羞罔兩。滅火事長途。何處稅歸鞅。

夢子髯

渺渺山行路。青石荷盤盤。男兒念同袍。訣絕傷肺肝。同袍入我夢。展轉忽無端。欲言不能陳。俛首但長嘆。踏雪穿松徑。長笑倚朱欄。四顧無僮僕。雲氣黑漫漫。揮手辭我去。突髮無巾冠。出門三兩犬。當道吠君還。前日送君行。君言舉體酸。今宵夢若此。得無小未安。覺來三嘆息。舉首淚闌干。

狂歌

六籍信芻狗。三皇爭紙上。猶龍以後人。漸漸陳伎倆。噓氣若雲烟。紅紫殊萬狀。醜鷄未發覆。甕裏天浩蕩。宿昔假孔勢。自云鐵步障。一聞至人言。垂頭色沮喪。

答李子髯

若問文章書。應須折此心。中原誰崛起。陸地看平沉。矯矯西京氣。洋洋大雅音。百年堪屈指。幾許在詞林。

草昧推何李。聞知與見知。機軸雖不異。爾雅良足師。後來富文藻。詘理競修辭。揮斤薄大匠。裹足戒旁歧。模倣成險狹。莽蕩取世譏。直欲凌蘇柳。斯言無乃欺。當代無文字。閭巷有真詩。却沾一壺酒。攜君聽竹枝。

爲官苦

白羽落青松。玄霜化秋草。燕市多衝鷗。日暮紅沙道。男兒生世間。行樂苦不早。如何囚一官。萬里枯懷抱。出門逢故人。共說朱顏老。眼蒿如簪長。閒愁堆不掃。

麗陽驛題壁

近驛辯語聲。入驛知面貌。昔當歲稔時。驛人奔浩浩。牽爺負男女。南出荊門道。公安彈丸地。飢兒相號召。傭力及貧春。經歷殘寒燥。幸爾值稔年。次第還井甕。鄉音半相雜。衣服宛然肖。道傍垂白翁。昔見年猶少。見我感且泣。壺漿相迎勞。垂頭語老翁。邑中今苦澇。窪田無寸收。高鄉有蟲耗。部符搜宿逋。縣家敢遲驚。鑿田田不售。兒女輸官鈔。壯者思逃移。溝壑生難料。此鄉小有年。敝邑敢相告。願作廡下兒。驛人勿嘲笑。

鄴郡夢中詩

枕上見青天。明月光流地。空水色相函。千里無停翳。微雲起天末。繚繞忽成字。或散或披絲。或纒若楷髻。上夢中作。屬思尙未竟。候人催解轡。攜夢入征途。馬上猶吟囀。翹首望漳河。停鞭思魏帝。

夏日過葡萄園賦得薰風自南來

移席就佳蔭。蕭散去巾帶。南風倏然來。令我意通泰。是風如好語。妙契心所會。又如渴時泉。一吸沁肝肺。是風何所有。涼雲與清瀨。雖然經市廛。冷得意自在。禪宮有廢圃。植槿以爲柴。虛曠多容風。雨具不須貸。爾我雖云貧。尙能施掃灑。更施無繫心。軒墜震地籟。

三教堂詩爲杜總戎日章

支公好駿馬。俗以爲不韻。頭陀手銛戈。標格乃自儻。將軍起馬上。鐵腕風雷迅。朝踏雪山冰。夜眠青塚燐。豁然悟無生。心花見鋒刃。辟如擔夫爭。見者筆意進。闕捩偶相觸。石火不容瞬。歸來讀詩書。如暗得燈燼。堂堂三聖人。同宗偶異胤。刻影求飛鴻。霧眼自生暈。白水湧冰輪。千江同一印。

方子公自真州入燕客死清源詩以哭之

貧死何足悲。所悲爲貧死。奄奄一息身。奔馳二千里。泣辭鍾山雲。夢渡呂梁水。百死到清源。聞歌猶蹶起。新詩四五帙。函封寄楊子。蛇蚓不成書。獲麟止於此。世相簿屢空。冥官豈相禮。氣類自呼召。往見東野鬼。羸博卽故鄉。首邱端可已。肥馬輕裘魂。諒非君所喜。

秦中雜咏

荒草披秦殿。秋花綴漢城。我行南山道。如閱古圖經。遺跡依稀是。長老失其名。一步一步一佇思。斷壘誰締營。又如稽蠹簡。冥搜損心神。雖以意推求。邊傍非故形。西都賦所載。一一盡欹傾。飛燕舊舞處。田夫扶耒耨。沉香舊亭子。湖石尙娉婷。清風發虛竅。其中有性靈。

其二

弔古意不禁。披榛倚斷枝。道逢雪嶺叟。笑我真情癡。爾從京師來。習見漢官儀。未央卽宮闕。金馬卽銅堤。圍營卽細柳。綺陌卽莊達。西山千萬鬢。終南同崔巍。下有高梁河。卽古曲江池。瑤臺與金屋。所貯卽妖姬。殘棺斷火甕。卽今金紫兒。辟彼膏燭光。前者已灰飛。後火續新火。焰焰同一輝。若以天眼觀。青草生蛾眉。飄風遇輕雲。無事哭荒碑。

靳尚祠

骨讒猶可憐。舌慳豈不悔。佞鬼亦相容。始知佛如海。至今籬落下。不忍種蘭茝。

別無念

五年一會面。一別一慘然。只消三回別。便是十四年。念我志參學。黃楊木子禪。百遍聽師語。終不破糾纏。辟彼生盲人。生不識紫朱。告以朱何似。轉言轉模糊。別師既不忍。留師復苦難。十月江風多。留毛蓋腦寒。

別邱大

世人等閒聚。亦復等閒別。我輩會非常。別寧不痛切。天荒古木寒。愁老石皮裂。十月江上風。酸卻行人轍。常年別妻兒。道我肝如鐵。今夕送君去。化作紅爐雪。荊樹撥皮真。竹子剝頭節。萬里黃州程。一步一心折。

白乳泉

一片青石稜。方長六大字。何人妄刻畫。減卻飛揚勢。泉久污泥多。葉老鎗旗墜。縱有陸龜蒙。亦無茶可試。

送梅子馬督木北上

男兒但得志。何必知階級。往者三殿災。梓人進公秩。督木數萬里。杞梓被天黑。長年千許人。餐餐損郵食。目今事戎馬。公私敝已極。減得一絲毫。便是竭心力。雀飛無勁毛。不若蛟有翼。愛君才調好。部署有規則。氣猛而腸剛。幕府中難得。此是有用人。終堪事絕域。

別袁中夫

梁鴻伯通橋。中夫陸家帶。都是失意人。一般滯吳會。漢水雖方廣。不能浮一芥。孤桐既已摧。窮鳳復何賴。回首吳松江。衝風折車蓋。

哀傷 爲兒虎子作

弱腕繫金鈴。青絲縮偏髻。胸前兩繡囊。猶作長命字。欠爾三斗乳。償汝一升淚。稚魂半尺餘。荒荒投旅次。我嘗靜坐思。生死同一例。子既先我行。即是鬼先輩。如彼排場人。尊卑乃相遞。一去與一來。孰知非天戲。

其二

逆旅投主人。不待卸鞭箠。顏塵尙未浣。已復向他之。來如風過林。去若鳥辭枝。細鬼勝巨人。叢汝必有知。吾欲痛哭汝。恐汝笑我癡。辟彼筵宴時。朱紫櫛巾綦。一賓偶先去。諸客盡獻歎。去者固太早。歎者亦何迷。轉眼卽天明。請君聽雞啼。

夢詩

夢國不離枕。枕上覓不得。當其在夢時。有枕亦不識。醒裏夢原空。夢中醒亦滅。安知醒天地。無枕在其側。夢醒若循環。誰幻復誰實。

大遊仙詩 有序

向余既爲仲魚作遊仙詩。子公曰。余欲用莊生朝菌蟪蛄意。恨不能措詞。余信筆得數十字。子公以爲善。因書遺仲魚。目之曰大遊仙詩。

朝菌美蟪蛄。既爲物所誦。衆庶慕長生。道寧不竊笑。仙視人則長。道校仙則天。長短理歸盡。計量抑何小。千秋萬歲後。人事殊可曉。無非霜露代。及以日月杲。天如覆口鑑。民若浮根草。禮法廝牽纏。干戈疊攪擾。百年猶恨多。矧歌不衰老。所以過量人。希心無上道。不貪絕粒方。唯貴虛無寶。外身而身存。此是長壽考。

經太華 時以典試道華陰不及登山途有此作

天地如文人。精華不可刊。而其秀傑氣。常在水與山。華山翠天表。五嶽讓高寒。當其匠意時。百竅窮肺肝。琢以

月天斤。洗以銀浦瀾。抹以洪濛煙。照以日月丸。十二樓五城。處處映青鬟。嘗恐諸仙人。鶴轡憩此間。天風刷毛羽。千里珮珊珊。

二

昔聞華山名。今見華山貌。何時陟微茫。遍償宿所好。手攀青芙蓉。玉女隔花笑。數盡仙人掌。喚醒希夷覺。少時耽子墨。頗識徐熙妙。幅絹對青山。臨崖親寫照。不取色態妍。唯求神骨肖。俗黛與凡霞。無事點幽奧。斷崖着孫登。虛空發清嘯。

邢州道上大風

南風捲地昏。拗折道傍樹。吹面如有痕。欲拔鬣鬚去。此地足黃沙。易作風神怒。岡陵忽變遷。老馬不知路。日暮憩郵亭。顏面都非故。盆水貯滲泥。雙眼出烟霧。詰旦過沙河。未至心先怖。何事太行山。酣沉了不寤。豈無一掬波。澆此秋空污。夢中排九關。芒屨沾雲絮。投筆擊眠龍。驚起如飛鷲。

飲方涓津齋中

山齋多快事。彈棋角盃聲。衛水齧牆流。瓶中見帆瀉。魚鷹窺筆牀。溪花亂枰馬。開簾觸新韻。高吟對梧楨。避俗

一朝見俗子。三日面生塵。所以薰修客。長年如畏人。買絲繡高士。栽松作比隣。不有滄溟水。焉得橫海鱗。送峨嵋僧清源時源請有檀香佛刻鏤甚精

師從峨嵋來。往返經幾宿。茲山間最高。幾許到天竺。師行遍天下。無乃是神足。竦身入梵宮。鏤此旃檀佛。

黃梁祠

八番邯鄲道。半世盧生枕。滾滾枕中人。渴名如渴飲。羲皇北窗下。所樂唯甘寢。祇恐紛競多。敝壞我席裯。
可道人影贊

生既將不來。滅豈將得去。欲識帥真身。問取堦前樹。手中枯木枝。脚下芒草屨。面皺而神清。是師苦心處。
白鹿泉

方池二尺餘。池復深無幾。一雙金鯽魚。曠若遊海底。山骨凍秋雲。波面香石髓。但論活不活。安問淺深水。
戲題飛來峯

試問飛來峯。未飛在何處。人世多少塵。何事不飛去。高古而鮮妍。揚雄不能賦。

其二

白玉鑿其巔。青蓮借其色。唯有虛空心。一片描不得。平生梅道人。丹青如不識。

感興

白日不可挽。黃金不可爲。夙心探玄理。幽興白雲期。衆芳經春歇。秋草過時萎。富貴非所欲。浮邱以爲師。
其二

其三

貪夫競榮利。不顧頭上霜。書生談不朽。眉宇爭昂昂。生前秦項鹿。死後藏穀羊。所以渣蓬叟。棲志沉墨鄉。
其四

道逢一古叟。開啓論紫朱。方上而銳下。將無是魯儒。魯國有微言。儒者竊其膚。家家饜五城。誰辨魚目珠。
俗塵近不得。遠之亦爲塵。擾擾色界裏。具是清淨人。何方超夢幻。無法過貪嗔。曹邱一滴水。自然智慧津。

別黃道元附

卜居在城在野。雁蕩或東或西。雙門之上之下。
驛路柳條如鞭。江上奔帆似馬。西瀾聚首許時。冥關各自歸也。明春有事天台。便過龍湫度夏。公家半宦半歸。

七古言

嘆鏡

湖州鏡子開生練。昨日紅顏今黧面。只道鏡子不長情。誰知我面時時變。背文回合雙蛟戲。千鍾粟錦藏鸞翅。闊眼方鼻淺翠紋。古籀盤屈烏銀字。拂拭旋生縷縷烟。摩挲喜得重重翠。古往今來半尺銅。人間多少傷心淚。

東阿道中晚望

東風吹綻紅亭樹。獨上高原愁日暮。可憐驢馬蹄下塵。吹作遊人眼中霧。青山漸高日漸低。荒園凍雀一聲啼。三歸臺畔古碑沒。項羽墳頭石馬嘶。

少王郎爲王幼度作

寒氣如山壓霜重。珠閣銀題連曉動。吹笙十五少王郎。手擲青梧拴綵鳳。衮衫淺掛無賓主。滿握青煙噴白塵。金爐雀雀獅子鳴。膩燭雙雙芙蓉吐。乳花如雪滴春香。百刻無多情則長。西施入越夷光死。鸚鵡無魂鶯斷腸。麗娃宮裏苔三尺。旋拂遺薰嗅香跡。古井晶瑩惱殺人。夢裏行雲誰到席。

惠山僧房短歌

山骨連牆粘碧篠。穴苔日種吉祥艸。茶到三鍾也醉人。花無百枝亦藏鳥。少年長老姿格清。竹鍾蓮卷古先生。東風不道禪心定。吹入山頭環珮聲。

迎春歌和江進之

東風吹暖斐江樹。三衢九陌凝曉霧。白馬如龍破雪飛。犢車碾冰穿香度。鏡吹拍拍走煙塵。玄服靚粧十萬人。

羅額鮮妍。琴綵勝。社歌線繞。簇芒神。緋衣金帶。印如斗。前列長官。後太守。烏紗新纓。漢宮花。青奴跪進。屠蘇酒。探蓮舟上。玉作幃。歌童毛女。白雙雙。梨園舊樂。三千部。蘇州新譜。十三腔。假面胡頭。跳如虎。窄衫繡袴。捉大鼓。金蟒纏胸。神鬼裝。白衣合掌。觀音舞。觀者如山。錦相屬。雜沓難分。絲與肉。一路香風。吹笑聲。十里紅紗。遮醉玉。青蓮衫子。藕荷裳。透額垂髻。淡淡粧。拾得春條。夸姊妹。袖來瓜子。擲兒郎。急管繁絃。又一時。千門楊柳。破青枝。獨有閉門。袁大令。塵擁書牀。生網絲。

江南子

鸚鵡夢殘。曉鷓起。女眼如秋。面似水。皓腕生生。白藕長。回身自約。青鸞尾。不道別人。看斷腸。鏡前每自。銷魂死。錦衣白馬。阿誰哥。郎不如卿。妾奈何。

其二

白巾蒙沙。花出泥。東家老漢。得嬌妻。少年不道。妾心苦。夜夜門前。亂烏啼。妾心甘作。井底水。郎君錯走。路旁蹊。誰家門前。無鴿子。歸去且自。看家鷄。

其三

蜘蛛生來。解織羅。吳兒十五。能嬌歌。舊曲噉厲。商聲緊。新腔嚙緩。綉頭多。一拍一簫。一寸管。虎丘夜夜。石苔暖。家家喜喜。串歌兒。紅女停梭。田畝懶。

其四

湖蠶吐練。光如水。桑娘夜織。金闈裏。熟作綾絨。生作紗。挑盡蟲魚。與花蕊。年年宮樣。換新機。一蟲能作。幾般絲。父當解戶。兄塘長。官家頭運。五月時。

其五

白面青鬃美少年。朝投五木暮攤錢。百千一注不洗手。贏來賭取少娃眠。男兒作事勿偃蹇。黃金博盡終當轉。莫道腰間無一文。閨中少婦猶堪典。（余在吳。見博徒有典妻者。）

美人睡起詞

鶯舌般般學人語。隔溪喚醒厭春女。寶枕花酣龍腦雲。粉香暈透猩紅雨。花前輦步詢鸚鵡。歡醉歸來時幾許。開粧重點聖檀心。夜明簾外金沙吐。

蘭舟引

東風染就藍花水。刀鐮十寸青帶子。鸞鵲啣母下灘眠。閉歌一翅衝煙起。入扇風香白芷苗。鉤衫刺短迷陽蕊。畫船樓櫓蹙波來。美人一笑蝦鬚裏。

西閨女兒歌

爲吳郡姬再合賦

西閨女兒芳菲早。穠華一樹爲君老。根株憔悴可惜人。和枝生折鴛鴦草。東風一夜燈萋水。又逐王家雙燕子。莫道楊花無定蹤。吹來還入舊窠裏。

巷門歌

貓竹爲牆杉作城。白日赤丸盜公行。官軍防禦無計策。逐戶排門呼土兵。衛尉呵持急如虎。老弱十家充一伍。本是市上傭工兒。身無尺籍在官府。東家黃金高于天。食指盈千皆少年。朝朝門前科子母。何曾饑得半文錢。富兒積財貧兒守。父老吞聲嘆未有。

春江引

溪激激。草莪莪。野桃落。滴珊瑚。紅。花氣曉。腥魚子浪。柳枝晴。扇麥苗風。美人羅袖撲香蠶。科斗旋旋了子尾。百舌欲止復衝人。一聲滴溜芳蹊裏。

春曉曲

蘭燈蕊綻白光殘。隔花呼起夜歌鸞。琵琶轉換嬌無力。博山欲炷龍腦寒。肩梢散黛重重撥。額角輕黃正正安。侍兒不語流鶯語。海棠沉睡赤欄干。

述內

世人共道烏紗好。君獨垂頭思豐草。不能榮華豈大人。長伏蓬蒿終凡鳥。富貴欲來官已休。兒女成行田又少。盈篋算無千箇銅。編衣那得一寸縞。陶潛未了乞兒緣。龐公不是治家寶。玉白冰清欲何爲。不記牛衣對泣時。

答內

少年讀書求富貴。白手青雲能自致。屈首空云事已成。到頭轉覺官無味。一尺剛腸五尺身。我非兒女寧拜人。萊子有妻終是隱。原憲無病莫憂貧。我腕如綿面似紙。未得一錢先羞死。書生無才不解貧。不是將身比秋水。

湖上

流鶯舌倦語初歇。畫轡微點梨花雪。茶槍白抽四五旗。竹孫斑裏兩三節。芳艸如綿陷歸轍。花氣薰人醒不得。落紅雨過更愁人。六橋十里碧猩血。

五泄

銀河夜長天隄綻。空中現出琉璃變。電布雲奔一派垂。山都靈吼白龍戰。四壁陰陰吹雨足。巖槽活舞玲瓏玉。天孫夜夜踏歌來。一曲飛珠二萬斛。

贈模上人

頭髮如霜氣如虎。欄干十路撻生虜。手掣頭顱百顆歸。不會半粒食官府。而今老來無氣力。縣家明文防饑賦。空房夜雨刀癩寒。兒孫驕呆去不得。

沈母篇爲蕭山令沈廣乘年兄賦

女霜五月流空檻。碧海無波白日斂。贖得遺編苦教兒。淚作筆花血作點。頭白眼酸軻名立。部疏得報溫綸及。轉將深痛畏兒知。當面堆歡背面泣。湘湖水白蕭山青。花光雲片滿公庭。慚無一錢將供母。閉門親寫法王經。

過雲樓見連池上人有狗醜韭酒紐詩戲作

錢塘江上雲如狗。一片頑石露醜醜。苦竹叢叢一嶺烟。毛松落落千行韭。道旁時榜趙州茶。室中不戒聲聞酒。更問如之與如何。便是頸上重加紐。

又用前韻

少年曾盜子胡狗。父母不容親戚醜。每到僧房索布衣。更向佛頭種葱韭。讀書十年未識字。持戒三生不斷酒。恁有一般可笑人。逢着師尼便解紐。

題潘生小像生嗜酒時將別

潘生肉頰權微起。面貌長在酒杯裏。何人傾出酒波來。灑向溪藤五尺紙。憶昨逢君黃山道。窄帽單衫立深艸。江上追隨又一年。缸面甕頭幾回倒。殷勤留取篋中身。別後看誰先瘦老。

漂母詞

劉宗火冷寒灰滅。浣衣墩上頰花熱。一飯王孫直許錢。消得鸞刀幾週血。荒街日夜走荒塵。西風酸斷石麒麟。

笑他白手女天子。不及汝頭愚婦人。

淮陰侯祠

淮陰云解衣我推食食我

秋郊鬼盡韓盧密。三尺青蛇捲鋒穎。到手山河擲與人。却向雌雞納腰領。英雄桂足歸羅網。辯士舌端空來往。本將衣飯齎王孫。未許肝腸敵亭長。一局殘棋了項秦。五湖西子白綸巾。貪他一顆真王印。賣却淮陰跨下人。

燕子樓

空窗畫掩紅紗隔。一夕溫風長葵麥。秋去春來雙燕兒。年年啣粉扮粧額。芍藥死枝不死根。焉知黃土不青春。幽魂異日逢楊柳。應悔生前別舍人。

子房山謁子房

蓮花冠子紅犀導。雪面風髯一年少。夢裏山河博幾場。抽身笑指長松道。英雄老盡故人稀。眼底修毛鸞翅飛。功成辟穀或有以。未必神仙須布衣。

爲楊粉署題小像

鶯溪冷絹花紋澁。四尺春波吹粉墨。幼與豈非丘壑人。筆底瀟疎誰貌得。高人氣韻不在似。如寫寒松與幽卉。寬眉廓額信手塗。疎淡只似鋪山水。馬遷文章杜公詩。此意却許徐熙知。

花朝日伯修初度

紅葩點點灼青樹。開尊正值花無數。不知庚甲是何年。但道桃花開幾度。玉堂署裏課葵蔬。鶯鶯池邊領鸚鵡。新年詩興更勃勃。墨汁淋漓染絹素。驚雷忽發萬山芽。俊鷹陡落平原兔。一束牛腰足自驕。九陌飛塵何所慕。花下兄弟陸州禪。夢中烟月曲江渡。擬把一竿隨丈人。不向天家作師傅。

長陵

長髯真人別天上。鶴馭龍驤轡千丈。鬣鬣風鬣滴烟香。空山夜語姚和尚。霜街寂歷吹松子。皂衣落落穿十里。小臣有語叩龍鱗。地老天荒呼不起。溪藤瘦石碧昂藏。馬蹄踏水炬煌煌。千年山骨憑搜取。當日龍沙戰幾場。

夏日同江進之邱長孺黃平倩方子公家伯修小修集葡萄方丈以五月江深艸閣寒爲韻
余得五字

落花點地成重五。香翠熏泥粉沾雨。買將安石伴炎官。鬼書未燥花先腐。當窗一榻卷琉璃。下方五月吹寒楚。姬公且自卻門檐。茗椀漚花生白糝。

其二

下里詩人喚陽五。酒腸窄窄無一縷。空拳往往博歡場。如以孤羊角羣虎。一蕉入口卽整姍。浪言欲作糟丘主。天幸酒伯多知音。稽阮賀李相推許。鄴留豈必解披堅。不飲何妨建旗鼓。

和邱長孺

藤蔭柴桑碎光白。古寺閒房坐佳月。白家（邱善歌。白姬所授也。）曲子規如珠。沉宮掉羽吹香雪。五言七言信手成。剡霧裝風好肌骨。筇根處處覓糟丘。逸思并如春柳發。世人三十進愁鄉。眼睛直視胸懷結。天生蕩子慣窮途。客囊冰冷心猶熱。官旣無門名不有。爾縱不言我心折。眼中知己盡青雲。不能拔汝一毫髮。七尺身材五尺臂。雕弓往往穿金鐵。貧賤熬人亦自難。許身何苦太高潔。埋却中山十斛毫。獵盡撩天千里鶻。射虎驍鷹一健兒。無成何用空吻舌。莫辭低頭拜大人。溺間胯下眞豪傑。

和小修

蘄州新酒白石缸。空雲影澄鴨頭江。露梢千縷撲斜窗。黃笙藤枕夢吳纒。葛締小眼如雲涼。星河放教萬尺長。
和方子公

酒困傷脾色昏沉。下馬呼水煎人參。皆云昨宵倦苦極。動以狂藥相規箴。須臾麝香撲鼻來。初猶矜持漸浸淫。
尊階勢決不可止。突若一羣狂猩猩。脫帽擲天呼石語。蒼旻不高海不深。至哉酒人天下樂。寧有醉死無醒生。

和江進之

一尊相對嘆枯老。出囚人逢他鄉道。但令脫梏卽華津。寧論官高與官小。剡溪藤紙百匹長。渴驥驚蛇惟一掃。
霜根忽地破東風。千山萬嶺生青艸。閒水閒山處處行。刻盡雲烟與花鳥。娃宮宵廟武丘山。別後新函寄多少。

和伯修

西風冒藤如買索。急雨穿棚如穿幕。樹梢投地水濺珠。葛衫吹上毘盧閣。乍黑乍丹雲態多。驟寒驟煥天公耀。
熱席得雨亦快人。愁殺山僧賣花萼。

和黃平倩平倩有文君盤出以行酒

臨卽酒壚卓氏盤。攜向禪堂醉裏看。橘皮蟹爪未足云。分明遼山秋水寒。殘膏剩馥沾唇吻。引得青娥入肺肝。
世遠物微不可知。且欲借此爲樂端。百盤一吸無遺灑。奔注有若隕風湍。醉中逸思不可止。撥却老僧新竹竿。書空
十丈作鳳字。平地躍躍飛生鸞。

顯靈宮集諸公以城市山林爲韻

仙人傑閣俯王城。西山見雨北山晴。高雲直接薰爐氣。去宮百里聞鈴聲。古柏石幹青虬枝。烟綉千尺屋十楹。
東邊奈子結老友。却憶往年梅客生。

其二

野花遮眼酒沾涕。塞耳懸聽新朝事。邸報束作一筐灰。朝衣典與栽花市。新詩日日千餘言。詩中無一憂民字。旁人道我真贖贖。口不能答指山翠。自從老杜得詩名。憂君愛國成兒戲。言既無庸默不可。阮家那得不沉醉。眼底濃濃一杯春。勸于洛陽年少淚。

其三

琳官高處見西山。濃翠隱約高低鬟。幾年桑孔算雲烟。人間巒石無蒼顏。白雲向我意潛潛。欲從平地乞休閒。東郊西隴皆官畝。判取虛空任往還。

其四

榭棚不關濃濃陰。池沼不寬灑灑深。賓朋不衆盡同心。言語無多足知音。三伏自然消暑氣。何用深山嘉樹林。顯靈宮夜歸

雲頭黯淡色如鐵。撲衣打面旱沙熱。六街潑墨氣騰騰。幾點風燈鬼明滅。鈴鐸當當辨古寺。走入衲僧鬢纒被。墮瓦拋椽雨閉眉。雷公脫腕車輪碎。長風捲地天吹垓。一星透出層雲額。馬蹄依舊逆衝廳。炬火不光天路窄。電光耀耀譜華繪。細如姬髮粗如繩。雲山花鳥各呈態。天女飛絲繡不成。人言閃電是天笑。天翁何事頻歎叫。嫦娥歸魄織女藏。頑墨昏盲有何好。北安門外水沉路。溜點在簷雨在樹。果然隔轍分晴陰。雨師似亦相回護。歸來門巷無燈燭。叱奴鞭婢旋煮粥。墨花一瀉滿吳箋。殘雨疎疎滴簷竹。

邱長孺醉歌和青平倩

廣陵緇酒眞朱鼎。麴花決決倒河渭。研朱潑面火生肌。離身一里閒糟氣。初如渴隄奔鳴泉。漸如怒虎吞鬪賊。

乍如山石鏿一絲。又如雲絮泊空際。須臾變幻如偶兒。乍孤乍末恣俳戲。又如分身作數人。口耳心神不相制。旋風着樹刺鉤藤。郭郎舞袖張顛字。口中牽絲舌力蹇。千言不能達一義。酒人諱醉強惺惺。容貌矜持禮法贅。強將拜跪學常人。不覺歛身落崖砌。千扶萬擁不能支。吻中微聞呼白二。簷溜丁丁滴到簷。舉手推屋若辭醉。一酣三日昏如泥。麴聲吼若驚濤至。天然一幅渾沌圖。人間械路爭迴避。(白二。邱郎姬也。)

德勝橋水軒集諸公詩

西山去城三十里。紫巖青巖見湖底。一泓寒水半庭莎。賺得白雲到城裏。菱葉濃濃遮雉雉。野客登堂如登舸。稻花水清御池香。槐風陣陣宮雲涼。一番熱雨燈波沸。穿簷撲屋生荷氣。乍時潑墨乍清澄。雲容閃爍螭蛟戲。兼波斜帶水條烟。北窗雨後夢清圓。免將數斗惹仁酒。賃取山光不用錢。

避雨崇國寺三日紀事

濕雲漲山雨不止。一酣三日葡萄底。天公困雨如困醒。醉人渴飲似渴水。東市典書西典几。團糟堆麴作城壘。明知無雨亦不行。權將雨作題目爾。僕夫安眠馬束尾。大甕小甕來日起。

戲贈死心和尙死心以秀才出家 原名文煒

鐵城焰裏熱忙身。幾人能擲頭上市。題將百八金剛子。辭却東家老聖人。少年意氣非等閒。精悍之色在眉間。錄取魚腸一匣水。鑄作胡僧雙耳環。往年湖上逢開士。薰月規烟說文燄。但知北海是大兒。誰識南宗印真子。海內學士聞行履。半說顛狂半驚死。東方先生代解嘲。秀字何妨豎却尾。瘦巖百尺突寒松。冰谷千年貯古水。落花紅流。入溪瀾。請看風吹起不起。

月夜登良鄉塔岡與子公諸友作別

秋水激激滴青霧。城外人家城裏樹。白埃一道衝紅亭。正是馬蹄離別處。荒垣殘葉幾家村。千厓洗盡月波痕。鄉關十路九貂虎。未知托鉢向何門。鷺禽一羽分煙去。雲路沉沉安可論。

趙州觀水壁憶真際和尚

幻士幻入水三昧。博取天河作手戲。跳珠迴沫五尺餘。一城草木掀濤勢。古佛堂前柏樹子。半裂空心半斃死。荒齋龍鍾幾病僧。日暮空垣拾菌耳。堂頭老像如冰冷。寒碑月寫風枝影。石欄獅子向東啼。夜深喚却虛空醒。

賦得斜風細雨不須歸

莫盤山上亭如蓋。紐取蒲梢作衣帶。絲煙細雨着羅窗。墨樹濃山瀉生繪。農家閒記月毛生。賈舟怕見江豬拜。是處皆將笠簪行。誰家不帶刀鐮賣。雲脚纜封馬蹟山。輕雷忽過吳淞界。湖州萬戶入青煤。七十二峯如錢大。鋪糟一枕釣竿眠。不覺風波在船外。派派煙嵐刺眼眉。折折雲山鎖心肺。誓將白水洗纓塵。何用浮雲生肌疥。爲君屈指開元年。高冠大纛幾人在。一灣艇子一竿絲。不學成都先生卦。

文殊臺

芙蓉萬尺花如鐵。秋窗畫酒紅霞屑。螺頂仙人騎杖來。天衣曉帶雪山雪。帝遣神丁量海洗。繡鈿斑駁生平砥。一萍吹作潯陽城。半匕疏爲九江水。高青直上一萬重。綠腦笑啓金泥封。煙重雲滑不可去。愁鞭白雀惱張公。

瀑布

寒空日夜摩幽綠。霧縠龍綃披幾束。銀灣截斷牽牛人。鞭起眠龍駕天轡。帝宮酒暖鴻愁春。霧汁茫茫瀉清淥。夜寒霜重玉女驪。袖裏金甌向地覆。湘娥手挈瀟湘來。雪魄雲魂鬪不足。炎官不到落星城。六月人間呵凍玉。

夜臥青玉峽看月

渴虹飲石夜蛟哭。寒屑霏霏灑斷竹。一灣淨月趁斜槽。墮向龍宮寫幽獨。鷓鴣斷盡鐵槽平。石鹵高寒譜不足。頭毛索索鬮人長。幾時買斷青崖腹。五更涼夢泊孤雲。以手捫天如蒼玉。

出城至大別寺題壁

漢陽山上閒禪少。漢陽城中人又老。娟眉雪齒競浮榮。幾人頭上無青艸。荒墳如粟秋山下。嗷嗷鬼母訴長夜。山中老矣頭陀行。白骨堆中起精舍。漢陽城如掌大。壯士激矢穿城過。試登高閣數行人。闌帽青衫凡幾箇。

舟中夜話贈馬元龍

十年不作沙頭客。舊時昵好頭盡白。偶然湖海訂新知。久語寒泉落幽石。白沙着月水澄天。一面吳綰滑冷碧。鐘聲沸盡火銷灰。不覺西窗墮寒魄。世兒啾啾弄吻舌。豆火不光地自窄。等閒攪手葦青天。枉把虛空記尋尺。天池九萬自乘風。不以蜩鳩損勁翮。

荊州前苦雪引

鮫民老困輸絹苦。私向龍宮販雲母。百獸夜經翟唐門。峽鬼騎魚訴天府。鮫戶十竄九囚虜。淚不成珠天帝怒。骨白粉焦委黃泥。至今荊州唯白土。

荊州後苦雪引

東皇放晴亦不惡。何事飛雲巧穿鑿。入市不填萬井飢。積峽惟助江神虐。蔬盤日日嚼冰絲。豈有羊脂充突臄。撲窗打幔十日落。千門無路貸金錯。廚斷煙消牙齒閣。下方自苦天自樂。玉娘斜坐抱雙腳。仙官雲吏供嘲諤。東海盛麗黃姑酌。天鰲夜竊九關鑰。倒騎獰龍捶金絡。羲和上書翻見縛。丁令無官化飛鶴。吁嗟天公待民何其薄。野人扶白覓溝壑。

春江引

濃煙抹盡春沙暖。錦雲炙日鴛鴦滿。斜嵐撲地夜薰香。較取卓家黛深淺。苔光勻綠堆春簡。尺闌題盡折枝短。桂橈一劃破青天。辦取藤鞋踏山眼。

哭劉尙書晉川

記相識。相識黃鶴樓。當時稚齒青衿子。平揖方伯古諸侯。書司曹佐斂手愁。公也置几頭柱頭。飲我酒。庭幽幽。千枝如火燒紅榴。東阡晴川四鷓洲。少年佻達躁如猴。枕肱疊膝百自由。欲杯畫筋恣嘈啾。爾時山翁問余言。乘興遂作洪山遊。中間離合苦不定。長別已經十春秋。去年三弟山東來。道公貌映骨力遒。百八串珠不離手。言談清簡風颺颺。未幾傳公病。又傳已小瘳。昨者度門從淮返故里。親見白旒黃腸出濟州。使我淚眼如江流。三日欲語不得語。枯咽喉。海內學道幾人在。轉眼輒爲天所收。去年哭潘去華。又哭我先伯修。河枯岳折星辰死。鳳凰不鳴鳴鸞。天公子世豈相離。或者精光透泄不宜久。高賢大才理當歸一丘。嗚呼既知歸一丘。何爲銀章緋袍白頭戀着不得休。

和東坡梅花詩韻今年雪多梅開不甚暢爲花解嘲復以自解云耳

世人鬪豐不鬪稿。瘦而能立勝肥倒。世人相喜不相愁。濶快豈若清煩惱。寒花遺逸花典刑。不與夭喬論繁早。根株虬曲幹橫斜。總令無花格也好。山茶肥膩蠻腮紅。蒲柳輕微娟黛掃。孤清灼灼月婢春雲。白石蒼崖相對老。只將黃髮領芳菲。忍令高姿伴花草。山中夜逢粵絲華。驕着么鳳上青昊。

其二

花神一夜色枯槁。主人入門愁絕倒。夜深花曉似人言。主人百事重花惱。一者庸工剪束繁。二者醜女折戴早。

三者頭上寧着老鴉啼。不願俗子相憐好。西禪遺矢主不嫌。花落青苔任簪掃。算緝立券坐花前。無酒無詩送花老。孤山事我若仙姝。君之視臣如芥草。主人百拜謝花神。過不卽芟如春昊。

其三

主人被諍如摧橈。空庭百匝愁顛倒。抗顏也作花忠臣。摘葉披枝恐花惱。貯君玉照金谷之堂。山驕石佞君開早。肥君和羹驛使之辭。調卑格弱君言好。我無紅碧爲君妍。莎臺莓樹躬除掃。宋硯劉紙李廷珪。折枝貌得花韻老。榮枯開落等一觀。自覺與花非艸艸。月沉風止兩無言。一方積雪照冥昊。

虎耳巖逢不二和尚

幽巖幻出支公面。瘦壁玲瓏點菝茀。百年一室鍊青煙。澗石霜松幾回變。師言少日住西山。南內風光眼曾見。武皇七年四月時。搭衣會上戒壇殿。白頭等死入名山。四十三年若流電。椰梅插得大十圍。又見曾孫頭似篔。夜深屈指數朝賢。青山閱人如郵傳。元美伯玉今在無。可惜聰明死編撰。

隆中偶述

蒼藤老蔽幽谿石。瘦鏹棧棧網苔迹。想得山中抱膝時。涼雲如水樹紋碧。山莎滿地刺花紅。草堂斜掩一池風。杖聲跼跼衝山鳥。道是鹿門龐德公。開尊疊唱梁父吟。黃頭醜婦拔釵簪。踏花趁石窮幽輪。行盡溪橋聞怪禽。一朝龍甲騰巴水。蕪瀉清江澆玉壘。西連鄴虜東狡吳。坐策行筭幾回死。晚年隻手扶庸主。文泣鬼神戰風雨。炎火不光漢數窮。消得英雄憤幾許。五丈原頭石甕塵。煙霜蔽却白綸巾。始知伊呂蕭曹輩。不及餐雲臥石人。

黃平倩至玉泉以書見要倍道趨之馬上感舊有作

曉枕濃和發清嚏。知是佳人呼我字。翩然一鶴自東飛。卿得巴江賸子至。蠟花滿幅堆明燐。要我共踏青溪翠。

怒帆一掣截長波。馬不待羈揮以轡。顏監疊綠瀉平田。顧林稠葉點清賦。當時京國好兄弟。射堂佳月城西寺。幾年拋沒嘆吹雲。又作飛鴻留爪地。老去相逢緣熟人。夢回每說金華事。欲知銷折幾番心。看我衣衫重疊淚。

贈陳正夫

學書不成去學劍。拋却鉛丹買弓箭。六韜不直一文錢。穰苴終作灌園漢。稻黍不收收莠莠。勉將方口救窮賤。古紙煙黃書一通。赤日方衝磨大硯。滄波尺沫瀉枯魚。十年不識孔方面。記得魁梧美少年。手把牙籤頌書傳。花前月下幾吟哦。顏書自掃白團扇。高冠大袖走文場。身經大小百餘戰。幾年面上堆紫煙。直腰曲背走鄉縣。家園賣盡子依人。不及西家老曹掾。身宮磨蝎命驛馬。五行勞碌君自見。詩能窮人窮者工。瘦島寒郊無飽頓。新詩字字挂人口。不與妻兒充饑噉。如今貴者不讀書。腹中猶如酒食店。自來好語出饑腸。一字堪酬五十絹。我亦辭官作乞兒。他時同入歌妓院。

和穀字韻

江波日夜鳴頽絲。眼底屏山青六六。茶花冷西燒春雲。酒暈生腮紅照肉。先生吟詩新履道。兒童覓硯舊紗帽。只覺營生讓怒颿。未許卑飛奪倦鶴。水聲風枝伴楚吟。濃煙淡月隨燕玉。競奇角險建驢場。徹夜燈花守魚目。規紅纒碧推好手。入地搜天快神足。詩成佳惡自平章。除却莫榴留嘉穀。

看梅用前韻

海上佳人字蓴絲。一笑曾傾三十六。古來相女如相士。莫使精神掩豐肉。洗却東家惡朱粉。不御人間閑綉紵。一枝素豔倚蒼雲。夜夜諸仙返龍鶴。騷魂冒雪走三湘。客夢隨風墮翠玉。氣條繁蓋亂高濤。引得時流妄標目。詠物寫生同一肖。不貌而工神已足。孤山昨歲附詩筒。千里函題寄不數。

代廣陵姬用前韻 爲崔生作

低鬟染就宮雲綠。麝裙曉展瀟湘六。楊子橋東梅嶺西。歸魂幾夜銷香肉。輕粧淡抹淺規眉。愛着生衣棄執鞭。一身飄落等吹花。千里家鄉任白鶴。東隣移去復西隣。那得王昌與宋玉。梅花終作處士妻。海棠嘗試詩人目。寶珠補屋是何人。方領長環窮也足。但得夫婿不從軍。同向沙田種麻穀。

借崔晦之過二聖禪林時諸衲子出紙索書戲得猪字

柳瀾滴瀝溜春渠。牡丹已老木香初。黃蕉白紈蔽香廬。唾雲沫月謀空虛。剡溪十丈雪不如。長眉辟支手自舒。波折瘦硬結淺珠。細如春蚓濃如猪。書成詰曲不能讀。牛鬼蛇神者誰歟。天竺胡兒解我書。

甲辰會榜題名至時舊友及諸弟在場屋者皆被落因及之

無翼而飛無脛走。辰發幽都已南斗。一丸紅蠟半通函。喧殺青童與白叟。珊瑚未盡鐵網愁。霜蹄暫蹶麒麟吼。了知妍醜任贖人。未必梟虜真好手。柳浪千頃雪粘天。月下筵尊花下白。隔年兄弟校眉鬢。面上浮紋添八九。南郭種蔬西郭田。山前着屐山後酒。少年愛惜等佛名。今日公然破敝帚。幽窗日上簾紋紅。絕勝朝參與卯酉。顛毛那許更烏紗。花鳥雲煙共白首。

聞省城急報

黃鶴磯頭紅染淚。手殺都堂如兒戲。飛鰲疊騎碾碾塵。報書一夕三回至。天子聖明臣斂手。胸臆決盡天下事。二百年來好紀綱。辰裂星紛委平地。天長關永叫不聞。健馬那堪持朽轡。書生痛哭倚蒿籬。有錢難買青山翠。

和東坡聚星堂韻

凍鳥無語低寒葉。曉起漫階五尺雪。穿簾撲幔綴斜風。楮碧紗紅景幽絕。蠟膏乍盡翠絳生。研冷煤枯霜穎折。

千梢擺壓風翅垂。萬瓦齊鋪烏鱗滅。近牆老鶴不知人。却立鸞鷲如被掣。月團三百沸溫瓶。盃碗漚花瀉文纈。高禪滿坐罷齋床。佳言衝口旃檀屑。楊岐偈子冉三題。龐老機鋒時一瞥。東坡先生寫雪真。不用煩言與喻說。杜老梅花詩亦然。廣平空有心如鐵。

送惟長先生歸途中偶成

板橋絲柳黃泥路。曾是從公送人處。麻衫掃地額沾沙。蒿里一聲公又去。長隄雨暗血滋衣。旛旒遙遙捲飛絮。白楊無數鬼啼風。三十六人唱煙霧。人生要死何用愁。白日紅輪攀不住。赤髯黃卷儼他生。皓齒清歌樂朝暮。薄留風雅駐歡場。高築糟丘驅大怖。一斗憨憨睡寶池。大士心許佯頹怒。少日倔強老更顛。料公拍手菴羅樹。

午日沙市觀競渡感賦

金麟拆日天搖波。壯士鷹旄鳴大鼙。黃頭胡面錦抹額。疾風怒雨鬼神過。渴蛟飲壑獬觸石。健馬走坂丸注坡。傾城出觀巷陌隘。紅霞如錦汗成河。妖鬟袖底出巾冠。白顛髻下立青娥。朱閣玲瓏窗窈窕。輕煙倩語隔紅羅。北舟絲管南舟肉。情態景促歡奈何。雲奔浪激爭撫掌。亦有父老淚滂沱。落宮自昔稱繁盛。二十一萬肩相摩。西西中瀋橫幾載。男不西成女廢梭。琵琶賣去了官稅。健兒半負播州戈。笙歌沸天塵捲地。光華盛校十年多。耳聞商禁漸弛緩。努力官長獨煩苛。太平難值時難待。千金莫惜買酒醪。君看至德中興後。幾人重唱天寶歌。

彭長卿自武陵至公安遊甚困便欲由梁之魯入都歌以送之

瘴雨谿煙痕滿面。去日北風打霜霰。青鞋踏遍武陵山。溪流不泛桃花片。千崖霞錯繡盤盤。自是羈人眼不見。歸魂夜夜攪春雲。夢裏黃金醒後變。宵寒枕上疊征衫。曉雨街頭典行卷。囊空難買沙頭春。一騎秋風走淮汴。袖裏慵開北海書。匣中自洗端溪研。杜甫南池李白樓。兔園臺館靈光殿。七十老翁健如鐵。騷場尙可背城戰。大耳紅頰

酒百盞。醉來猶枕桃花扇。朱家門外季布髡。信陵席上侯嬴賤。碣石天高曉月寒。潞河水滑秋雲濺。幕府若逢裴相國。一字應償一匹絹。

古荆篇

年年三月飛桃花。楚王宮裏鬪繁華。雲連蜀道三千里。柳拂江堤十萬家。丹樓繡幌巢飛燕。青閣文牕起睡鴉。鴉歸燕語等閒度。不記江城春早暮。東風香吐合歡花。落日烏啼相思樹。王孫挾彈郢門西。少年借客章臺路。少年嬌嬌名都兒。雕鞍朱勒黃金羆。採桑陌上青絲籠。紅粉樓中白紵辭。白紵綠水爲君起。青春環珮如流水。東城絲管接西城。相府豪華壓朱邱。俠客飛鷹古道傍。佳人賣笑垂楊裏。垂楊二月隱朱樓。家家宴喜樓上頭。碁局喧闐朝送酒。管絃嘈雜夜藏鉤。繁絃急管夜初闌。惜花少女怨春殘。桃花灘灘歌成血。蘭炷漫漫火送寒。曉風楊柳菖蒲浦。秋月梧桐金井欄。秋月春花無斷絕。門前郁李九迴折。願作陽臺雨後雲。誰憐洛水風中雪。陽臺洛水夢空長。那似俱家玳瑁牀。選得東家住姊妹。却延西第好兒郎。織成錦席迷蝴蝶。種得青梧棲鳳凰。遊人戀戀無窮已。踏遍江城春萬里。只解賓從集似雲。那惜年光去如矢。花開花落總生愁。郵樹鄰雲幾度秋。霍氏功名成夢寐。梁王臺館空山丘。榮枯翻復竟何言。昨宵弱水今崑崙。無人更哭西州路。有雀還登翟氏門。漢恩何淺天何薄。百年冠帶坐蕭索。昔時噓氣成烟雲。今朝失勢委泥礫。青娥皓齒嫁何人。金牀玉几爲誰作。已矣哉。歸去來。楚國非無寶。荆山空有哀。君看白雪陽春調。千載還推作賦才。

病中短歌

吁嗟我生年十九。頭髮未長頭已朽。病寒三月苦沉吟。面貌如烟戟露肘。羸枯博得妻兒憐。七尺浪爲鬼神有。饑寒殘書別故人。几上龍鍾翻老叟。無情莫問囊中錢。有魂還充床下酒。蟲臂鼠肝彼何人。差來子桑真吾友。

北邙

蒼松老鬣風掀舞。壘壘孤烟問無主。銅駝陌上舊王侯。吹作行人面上土。山頭白楊化爲姥。夜夜田中驅石虎。衣冠北向拜壽陵。樹上烏鴉能漢語。

自從行別袁水部

自從龍門稱千里。天下風流屬袁氏。以茲仙郎復壇名。依然彈冠粉署裏。我見行館沙市傍。市上桃花照春浪。章華繞路幽蘭笑。巫峽趨門玉練長。主人經年忽回首。父老相贈一卮酒。遊人爭勒羊公碑。商婦共挽遺愛柳。龍州江上一片石。勞勞留君向君掛。甲帳開時雲不流。錦帆過處香猶製。傲然一舸下江浦。直到潯陽九折處。湘娥綠粉掃晴烟。小孤雲鬢逗秋雨。三湘九江昔所悲。長沙曾此別東籬。我今與子忝同譜。別意悠悠誰與吐。君不見四世三公聲名極。青眼望君君努力。

長安秋月夜

長安城中秋月明。六街九陌無纖塵。先入樓臺喧戚里。次經池館趁遊人。遊人宛轉無窮已。千門萬戶秋如水。處處笙歌玉樹傍。家家蕭管澄湖裏。漢家天子幸平陽。金娥寶炬列成行。吹蕭躡鼓留天女。斫玉燒金煑鳳凰。才子後庭競度曲。念奴別館伴諸郎。銅龍軋軋烏啼早。金屋沉沉秋漏長。秋漏漸深歌漸闌。感此如何不倚欄。願得長侍君王寵。願得長隨玉輦看。又願君心如月皎。那知妾貌比花老。玉筵難收覆地流。東風不着斷根艸。可憐今夜長信殿。含酸泣泣悲團扇。未貴相如學阿嬌。難將赤鳳比飛燕。香銷金鴨妾自燒。淚破紅綃君不見。十迴看月九迴攀。手把輕紈繞月行。盤花蜀錦傷心色。子夜吳歌斷腸聲。紅闥紫塞三秋恨。碣石瀟湘萬里情。年年先向隴人滿。歲歲還依愁處生。年年歲歲秋自好。獨憐嬌黛無人掃。未有容顏鬪月華。自分棄擲同秋草。桂魄有恨不長圓。嫦娥無藥應

先老願得秋光守翠幃。願隨流景送君衣。與君並蒂原並吐。與君雙鳳不雙飛。江南蕩子無消息。龍城征戍幾時歸。胡風刁斗愁開雁。閨月簾櫳嬾上機。亦有當爐斂青娥。投色留賓態轉多。雙燕有雛辭社去。孤鶯無偶奈秋何。已見迴文傳錦字。更聞尺素託流波。不道人間恨洛浦。定知天上隔銀河。愁來白輪連巾濕。泣罷青衫挾瑟歌。歌已闕。月西傾。一年看一度新。漢武秦皇消不得。却尋方士學仙人。

贈黃道元

海內奇士如君少。雙眼識君恨不早。紛紛俗士盡輕肥。嗟君短褐長安道。男兒有骨不乘時。處處相逢薦福碑。請君試祕豐城劍。他年倘有張華知。

白銅兒

白銅兒。白銅兒。閉眼不觀書與詩。積玉盤金遊帝里。買得烏紗繡補衣。歸來白馬嚇兒童。黑紵滿堂金字紅。灸牛髓馬邀鄉里。青絲華館鬧春風。越女吳娃嬌侍側。又欲凌空生羽翼。房中素女術無成。汞裏金丹採不得。洪都老道術最奇。龍虎真人張天師。寶籙一箱金百兩。牛頭可作門前廝。擊大法鑼鳴大鼓。百餘道士揮白塵。門外旛幢引雷公。江上芙蓉燈競吐。後門逼債前門捨。乞兒歌郎趨滿野。方士行來眼欲穿。山僧醉後顏如頰。儒生讀書書總多。白髮無官可奈何。生乏白金獻天子。死無黃紙賂閻羅。

長卿內子無如氏繡佛及諸人物行楷精絕詩以記之

湖絲細嫩嬰兒髮。水光灩澦春雲潔。憑將聖手劈秋毛。巨斧劃開枯筒節。十日一眼九日眉。幻出白毫光滿月。衣褶瘦健貌清古。筆墨無功畦徑絕。白描設色種種工。活奪龍眠與松雪。橫見側出燈取影。有意無意鴻波滅。絳州淳化老定武。針鋒毫出無差別。誰能紙上臥王濛。要使臂充走股鐵。堂上傳視色生動。四坐欲言口無舌。唐鈞森緊

損神情。宋繡阿娜無筋骨。長卿秀句奪雲烟。佳兒指上現青蓮。一家淨侶團圓語。大勝詩人王輞川。

客有贈余宮燭者卽席同劉元定方子公邱長儒陶孝若賦之

刻鳳含魚吐春餼。只撲蓬萊天上見。綠綈方底散青烟。一朝別却宮雲面。不照明璫翠步搖。書帷自剪讀離騷。擘撥春雷罷不聞。細雨珠花滴小槽。韓家燈檠夜相伴。雛雛朱粉烟黃卷。瓦瓶石白竹方床。上有羅文折角硯。莫道不如宮裏時。高齋守盡蘭心茜。邯鄲才人嫁斷養。猶勝閉置開宮殿。柏梁宴罷霞成堆。昆明池底夜珠來。紅膏自矜不得近。阿監但掃沉香灰。汗花凝滴雪珠膩。蜀葵粉濕青蟲醉。一石酒盡尙留髻。扇婢窈窕兒爛漫。燭龍傳語九微光。輸盡婪杯老閭吏。

宮簾

并刀剪出澀水紋。黃琉璃滑淨無塵。華清日高海棠睡。一片溫玉沉秋雲。花房晝脫守宮的。珊瑚反掛瀟湘裙。掖庭展轉出坊肆。餘脂猶在香氳氳。腐儒白首青蒲薦。十度摩挲眼驚見。寒色平鋪四丈餘。虛堂盡斂白紈扇。骨冷魂清抱雪眠。夢回每出松風院。少陵廣廈千萬楹。白家大被蓋徧洛陽城。安得此席如此被。眠盡西華道上塵。土熱中人。肺腑如冰舌不鳴。三空九陌殷雷聲。

夏日劉元定邀同顧升伯沈仲潤李長卿邱長孺集城西荷亭是日熱甚得暴雨乃解

火龍吐燄燒青槐。繁鱗挾日戰雌雷。黑雲蟠墨濕崔嵬。雨頭未展風脚回。羊角直上旋飛灰。鳴階稀點大如盃。潑天猛溜破枯苔。千荷葉翻淨綠類。跳珠排沫紛喧。飛瀑出厓車轂街。髣髴十部影。鱗鱗甲鏗刃相摩推。匿床抱柱走童孩。舌潤雖張耳不諧。破扉障身肌粟堆。半臂未到聲頻催。高堂虛冷無餘埃。蠅凍不飛棲梁煤。平頭次第陳器疊。黑岑卒進羯鼓開。胡粉假姬上塲來。宮紗淺袖雀頭釵。當筵一笑紅玫瑰。蓮花過酒香沈顛。錯饒香鬢迭排。

詼。餘枝滴瀝落生梅。門外青波沒馬臺。

萬壽寺觀文皇舊鐘

先皇舉手移天轂。無冠少師髮髮禿。已將周孔一齊州。更假釋梵庇冥族。鮑沙畫蠟十許年。冶出洪鐘二千斛。光如寒澗賦如肌。貝葉靈文滿胸腹。字畫生動筆簡古。矯若游龍與翔鶴。外書佛母萬真言。內寫雜花八十軸。金剛般若七千字。幾葉鐘唇填不足。南山伐盡覓難推。諸葛廟前刈古木。震開善法初利宮。撼窮鐵網蓮花獄。鼎湖龍去幾春秋。二百二回宮樹綠。蒸雲炙日臥九朝。監寺優官誰敢觸。大材無用且沉聲。吠蚓啼蟲滿山谷。今皇好古錄斷溝。琬琰天球充黃屋。十龍不惜出森林。萬牛回首移山麓。滄海老寔行舊令。洛陽遺香開新目。西山但覺神奸潛。易水不聞金人哭。道旁觀者肩相摩。車騎數月猶馳逐。翠色蒼寒欲映人。當時良匠豈天竺。萬事靈疎誰不然。今人不堪爲隸僕。興悲運慈又一朝。萬鬼如聞離械枯。幾時諫鼓似鐘懸。盡拔蒼生出溝瀆。

蛙飲歌

衆蛙強飲角雄雌。怒顛鼓腹入清池。池面不減一涓滴。千衆蹒跚醉淋漓。學宮老儒課童子。長頭短項叫相隨。蒲根荇底互嘲笑。我吻猶燥汝不支。白龍魚服過而語。汝輩雖飲奚以爲。衆蛙曹怒呼其侶。波心跳擲如熊羆。前馳大腹後丁尾。鼓角雖雄劍戟疲。白龍一呷池水竭。諸蛙駭愕號且馳。聚族隱姓入汙泥。羞教東海見浴蹄。

賦得朱華冒綠池

會見雲錦光明地。花朵雖繁無生氣。又見楊妃出浴圖。未離宮粉香奩意。花意高潔水清冷。色態兩絕非濃膩。坐看風曉月斜時。柳妥烟沉天欲醉。不放玻璃光激灑。高窗低落如茜染。辟如新晴水碧天。也要紅雲亂狂點。

雲起樓爲徵如賦

白雲縹緲如仙客。只在軒前人不識。高人與雲若故知。近固追隨遠亦得。鬢髮人物偶爾成。豈有神情與香色。泊然一以氣類從。如磁與鐵自相卽。主人玉女潭邊住。樓居正直高崖處。赤欄翠竹與山平。便是孤雲來去路。朝隨馬跡渡頭風。暮宿鼉畫溪上樹。雲耶君耶遷爲主。茶烟濕處飛泉怒。雨中自有徐熙山。秋來忽遇王維句。只今長安浩浩塵。雲亦隨君馬上去。西山逼眼萬螺青。是中應有雲流寓。東華舉首卽重霄。垂天漠漠如飛絮。

畢少參舟中見武錄知邱長孺被落詩以悲之

鞭策麒麟柴車下。疾走不能先鴛馬。客座見書身毛寒。瀉水高談爲君嘔。穿楊萬輩豈易君。胸中奇靈如春冶。早知大黃亦誤人。悔賣囊中未夾瓦。嗟乎長孺臂在身。韜在腹。彈射百家蒐九流。驅使兇毫如箭鏃。

宿遷道中阻風和方子公

黃河水濁如泥注。曉起顛風欲斷渡。白頭舟子斂手愁。黑霧籠干大王怒。黃熊廟傾庚辰死。潭底獼猴鎖不住。龍驤萬斛掀一毛。怪鴉作語澗頭樹。我告舟人亦偶然。神靈未必苦相怖。驅風走浪乞羊豕。神若有知神亦惡。僧伽古塔向來靈。月下心香聊一炷。假寵乞憐非我心。何以供養唯無懼。人生禍福有前期。辟若古郵亭上路。

中山觀長公雪浪石

銀鈎錯落繞盆唇。遭時燬禁石僅存。峨帽積雪裏玄雲。坐令雪壁羞季昆。黑山夜渡蛟波翻。飛濤挂壁天迷昏。旋流入眼風生痕。一洗河北印板紋。石中應有道士魂。

天開巖

不到天開巖。不見此山奇僻趣。辟如讀書不讀石鼓與邱墳。不知古人幻變突兀處。石下常生有滂雲。石旁粘着無根樹。骨格遒勁毛爪寒。山鬼吞聲巨靈怖。靈隱寺前萬竅風。石公山上一方霧。

觀音菴爲一心隱齋上人題

古鑪百斛沸春雪。衲子如雲謝不得。堂頭拊髀飯頭飢。軍持每注珠泉竭。室中夜語秋花墜。舉世三寫烏焉字。雖將眞藥苦役人。衲衣偷裹菩薩淚。宴息六度萬行場。敷衍水月空花戲。觀音妙法最難思。山僧功德不可議。

千佛堂爲玉輪上人題

千佛堂中千箇佛。眼底諸君皆髣髴。旁邊突立千佛巖。紺衣剝落千年物。寒風十月枯青幃。短尾饑猴跳枝上。毘盧帽子茶褐衫。道是堂頭老和尚。

般若臺爲無懷上人作

般若禪人曉禪味。辟如屋底看山翠。又如人持京師書。雖不是香有香氣。荒臺老骨一片青。風吹日炙石文腥。攜將三百溪藤紙。摩取四十二章經。

西林菴爲從石上人題

西林禪人東林弟。朝作新詩暮作偈。將禪比詩不爭多。色裏膠青水中味。室中枯坐一繩床。牕風吹出沈香氣。集張園分得對字

秋芳老盡枯香在。缸花夜煖朱絲佩。洞庭橘子割霜寒。碧椀青盤雅相對。鉤月半牕吐薄暉。長眉小史換宮衣。金爐火急焦聲碎。杯面魚珠點點飛。

步少修韻懷景升

江濤日夜銷梅冶。長髯仙人在其下。歌樓夜雨蠟燈紅。袖壓金卮點籌馬。篋中時有青銅淚。賓客無歡神色醉。欲將心腹若干人。前門投刺後門避。世人眼塞開元錢。那能讀得貞觀字。百萬拋來李白窮。十千唾手袁羊戲。溝水

至清河至濁。漢宮不重東方朔。天池老盡垂天翼。斥鷃公然乘羊角。

從軍行贈程生

生善刻玉

留都十日九塘報。程生拍手向東笑。三百斤石一手提。自典冬衣買烏號。元霜十月道途難。雪花如石打馬鞍。敝衣三尺不掩體。尙說淮南氣不寒。自從和議成反復。正使羈囚尙書戮。天子咨嗟發帑金。經略提兵過鴨綠。材官猛士氣如雲。玉刻腰帶金麒麟。朝廷豈無胡都堂。人間不少威將軍。往聞倭奴寇浙時。義烏貴者至千人。倭奴機關亦易與。結羊揮扇驅婦女。十步一伏九步連。八尺神刀吼秋雨。程君切玉如切肉。倭刀雖強不過玉。

達摩影石

石影酷似人間所繪初祖像。有大禱欲斷異端。刮其影不能盡。乃止。

禪月羅漢天下絕。螺烟滲石光不滅。面紋漆黑眼生稜。衲衣袖展秋雲潔。幅巾談道老先生。以刀割影影愈微。如蟲蝕木偶成文。鏡花豈必生枝節。中山廢圃石如鐵。白浪纏身捲飛雪。移向山中作一盆。飄然乘風葦可折。

過新脛河

北風浩浩吹酒池。萬娥夜舞糟邱堤。飛廉手把火旗靡。少師蹋天不敢啼。是時獨夫眼方纈。古鼎排庭灑豹血。姐已頽紅倚曲欄。野人霜下踏冰裂。須臾縛致軒墀前。皴肌凜凜顛垂雪。新脛傳視血淋漓。仰天大笑瓔珠絕。已見愚臣心孔多。又見耄叟骨如鐵。殿外執圭聲唯唯。聖度如天鑑似水。西方罪臣老更厓。口啣枯艸談陰陽。朝披雨晝夜眠霜。哀笳瘞朽目汪汪。何異燭火仰三光。

綠雲菴爲蒼麓禪人題

天女乘空灑藍水。秋雲染就層山裏。瀉地捎天萬尺長。客霧郵風二十里。質篋谷前君山側。水冷山枯行不得。藤花格子竹方床。眼裏叢梢如舊識。

河陽

潘郎種花如種麻。百里霜鉏耘錦霞。掃香少女紅沒了。東渠西池浮落花。潘郎去後委泥沙。春風如旂歸無家。道旁灑樹怒槎牙。明星未出啼老鴉。烏窠三尺叔襠斜。

驪山懷古

薄雲淺照玫瑰紅。一笑君王三舉烽。羯鼓樓頭鼓一通。霓裳夜舞玻璃風。赭山梁海老英雅。鑿地出天開幽宮。月珠如炬啣兩龍。三泉照澈白日同。蓬萊方丈遠不逢。方士談仙如鑿空。娥舸滿載稚芙蓉。堆珠積玉海波中。千歲老狐穴深叢。陰厓占斷石籬櫺。飛鳥吐火燒青松。鳴雨鳴風怪哉蟲。

五言排律

涇陽驛見王子聲壁間韻愴然有述

只合臨漳死。曹家鬼好文。楓根猶有繡。夜壑豈無春。研乞銅毫瓦。姻求洛浦甄。歌遺塗粉客。衣逐賣香人。客鬼輕殘蛻。騷宮重楚魂。死生且晝理。夜樂勝朝擊。

賦得野竹上青霄拈三江韻

烟勢分層岫。寒梢瀉綠澗。鸞毳拔地洗。龍羽撲天降。雨押釵頭重。鸞回令字雙。隨根來北舍。遞影入西窗。驛日巢幽鳥。敲風吠小厖。簷頭懸渭水。屏裏繪湘江。曲路通斜閣。交枝覆斷甍。微霜天女粉。幽語梵仙腔。椽筍知遺族。漁竿識舊樁。染成雲泛泛。市以碧淙淙。自起操三弄。時來倒一缸。主人那得比。唯有鹿門龐。

和五弟韻

覆地蒼雲濕。垂天綠澗濃。窗開生翠疊。箔卷膩烟重。安尾千梢鳳。擎空萬郡龍。入風旗纛亂。敲月珮環從。蠓谷追遺律。鴛鴦墨舊蹤。高寒排雨氣。瀟颯冷雲胸。漾壁頽藍水。遮門浩碧峰。湘娥斑激灑。莊叟籟于喁。銅幹平欺柏。霜髯欲傲松。橫分清偃蹇。惻憐醉龍鍾。鐵畫唐鈞鎖。麝村杜少鋒。箒書豪蔡格。箭括美吳儂。碎影琉璃榻。鮮香琥珀鐘。他時裁笋箨。規製取芙蓉。

王回先一夕尙痛飲叫笑如常時侵曉三弟來云回病且革以爲戲也急往觀之回奄然逝矣遂爲長律哭之

道病猶疑謫。那知畢竟非。命輕殉粉黛。形老憊甘肥。事業憑唇立。家園信手揮。分身衝酒陣。一笑解愁圍。黑白

人人是。恩仇面面輝。牢籠心入竅。輕巧語當機。望節朝團社。聞歌夜款扉。乍來乾鵲喜。忽去飽鷹飛。六月綾紋袴。三冬葛纓衣。預愁酷少值。不畏室啼饑。面古堪描畫。耳頑耐刺譏。甌中無糝粒。袖裏有珠璣。世法猿愁檻。歡場馬脫羈。醉猶喧夜月。死不待朝曦。破屋遮遺薦。寒蒿倚素幃。一城俄冷落。四衆半歔歔。在在盤殮滅。門門笑語稀。懷懷詩客盡。氣運酒家微。貌熟人頻夢。名輕鬼不威。鴛亡魂宛變。蝶死蛻芳菲。猶勝西隣叟。黃金帶不歸。

法華菴同諸開士限韻

送雲歸老岫。荷蓀暈幽潭。古榻連池損。癡禪著謎參。閒膠踏石屐。小立探春驂。竹路編龍子。花時過長男。呬侵紅版谷。蕉短綠天菴。角焰抽寒穗。鐵絲吐睡蠶。農人占九九。童子契三三。溪鳥藏深澗。湖毛露淺蓼。疏經通老衲。書額過精藍。欲訪東林去。陶家借竹籃。

又次前韻

怪石含斑蘚。幽雲抱古潭。茶助憑水策。詩理入禪參。白蛤紛春社。紅衫過篠驂。紈書沉篋笥。紙筆付兒男。鼯鼠全河飲。蝸牛一犂菴。有冠徒似范。自繭可悲蠶。瘦削山容獨。酣沉柳夢三。近烟紅淡泊。着雨綠鬢鬢。香膩煎雲母。溪光瀉蔚藍。僧來伸紙看。一幅古魚籃。

旃檀館雨中限十一韻

臥觀殘帖蠹。閒撥冷池灰。洗碗供梨汁。分壇炙芋魁。雉班穿砌笋。鬼目長官槐。謝草吟三復。支堂看幾迴。思深泉透石。吟苦將啣枚。敝册膠春鹵。花箋汗曬煤。鵝飛頻帶子。鳩雨不通媒。種藥愁沙澁。增欄值岸頹。茜衫官長過。小服野人推。木壁塗番像。丹房裂淨苔。松青欲放滿。自起斲旁萊。

香光林卽事用前韻

宜網弛三面。禪心積九灰。歲功聽瓦下。天紐問杓魁。老蠶穿香節。寒蟲叫古槐。江花排岸出。泚水到門迴。割裂窮巴衍。俳優畜馬枚。沉思竭廢井。久語墮梁煤。子鶴難爲父。妻梅不用媒。立窗石皴瘦。困雨竹籟類。花社僧來訊。鷓鴣隣長可推。附舟求洞樂。置檻養盆苔。作意爲農去。湖田怕長萊。

法華菴雨中諸公以詩相角限得六韻

苦發寒蠃窠。閒書折股斂。珠雲裁月過。儼白髮紅哲。筆硯翻缸落。金清入梵諾。分園時一賽。驅悶幾回律。古硯文全蝕。廢鐘耳半埋。毘耶多口老。開引散花娃。

雪中限韻時寓沙市同度門作

天女呈新纈。寒梅著典刑。熨沙溫凍局。擁麪讀仙經。蒼跡紛殘篆。枚濤怒遠聽。驚饑卷似蝟。蟲窞字如丁。一國琉璃觀。千枝發刃劖。鏡開古水照。涎熱老龍腥。漏跡埋番夾。寒漸結膽瓶。禪心降槁木。僧夢怯巖扃。臥客全肖蝥。寒姑早驗鷓。皓姿三十里。清遠隔吳涇。

其二

蒼茫沉地魄。吼怒峭花刑。蠺冷荒茶譜。年豐驗稻經。王正書法首。國令免庸聽。入樹占男女。候晴卜丙丁。凍毫書破字。古繡結殘硯。岩園魂先入。水窗夢亦腥。分蘂疏白事。溫水護青餅。撥悶頻呵局。思山屢啓局。歸兮耘舊圃。餒矣憶原鷓。欲訪佳人去。寒舟閣淺涇。

雪齋後仍用前韻

帝女傳花信。陽官布省刑。簾霜淋故額。窗彩爛殘經。軋軋聲初亂。烏烏樂可聽。題書邀寶月。祝面憶添丁。薰帖防新灑。磨烟散古礪。茗花香後灑。艇子過時醒。老樹波千溜。寒梅月一餅。粉光勻水市。青黛撲門局。玳瑁驗盆鯽。連

錢玩小鷓。面喧醋白戰。決口瀉河涇。

舟中看月仍用前韻

陰霧如不掃。風伯有常刑。樓閣雲初坼。玻璃魄乍經。沙容兼雪看。鯉響入泉聽。近閣梅題遜。橫江鶴姓丁。詩魂將化石。霜穎發於礪。河鼓呈天練。蛟宮匝冷暝。夜光辭嶺蛤。舍利瀉吳瓶。窈窕宮腰國。倉琅帝子扁。穿林眠凍兕。觸葦叫寒鷓。濯足求清瀨。剛腸惡濁溼。

舟中風雪遲蘇潛夫遊玉泉不至和客韻

立盡寒枝影。佳人宵不來。掀帷地斷夢。撥筋寫殘灰。南郭頻愁籍。東林每憶雷。樹髯啼獠狖。雲凍失邱魁。江濱奔瀾疊。山流賦綠頰。精靈憑化骨。神力假于靈。一掃狂蠹去。千峯萬嶺梅。

其二

積陰負故曠。莽莽壓天來。白馬酸冰渡。蒼貌死凍灰。祝晴頻夢火。詛雨孰鞭雷。撥悶憑毛氏。澆寒命草魁。垂頭花擁腫。囊絮納驢頰。看帖遮愁眼。噓天鼓怒鬚。青娥隔帶水。負我一窗梅。

題曾太史退如愍齋用十三覃韻

底事欲名愍。百城臥老嫗。愚公谿正北。癡叔舍偏南。罔象珠懸幕。無懷籍滿函。花頭羞豔豔。燕口怯喃喃。庭而空心樹。窗擬太古嵐。侍兒修渾沌。稚子學沉酣。杜口非無舌。忘情似不男。(佛經有謂五不男者。猶言無愍意也。)已甘中散七。未害虎頭三。乞巧樓全卸。醉鄉路可探。知亡如守墨。想盡類修疊。兀兀迥陵豎。茫茫薤藹露。無絃琴亦弄。不語謎須參。一枕莊周化。多方惠子慚。盲方醫後見。黑味飽時甘。坐挈雲將去。神行不用騷。

小齋有隙地植花木數本同孝若寓庸賦得松字

一曲莓苔地。風光屬老慵。稍除疏冗蔓。略植典刑松。徙石雲紋出。移花月影從。買時纔數本。裁處已三重。紅葉剛遮砌。高枝未掩筇。躡唯求老健。姿不取纖濃。雛笋猶呼鳳。稚藤也學龍。夜堦雲滄滄。晴檻雨淙淙。障日聊鋪葦。防窺且益封。公然藏小鳥。亦自集閒蜂。分翠來屏扇。流香撲酒鍾。折攀愁楚女。澆別倩吳儂。景入單條畫。清連怪石供。幽奇無大小。袖裏九華峯。

夏五望日與德寺紀遊得興字

雙侶爲前導。僧雛接後乘。城中十里水。世外一行朋。似眼初除翳。如禽忽去鶯。摩苔因看碣。敲盡爲呼冰。松老前朝在。編遺手起曾。倦來披數帙。興去躍孤藤。鄰竹幽堪借。古槐醉可登。溪光時載郭。杯影忽沉僧。雲片輕綃斂。天容定水澄。稚兒行趁蝶。鶯客坐驅蠅。蒙密蒼枝覆。晶瑩皓魄升。甕開新易水。瓶煮舊宜興。梵集諸方磬。波然萬室燈。月尤增激灑。風小露威稜。乍入宮衙氣。斜分霧樹層。涼衫輕魯綺。時品薦吳菱。互立談門戶。旋刊酒準繩。杜康將佛事。莊叟作魔懲。近水終憐鷺。飛楫且笑鷗。思光空任誕。求郡復求丞。

集元定行記齋再賦得原字

淨絲無餘地。鮮芳滿綴盆。風迴香出苑。雨洗碧澄軒。滿壁長林字。盈襟易水痕。客來談白傅。書去覓青原。托疾常瀟灑。無憂亦樹萱。幽絃清入潤。淡墨遠成村。見酒猩猩態。憐花栩栩魂。階前三石甕。座上五方言。難至窮仙朝。杯行謔賢髡。聞歌半晷靜。得采一堂暄。怒若乘秋翟。競如渴水猿。暝朝時錯亂。醉醒客更番。戶小停詩罰。籌多訴酒寬。語深僮僕寢。觴苦教條昏。入樹河垂沒。亞枝鳥漸翻。歸途傳遠炬。鸞衛已呵門。

元定齋不甚寬而布置有態器具亦精餘興未已仍用原韻賦贈兼訂後來之約

莎徑荒才翦。叢梢影漸繁。山苗分杞菊。鄉信覓蘭蓀。碧篠蟠爲几。黃蕉掛作門。卷中流峽水。屏裏識湘源。引月

來陽樹。邀風入淨軒。摩鐘絲蟲出。洗硯墨蛟翻。戶識王恭舊。家憐次道溫。清談還正始。近體雜開元。問禱騎癩去。呼兒鳥忽言。蓮苞收茗葉。綺石養蒲根。官長術參少。山林奏記煩。團參充午飲。瑤柱卽常飧。殊域皆隣里。時賢盡弟昆。酒鎗貽子誓。石墨往平原。算口常先鶴。鋪糟不忌豚。思光驚羽扇。宏正曠皮褌。一周一疋夏。日日着曠皮褌。庭卉非時爛。鱸波徹夜喧。星飛銀碧落。炷老鑪峴崙。採藥朝朝舌。登山夜夜魂。易求王烈髓。漸了向平婚。會意成三笑。歸憐買一村。他時烟壑底。洗足聽清猿。

夏日城西月張園看荷花得蓮字

曉起聞兒說。隅西已有蓮。曠猶懸壁上。屐已躍門前。樹接宮雲近。花藏廟市偏。魚行清冷澗。人語綠沉烟。露葉無多綻。風香繞一塵。徧呼倚蕙侶。馳與蠟紋箋。任意巾衫去。隨身酒盞傳。題詩新漣視。煮茗自澆泉。有壘微添石。因窪小作田。涼風吹面盡。明月到堦全。鸚鵡掃閒地。榕捲屬冗員。聊爲避暑飲。拚了月支錢。

遊金山寺見舊作有述同遊者兩謝君方子公張明教及童子二仲也

壁上苔痕字。回頭十二年。方平猶眼底。江令是生前。童子來扶杖。山僧試煮泉。浪中鷲隼出。塔下古蛟眠。駭目洞心處。危藤峭石邊。無我慈竹地。有縱怒鴟天。一壁雲皆碎。千溝瓦忽縣。波涵萬里月。石老六朝煙。楊子來歌吹。南徐開井廡。萍蘊建鄴鎮。豆許海門船。鯨鱓遮晴島。珠胎射綠淵。雲堂招買客。鹽鼓供朝賢。夜火朝嵐市。風枝水響禪。山中無印老。休舉帶因緣。

過三橋莊莊在眞州城西余舊遊地也今屬潘稚恭

江上喧闐甚。城中乍解陞。坊趨芹社北。水過石橋南。丫路今猶識。楊楊舊亦諳。未曾添屋舍。稍覺足雲嵐。鶴立琴臺石。鳥巢畫舫廡。長廊安棊几。斜幔隱書龕。碎影柯枝亂。疎行竹柏參。異花防鹿踐。細果畏禽含。弈客頻留勢。騷

人每過譚。解空猶負墮。高戶也沉酣。幽意關魚鬣。新思類鷓鴣。起居凭鄰架。來往借陶甄。地暖溪毛翠。日和林鳥譟。江南山信美。隔水看堆藍。

重九日登釣魚臺限韻

臥柳侵官道。長提接古墟。宮斜十里粉。畫壁一枝蘆。白果將垂砌。紅蕉半掩廬。僧貧茶具廢。興發酒甌虛。怪鳥鳴空院。寒花伴野蔬。堦前雲浪岫。床下水平渠。淨業蓮花社。鄉思柳浪居。道玄唯有髮。中散竟無書。去矣雲中鶴。知之濼上魚。

至日集山響齋送陶孝若論祁門限韻

時節回燕谷。家山問渚宮。頭顛將化雪。腰領漸成弓。鄭艸終爲帶。揚經竟是蟲。瓶無滯蠶水。筆有怒鷗風。古道水添石。寒崖翠倚楓。門前端木過。瓢裏子淵空。白脯聊從俗。青襟解惱公。四箴書兩壁。三禮語諸蒙。皴瘦多盈袖。芎藭盡入籠。廣人供麝器。月俸賈肌紅。小史髭皆皓。隣齋耳未聰。蕭然心澹遠。自振乃孤蓬。

其二

夢回青草峽。人遠細腰宮。意氣爭新鏢。文章竇大弓。白頭耽月露。蒼簡註魚蟲。墨老研秦土。衣寬變魯風。苔文鑄翠壁。蘭楫繫丹楓。山市煙如滴。溪潭影似空。飲猿知接臂。言鳥解呼公。門下疑夫子。吳中怪阿蒙。異書搜古穴。珍茗出筠籠。北海杯中白。彭宣座上紅。拔釵妻子怒。識字小兒聰。著述門常掩。微風語斷蓬。

其三

馬上千盤嶺。山中數仞宮。詞場猶負弩。文戰忍張弓。韻減石家醕。仙成豚豕蟲。長官天子謬。鄉里大王風。水影皆涵岫。人家盡樹楓。燒松雲滿布。登閣翠流空。山鳥呼閒客。奇峯禮上公。魚胞真自別。龍尾質相蒙。謝屐常移齒。張

髯免入籠。夜泉頻點白。曉露自研紅。古鼎時留目。蠶音每塞聰。讀書師仲蔚。三徑任高蓬。
上元日同王遺狂過燈市得來字

無復他時意。春燈試一來。寒株陪豔蕊。老女上歌臺。疾雨檀槽鬧。溫風斗玉催。西隣波灑激。東市火崔嵬。絲竹情終在。樽彝眼乍開。梁園逢故侶。老矣舊鄒枚。

別恨篇爲方子公賦 附六言排

種得油麻未長。撇他李子何安。寶枕鴛鴦離絲斷。金鷄鴨死灰殘。忍啼一語兩語。纏腸千端萬端。總角癡兒酸女。接命朝饜晚餐。獨自弔形弔影。誰人知煖知寒。天上人間地下。死難鬼難妾難。

舟中與諸上人談亡友潘雪松事詩以記之 附七言排

爲山僧述老狂。遺番清淚又沾裳。薄紅腮頰秋生膩。湛碧瞳人夜有光。阮籍一杯澆磊塊。微君千頃泛汪洋。方言故事閒編集。白水青霞洗肺腸。玄理每將參國是。冥譚直把作家常。終年問道忘人我。老去論交絕輩行。五十金闈纔挂籍。八年符籙尙稱郎。虛心聖主禪詞正。側目權臣避矩方。大易傳成王弼死。小桃園就洞仙亡。葡萄方丈新蓮社。首帕街坊舊燕梁。司馬也須楊惲在。廣陵終作孝尼傷。極知實落棲真地。不是荒唐渺黠鄉。魂魄若歸先洞府。平生開口說天堂。他年京國西州路。慟殺羊曇哭幾場。

五言律

蘆溝道中

驛路風塵苦。殊方伴侶稀。馬猶思並轡。鳥也厭孤飛。樹老春無態。雲生山有衣。紅亭拚一醉。留着鬪寒威。

良鄉道中憶弟

同調古無有。相憐今亦稀。如何蕩里去。又作兩行飛。孤塔衝人立。寒雲並馬歸。長安三月裏。好得看輕肥。

宿涿州

旅館侵霜氣。疎題度月明。侍兒偎火語。黠鼠背燈行。別弟心常楚。離家夢不清。相去未半載。馬足幾千程。

河間逢北去人寄書口號

爲報東征使。行行路若干。長途雖厭倦。弱體幸平安。逆旅春無况。離亭夢亦寒。愁心揮不斷。日暮幾千端。

夜行

野暗毛精壘。天昏太史河。陰林晴見火。山居夜聞鐸。獨樹疑人立。衝風似鬼過。僕夫前慰我。官路已無多。

郵亭小餐

獨上江亭憩。溶溶水泊堤。庖人供薄餅。童子薦香梨。朱鱖魚三寸。白花酒半提。黃昏人欲去。窗外馬頻嘶。

高唐道中

好似蘇季子。辭燕又向齊。鄉心隨日暮。望眼盡天低。古道荒人影。寒沙重馬蹄。如何愧小鳥。不占一枝棲。

過滕贈縣尹趙年兄乾所

乘月過滕里。踏沙度薛城。山雲封去馬。野葛翳行旌。官舍栽花徧。民家種柳成。停車問父老。之子有能聲。

舟中

白鳥當窗坐。青山映水行。看雲諸態冷。弔古百愁生。近海魚爭大。鄰淮酒欲清。長亭不可數。回首呂梁城。

舟中同黃綺石沈廣乘湯隕陸賦

天上飛王鳥。人間附郭舟。霞光晴入市。雲氣晚成樓。肝膽皆知盡。腰肢各未休。浮生尙五斗。空復念滄洲。

往有誤傳龍君御死者作詩哭之後讀塘報始知君御方立功塞上喜不自勝因并前詩存

之以識交情

舌簇分明巧。情鍾分外癡。傳君無妄死。累我斷腸詩。擲果嬌胡女。從軍小健兒。陰山三尺雪。千里白旌旗。

附哭詩

可憐千片玉。竟作一堆塵。住世燈前影。居官浪裏身。從來善飲噉。頗亦健精神。曾不得四十。傷哉如此人。

其二

不合成遷客。那堪掩夜臺。人應銷朽骨。東亦溺寒灰。海闊羈魂度。天昏怪雨來。高堂懸愛子。早晚若爲哀。

其三

多少人間死。於君特愴神。玄言從此盡。白日奈何春。禮法驪狂士。乾坤侮僞人。再來如有意。莫見宰官身。

鶴林寺和尙

竹裏逢開士。花間覓著書。禪觀今果足。文字往因餘。聽雨知魚樂。開軒任柳疎。自憐嬰世網。敢復事空虛。

舟中

莫自夸強項。逢人且折腰。微生信坎止。作吏也逍遙。山月領歸棹。江雲湊晚潮。古來差快意。唯有一玉喬。

同江進之登金山

白浪三千頃。蒼巖二十盤。蛟人分夜火。龍女給晨餐。潮湧天難定。地孤石也寒。由來多勝迹。草裏讀碑殘。

其二

寶稱千年碧。爐烟鎮日青。穿藤透石怒。倚險嗅波腥。龍過吞人影。潮來念佛經。幽期如可訂。住此學沉冥。

渡太湖

野樹澄秋氣。孤蓬背晚暉。漁舟懸網出。溪叟載鹽歸。山鸛鳴哥翠。浪驅白鳥飛。暮來風轉急。吹水濺行衣。

泊西洞庭

白浪浸天冷。青山引黛長。朝童迷水怪。夜女出江黃。種橘皆成市。鑿山半作堂。路疑煩指點。洞口覓漁郎。

東山晚望

轉厭人間少。翻愁大地空。石枯山眼白。霞射水頭紅。浪惡驚三老。魚稀祭五風。奇峯探不盡。點點亂流中。

乞歸不得

不放陶潛去。空陳李密情。有懷慚狗馬。無路達神明。竹影交愁字。鶯啼作怨聲。但憑因果在。隕血誓來生。

紀宦

薄宦經年許。心情好欲慵。詩書攻俗諱。耳目信塵封。生女從呼囡。學音漸是儂。令吳何所有。錢澤兩高峯。

初杜門

一笑揮銅綬。高眠謝部民。放風疎垢髮。信懶着閑身。吏省公移字。堂清案牘塵。靜居堪養性。州郡但勞人。

齋居戲題

深入終防餌。高張遠避羅。課兒書上字。聽客唱吳歌。檢藥神方少。疏經悟語多。一枝生計足。五斗奈人何。

戲東江進之

作令真成累。全身總是歸。道旁吞自謔。人裏鬼相依。緩繫牛皮帶。寬披燕子衣。雲霄終有翼。學取一行飛。

惜日

芳樹低簷淺。遊絲繞戶牽。閑情觀秘戲。消日坐枯禪。范蠡藏身險。莊周入夢顛。浮生如石火。何物可長年。

任意吟

解帶腰肢免。投閑意態疎。縱心搜樂事。信口釋羣書。萬物齊非馬。千仙飽壁魚。有名終是累。無用可還虛。

荒園獨步

寒食春猶爛。東風草自芊。花燃無焰火。柳吐不機綿。官博人間累。貧遭妻子憐。一官如病旅。直得幾緡錢。

病起

病起心情太。閒來禮法疎。愁聽傳事板。懶答問安書。不去終慚鶴。無才合類樗。何如逃世網。髡髮事空虛。

夜起

涼月穿紗見。微風響樹來。夜蟲親火語。宵鼠觸明迴。坐臥憑書遣。行藏作謎猜。終宵眠不得。無計緩愁哀。

偶成

嵇叔終疑傲。陶潛總任真。祇因闔事簡。不敢恨家貧。宦邸爲歡少。鄉書報死頻。彌天都是網。何處有閒身。

獨坐

胸臆知難盡。行藏未可陳。攤書嫌字小。烹水試茶新。撥悶占茅卜。祈歸拜土神。閒雲與倦鳥。終是一流人。

述懷

歲月無停晷。遷流快織梭。寐來趨夜壑。老去皺恆河。悟法東西祖。藏身大小何。一漚能幾許。枉自着愁多。

和江進之寒山寺之作

山寺依人境。乘閒且杖藜。好花營地種。熟鳥認枝棲。洗鉢防茶老。開軒礙竹低。西來空有義。記取鶉鳩啼。

其二

忍草侵堦徧。慈雲滿座飛。愛花僧是業。伺食鳥成機。一榻書和卷。三生鉢與衣。塵勞方未已。合掌願皈依。

初夏同江進之坐孫內使池臺感賦

竹隱千花徑。亭開卅字欄。銀塘聳水鴨。羅幄護風蘭。邸報傳來悶。民膏到處難。東南供費極。不忍更凋殘。

其二

細果亞枝重。垂藤拂幔低。檀煙薰睡犬。松子食雛雞。情鳥雄雌狎。名花姊妹齊。繁華終有氣。端不似山棲。

登陽山

巉石蹲如象。枯松駁似鱗。鶴仙何處是。龍母果然神。穴有能言獸。巖多不語人。吳宮零落盡。踪跡果誰真。

飲徐參議園亭

古徑盤空出。危梁濺水行。藥欄斜布置。山子幻生成。款仄天容破。玲瓏石貌清。游鱗與倦鳥。種種見幽情。

贈江進之

苑花經四果。門柳近千枝。年儉遲君俸。官貧獨我知。痛民心似病。感事淚成詩。不是催科拙。由來薄繭絲。

其二

數疊銅符篆。一揮案牘塵。賓朋嘖事簡。妻子怪官貧。德畏民無獄。道治鬼不神。知君本仙令。家世武陵人。

其三

窺銅憐貌減。裹鬢覺霜欺。鄉語胥奴誤。宦情白鳥知。佳兒能問字。小婦與填詞。解得庭中樂。閒官亦可爲。

其四

幾年名茂宰。黜治古長洲。霸氣吳宮盡。濤聲震澤秋。花深苑作國。人去館爲樓。蕭管家家曲。那能不醉侯。

其五

端居持簡體。吏隱見仙才。案牘皆詩料。紛厖入酒杯。橫鳥移卵去。靈鵲抱巢來。一見逍遙作。知君笑口開。

其六

債子今應長。錢兒久不神。簿書行流水。參佐擁空塵。著古頻分客。題詩每向人。退齋修竹裏。盆沼漾文鱗。

其七

嘗膽經時苦。勞薪幾日休。柔鬢黃印綬。芒屨黑平頭。簿領分從事。腰肢惱督郵。可憐人似玉。贏得髮如秋。

其八

專諸遺舊劍。西子變新娥。國大遊民聚。時清黠事多。炫城花似面。絡地水如羅。團扇前溪上。吳娘唱子歌。

邱長孺

不問南和北。都成故與新。放開雙孔眼。閱盡一時人。言語誰同味。肝腸孰最真。金陵居可買。是否作佳隣。

其二

橫金米如珠。洞庭春似雪。只恐君不來。君來我當設。酒可供千人。米亦穀三月。君來當卽來。明日吳令發。
張伯起

兩年稀面見。一字到官疎。白石連雲袞。青苓帶雨鋤。尊前紅拂傳。花下古釵書。兄弟多名理。何山故不如。
曹以新

隳跡人間冷。生涯一世疎。近花安酒白。避雨約牀書。文雅王元美。清夷孫太初。長慶名不死。有子亦爲餘。
張幼于

家貧因任俠。譽起爲顛狂。盛事追求點。高標屬李王。鹿皮充臥具。鵲尾薦經牀。不復呼名字。彌天說小張。
皇甫仲璋

愛客常投轍。登盤必市鮮。茶烹無色水。香煉不燃煙。高士披先傳。稽勳拾舊編。藤花繚閣子。點點綴青錢。
劉子威

盛事推弘正。高才足雁行。丹臺函姓字。石鼓篆文章。管庫名伊呂。閉門讀老莊。時賢零落盡。天壤一劉郎。
其二

山居忘甲子。玄想證無生。天意私高士。人間瑞老成。文章不死藥。形體歲星精。避世羞藜火。挑燈傳五行。
縣齋孤寂時。曹以新王百穀黃道元方子公見過有賦

宦向清時懶。囊添舊日貧。琴孤將曠客。鶴憤不疑人。怕死歸妻子。休官謝鬼神。寒雲流日影。霞氣赤鱗鱗。
題方子公蓼莪館

卜築依蒿里。高篇寄蓼莪。天空猶墮雪。地苦不生蘿。夜月呼山鬼。秋墳咽楚歌。近軒多古柏。攀折淚如何。

歲暮卽事

蘭焰添燈重。花光簇夜紅。綠枝閑玉剪。金帖冷屏風。宜意如霜草。鄉心折晚鴻。誰能學少女。眉畫入時工。

除夕同王百穀皇甫仲璋方子公衙齋守歲

癩貼宜春字。聊爲卒歲歌。官能容脫網。客喜不張羅。始覺門如謝。剛慚肉似何。江湖新管領。一徑白雲多。

元日述懷

客署閒花事。鄉心醉柳條。閉門春草長。高枕白雲驕。牛馬呼仍在。鷓鴣路已遙。有田堪種米。罄折笑前朝。

元日方子公對弈

三百爭馳道。十千計賭錢。屠蘇慚得後。奕品僭居前。花錦添新日。霜毛減少年。誰能黑白裏。悟得遠公禪。

述懷

種樹先芝桂。裁衣度薜蘿。徹圖懸祖炳。敗絮擁妻羅。邱壑馳驅甚。玄虛色相多。市朝無拘管。何處不漁蓑。

病痊

病合當求去。宦情非是關。與其官作病。寧可活無官。腰膝皆相賀。妻兒亦自驩。高堂垂萬里。誰與說平安。

苦雨

轉覺雲沉重。翻疑天苦辛。橫將無厭雨。淹殺有情春。山作龍鍾貌。花如失意人。百錢一斗米。誰與貸官貧。

宿惠山僧房

小閣寒灰火。清香古佛顏。潮來吹雨葉。雲起疊山鬟。白嶺隨人指。青峯送客還。紅塵觸處到。長日下幽關。

其二

排遣何曾達。思惟亦是塵。病翻爲樂果。髮在是愁因。松老皆成佛。花清亦避人。禪棲如寶許。色色可怡神。

初晴

噉日遲遲影。和風淡淡新。山微舒態度。柳小足精神。宗湖當如祖。梁鴻竟傍人。欲從遊客飲。除袖覓紗巾。

偶成

世事憐貪餌。同羣怪獨翔。攤書時引夢。臨水或思鄉。兄弟皆年少。山林之日長。行藏細檢點。多半是襄陽。

其二

佛大剛盈尺。山高也避塵。時時聞戒定。法法遇貪嗔。竹粉遺天女。松脂食道人。南能休借問。卽汝是前身。

其三

羈客胸懷少。天涯伴侶稀。未須愁獨立。終是念歸飛。雲來吹水葉。潮去落沙衣。酷憶湘江上。梅花伴釣磯。

寄江進之

吏老心尤苦。才清調轉孤。花飛常亂押。梅氣欲侵符。舊俸開來否。新糧勾也無。政成須勉強。尺步是巖塗。

嘉興道上過古寺

金盞沙爲地。竹枯水過籬。龍池蛙帶子。佛頂雀窺泥。古迹錢王是。殘經宋代疑。道旁龜剝落。草裏臥豐碑。

嘉興道中

彌野桑成市。排溪柳作衙。菜香齊吐甲。樹煖欲蒸花。天色滑如卵。江容潤似紗。酒帘青帶上。三五聚鄰家。

過龍井

數盤行井上。百計引泉飛。畫壁屯雲族。紅欄蝕水衣。路香茶葉長。畦少藥苗肥。宏也學蘇子。辨才君是非。

飲湖心亭

便可無方丈。何須說洞庭。雖云舊山水。終是活丹青。濃淡粧常變。天喬性亦靈。白波千丈許。最好湖心亭。

靈隱路上

柳樓時常冒。花溪不斷飛。因尋澗底水。忽過樹傍扉。面熟逢僧問。心閒數客歸。沿流多石趾。儘可作漁磯。

其二

柳光吹綠焰。溪雨作紅烟。花氣蒸雲熟。石紋帶乳鮮。聞香知草性。隨例與茶錢。淡冶應無比。幽奇亦可憐。

其三

細鳥傷心叫。閒花作意飛。芳蹊紅茜雨。古澗綠沈衣。豔女逢僧拜。游人緩騎歸。幸隨眞實友。無復可忘機。

過靈峯

冥漠烟如醉。空濛日帶青。有山兼有澗。宜樹復宜亭。避客愁雲熱。拜僧怕佛靈。無心豎拂子。隨意舉蓮經。

過龍井

都說今龍井。幽奇踰昔時。路迂迷舊處。樹古失名兒。渴仰雞蘇佛。飢參玉版師。因循坐谷口。欲去復還疑。

去湖上

浪迹西湖上。兒童問總知。能言出入處。及與往來期。不忍題歸字。終難滯許時。眼前雖別去。只恐病相思。

天真書院陽明講學處

百尺頽牆在。三千舊事閒。野花粘壁粉。山鳥煽爐煙。江亦學之字。田猶畫卦文。兒孫空滿眼。誰與薦荒芹。

初至紹興

聞說山陰縣。今來始一過。松方草履小。士比鯽魚多。聚集山如市。交光水似羅。家家開老酒。只少唱吳歌。
吼山觀石壁

知不是天造。良工匠意成。千年雲氣老。七日渾沌生。精崇虛無出。猿猴嘆息行。道傍因借問。恐是越王城。
蘭亭

定武石空在。蘭亭蹟已訛。清流大概是。峻嶺果然多。古屋穿新霽。蒼松瘦老柯。墨池閑貯水。猶得放郵鸞。
諸暨縣

近水多魚稻。依山卽市墀。野人朝閉戶。溪女夜牽船。俗健惟貪訟。田寬務積錢。僻居游轍少。客到也喧傳。
贈高峯

捉得松爲柄。粘來紙作衾。山雲嬌老態。谿水有無心。掛錫沉香樹。安禪天竹林。西來閑會取。空跡寄飛禽。
贈海禪

海公知道者。閒雅好威儀。餉客雲千斛。論心棒一枝。豈無眞法友。畢竟所依誰。余亦貪佛去。因君乞聖師。
宿清莊贈印上人

百折琉璃沸。千峯帝網羅。更憂眼界少。卻礙嶺雲多。說法烏成馬。窮源水是波。死關眞箇死。賺爾兒孫何。
贈蓮小師

解法生明本。登山熟導師。閉門常禮懺。會境也題詩。耘石分香草。煎花供茗漿。人天一鑿眼。望汝小廝兒。
潘庚生館同諸公得錢字

山色重重冶。雲容片片鮮。花風香水氣。梅雨潤苔錢。茶別松蘿味。蘭銷鵲尾烟。每於詩外旨。悟得句中禪。

贈景升

塵柄韻如屑。匡牀味似禪。閒惟追酒伴。忙亦檢詩編。是客皆停轍。何人不道賢。聰明事事有。大抵只無錢。
宿落石臺山房

蒼翠垂三畝。涼陰可一庭。茶烟和霧出。燈影入流青。快眼山容熟。蒸巖雨傘腥。溪聲寒到枕。閉戶了遺經。

其二

不獨林園勝。居停更可兒。雲生臥地石。山壓傍牆枝。字母逢僧轉。文心問水知。看君舉業好。歧路不須疑。
泛溪

小筏平如舫。文紗蔽赤欄。只貪下水易。誰識上灘難。蕨粉和爲饌。石班鱸作盤。梅天多驟雨。重衣晚亦寒。

新安江

一里垂千折。一山近萬盤。草髡和尚嶺。石腐秀才灘。入峽逢天小。投厓喚鳥難。輕舟薄似紙。未慣也心寒。
其二

咫尺愁溪盡。縈迴覺路疑。小舟尖似履。細纜密如絲。下水貪奇峻。歸舟歎艱巖。相逢不用羨。亦有放流時。

其三

怪石穿江出。江寒石亦寒。或從舟底見。或作假山看。聚客多茶店。逢人上米灘。溪流雖較險。下水也平安。

其四

浪惡石尤惡。膚青骨亦青。玄巖聽鬼語。野燒炙龍醒。樹古疑唐族。碑欹或宋銘。可知太白老。浪說有猩猩。

其五

市郭全然少。崖邨大底同。谿雲千片黑。山火一絲紅。暴雨蒸沙氣。高巖返去風。驟來應驟解。昨夜月如弓。

其六

山都吟復笑。猩語是耶非。易黑江湖面。純青客旅衣。草根魚子長。沙末燕兒飛。家信雲梢去。郎官計日歸。

其七

雲細蒸山出。溪澄見底空。買鹽多婦女。浚水盡兒童。江有往來浪。神無南北風。暴流皆石齒。得失在頭工。

其八

草豐不辨樹。山穩却如烟。客舫因灘淺。牽夫傍兜眠。誰家朝奉去。幾得少年還。歷盡江兒水。贏來合子錢。

其九

浪子由來苦。行人大抵勞。山雲低壓帽。谿雨惡侵袍。欲得恁心意。除非伐頂毛。將鷗與鷺比。畢竟是誰高。

其十

涼風沁石骨。快雨過山頭。筏上行沙鼠。雲中嘯老猴。天長鴨綠水。斛許翰青舟。萬里遊垂盡。六體休未休。

贈心湛一小師

布衲裁烟霧。蒲團藉草莎。雷峯定裏火。湖水觀中波。削髮嫌根在。忘言恨舌多。少年色力健。魔佛奈他何。

拜長耳和尚肉身

輪相居然定。漆光與鑿新。神魂知也未。爪齒幻耶真。一個莊嚴佛。千年骨董人。饒他銅與鐵。到此亦成塵。

憩法相

峯脚微徵仄。篋櫝半窗清。聽鐘龍懺悔。入室虎經行。鞭筭和泥重。頭茶帶紙輕。山僧談往事。一倍惜塵情。

留別黃道元

蹤跡頻頻至。隣僧箇箇知。會多嫌話少。坐久畏驢行。說虎臨途怯。懷鷺夜夢癡。一燈禪榻下。睡看小沙彌。
戊戌元日潘景升兄弟偕諸詞客邀余及洪子崖知縣踏青真州東郊以雲霞梅柳句爲韻余得度字

一里一停棹。搖搖駐青霧。歌長牙板溫。酒響觥籌度。雲盡露山身。沙平吞水步。潤冷澀春泉。芽香吐枯樹。
淮安舟中

別思抽如緒。醒醒也不休。觸篷風自語。研櫓浪相揉。野釣空舟側。荒窰古渡頭。微官真可笑。諺語拾糞猴。

其二

兀兀曠淫滯。四風兩日餘。近牀鋪紙筆。研粉類方書。觸目無非網。登盤只是魚。荒村經水後。十屋九家虛。

其三

空郊不可行。積礫與蒿平。茵耳懸枯木。燒痕入古城。按圖知舊壘。認柳識郵程。一望淮陰幕。令人百感生。

其四

河隄千里道。柳縷萬條腸。客是粘愁蒂。禪爲治苦方。鄉思魚子飯。酒夢蛤蜊湯。漸覺讀書懶。游蛛網筆牀。

宿房村

野廓吹加勁。膏微影漸黃。殘爐煨糞火。敗絮擁蒿牀。站遠酸皮骨。沙飛澀胃腸。離魂相伴住。合眼見江鄉。
（糞火。出涅槃經。）

徐州道中

西風吹日夜。千里旱沙黃。馬急知羈促。人疲覺路長。安心猶有法。鬻懶卻無方。何不遂長往。淹淹名利場。
濟甯守邀飲南池

踏影入春叢。碑荒榻半空。樹分菱藻月。灘響鷺鷥風。落絮粘行臍。殘觥謔小童。夜深鈴卒語。窗外一枝紅。
青縣贈潘茂頌

竹葉遮人吏。公移只坐銷。印牀生木耳。解舍長蔬苗。貧邑多詩料。閑官有醉僚。一城不數武。容得幾科條。
入燕初遇伯兄述近事

撇卻閒鶯冗。殘書且自哦。官貧人事減。客久面紋多。壞壁塗僧像。高窗見鳥窠。詞曹雖冷秩。亦復慎風波。
尊經閣偶成

一月戶長扃。幽廊雨過腥。雲生山被酒。客去鳥聽經。碑古漏痕徧。槐高日影青。鄭家書帶草。隨意滿齋庭。
學齋留梅子馬

踏盡高槐影。青蟲落酒巾。袖懷三月草。衣浣一年塵。夢裏聽朝事。杯中覓聖人。貧廚非大祭。未有肉留賓。
送張西麓之任羅平

疋馬夜郎西。層山萬綠齊。空江行罔象。瘦嶺出偏蹄。番牒多如篆。蠻款乍似啼。僻鄉名蹟少。慎勿壓標題。
遊滿井

怪我頻來去。無樽亦嘯歌。店荒醅酒濁。僧近施茶多。竹裏分黃闕。波間語翠娥。溪光最勝處。高柳蔭長坡。
劉常侍水軒

入室翠層層。秋容分外澄。花分西內種。樹古北朝僧。波淨寒生簾。峯高夜見燈。墨光濃淡裏。山水趙吳興。

其二

隨意移牀枕。無窗不可眠。西山籬落下。流水釜爐邊。葵葉遮城壘。荻花隱寺田。兒童私打網。時有白魚鮮。

其三

竹箭崩沙岸。槐根出釣磯。卷簾山放入。打菓雀驚飛。護藥添新幕。拋毬換短衣。倦來觀洗馬。鞵絡盡珠璣。

其四

敞屋高臨水。卑垣奧作廬。山僧能咒樹。童子解醫魚。劍玦充文具。歌謠集古書。之乎亦不識。聽却幾盈虛。

尊經閣偶題

長戚感何爲。曲肱愧孔尼。草髡留敗砌。樹老落乾枝。飛鳥啣殘字。園丁揚舊碑。鄰齋四五叟。日日染愁髭。

雙寺逢本上人

高僧如瘦鶴。懶得著袈裟。雪案堆莊子。花函出內家。問方醫病竹。郵水泛春茶。一室沉香氣。青烟吐白紗。

坐小修齋中

寒日籬花少。虛窗五尺餘。硯斲呵繡墨。壁老劇蟲書。定業詩調治。幽憂酒破除。家人鑿釜看。綉錦當黃糝。

送白教諭之昌邑

依舊中山氏。長然卽墨侯。衣寬存禮樂。篋敞裏陽秋。渤日流紅暈。鹽花上黑頭。到時圖海市。東去是登州。

送艾教諭之鎮安

二百二秦地。三千五去程。山鮮充豆品。野服禮諸生。把卷聽夷樂。開軒見虎行。猶將京國意。一洗近邊城。

冬日雜興

殘菊收新藥。丹書綴斷編。視呵膠婢指。苔老夾冰錢。百衲支風慣。空杯見雪顛。緘書報知己。霜滿蠟花箋。

其二

瀉紙羅紋滑。飛杵石子寒。菊衰愁別蒂。鶴老夢歸灘。香重紅膏泣。粉粘白蠹殘。寄聲詢病榻。馳帖報花安。

其三

雪炷抽寒焰。辰香掃炙塵。譜詞分侍女。嚮帖與門人。邊信封黃鼠。鄉心想白鱗。卑官與大吏。一種逐蹄輪。

其四

殘帙隨風卷。閒窗盡日哦。膽瓶青剝落。梵唄語殺吽。寒節逢人少。新詩說酒多。小蠻持管笑。呵墨寫長蛾。

美人臨鏡

一片湖州水。吹光到曉堂。暗規時世樣。校取淺深粧。山鬢平分疊。宮眉與鬪長。常時梳掠罷。背底立何郎。

其二

強起淹餘睡。柔多豔亦多。笑時添兩靨。恨至疊雙蛾。印指生寒暈。分釵割水波。休將明月比。仙子不如他。

其三

野豔雲爭出。幽閒萼並頭。分明呈舞態。只是欠歌喉。西子不離水。綠珠長在樓。娥英若令見。匣取洞庭秋。

其四

百看百如意。隨他作笑顰。回釵生溜影。分耀及旁人。睡少添鬢重。思多理注頻。面光滑似水。脂粉不如塵。

送武岡州判張子之任

雉堞倚山鄉。青娥立曉堂。胥徒勤檢點。蠻語細參詳。湘竹裁荆杖。藤花上牘牀。荒衢通野落。士女半夷裝。

人日

旅况無些子。空扉闕廣輪。氣寒藉少力。客謝几生塵。心切投林羽。身悲貧沫鱗。滔滔人盡是。未始出非人。
穀日懷潘景升

西湖多少地。客信也難知。流落依何氏。虬峴歷幾支。吳娘嗔罄囊。杭粉上愁髭。記得拈盃處。題分穀字詩。

題龍騰山房

急雨朝飄箔。飛泉夏入廚。竹高遺鳳子。石長出雷書。山鳥啣雲語。園丁帶翠鋤。南岡北嶺草。枯却幾年餘。

王氏雙節

玉折苦相仍。形編合並稱。淚枯雙井水。心死萬年冰。惡粉常交竹。凄花每避鐙。霜眉白似縷。樹盡幾衰興。

花朝日白蘇齋看梅

一倍惜花時。寒香滴酒卮。幸依無事客。且喜不蟠枝。近枕通幽夢。安禪伴淨尼。未知白蘇老。酬唱幾番詩。

昌平道中

柳條新婉變。麥隴漸柔豐。閃日雲光薄。翻空旆影紅。馬嘶不見鬣。轂響但聞風。恰爲青山去。青山塵霧中。

謝任沅鍾樊桐諸兄集郊外

百晤百回新。肝腸絕少塵。未言先側耳。每笑必傷神。落鞞沾行袷。空罌惑醉人。石潭清到底。信手出纖鱗。

送李湘洲使浙

咫尺山東道。千艘與萬臚。郵棲常下鶴。驛飲且炊菰。閉口聽朝事。降心祖佛徒。不言知向越。面上有西湖。

其二

別路紅橋上。無情亦有歌。青山遮道石。流水拍雲波。北闕新知少。西湘熟夢多。向來題字處。墨澹遍嵯峨。

秋日集江進之王以明方子公王章甫小修飲崇國寺

露葉滴秋窗。竹香入酒缸。嬌青槐子破。淺嫩菊兒雙。石火增茶韻。松音出梵腔。冥心眞契理。麤裏有蓮邦。

九日大慧寺登高遲家伯修黃平倩不至

蒼色滿諸巒。如何獨自看。閒僧四五衆。丈石兩三盤。白額題高塚。紅衫度遠欄。北風浸骨冷。端不似秋殘。

過通州

白舫綠油屏。多時夢亦稀。浪中丹雉見。郭裏水禽飛。古寺荒何代。空楊瘦十圍。四年一帶水。三度斷腸歸。（時亡女附舟南歸。先爲亡姪及姪女。）

寒溪道中

空巖著古花。石路水紋斜。瘦野多耘耨。桑門屢餉茶。逢人皆說旱。上馬但愁沙。匝地誅求盡。孤雲也失家。

叢臺

夢繞陌花薰。殘宮沒野耘。秋空吡鳳唳。陰谷女龍雲。古水空沉照。飛蛾每化裙。苔封埋半碣。斑剝有遺文。

雨中過王官谷香光林

脫屣入春叢。拾芳攜翠籠。一番洗竹雨。幾陣報花風。薪老知茶忌。鬚長論藥功。疎黃穠碧裏。一樹石榴紅。

其二

爲藥常燒竹。貪僧每貯糶。觀心三點字。疊膝一繩牀。譜石增新樣。和香覓舊方。黃柑裁未幾。已得五拳長。

風柳

夏后傾城喜。羊家通體腰。蝶魂拋冷絮。鶯夢惱娼條。幾日青門道。當時紅板橋。閒思與閒恨。種種逐煙銷。

和王以明山居韻

蠟屐先春試。新詩倍日吟。爲花常駐馬。有字卽題襟。竹老雲辭去。廊空月到深。將何伴幽冷。水響與柯音。

其二

自候烹茶火。閒開看竹窗。方情四五衆。花事兩三椿。古注多題什。鄰翁也姓龐。虛空繫得否。無起亦無降。

其三

小石含山意。柔風寓冶情。卷終香字損。禪起錦綿輕。第水兼新品。注花帶別名。晴沙看鷗母。引得小雛行。

其四

飽食長腰米。高撐過頂枝。閒尋施藥地。細剖訟花辭。霧眼添燈暈。雲飄挂纓帥。山齋通夜雨。腸斷子瞻詩。

其五

細鳥藏窗葉。幽花綴靜枝。獵心生翠管。冶習露春詩。爲髮添塵冑。因寒罷講期。貪嗔真可去。何事併除癡。

其六

潔得如霜室。層層畫岳圖。僧貽少室屨。舶賞嶺南盂。徑僻花爭發。林深鳥盡趨。趁時先貯醞。莫遣渴來沽。

其七

撥却閒生事。孤清亦可風。半痕離樹月。一影沒池鴻。種菊防沙蝨。加綿瀟水蟲。近郊多麥隴。青鬣好柔豐。

其八

幾日窮彫鏤。嗒然一遇之。辟如風與水。相識忽成漪。夢滑雲入肺。吟定髮生歧。好挾飛仙去。深山伴種芝。

柳浪館月中泛舟

煙樹溼扶藜。殘缸細隱紅。池容通國水。柳散一城風。僧靜能消月。庭方好貯空。幽窗漁梵冷。童子印香終。

瀟湘舟中別某禪人

山深影獨翔。滿月似冰涼。石入分泉鉢。莓生瀟藥囊。樹頭懸笠子。經背寫花方。若遇湘君去。琅玕截許長。

岳陽舟中同諸上人

櫂子碧絲繩。官程亦伴僧。每聞靜者語。似飲熱時冰。隲月衝巖幌。高雲謝繳矰。七番經過地。話盡一窗燈。

漢陽逢邱長孺

不是頻游地。如何亦遇君。相看惟惜死。所問不離雲。白蛤增官韻。黃蕉織水紋。冶心今較可。做笑委細裙。

其二 時長孺將赴武昌

解躍穿花轡。學披細葉衣。詩除七字長。面較別時肥。怒石當江立。腥鳶貼水飛。他時蒲社飲。倍感友朋稀。

舟中逢周行可

君是滕元發。長舫破浪來。入羣瞻嶽嶽。顧水影翬翬。黃石曾窺奧。稠林每亂才。通侯畫地取。筠管亦何哉。

登平山閣同江浦諸友論文

石路突寒松。柔嵐被遠封。白波千里舶。青甕六朝鐘。雲老蛟遷窟。窗晴雨洗峯。文心噓煙水。吞吐幾重重。

將抵家園作

都說還家樂。今來無此情。稍稍親宿累。漸漸入愁城。嶽月隨歸夢。蘆風作苦聲。令人仇鬢髮。遮我學無生。

其二

况是風吹旆。那能石作肝。一門冰水淚。十里路人寒。痛絕椿堂雪。孤他熊膽丸。郭西原上草。曾是繡歸看。
冬盡

怕見厝頭殘。窮年逼小寒。見人黑髮去。自檢白髮看。好句逢僧得。新懷語客難。雲山與烟水。夢着也成歡。
除夕觀諸公飲

剪却殘膏穗。閒觀未了棋。角杯窮酒事。分帖記花時。白髮羞螺子。青溪訪釣絲。買纜新作笠。江海任吾之。
雪霽看月和度門韻時將發玉泉

一片矜光地。南宮墨不成。近窗花淡泊。就枕夢孤清。弔古前朝淚。耽憂後夜行。剡期峯頂上。踏雪共題名。
舟中元夕偶談郡中舊事

又見一週圓。長江淨可憐。稍談朝野事。遞語盛衰緣。萬井濃華歇。孤燈沙雪前。瓶梅香楚楚。似欲鬪枯禪。
元夕舟中同馬元龍夜話

夜深蠟焰殘。月色淨諸潛。近水臨窗語。和烟帶樹看。貌兼杉影瘦。思入井冰寒。辦得一番死。參禪也不難。
荆門道中

山勢錯隆隆。斜嚙苦稼同。看人登迅坂。叱馬作聾蟲。廢驛崩橋石。閒花遠塢風。私營與公事。了不到心中。
其二

十度麥城道。三分漢壽侯。蠻鄉耘土瘦。鬼俗見鴉愁。烈躋窮諸夏。青山讓北丘。毘尼稱弟子。葷血可能休。
峴山道中聞頌汪使君德政詩以紀之

閒坐說循良。青槐古影涼。橫身遮數郡。一笑釋權璫。通國嫌稱戶。生男必字陽。小儒無大計。束手歎非常。

入瓊臺觀

溯路曲盤盤。聞香又隔灘。巖欹天古拙。石瘦月高寒。屢共雲封事。曾聞鳥紀官。人間三萬日。澗裏不相干。

其二

一帕覆長眉。深衣大帶垂。無通名姓地。有似亂髮時。爲客烹烏藥。教人悟白鬚。聲名與榮利。膏火露花兒。

智者洞

其下有龍淵。潛通印度天。雲疇螺子地。霧頂樹王年。就石爲君枕。迷津指我船。向來神怪事。勿爲小儒傳。

龍灣市

閒坐說齊宮。高臺集古楓。萬家寒鑑上。一國水輪中。遊蛤秋懷月。歸蛟夜戰風。楚天波捲去。魚鳥盡依空。

生女

聞啼知得雌。一笑慰衰羸。龜筮頻占鳳。家人屢夢絲。瓶花香鬢鬢。窗竹粉離離。從此添婚嫁。因名向累兒。

元日書懷

只合住烟雲。全家鷗鷺羣。軟黃將柳信。滑碧上溪紋。花樹因窗作。葦田帶水耘。湖塘三十頃。自着藕根分。

其二

商賂正王事。更番作野遊。三童四冠者。西嶺北江頭。水巷連祠竹。沙村帶石洲。官私與禪講。一味勸心休。

偶成

閒坐閱年光。青陽倍倍長。漸附貧等級。乍入老班行。僧說觀空法。道言續命方。酒人頻啓事。麤糲供心王。

月下偶成

冗懶遂成性。人皆笑此翁。坐依藤架月。行傍藕塘風。萬事溪聲外。一生雲影中。自從甘曲枕。不復夢三公。夏五雨不止。

宴坐烏皮几。昏昏似苦禪。夜燒防水吏。街鼓送神船。野客團茶社。山僧訪芋田。尊彝那得滿。旋典葛衣錢。賦得風雨亦來過。

寤寐高齋柳。窮陰到亦多。雲齊千畝稻。雪捲四時波。竹裏爐烟出。花間艇子過。醉來卽高枕。夢境也清和。早秋曉行入寺。

溪深菱芡香。花落讀經牀。露葉千嚙拭。風梢一院涼。白頭鷺目子。玄飲烏梅湯。轉入村林去。瓶盞只自將。秋夜獨坐看月。

淨綠雲千樹。玲瓏月一池。就花來掃石。宿羽忽垂枝。懶與烟霞稱。閒於水竹宜。山中招靜侶。幾客似鷗鷺。柳浪雜詠。

假寐日高春。青山落枕中。水含蒼蘚色。窗滿碧疇風。適性營花石。書方去鳥蟲。酒人多道侶。醉裏也談空。其二。

蕉衫烏角巾。半稻半村民。蒔藥常占日。澆花每刻辰。澗毛分淨侶。瀝水貸西隣。卒歲學爲稼。樊須也小人。其三。

得得尋花去。衝烟過柳居。見僧詢貫字。爲客檢方書。幽夢通巢鶴。閒心繫沼魚。浮塵無可競。競得也空虛。八月十二日同諸公看月水軒。

掃却層雲去。無塵可翳空。鑿窗臨水上。引月到亭中。入座鷗鳧氣。吹衣荇藻風。開尊半白首。寧不借脂紅。

柳浪雨中時親朋多白場中歸

自起約書牀。爐烟細細長。稍呼營酒客。新試焙茶方。夜雨花棚綻。朝盤豆角香。親朋遞來往。閒與校頭場。

兩弟自文戰歸

離却至公堂。飛舫出漢陽。新衣荷碧色。遠甕蟹黃香。牋牘頻頻出。文章字字商。家傳弧矢訣。箇箇解穿楊。

和散木韻

閒適也相宜。楸枰徹暮棋。晨花殘蓓蕾。古榻亂裝池。雲脚纔收雨。秋容漸上詩。家家貯新釀。等取菊開時。

其二

君監馮敬通。休心壯歲中。治生菱浦月。送老石門風。每笑橫波日。閒憐戴屋蟲。禪鋒示妻子。輸我作龐公。

其三

只合臥雲休。閒驅款段遊。愁來鷗失渚。夢裏鹿尋丘。碧水青烟市。紅柑白果秋。斗湖新月裏。蕩箇小漁舟。

其四

老無出處累。也欲趁些忙。月課修花戶。日攜看麓牀。曉風綿子落。村院瓦松香。遍郭謀新釀。空盃待夕陽。

其五

閒陪馬少游。鄉里度春秋。洗藥松根下。分花水市頭。請雲遮谷口。與俗割鴻溝。一味鷗鷺去。長年百不憂。

其六

落葉蔽秋磯。殘霞雨洗暉。彈花蟬虎匿。掠竹水鷹飛。白足遺櫻屐。青蛾送道衣。庖童覓鱸去。兼買紫薑歸。

其七

遍識今朝士。無如隱者親。酒澆種柳客。圖寫姓龐人。鸚鵡司茶具。彌猴盜角巾。贈君柳浪水。堪浣胃中塵。

其八

空潭獨影誰。箇是好相知。每笑鬪心侈。閒憐鸚鵡危。眼光常照潔。面貌日浮危。一往青山去。還愁鶴不隨。

再和散木韻

平生四不宜。擔糞與圍棋。強捉山公學。生填逸少池。窗前微點石。花底小栽詩。稍欲裝風景。休推臨老時。

其二

藤紙書一通。裴詩王集中。時清傳雅語。格婉變騷風。靈體收花露。方言辨鳥蟲。綠絳閒貯取。一一示諸公。

其三

顛毛老去休。擬伴赤松遊。盡室營新麓。全身觀古丘。雲鬢閒品藻。花月小陽秋。欲作天台訊。東陽有使舟。

其四

山居餽水石。消得一生忙。夜雨沉丹壘。秋花蔽井牀。古苔頑樹壘。乾贖老魚香。夢裏匡山路。斜帆指漢陽。

其五

稼圃也優游。山莊又一秋。迎風收栗子。過雨剪花頭。自洗蒙苔石。聊通滯葉溝。閒中真本草。獨忿與忘憂。

其六

夜雨水平磯。朝敲樹樹暉。篋中珍鳥語。天外拙鳩飛。古杖藤花笠。垂緋板摺衣。形容堪畫取。畫作虎溪歸。

其七

幽居長在定。直與簡編親。東魯先夫子。西方古聖人。侍兒泉洗面。座客鳥巾巾。幾日僧寮去。山房一半曠。

其八

酒正合彈誰。醉鄉甲令知。睡魔擯五嶺。愁伯放三危。詞客花盈斗。錢奴醋滿卮。清譚都撥去。只許雅歌隨。

九月二日盛集諸公郊遊至二聖寺仍用散木韻

灑散與秋宜。枇杷樹下棋。衣紋粘草地。人影散花池。石望僧流梵。霞江雁譜詩。空臺聊戲馬。預取茱萸時。

其二

莎徑許誰通。香寮紫翠中。窗留半嶺日。院鎖一池風。認藥收花片。翻題得草蟲。玄言三五友。少欲困支公。

其三

折柬召僧休。儒禪結伴遊。藻心遮戒律。鴈政黜軻丘。壁冷啼蟲暮。雲盤怒隼秋。小童閒理檝。歌板上漁舟。

其四

靖節一生癩。秋來有底忙。妻兒圍菊社。賓客守糟牀。西肆馳蹄熟。東鄰蟹甲香。山中無姓字。呼我作高陽。

其五

白馬紫韁遊。溪光澹碧秋。蛾眉司酒監。大鼻領曹頭。袖點齋花雪。杯香芳葉溝。山房閒料理。菊晚是吾憂。

其六

閒尋古釣磯。樹影與波暉。乾鶩一生喜。焦鵝半畝飛。奴尊亡酒具。客醉唾僧衣。又趁蘆花去。長歌緩棹歸。

其七

偶然深樹裏。乍得野鷗親。蔓棘衣間路。松風聒靜人。橋邊紅累子。花底碧紗巾。怕掠青苔去。空階不掃塵。

其八

獨樹扣鑿誰。幽人覓故知。斜鑿溪女笑。了路板橋危。山戶蟲封蠟。花鄉果薦卮。白公君記取。是處有僧隨。

九月初五日得三弟京闈第三報志喜仍用散木韻踐前約也

高科晚最宜。先着是卑棋。潭躍新龍子。天還舊鳳池。恩門侵曉轡。秋卷早朝詩。一點射堂月。開尊憶昔時。

其二

東華曉氣通。南省謝班中。絕景霜蹄道。垂天老翮風。酒澆退筆塚。花煖蛙書蟲。更念同門友。藍衫待至公。

其三

磊塊破除休。幾年禽向遊。全家呼季子。舉國號糟邱。帝里雲霞爛。故山松桂秋。名成不受爵。同上五門舟。

其四

讀書依梵侶。靜裏幾番忙。白骨通文字。青蒲作講牀。月花根幹老。天女鬢髮香。偶見題名處。挑燈感渭陽。(先侍御舅。鄉書亦中第三。)

其五

四海論交游。文場二十秋。卷中生紫綵。鏡裏換霜頭。古寺鄰宮月。寒涼響御溝。高堂微啓齒。銷却幾年憂。

其六

辭却舊花磯。紅塵踏曉暉。蠶心千葉老。蝶翅九衢飛。愛紐纏高士。濃竿餌布衣。賢昆得第日。走馬看山歸。

其七

慷慨歌燕市。依然屠狗親。遠山隨酒媼。胡粉抹天人。異服花紋袴。高風犄角巾。緋桃一夜雨。洗却素衣塵。

其八

百畝青山誰。孤藤即舊知。閒雲投遠曠。倦羽避高危。重疊花前板。明從几上卮。滿拔三五稔。季也擲冠隨。
舟行黃金口同散木王回飲

鄉落也陶然。籬花古岸邊。田翁捫蟲坐。溪女帶竿眠。小港蘆租戶。低倉米稅船。河刀與生酒。興劇不論錢。
又九日借諸叔及諸季昆散木陳正夫王回登高孟孟溪劇飲

笑譚有卑尊。飛籌迭盜盆。一灣茶碾市。合族水雲村。小管吹蘆葉。魁髯臥柳根。未須量斗石。強飲倍齊髡。
和散木登高之作

落日度微岑。紅霞帶碧林。漁箱風卷目。客哨晚傳金。波瞥勞魚尾。雲挑古鶴心。醉歸如夢裏。敲馬路昏沉。
村居雜題

古柳半心枯。樓臺瀉碧湖。山花權作侑。溪鳥乍名奴。鄰叟詢難字。田家掛曆圖。老松饑韻格。屋底近千株。
其二

余族自丙戌以來。大魁者一人。通籍者一人。鄉書者三人。入鄉校者幾四十人。村中業儒尤多。鄉書亦三人。

稍似朱衣卷。兒童問禮詩。一村垂大帶。十里望丹旗。十榜依巒市。枯楊臥水祠。樹皮如蘚石。老盡寄生枝。
散木和前詩仍用韻答

小雨潤苔枯。魚叉集曉湖。著書要惠子。作帖與官奴。夜雨天台約。秋山瀑布圖。霜花看漸老。著意養寒株。
其二

山居無可好。只是好吟詩。砌葉封蟲戶。鱸花戰茗旗。魚商填小市。狐粉聚空祠。偶到騎羊路。紅柑綴滿枝。

再和散木韻

空增銳草枯。山影落澄湖。花下春雲母。霜中課橘奴。移家求水石。捨宅事浮圖。一笑掀髯去。孤峯絕頂株。

其二

白石青烟夢。空花水月詩。禪鋒摧老敵。糟壘豎高旗。雲溼篔簹嶺。江寒杜若祠。椰梅多手植。忽已見孫枝。

集沈青平齋限韻

霜月寒衝瓦。松風夜入爐。鶯歌飛楚雪。方語雜吳都。閤裏藏幽鳥。花間命女雛。一窗雲氣冷。白水對清酤。

其二

角杯椰子釀。沈水博山爐。酒至中三令。詩成償五都。茶花披冷豔。爭竹放冬雛。痛飲何妨夜。西鄰有濁酤。

齋中閒夜小集

久語綠觥殘。重帷犯月寒。尋常杯酒事。動作歲年看。石限穿花瓣。霜巖碎馬肝。靜思膏火理。一倍使心安。

其二

去去北山殘。寒灰決定寒。隨他花錦爛。只作水雲看。空月舒顏面。閒窗語肺肝。新居頻料理。最喜竹平安。

歲暮書懷得風字

拍板付青童。衰顏一笑紅。斜波冰閃日。虛屋柳啼風。樹影溪紋路。鷗心鶴貌翁。鬚毛雪種種。只合老牆東。

其二

衰至學無功。家鄉是醉中。更無催老曆。只有解醒風。日日添鬢白。連連換頰紅。騰騰一枕去。直欲做天工。

次峯字韻

平常心遠處。卽是最高峯。小開池三畝。橫開室幾重。花枝宜古瘦。酒味去甘濃。莫道追隨厭。讀書老亦慵。

其二 時小脩北書至

近沼添回道。當窗作小峯。書來燕雪滿。夢去越山重。谷水烹茶冽。螺烟滲紙濃。經多人事減。多半爲花慵。

小竹林蠟梅盛開兼贈主人

頓覺水沉麝。幽香襲一湖。瘦枝梅韻格。鮮蕊桂肌膚。月下高眞夢。烟中靜女圖。主人無俗累。花性也清孤。

和僧韻因贈

山僧能險語。酷似李才江。坐久衣粘石。人歸雪滿窗。看雲開竹戶。會境寫花幃。手把枯藤去。孤清鶴一雙。

甲辰元旦飲劉繩之梅花下聽歌時一衲在側

小豔催花發。長眉帶柳來。醉憐迴雪舞。老怕失年杯。笑醫生春暈。禪心試冷灰。一尊一板去。村舍幾題梅。

花朝月下泛舟隊四韻

練水拍平橋。流連暮復朝。都將花歲月。收入酒科條。深閣千場笑。風柯十里腰。玲瓏歌莫止。面上怕紅消。

清明

弱女紫絲篔。藤花刺路傍。柳絮麤絮亂。波淺水茅香。老學耕田法。貧添省事方。頭茶與鮮笋。刻日待新嘗。

石馬莊夜集得封字

苦瘦角詩容。題函半尺封。夜沉歌板怯。窗冷印香慵。酸瀉杯光灑。燈分字影重。若非文戰苦。何以約談鋒。

竹林隈四韻

百回經眼地。倍倍惜高寒。遠屋香成澗。摩天碧洗瀾。花頭豐似頰。枝底轉如丸。縱是酣名客。頻遊也挂冠。

其二

百畝亭亭綠。風梢作意寒。只如無市井。長似有波瀾。適性琴三疊。尊生藥一丸。蒼髯白麕尾。都學晉衣冠。
竹林爲官谷物今。屬小修四歲中。凡三易主矣。余頻年興作。故後半以自箴。仍用前韻。
閱人如郵舍。旁觀意也寒。年年山易姓。事事水催瀾。免作勞生計。都無駐景丸。東移復西改。似沐猴而冠。
偶成

去去白雲層。空江理釣罾。竹方曾受削。樗老不堪繩。靜悟競巢雀。閒觀撲紙蠅。辟繯聊易米。裂却舊吳繪。
湖上碧酣樓落成

聊作棲身地。遂成隱者家。三面修閣子。四度看荷花。碎影方塘月。蒼烟活水茶。稚川徒自累。白首戀丹砂。
暑中舟行入村舍。借冷雲及明教居士

深林棗實紅。沙鳥立陰中。曠野雲燒日。平川雨洗風。酒香知社近。村靜識年豐。漸看河橋下。提攜有醉翁。
其二

拋却舊衫紅。披蓑同此中。微雲縹碧水。深樹綠沈風。官稅粗能給。山貲了不豐。撲頭隨衲子。猶可作龐翁。
初入村居

割愛聊芟竹。薙荒暫作橋。雲嵐披舊址。花鳥歷前朝。淵伏多年雪。山深太古條。南華志怪者。不達小逍遙。
其二

一派松篁路。聊通曲木橋。山空狐女嘯。樹古鳥王朝。花入玲瓏樹。溪分婉孌條。不知鴻近遠。只覺去人遙。
七月六日

管眼花成實。驚心鳥作橋。婆娑座覲笑。瘡沐老僧朝。薄月疎烟竹。回風怒水條。餘生施靜嘯。轉覺世途遙。

山中

是處堪銷伏。深林半沼臺。水纒驅熱去。月適送風來。滴歷松間露。幽澄雨後苔。十年前後事。電火與飛埃。

山中限韻

山氣親藤杖。花光耀酒鐺。好風排日至。佳月徹旬明。僧院茶頻覆。田家座屢盈。騰騰清睡裏。證得小無生。

中秋偕諸衲泛舟洞庭

匝地雲銷盡。平湖絕點青。琉璃天子月。香水海王城。怒蛤排帆立。神魚掣練行。山僧精觀忍。一倍發光明。

秋夜宿德山絕頂翫月前此看月江上頂有善卷壇

江月峯頭月。清光孰最多。稍能增激瀾。終是讓嵯峨。深谷高巖在。蒼顏白髮何。古來師善卷。未必解塵羅。

龍君超邀余過新置山莊莊在翠微中甚幽僻

掃石移尊去。披雲曳杖行。岡巒頻轉換。郭郭偶生成。溪盡田家出。山迴仄路平。遠峯稠疊起。蒼翠撲軒楹。

其二

閒卽攀蘿上。倦來枕石眠。田廬陰翠壁。雞犬入層烟。竹院通茶戶。山鄉近水廛。主人心但了。勝作苦形仙。

其三

實足青山地。幽回構屋居。暮烟慈竹嶺。秋水菊花渠。煉石爲方藥。磨嵐寫道書。丹砂如就得。拔去卽仙臚。

其四

閉却層崖道。人開了不知。漁樵分氏族。花果認干支。滴露新梧子。參雲老檜枝。龍髯曾此去。帶擊也堪疑。

德山遍入諸巖壑

總被閒驅使。登臨也未閒。霞光紅漲壁。水氣綠浮山。遍入雲歧路。熟觀石面顏。似曾經眼過。想像不知還。

夜入桃源縣月中

深村杞菊香。壁影拂船涼。和月和烟市。全山全水鄉。高雲排鶴路。怒沫響魚梁。若箇垂綸客。溪頭舊姓黃。

望淥蘿山有懷江淥蘿

好在青谿曲。巖花石乳新。空聞流水引。不見淥蘿人。明月層層岫。烏紗面面塵。十年求道侶。能不憶山鄰。

題桃源縣

鬧處雲常至。僮來鳥亦隨。仙人成邑里。煙水作城池。山有容空地。溪無不怒時。偶然嵐翠起。一縣綠離離。

入桃花源

溪雨濯雲根。花林水氣溫。睡鸞常守月。仙犬欲遮門。綠壁紅霞宅。丹砂石髓村。人中幾甲子。洞裏一黃昏。

其二

白頭丫鬢子。花裏去如仙。鳥弄雲霞欄。人耕芝朮田。庚年看紅藥。生死在蒼煙。認着鐘香去。翟童火尙然。

其三

花戶當雲闕。驛門臨水關。何年騎馬客。踏斷探芝山。古井沈煙霧。空潭洗面顏。丘陵一變海。一度到人間。

其四

洞外一長揖。人仙從此分。看君如水影。要我似谿雲。花氣薰崖戶。霞光繞茜裙。往來江海上。鸞鶴莫相聞。

九月二十九日同羅服卿及社中諸兄弟登高二聖寺

昔去逢秋至。今來送九歸。菊殘將入枕。綿老漸裝衣。定起書黃葉。杯闌語翠微。禪翁兼醉侶。一種不相違。

其二

竹裏將雲去。窗間看鳥歸。酒香沾淨具。花氣着僧衣。老圃推先達。星壇禮少微。塵勞君莫問。問着與心違。服卿訪余柳浪不遇俟我沙頭既歸服卿再至遂用韻贈之

千里勞君至。三秋俟我歸。柳殘多葉字。蓮解一池衣。逸格臨杯見。新思入路微。雲山心總在。未與宿根違。

唐堯胤自貴竹過訪用君御韻奉贈

夷馬向東馳。青袍敝許時。袖中三尺雪。夢裏一竿絲。泥酒呼鸚鵡。披時想荔枝。武夷若再至。爲我道相思。

唐堯胤以詩見投用韻奉答

滾滾飛塵路。蹄輪相伴居。濁杯澆瘴月。顛草雜蠻書。弔古悲無忌。憂騰托子虛。蕉衫涼似水。騎馬欲焉如。

閏九月一日繼服卿唐堯胤土以明劉繩之王連玉及方平無煩兩弟集齋頭得成字

竹外聞風雨。瀟瀟又滿城。杯行蘭柱落。話盡酒壺鳴。卷石欹窗瘦。寒花倍老成。喜逢嚴錄事。三五令申明。

燈下觀菊花影同社中諸友賦

清媚知無敵。披麗實可憐。易方惟月裏。難寫是風前。才子影皆好。傾城背亦妍。趙昌真粉本。一洗黛螺煙。

其二

一片籬花譜。吳綉墨未成。何人工點染。添我作淵明。月浪沉沉路。風香淡淡情。騷魂多念汝。夢裏屈先生。

其三

只與屏添豔。全憑幻寫真。光光能取影。葉葉解分身。蘿月思前世。松風夢故人。黃筓信好手。沒骨有精神。

其四

淡月我栽碎。微風剪剪疎。折從藥大手。寄與他人居。藻葉菱文浪。雲官鳥紀書。煙光與焰水。一種繪空虛。

其五

舞影將流地。頹香乍可聞。玲瓏千朵月。碑讀一窠雲。押以無絃韻。吟成沒字文。長時噴罔兩。或恐近夫君。

其六

山中頻領略。得意是蕭疎。半緒佳人後。一簾溫語初。牆頭生畫意。蛇鬪悟頭書。離卽成三昧。超超實起余。

其七

靜語一堂薰。兜觥屢付君。籬窪捫水影。游戲寫風紋。倩女歸時魄。巫山嫁後雲。鼻根如滅却。亦可嗅清芬。

其八

變體初從墨。名家但姓黃。空花新女弟。烏有舊兒郎。函作仙人謎。和成羽客方。浮生虛妄等。一倍感歡場。

五弟清梵閣落成閏九月九日同鄒伯學王闇然王連玉劉繩之方平弟觴其上得清字

隱几牙籤橫。蠹魚漸次成。花枝合苑影。騷雅一樓聲。和薄盤餐瘦。人閒笑韻清。籬東香未歇。展限與淵明。

過五弟天花館同郝公炎王尙父小酌

草草命筵罇。秋花瘦滿盆。題詩紅柏葉。坐語綠槐根。僧懶遲鳴磬。鴉昏不過村。開簾見樹影。月在樅籬門。

月下坐小閣

雛女笑咿啞。疎簾委委斜。酒澆清苦月。詩慰寂寥花。影落回風雁。光分坐樹鴉。侍兒供茗碗。幽事在山家。

秋夜痛飲李上舍家和公琰韻

冠珥墮紛紜。清言了不開。鐘焦鳴暴雨。杯脊卷春雲。醉眼常疑柱。頭書亂掃楮。主人苛酒政。起立誦彈文。

郝公琰邀過禪堂訪諸高衲
白板與烏藤。相邀訪定僧。君言未合齒。吾屐已先登。但省乾無事。何憂百不能。如臨幽澗水。雖小却清澄。

其二

寒灰抱病
幽院日清和。牆苔與徑莎。到來閒坐少。始覺頂毛多。病亦強人健。愁猶勝客歌。且休談出世。入世又如何。(時

過法華練若

瘦柏多連架。寒花半入瓶。山僧輪指語。幽客倚窗聽。苔壁三年墨。蔬園十畝青。茶煙細細起。竟日鑊柴局。

夜話清梵閣限韻

蕭騷葉滿窗。楓落話吳江。坐久枯蘭燼。言深倒酒缸。寒泉鳴廢圃。鄰月影高幢。碧楯方塘曲。昂藏老鶴雙。

看諸友弈

竹影風軒外。楸枰石子聲。暫憑閒調度。消却苦經營。烏幘連花墮。紅雲潑面生。旁觀亦自喜。賴是學無成。

其二

窗下欹襟坐。無人不看來。時聞飛似雨。忽有笑如雷。得意天山捷。沈思槁木灰。經營定何許。九地九天回。

風林纖月落

瑟瑟殘規吐。泠泠小籟吹。偶然低遠碧。恰好透疎枝。冒藻勾蘿去。籠烟壓露垂。歸樵與去艇。處處杜陵詩。

其二

輪淺虛籠樹。弓斜乍避鸞。一痕光淺髓。萬井氣森寒。恥作粧奩喻。聊爲烟水看。江湖多釣侶。時與校魚竿。

其三

碎影平侵檻。寒梢半妥輪。裝幽來隱舍。布景與詞人。只在風簾曲。長依水石鄰。東郊西浦上。不信有飛塵。

其四

簾卷煙條重。窗分翠疊澄。詩要林處士。圖請趙吳興。活景通千壑。閒觀倚一藤。匡牀誰對語。合有韻高僧。

畫有工似。有工意。工似者。親而近俗。工意者。遠而近雅。作詩亦然。余此詩從似而入意者也。何遜之題梅也。似而意者也。子美之辛不折來。意而意者也。李羣玉之玉鱗寂寂。可謂工似。然亦不俗。如林處士之霜禽粉蝶。俗矣。至云疎影橫斜。水邊籬落。可謂意中之似。若李錦瑟輩。直謎而已。如雪詩。則云欲舞定隨曹植馬。人日。則云弄格有苗。周稱流火。此可與工意者道哉。謂之似。亦未也。唐人詠月多矣。如云只益丹心苦。能添白髮明。深沉古雅。非子美不能。至云暫將弓并曲。番與扇俱圓。此惡道語也。似而俗者也。

夜話春草堂限韻

刻日春杯醺。消時筠管纖。問風傳巷語。備體雜香奩。山水堆脣角。烟雲上指尖。世緣如骰子。遇着偶然拈。

其二

螺子春生髓。蛾眉老避纖。祇宜供剪尺。不可更粧奩。時纈抽絲嫩。新花出樣尖。隴西見弓矢。一見一回拈。

其三

陶令情非冶。廣平賦偶纖。鸞臺朝洗硯。春草夜收奩。倦翻猶思獵。村眉也效尖。白髮伴毛穎。灑上一時拈。

喜蘇藩夫至柳浪座上限韻

入門簷鳥亂。紅葉照青衫。童子初弛箠。花驄乍解銜。麴頭傾瀼瀼。卷裏出巉巖。屢問遑音至。秋來信幾緘。

其二

側帽花垂髻。翻杯酒汚衫。騷壇爲佐領。麴部是兼銜。話久風掀席。思寄筍出巖。半宵酬和語。題滿一封緘。

其三

小仄呼藤杖。微噴去皂衫。花頭當檻落。鳥影入杯銜。對日浮三爵。他時老一巖。暫來猶有禁。佛語口須緘。

集方平弟綠蔭堂古槐下卽事限韻

率爾生幽意。非關對水山。苔枝垂酒盞。蟲葉墮烟鬟。只此雙眉黛。舒開一座顏。婆娑醉老叟。項領曲如灣。

小修久住沙市蘇潛夫遲之十餘日矣雨中集劉繩之高齋小修忽至賦得十灰

百里三回約。無朝不眇來。未曾離口齒。忽已到池臺。酒病花銷去。詩心竹引開。貧簷舊老圃。芟草去塵灰。

賦得裙拖六幅瀟湘水

細簡勻勻疊。長橋靡靡瀾。風回千縠亂。花遶一拖寒。洛水羅呈出。謝家練比看。兩般俱死水。爭解舞驚鸞。

賦得歡場害馬

惡態頻來見。清談事每差。杯微合券客。庭老晒禪花。遇月長扃戶。登山屢憶家。每當歡飲夕。三五散如鴉。

乍寒集王連玉宅小飲

淺屋低簷下。春花滴小槽。筭闌思蟹足。話久覓絨袍。竹語調刀切。雲啼橋狹高。等閒歷寒暑。頭裏換斑毛。

又石居小集送潛夫

底事心難盡。窮宵說未終。半槽平口水。一葉打霜風。寒月衝煤焰。枯株照粉紅。別來元白語。多分在詩筒。

代

隨例東西糊。那堪折贈行。早知雲易散。何忍夢難成。小玉終無匹。汪倫只有情。別來林處士。寶鶴買新聲。

送郝公琰南下

雲子落紛紛。鳴濤遠送君。夢回牛渚月。書達敬亭雲。俗薄休懷刺。交浮莫定文。王充如有論。應使蔡邕聞。

外甥毛雲花燭詩

玉立映澄壺。兒郎洵美都。香含新荳蔻。花引嫩鸚雛。案小頻過額。烟輕欲散爐。章門素業好。付與外甥盧。

夜起同廖道人扣王生門索酒酒行而雷電大作衆皆辟易余興益豪至子夜乃休

其二

天意蒼茫惡。奔雷駕雨風。書翻入甕內。兒走匿林中。拍案山公叫。髭唇咒盞空。歸途那用燭。電火照人紅。

會長石詩來約以寒食見過用韻答之

湖上腰如許。那能不繫人。到門青李帖。屈指永和辰。筍簞抽蓼嫩。旗槍戰火新。雲山無處少。只少自由身。

苦雨

且莫問提壺。春風一半孤。暮雲啼滑滑。曉樹語呱呱。夢繞飛花社。思牽線柳湖。無方可醉得。濁酒坐灰爐。

曾退如太史返棹江干雨甚宿楊上舍家令門僧持卷來觀夜坐有懷敬題其末

蘭蕊坐銷紅。長吟短噓中。潑天車軸雨。撼地石郵風。夢去雲連峽。詩來翠掃空。習家池上酒。何事外山公。

其二

山鬼莫吹燈。關心感少陵。話中江渺渺。卷裏軸層層。嵐重千畦納。雲開九節藤。聯牀今夜雨。空對嶺南僧。
泛舟便河

一棹碧蒼茫。蕉衫碎影涼。風音和鳥語。水色與天光。岸老蒲根出。沙平荻筍香。蹄輪何滾滾。對面卽滄浪。
其二

禪板佐尊罍。青溪曲曲迴。魚閒知浪靜。鳥喜覺風來。漠漠新雲樹。荒荒舊沼臺。一番見高塚。一度使眉開。
送蘇潛夫北上

去去日華東。晴霞似火紅。好辭杯底月。莫畏馬頭風。謝客休耽屐。張融且豎銅。緋袍白手板。勉矣偶場中。
遊章臺寺和小修韻

飛塵冷泠消。人語隔煙遙。雨洗青畦道。風薰白芷苗。竹深存廢碣。僧老話前朝。霸業荒殘盡。虛名只細腰。
其二

碧水鑄忙去。紅葩引笑開。兔葵傷故國。狐粉嘯空臺。古屋晴生菌。深房蜚蠊苔。松音與梵響。一洗大夫哀。
其三

雲捲三分地。塵飛六國王。自然歸滅劫。不必問巫陽。古壘荒遺構。澄波照冷簷。廿年雙屈指。頭白話兒郎。
其四

碧渚新琅玕。入門碎影寒。么絃將水聽。青黛作煙看。且樂時花豔。休悲故壘殘。南威他自美。興廢豈相干。
夏日同龍君起傳執中蕭季星龔散木彭長卿崔晦之小修王小自泛舟便河得橋字
好作煙林譜。微霞帶水條。平平鋪碎浪。遠遠出紅橋。天坼雲鱗見。江澄暑路消。山光與粉黛。一種是逍遙。

又和龍君超韻

白板赤欄橋。石根繫小舫。風傳初稻信。雨應熟梅潮。柳密兼煙重。槎枯帶蘚漂。洄沿無定止。只似野雲邀。

劉元質宅宴得金字

遠水輕雲意。孤桐野鶴心。消磨歸酒政。游戲入花林。趙姊雙名燕。盧郎一字琛。龐公見亦悔。湘水錯沉金。

龍君超邀集章臺以看花臺爲韻

碧篠當煙出。朱華帶渚看。佳人吳笑語。公子晉衣冠。始覺歡場盛。爭言雅道難。經時覓快友。纔得許如蘭。

其二

一笑爛雲霞。青娥驅法華。章臺新馬足。洞口舊魚槎。秋水人人月。春風面面花。不同愁宋玉。蕭瑟對東家。

其三

天際颯輕雷。濃陰潑地來。叢中避粉黛。樹底臥禪臺。數點將穿屐。移時忽泛臺。只疑舊歌舞。化作雨雲回。

病起新霽見月

病起初逢月。雲開笑亦開。雲隨殘悶去。月逐好懷來。墜葉凝清露。新香瀉綠醅。冶心雖校淺。仍是欲然灰。

林蘭閣同王以明先生及尙父謝道人小集偶成

涼月下空疏。蕭蕭靜者居。休心花事斷。忘藥酒船虛。竹外披煙鶴。尊前帶子魚。盤飧聊復爾。商略古人書。

醉歸示凡公響泉道人

不寐卽狂歌。蓮花漏水多。醉來尋白足。定起喚青娥。梵唱嗔吳肉。荷衣剪越羅。亦知風景煞。爭奈老顏何。

當陽僧來邀遊青溪紫蓋諸勝

十載青山約。今番始赴期。如雲投舊嶺。似鳥念高枝。藍壓仙翁井。苔深鬼谷詞。舉將一喝去。祇取布鞋師。
其二

一湖珠翻處。千山玉照時。東衝西逼酒。橫版側匡時。僧老扶雛至。鶴驕帶子隨。掌茶與谷水。宿世也相知。
登遊遊塚有感示凡公響泉道人

古塚新新道。荒原漠漠風。荷衣惹帶鬼。燕麥兔羹風。積壘高陵變。分趨逝水東。莫言空不得。何事不成空。
將入青溪值雨雪凡公有詩見促用韻答之

童子語誦誦。雪花打皂衫。雲低天慘淡。霜老石嵯巖。怪鳥鳴枯葉。空江立瘦杉。青溪騎鶴叟。聊且附書幘。
送雪照還吳

洗鉢焚鈔去。臆雲倚棹歌。離鄉吳語變。入詠楚騷多。五老峯頭瀑。三江雪後波。鬪衣櫻笠子。袖手看蠶峨。
又代作

四載椒林社。精研只有君。高談排暝照。獨往賤多聞。江面瓶心月。山南嶺北雲。逆風香自遠。無路鬪芳芬。
暮鳥投林和張明教

霧卷復煙披。嘈嘈話許時。大都尋故侶。莫是揀高枝。半嶺雲千態。疎林月一規。夜寒風曩曩。歸夢在天池。
其二

霞碧與山紅。煙林繪譜中。乍啼緣見月。半妥爲梢風。萬點鋪沙異。千畦帶犢同。莫愁三匝苦。猶勝在金籠。
其三

渺渺辭沙嶼。嘹嘹帶遠空。分行來樹裏。送影入池中。小艇煙江月。高樓晚箔風。佳人天未許。同此眇歸鴻。

乙巳除夕

十畝負江田。歸耕已七年。稚松雲偃地。雛女髮垂肩。貝帶翻將綻。荷衣着屢穿。貧鄉何可戀。大抵爲林泉。
春日同謝于楚周觀國小修李澄之王尚夫崔晦之劉繩之過智者堂訪度門法師

數里碧陰森。高禪靜亦吟。趁花來遠澗。聽鳥入平林。歷盡摧車坂。稍存繞指金。浮屠都歎盡。未敢唾壺心。

諸衲見過

閒卽過東臬。納衣對酒槽。袖中懷米帖。花底讀離騷。箔卷鱸煙細。窗寒石壘高。貧家無可供。泚水與谿毛。

哭江進之

乙巳秋。聞進之兄卒于蜀。余時伏枕。慟幾絕。嗟乎。余與進之之交。豈復在口舌間哉。進之死。世誰復有定中郎文者已矣。猶記令吳之日。與兄商證此道。初猶不甚信。弟謂兄曰。果若今人所著。萬口一聲。兄何以區別其高下也。且古人之詩。歷千百年。讀之如初出口。而今人一詩甫就。已若紅朽之粟。何也。進之躍然起曰。是已後爲余鼓篋。遂述此意。蓋實語也。進之文俊逸爽朗。務爲新切。嘉隆以來所稱大家者。未見其比。但其中尙有矯枉之過。爲薄俗所檢點者。往時曾欲與進之言。而竟未及。是余之不忠也。然余所病。正與進之同證。亦不意進之之去。若是速也。慟哉。郎君幸盡以諸藁屬我。我當爲進之刪定。藏諸名山。以俟後世子雲也。往弟有錦帆解脫諸集。皆屬進之爲序。甚獲我心。然彼時詩不遑。而文亦散緩。今弟刻瓶花瀟碧二集。安能使兄快讀。過爲弟鼓而傳也。慟哉。弟交遊徧海內。而性命文章。十居其九。至如寒潭皎月。透徹底裏。如苦進之者。指不二屈也。進之有佳兒。能讀父書。可以自慰。知進之所未了者。高堂白髮。然曾孫滿前。老伯無大苦也。中懷作惡。苦不得佳語。欲躬致束芻。值有邑乘之役。素車白馬。未卜何日。挽章十篇。郎君爲我朗吟進之靈前。或幕前亦

可。鬼未必即通。爲讀數十回可也。

石火乍飄紅。匆匆四閨中。才名巴子國。吏蹟館娃宮。洗海澄天月。催芳爛蕊風。不留長把玩。收拾與虛空。

其二

案有君遺蹟。時時動我悲。夢中呼白也。卷裏哭微之。骨似凝冰石。心如靜水池。太玄那得比。囑累有佳兒。

其三

一笑凌雲去。高寒自少塵。騷魂皆楚鬼。弔客盡秦人。作誄傾南國。移書詛北辰。斯文凋喪盡。何用死麒麟。

其四

偏是佳人少。鶻鷗日日鳴。應劉皆早世。吳賈竟虛生。雪泐寒當戶。漁梁怒滿城。憐才與惜寶。天似未分明。

其五

蜀魄悲鳴後。巫猿叫嘯初。蛾帽徒有黛。巴水不成書。女鬼行雲侍。仙鄉賣卜居。浣花溪上叟。情切舊鄉廬。

其六

好手經爐冶。匡時正老成。文通才未盡。元靜職猶輕。妖作長沙魘。帳空澧水瑩。花源留蹟處。莎草背皆生。

其七

節節來余夢。溪雲湘柳邊。浪仙神尙瘦。米芾鬼猶顛。花國恣題品。珠宮任纂編。閒時出諸史。一笑謔諸天。

其八

湘水濯魂清。紛紛蘭芷生。桃花仙路髓。薜荔鬼衣輕。喜去朝虞帝。悲來過屈平。沙蘿村口上。夜引瞿童行。

其九

作者心良苦。悠悠世豈知。近俳緣矯激。取態任斜欹。江闊無澄浪。林深有蒼枝。向人言似夢。無計解愚癡。

其十

薄俗好檢點。因循媿少箴。只疑如豆目。未達似空心。琴敗孤音絕。林荒破宅深。期君一百載。隻字雙南金。

送周觀國還會稽兼寄陶周望兄弟

江流澎湃處。一曲是官衙。小邑城三里。荒垣市幾家。斗湖曾載月。浪柳也吹花。踞踏真如繭。能禁念若耶。

其二

且莫聽啼魂。烟嵐路亦昏。山連內史宅。水到智公門。曉月蘭橈市。春風黛綠村。箇年題壁處。霜洗舊苔痕。

曾雷二太史過柳浪用杜韻

雲嵐深幾曲。五月氣猶寒。月下簾花下。林端更水端。愁來詩監押。老至道遮闌。識得藏身計。塵勞也自安。

其二

勸我早經營。三山海上城。亦如憐素女。其那忤方平。青鳥曾經約。丹臺也注名。竹枝江上雨。難道是無情。

黃平倩久無書僧自蜀來傳其厭世余不信數日後陶周望書來云聞平倩有疾且求消息

于余余謂小修曰必無他詩以志之

積夢峨嵋路。三年渺去鴻。眠江惟有浪。巫峽祇聞風。驚絕西僧語。愁深太史筒。子瞻定不死。吾已料天公。

西來僧云平倩初病痺今已痊復志喜

西望嘉陵信。迢迢半影鴻。黃州元不死。白傅已無風。小近臨邛黛。新開郫酒筒。僧言真實否。吾欲讓龐公。(後二事皆來僧語。)

夏日同龔散木能者崔晦之鄒伯學李子髯攜妓泛舟和尚橋

白舫形如鶴。青娥姓是盧。衣香泥翡翠。扇影怯鶻鷂。石竹和人籟。山花熱野爐。遙看十里水。一片芙蓉湖。

其二

試說鸞鸞侶。何如鷓鴣翠。溪光描翠黛。竹影寫羅裙。雲日魚鱗氣。霞波雉尾文。鶴飛衝樹起。天半一聲聞。

病起獨坐

荒草綠如煙。何秋不可憐。病家無客至。小犬亦高眠。開帙尋詩料。添衣缺酒錢。閉門讀莊子。秋水馬蹄篇。

病起偶題

其二

對客心如怯。鏡銅只自憐。負暄梳敗髮。發篋理殘篇。名豈儒冠誤。病因濁酒痊。浮生喻泡影。何以樂青年。

其三

獨坐真成悶。孤砧急暮聲。乾坤偏惡道。世路幾狂生。騷雅原無命。湖山賸有情。一丘何不可。身外卽浮萍。

其四

強欲親數日。無那怯曉風。纏綿悲二豎。坐起仗雙童。世路他如夢。浮名我失弓。一番三徑裏。秋菊已成空。

花朝卽事

不斷青雲夢。難堪白髮情。跳梁山鬼妬。落寞酒人輕。色界身終苦。無生學未成。浮溫能幾許。枉自覓枯榮。

江漲

灑灑三冬雪。瀟瀟五月波。疾流翻地轉。遠勢觸雲過。縣尉臨江祭。巴人下水歌。世平無孟珙。父老恨如何。

卽事

俗態有如此。誰云道不貧。黃金貴賤士。烏帽是非人。公叔絕交甚。東方漫世真。浮雲看物理。浪跡混風塵。

秋扇

溼溼齊紈素。團團明月輝。含羞王氏女。失寵漢宮妃。出入心猶在。炎涼態已非。自甘藏篋笥。不敢觸寒威。

夏日泛舟

泛泛鷓鴣近。深深雀鷓閒。空潭不受暑。野竹半捎雲。公子收行蓋。佳人晒舞裙。垂楊亂荇藻。日色冷紛紛。

得李宏甫先生書

似此瑤華色。何殊空谷音。悲哉擊筑淚。已矣唾壺心。跡豈焚書白。病因老苦侵。有文焉用隱。無水若爲沉。

冬菊

衆芳無不改。籬菊晚猶開。護葉多編竹。憐香自剪萊。驚心寒節破。載酒故人來。忽憶東籬叟。狂歌試舉杯。

江行

霞彩收晴色。澄波媚夕暉。飢鷹奔樹冷。沙鷗觸人飛。鵝髮迎兒出。鄉童負犬歸。少年饒酒力。何事怯寒威。

登臺

登臺當此日。潦倒盡餘驩。古木何年有。林花盡日寒。霞來鱗作市。山晚氣成瀾。去去滄江暝。狂歌興未闌。

除夕前八日

每恨年光駛。東風又一時。入門花自媚。出谷鳥先知。宦去稽康懶。情來育長癡。無爲愁暮景。幽意在南枝。

夜坐別彭子

寂歷巖更漏。淒其旅客情。傾腸談近事。屈指數遊程。寒氣衝筵入。鄉心冒酒生。經年事奔走。名利一無成。

社中

宿昔城南約。蒼茫十載情。交遊悲喜盡。文字揣摩成。古屋繁陰入。空堦凍鳥行。終年慵擲管。辛苦是書生。

小齋

情至觀無始。愁來實奈何。蠶行粘敗粉。燕起觸簷羅。往事惟長嘯。新知一放歌。鶴雛雖戲死。不與雀爭多。

迎九

節物何堪問。流光轉自哀。世情搔首過。秋色閉門來。才子新開社。參軍舊有臺。菊花才作蘂。遲爾共啣杯。

憶蟹

鄂州爲客處。紫蟹最堪憐。朱邸爭先買。青樓不計錢。昔年桐乳下。今日菊花前。咫尺晴川水。無由見爾鮮。

夏日同龍君超君善家伯修郊外小集

避却紅塵子。晴郊共舉杯。踏雲穿寶閣。立馬開金臺。古木無心長。雜花不定開。東南饒勝友。喜與二郎來。

宿村中

古木攢幽壑。叢篁蔽小祠。籃輿村犬吠。羅服野人疑。稻熟家家釀。山香處處詩。田翁強解事。款款具威儀。

示社友

所至成三笑。居然似七賢。社開正始後。詩數中興年。一代稱同軌。千秋欣執鞭。古來藏二酉。不必大都傳。

秋日同鄒伯學過崔晦之村莊

攜得城中友。聯鑣把臂來。探闥入踴躍。問姓俗疑猜。鄰酒無因至。霜花有限開。一丘荒楚裏。門戶蔽蒿萊。

送周尙寶左遷海澄典史

代作

鴉虜終無賴。餘波橫及人。清時驕黷。平地蹶麒麟。去國寧辭謫。投荒幸有身。邊籌終及爾。勿復嘆沉淪。

其二

幾度青門柳。榮枯送爾行。廟謀何日定。邊事仗誰成。名以批鱗重。恩因市虎輕。知君心獨苦。萬死亦關情。

其三

十年聲籍甚。一日去長安。作賦元投楚。爲文欲弔韓。雲開龍首出。雨過鱣溪寒。到處青山好。何憂行路難。

九日江上小集

物色千林換。江聲四面瀾。脫冠酬勝節。呼酒賀新寒。童子攜方罫。庖人進鱸盤。秋郊如醉裏。漉酒一憑欄。

偶成

塵世無暇日。孤館有餘情。黃金鑄知己。青編列友生。事佛心難定。學仙道不成。去去雙田下。兄弟事耦耕。

郊行同龔散木能者鄒伯學

高柳藏山寺。雜花綴水濱。青溪六七里。白帽兩三人。鐘釜蚊虻過。煙霞鹿豕鄰。箕踞亦是禮。何必取冠巾。

嘉魚李太清書齋

尙有青雲舊。誰云白首新。孤尊相對日。萬死可憐身。曝襖驚黃鳥。開軒蹴紫鱗。名臣何必貴。衰腐據要津。

夏日鄒伯學園亭

兀坐無儔侶。觀空絕想塵。牀頭高士傳。花下上皇人。養鶴移茶灶。憐魚輟釣綸。蒙莊去已久。斯意竟誰陳。

夏日即事

一官因懶廢。萬事得禪逃。歲月空談老。風塵拂袖高。貧交殊面背。薄俗厚皮毛。不解和光指。空齋坐鬱陶。

其二

悶即攤書讀。長年一腐儒。開門殘雨過。欹枕片雲孤。世事輸棋局。人情轉轆轤。浮生甯曳尾。斷不悔江湖。

夏日同龔能者崔晦之鄒伯學納涼李子髯齋中高柳下

高柳着溪烟。團團翠可憐。空街搖白水。疎日冷青錢。原憲貧非病。維摩疾是禪。居然城郭裏。一種小林泉。

偶題

得句題蕉葉。裁冠費筍皮。宦情三不可。禪理百無知。野館繁梔子。晴窗語燕兒。謝安何小草。相業僅能基。

寄沈介庵

不謂晴川閣。同時失此人。龍門吾有意。魚服爾何神。封事驚來草。除書怪積薪。和光古有語。好得耐風塵。

初秋

負俗將無傲。閒居合有秋。驕陽猶避鵲。小雨亦呼鳩。中散交多絕。司空宦總休。明知悲冉冉。何苦不滄洲。

秋閨

秋色透羅幃。寒芳片片飛。蛩吟生暗壁。螢火度空機。閨月新流照。簾霜換故衣。征鴻與蕩子。同去不同歸。

漫興

年多浪跡。老大合幽棲。事業卑牛口。生涯尙馬蹄。避人嘲自解。隱几物難齊。每憶山中友。秋來好杖藜。

其二

獨往吾何有。狂癡世所憐。一身書蠹後。萬事酒杯前。禮樂從先進。交游附少年。昨來益自喜。信口野狐禪。

江崩及城

城郭荒如許。遷來得幾時。紅通變子國。潮打武侯祠。六代餘封在。三分故里疑。焉知深谷底。不有萬山碑。

寄散木

只覺秋悲苦。那堪別賦工。予瞻南去雁。爾望北來風。寒日疎籬菊。清霜落井桐。江湖夕照裏。登眺許誰同。

寄楊敦初

野樹吟秋日。江雲送月初。百年誰命駕。兩地且傳書。潘岳功名薄。莊生吏體疎。禪心知不減。揮麈近何如。

其二

萬事傳經懶。官閒且自由。閉門無不可。得雉更何求。玄草楊雲宅。清吟王粲樓。莫言工作賦。此地易悲秋。

憶弟

萬里南征路。扁舟去不來。賦投鸚鵡水。詩上鳳凰臺。天地窮相傍。雲霄蹇自哀。千秋無漢武。司馬一庸才。

其二

驟傳伏枕去。轉覺淚沾巾。短髮三江棹。孤篷四海人。文章妻子怪。姓字友朋嗔。兄弟皆衣絮。君胡命苦辛。

其三

去住非無謂。蹉跎似不羈。親朋盡欲殺。知己半相疑。獨我能青眼。因君是白眉。東來書一紙。讀罷淚如絲。

登高有懷

秋菊開誰對。寒郊望更新。乾坤東逝水。車馬北來塵。屈指悲時事。停杯憶遠人。汀花與岸草。何處不傷神。

過古寺

紅橋過雨潤。黃葉經霜稀。古殿摧金榜。空塘落水衣。畏人寒鳥竄。護法老龍飢。醉語兼禪語。都非第二機。

宿僧房

夜雨沉清響。霜林起暮鴉。蓮臺三品葉。佛果一時花。覺路昏羅縠。禪燈黑絳紗。早知嬰世網。悔不事袈裟。

憶弟

尙有他鄉客。那堪兩地春。文章聊玩世。儒墨竟疑人。別後山川換。愁來歲月新。滄江一萬里。濁酒向誰陳。

其二

東去交多少。南詢興有無。高天鴻鵠舉。世路馬牛呼。騷雅命難達。江湖迹易孤。步兵雖嗜酒。倘亦恨窮途。

異僧

買印支公僻。輸瓶座首能。咒言聽似鳥。梵字寫如藤。托鉢施仙飯。支牀面佛燈。一身猶不用。何處有三乘。

出郭

稻熟村村酒。魚肥處處家。輕刀粘水去。獨鳥會風斜。落日流紅浪。長江徒白沙。山僧迎客喜。顛倒着袈裟。

江上

白霧迷秦楚。清流帶遠空。沙平晴蹴雪。樹老夜屯風。曠野眠飢兕。孤洲落晚鴻。布帆如屋裏。何處有城中。

郊外小集

賴有滄洲意。聊行濁酒杯。白波吹日上。粉堞映江開。米穀舟中市。人烟水面來。息機吾已久。鷗鳥莫相猜。

其二

浪跡真無賴。狂心今若何。一尊聊對酒。萬事且狂歌。稗子矜黃葉。漁人語白波。蘆花青裊裊。秋意滿溪叢。

三弟同志喜

溪汝才三月。那知西復東。客中何地返。臺裏幾時空。世事窮來見。文章病後工。浮湘而涉海。司馬之遺風。

其二

突兀英雄氣。飄零病苦身。黃金憎賦客。青眼謝時人。按劍投珠恨。呼牛應馬真。無錢覓知己。到底白頭新。

其三

萬里將孤舫。長江與太湖。山川幾盡越。文字恥爲吳。見我故人否。識君高義無。士安交不薄。珍重序三都。

其四

東去人人叩。西來事事疑。苦心眞學者。出世好男兒。消息斬州得。機緣老宿知。何人皮相士。道爾定狂癡。

花朝日呈伯修

壘氣薰高閣。歌聲繞細廚。桂尊清且滿。坐客美而都。共唱三婦豔。同開百子圖。主人將夜飲。傍晚禁啼烏。

其二

宛轉花如結。差池燕似知。佳人炊壽餅。童子按新辭。珠履散還聚。蘭膏盡復炊。青軒紅蠶蠹。第一好天時。

京師夜坐

兀坐醒醒悶。讀書字字難。竹枯知風餒。餅澁驗天寒。事往心方省。窮來交漸寬。微官猶窘我。羸馬日長安。

北行道中示弟

惜別無多日。驅馳看過年。客愁繁似雨。官路遠如天。凍磧酸車轍。嚴霜嚙馬鞭。流光付行旅。爾我遞相憐。

挽蘇母

喜得全歸日。郎君已致身。憑將萬死事。泣報九原人。野氣迷丹旆。秋風冷石麟。但留天語在。一紙夜臺新。

秋夜感懷

莫以千人和。遂輕白雪歌。支離常調失。突兀此生過。薄俗論交盡。秋風閱世多。鷓鴣終萬仞。嚇我待如何。

余山居六年矣丙午秋復北上臨發偶賦

又被閒驅出。冥鴻那可飛。添多新蒜髮。典盡舊荷衣。柳密雲侵郭。荷長水漫磯。鷓鴣爭作語。客子幾年歸。

過荊門觀蒙惠泉

雲過山城沒。谿回磴道平。一瀉淙石底。萬戶枕泉聲。童子將茶去。僧雛負鉢行。居人傳好語。得似長官清。(時

州人爲言雷守甚清。)

石橋道中

上上仄岩顛。清谿落馬前。跛陀聊作館。礪礪以爲田。人出斜山照。雞鳴廢寺烟。亭翁顏半赭。知得有豐年。

襄陽道中逢龍君御君御節西寧便道省太夫人

征馬隔林鳴。雙旌忽背行。白頭撩遠夢。紅樹促歸程。銀管書生去。鐵衣老將迎。羌胡知姓字。藜草在邊城。(君

御舊通守此地。)

壬辰秋日余與伯修兄先後出都門至鄭相及同宿州署今相去十五年伯修厭世亦六年

矣電火驚心山川觸目因書數語兼示小修方平兩弟

十五度春秋。漚花轉眼休。含悲上東里。無路避西州。孤月傷鴻陣。寒雲障馬頭。對牀今夜雨。清淚幾行流。

鄴城道

何處魏離宮。荒烟斷葦中。獵蹄晴捲雪。高隼怒盤風。苑古梧桐禿。牆崩枸杞紅。空臺與流水。想像舊籬櫺。（梧桐祭出白香山。）

其二

白日悲離駐。英雄誰不然。魚膏焚地底。蛾黛哭生前。南國香成霧。西山石作煙。人間絕快事。天子作神仙。

其三

碧草漲寒塘。萋蒲花不香。山禽猶翠羽。野果尙丹房。殘粉迎新帝。妖魂逐小郎。曹家兄弟好。無那太淫荒。

其四

且著雙眉目。休隨俗笑嚬。簾前搗鼓吏。牀上捉刀人。胡粉裝尤怪。蔗竿舞入神。精光如可畫。寧與魄俱曠。

其五

那得長無語。無情淚亦垂。碑餘漢歲月。水洗鄴城池。樓外羌雞嘯。宮中寡婦悲。好還不再世。兇狡亦何爲。

其六

近得銅臺瓦。重來五十鍍。無方鬢白髮。空自治青山。上馬蒐才藻。橫戈按鬢鬢。霸圖今已矣。文采照人間。

其七

仆去前王碣。耕來故國墳。蜂巢無兩大。兔窟有三分。夜火生空樹。陰龍戰野雲。美人何處所。試與定遺文。

其八

且勿度前村。白楊路漸昏。一丘文字鬼。千古戰爭魂。歷數孫曹閔。風流魏晉繁。成蹊人自省。桃李不須言。

其九

謀士虎兼籠。三家霸局同。文章分鼎足。才品第英雄。龔隲司徒後。昏頑鍛錫公。陳琳檄自有。誰可愈頭風。

其十
校盡中原土。初逢國手棋。孫郎爭一道。劉胄僅雙持。石棹刀方利。風高海始奇。唐宗與宋祖。應悔不同時。

遊崇國寺得明字有序

往與家伯修潘去華江進之黃平倩劉明自吳本如段徽之諸公。結社於崇國。葡萄方丈。相去七年。存亡出處。遂如隔世。丁未春暮。與龍君超陶孝若邱長孺李元善劉元質重經此地。泣下不能自止。聊述數語。以志今昔。

入寺稀人識。僧雛盡老成。花猶香廢苑。石莫話前生。壁上苔棲墨。廊間雨壞楹。春衣能幾日。又復過清明。

又

只作幽探計。如來與證明。出門皆黛色。入寺有泉聲。酒似溪光嫩。身如雲影輕。閒官無別侶。頭白舊方情。

惠安伯園亭同顧升伯李長卿湯嘉賓看牡丹

又

古樹暗房櫺。登樓只辦紅。分畦將匝地。含籟欲焚空。蝶醉輕緙日。鶯捎煖絮風。主人營一世。身老衆香中。

通國皆狂死。誰家解滿欄。徑須一石醉。洩得幾生看。小樹迎初月。層嵐作晚寒。彌歸穩數朵。掩盡百羅紈。

又

浴佛日劉元定邀諸公偕游高梁橋得爲字

節是祇園會。謙同曲水池。妖童歌串亂。天女鬢華隨。是樹皆停蓋。無波不泛卮。魚龍與角觝。樂事看君爲。

萬籟千籟出。第一時繁華。雖有能烟水。未曾知西去層層岫。東來面面池。胸中好丘壑。借與主人爲。月夜歸來與長孺。道舊仍用前韻。

盛事那堪記。衰來亦自悲。看窮烟柳地。老盡露桃枝。算酒休論石。稅花莫計池。平生心種種。難及壯時爲。(都入市花者。以一方爲一池。)

借曾退如過淨土菴

像設都非麗。疏題亦不紅。花移半檻日。槐老一庭風。寓目皆成淡。諸方敢鬪空。到門有醉客。鄉里舊山公。湯嘉賓以使者入江西將遍遊諸名勝詩以送之

碧落蒼雲路。長帆幾葉還。趁秋行九子。攜譜看廬山。採藥靈溪見。映花石戶關。孤藤變竹屨。聽盡水潺湲。

其二

亦解驚人語。于君數倍難。片鱗猶變化。尺水尙波瀾。萬卉經春爛。千山過月寒。欲知才大小。試取昔賢看。

其三

九派潯陽地。寒潮一葉通。少年姑狡獪。太古石玲瓏。觸路飛泉雨。捫碑怪穴風。到時秋正老。江景繪丹楓。

其四

攜去山盈袖。書來墨滿巖。嵐光瘦僕僕。泉水洗皴衫。識徧金仙侶。搜殘玉簡函。楚雲青咫尺。漢水莫停驂。(時嘉賓將入漢陽。弔薛仲子。)

早起入朝書册午間街著走城外別湯嘉賓晚赴劉元定飲時諸公已半酣賦得原字

曉出銅龍署。暮歸曲水村。座涼心乍貼。觥亂飲初喧。婪尾鴛侵闌。長頭客在門。公然去巾屣。奴態亦堪原。

夏日城西園亭聞蟬得陰字

清響徹平林。雲深樹亦深。乍聞心爽豁。獨盡午昏沉。琴裏高山韻。詩中瘦鳥吟。鄉園頻夢爾。十里柳湖陰。

其二

未曾離滌暑。亦不到雲林。坐觀暄涼變。遂令院舍深。聲來如遠壑。宿處必層陰。燕子與黃鳥。難除闔閤音。

其三

雖在高雲地。長懷冷石心。羽流分體魄。騷客與聲音。竹柏風相亂。笙歌耳可箴。如何君與我。俱不守長林。

苦雨吟和曾退如

陵雨無朝夕。呻吟益病妻。牀頭新漫落。竈下老燈啼。一室均堂芥。千家亂水畦。侍兒持茗語。滿摺榜花泥。

其二

舊勢將排砌。新痕又沒花。街頭眠野鴉。窗上語池蛙。古佛龕生菌。嬌兒面有沙。東齋無額字。便可喚浮槎。

其三

似道雷焚火。又聞水決牆。哭聲來遠巷。昏火照方牀。小屋葦籬破。鄰家蒼朮香。兒童浪驚喜。簷底有微光。

其四

莫是天然樂。輕聞下土哀。九州吹立水。萬部役雕雷。地遠聲難徹。關高喚不回。巢居與穴處。曾見有唐來。

中秋泊潞河看月同子公雲影賦

秋樹冷洽白。添衣也覺寒。如何今夜月。不共昔人看。客路風停閣。民居水破殘。那堪更值此。衰草漫流灘。

其二

萬水千山路。羈魂來不來。雙籤題姓字。兩處送錢財。風葉牽鉤幔。寒光背鏡臺。思量具杯酒。有口向誰開。

其三

亦欲消孤悶。其如不去心。稚兒神慘淡。病客語呻吟。野戍風傳柝。空艚火隔林。更憐明月裏。尙有獨飛禽。

其四

道侶前寬解。君深天竺書。我心自檢點。試比毘邪廬。法喜妻辭世。散花天異居。任他金粟老。亦有淚漣如。

潞河舟中和小修別詩

鶴老翻辭侶。松寒乍剪蘿。孤舟將幼累。北海望南訛。亂葦藏村社。枯槎臥古河。所嗟人異路。不畏客程多。

其二

昔日飢寒伴。淒涼無一存。去花難返榭。好月不留軒。龜手衣猶在。齊眉案尙溫。一門新舊鬼。強半北方魂。

其三

一榻出雲堂。秋高雁影涼。容顏漸朽謝。恩愛日銷亡。竹老湘君廟。花深油水陽。解君舊篋笥。擬買白蓮莊。

其四

欲覓藏身處。瞿童路上尋。魚寧愁水闊。鳥豈畏山深。秋葉紅霜寺。春苞紫筍林。辟如縱鸚鵡。未有繼箴心。

其五

少謝人間事。歌壇與舞筵。有山皆種竹。無水不栽蓮。見死知生苦。因餼識道緣。一杯從惠遠。白社問諸賢。

其六

江柳江楓道。秋來倍損神。瓊花撩怨客。香草夢離人。白鳥誰非故。青山不厭貧。陶朱吾可學。鑿水養鯁鱗。

其七

客路離云苦。烟波亦自清。雲開九子近。月上五湖明。石壁同僧看。花坊信馬行。家緣無十口。少累省憂生。

其八

弟也檀州去。征南尙可依。膏油寒夜醉。畫戟曉風威。藥草驚鷹疾。胡天字鳥飛。吾廬行信美。鄉社幾時歸。

其九

小艇烟江雨。長堤柿葉霜。一洲魚子市。千樹木奴鄉。客去尋空谷。書來話酉陽。繁華銷枕上。家近呂仙堂。

其十

神味爭如醉。無何卽是鄉。休心爲麴蘖。省事作資糧。慢世稍同朔。絕交亦似康。東臯猶滯酒。余乃醒而狂。

滄洲逢瞿太虛運使問及近事偶題

問我京華事。動君一日愁。添多新世態。無復舊交遊。北寺涼陰盡。西堂講席收。烟光逐日改。那不念歸休。

其二

白蛤生蕉履。知君亦悼亡。憂時心耿耿。學道鬢蒼蒼。老衲同三昧。稚兒守一牀。所慚不共隱。魂魄滯何方。

德州舟中逢沈何山

鬢上微添雪。衣間亦有塵。俱爲行役客。孰是自由身。處世眞妨達。歸山無那貧。且收魚鳥韻。檢點作詩人。

其二

敢謂馮唐老。爲郎十五年。不因君滯滯。那與我周旋。歷歷分行樹。匆匆兩去船。此心無近遠。月在浩池邊。

偶作

爲道知難道。求閒亦未成。憑將無益事。娛此有涯生。見水移觥去。聞山背襍行。感時多長語。虛竅偶然鳴。

下邳舟中和子公

飛雨濺窗寒。溼衣擁敝襌。所憂惟臘近。最苦是茶渾。只有飛沙市。更無啼鳥村。兩漁相對語。舟繫古槐根。

集平山堂用平山字爲韻借遊者方子兩謝生也

衰草亂畦平。長江一綫明。雲開智者寺。山表潤州城。萬井晴霞氣。千橋晚吹聲。隋宮何處問。荆杞傍牆生。

其二

大業空遺事。樊園咫尺間。斜橋興廢水。燄墨有無山。野老耕香澤。妖狐學黛鬟。荒亭猶故井。馬上聚泉還。

鄒子尹借僧秋水見訪門者不知卻之相見乃一笑

幾失孔文舉。整逢禰正平。雲澄天自澈。月上海先明。渴麟聞泉喜。孤鴻見侶鳴。昭文琴自好。無那有虧成。

雪中投宿棲隱寺寺去大冶五十里在亂山中

下馬歷巉岨。晶晶四壁寒。山門雲古斷。佛舍雨澆殘。茶好臨泉試。寺有棲隱泉。松宜帶雪看。軒窗無一可。

孤負此峯巒。

其二

岩戶何人啓。泉聲只自聞。夜澆盈衲雨。曉霽一犁雲。野筍呼雛伐。山苗帶子分。會須知此意。禪講也輸君。

其三

細數高低嶺。閒詢遠近鄉。山烟隨澗出。松火隔林香。雲冷莓苔殿。封雪蘿薜牆。里門通德近。誰與闢荒涼。近余司徒家。

立春日金牛道中

田夫耒耜紅女停機梭。士人廢簡編。官吏罷征科。商賈離康肆。漁家收釣羅。余獨何人者。峻嶺與危坡。漢陽過王章甫葵園和二仲韻

戶外卽遙岑。寒香漸出林。增池緣畝闕。疎竹爲庭陰。煙雪裁爲句。風泉寫入琴。欲知柯性老。火裏試焦音。舟中除夕憶李安人

客裏逢除夕。燈前少故人。乍如雲沒海。忽似影離身。滿褶衣衫淚。半年河渚塵。井枯泉脈在。棟老燕巢新。王章甫送余石頭口因共遊赤壁章甫將歸讀書九峯山

小舫沙棠楫。磯頭試一遊。偶然借郭李。不是弔曹劉。山色當陞出。江波載世流。沉沙無折戟。應已化漁鈎。其二

晴柳烟江路。幽探喜共君。暮風歌鳥翻。春水玩魚紋。石老猶含態。蛟閒不起雲。沙頭鷺鷥侶。且莫話三分。其二

一棹別烏林。高雲去去深。易銷惟黑髮。未了是名心。洗墨桐花下。讀書石壁陰。明年定傳寫。千紙滿寥琳。柳浪館雜咏

柳匣層層水。花紛紛曲曲堤。古藤隨意拙。熟鳥任情啼。寄客詩題嶽。招僧語隔溪。菱蒲分外長。漸與竹欄齊。其二

偶然修竹裏。新鳥一回聞。鶴下翻盆石。僧歸語嶠雲。縱風生水態。任月織波文。莫遣鷗鳧去。頻來只有君。其二

饒水饒烟地。臨花臨柳居。經營成淨社。穿鑿架僧廬。小作番唐像。閒堆農圃書。主人葷血斷。鶴亦念溪魚。

其四

齋閣行將近。迂回又隔蹊。八窗中遠水。萬柳外長堤。變曲添魚舍。芟枝減鶴棲。無人踐暴汝。宜近亦宜低。

過藕花莊

深院竹編牆。叢梢若箇長。入門溪雨濺。滿路麥風香。好夢因涼得。閒愁到水忘。因循二十載。未到藕花莊。

夏日同顧朗哉居士王遺狂游謝公岩主人于野宗侯留飲

只有烟林在。王家一事無。到門惟礙石。對語盡山臞。路失雲相引。庫欵行可扶。看人車馬去。塵起是修途。

其二

莫損莓苔壁。長留翠倚空。雲能供點綴。石自解玲瓏。泉落當窗逕。香生渡澗風。樓臺杳何許。樹影有無中。

登定州開元寺塔

孤塔三千級。俯身見鳥過。但知天闊遠。未許岫嵯峨。鈴語聞沙塞。燈光射虜河。昔賢誰眺此。韓宋與東坡。

其二

醉我中山酒。興衰渺莽間。宋家遺塞壘。唐典舊河山。破壁風雷出。空堂燕雀還。莫言無外警。西去即層關。

黃竹石入都作別

北闕何曾過。西山亦未登。袖中無半刺。鬢上有層冰。夢入冲烟繡。書詢過海僧。省廬真似水。知汝不求丞。

殘冬選曹乏人戴星出入不覺過春感而賦此

若問曹中事。但觀鬢上絲。經年未見水。初度也無詩。夜月閒杯子。春光惱侍兒。西郊有遊騎。唯汝不相宜。

初授司功副郎

舍殿來爲吏。嵇康也未慵。帶猶懸素鏹。銜得比青松。案牘心先碎。疏題手自封。何年挂神武。賈斷紫芝峯。
寒食高梁橋

簾領送春光。鬚眉分外蒼。僧猶憐我老。水亦怪人忙。雨作青山色。風吹翠袖香。醉中如有憶。艇子上餘杭。
暮春偕蘇潛夫邱長孺李茂實僧寶方雪照出郭

且復須臾坐。夕陽山氣佳。人歸烟雨寺。春到海棠花。茜甲緣畦吐。青溪帶郭斜。樓臺深隱隱。種竹定誰家。
暮春同王以明邱長孺蘇潛夫魏二方遊韋氏莊得寬字

幾葉菱蒲水。微風亦起瀾。如何尋丈地。綽有江湖寬。種果栽花易。招鷗引鶩難。欄川如具禮。畫裏試思看。
其二

樹歷高雲老。門臨細水寒。亂中時有整。幽處偶然寬。蘆筍芽將茁。檳榔蕊漸殘。遊鱗真可喜。夢不到漁竿。
其二

徑路微微折。亭軒倍倍寬。經營百事善。物力屢朝看。果稅分時斂。茶坊湊水安。袈裟幸自樂。何苦戀紳冠。
飲渭南郭外水亭

清響落銀塘。崖高瀑自長。晴飛半院雨。暑洗一山涼。竹石江南夢。雲泉逸士腸。長安十日飲。金紫照壺觴。
喜小修至

匹馬西風客。青衫遠道人。傾觴三日語。洗面一升塵。發篋探家信。呼兒換葛巾。顏肥兼耳闊。失意幾曾嗔。
其二

家事若蠶絲。細聽無了期。某山今曠廢。何僕最頑癡。驗貌爭肥瘦。譚心校髓皮。因勤對病廢。第一是隨時。

其二

俱言三歲苦。捱得幾番虛。鍊就玉珪字。磨穿鐵板書。莫非頭罪過。儻亦慧乘除。知汝能排遣。高譚且自如。

其三

買米錢都盡。裝衣絮亦無。奴顏慙失路。馬尾禿長途。沙哭終驪楚。梁春已去吳。彌天布鐵網。不肯拔珊瑚。

與小修夜話憶伯修

羈客飄人世。孤雲信此生。長兄官自達。小弟學無成。買酒思燈市。踏花憶貫城。飛沙沒馬首。怕不御街行。

百六詩爲邱大賦

血蝕青銅照。魂牽白玉環。人間冤女塚。地下望夫山。着土淚猶碧。鄰湘草亦斑。至今西陵月。不忍向南灣。

其二

一夕歸茲路。三生惜此人。死無長負債。恨是不銷塵。小玉終爲厲。蘇卿必有神。決腕與怒蟒。無以喻吾憤。

其三

惡雨摧蘭柱。飢梟啄鳳凰。埋憂覺地小。量恨與天長。萬菴難焦淚。千生不化腸。明當告世主。幽合詛城隍。

其四

怪事咄如許。裨官見亦稀。若無親口語。定道客傳非。始覺生爲債。誰言鬼是歸。長時檢遺篋。不忍觸歌衣。

其五

冤訴知無已。冥司可奈何。只愁女鬼弱。不怕俗錢多。雙陸因名廢。新聲只自歌。唯當仗佛力。救汝出幽羅。

赴棲霞

黃葉三秋後。青烟一派中。天寒蟲蟄雨。江闊鯉魚風。鶴瘦行藏勁。鷗閒飲啄工。舟迂迷去處。小立問漁翁。

攝山紀遊

黃葉旋空下。清泉作雨飛。苔毛青佛面。石色老天衣。僧靜廚蔬少。山寒野雀稀。自然消萬慮。不是學忘機。

其二

山色重重怪。高譚事事新。荒松吹老鬣。古石長斑鱗。入室尋僧少。翻經悟客塵。禪兄兼酒弟。傲殺世間人。

小集張伯質齋頭

白菊顏將赭。蒼原木漸黃。蟹匡行酒至。梧子作圍藏。鈞月分蘭焰。玄霜打橘房。主人紅鞵鞞。一笑上排場。

問方子公病

落盡梧桐葉。蕭騷滿一庭。當書裁枕被。減食買參苓。壁暗秋蟲泣。壚欹夜火青。病來曾幾日。疎髮冷星星。

其二

貧病知何極。高天也不原。愁聲徹曉夜。藥氣滿楹軒。夢惡憑奴解。衣單借手溫。空堂懸一榻。黃葉自封門。

送李季宣北上

長短丹楓道。高低白雲枝。奚奴肩古帙。駿尾束紅絲。閨月能通夢。邊烽易入詩。因思誇官日。是我見朝時。

其二

策蹇迎霜去。衝風逆雁行。夢中呼小玉。魏底拜荆卿。驛路聽塘報。寒冬怯水程。預知廷對策。多半是談兵。

日暮

蒼茫山幾處。高下鳥千枝。野火烘雲脚。霜風老地皮。安心權在酒。長日困於詩。除却閒居外。朝昏總不知。

望鄉

無日無鄉夢。空街與大堤。白長香米熟。青淺麥芽齊。荻月鋪雙寺。漁磯冷孟溪。長江無盡處。漸覺雁飛低。

偶成

擲卻顛毛去。百無一事齊。客中稀信至。夢裏別家啼。野店胡桃小。山房枸杞低。殷懃托鷓鴣。借取半枝棲。

送蘊璞之通州

敝衲纔三尺。羞囊無數錢。譚詩宗鳥瘦。運筆想懷顛。白果行廚飯。枯株半夜禪。天涯青點點。一派海門船。

憶潘景升

赤仄何年至。青娥幾日休。當衣歸楚子。兌酒賣吳鉤。凍雨江豚泣。郵風海若秋。相思無寄處。獨上縣西樓。(楚子。指邱大。)

寄伯修

次第逢京使。皆言髮有華。郵餐傳白餅。宮雪打烏紗。夜起先雞唱。朝歸必日斜。倦來呼侍史。石水試煎茶。

卽事

越錦刺吳女。桐絃命小妻。鐘鳴茶已罷。香散日初低。近火觀貓戲。開窗聽鳥啼。鄉書修總懶。笑作兩行題。

揚州曉泊

薄霧隨風盡。寒霜對酒銷。芋魁騰曉市。蟹子趁歸潮。往事瓊花觀。新溝楊子橋。雖然富羅綺。未必似前朝。

卽事

野樹凋青葉。寒江掃白波。訛音東事變。重語北船過。衢橋連霜買。盧姬盡日歌。揚州儂嫁娶。鼙鼓夜來多。
賦得迷樓

古寺行宮是。荒臺跡近真。楓枯能作語。釵老化爲人。夜蠟燒天淚。秋蛾幻月新。當年倘不樂。難道不成塵。
小集吳嗣仙齋頭

寒月衝簾薄。空階似水涼。橘皮消酒氣。栗尾亂書牀。校母人高下。踏歌調短長。自知非飲客。亦不害歡場。
集喬光祿齋頭

燭氣烘人暖。簾絲透月來。近花安飲几。分篠出重臺。細曲龍香撥。清醕鶴卵杯。徹明尙不去。安肯見燈迴。
飯王太古館中

萬事無如靜。浮雲他自飛。身心全白業。行止半緇衣。山藥和霜薦。園禽帶雪飢。忘名兼去欲。學道古人稀。
偶成

貧色杯中滅。衰香鏡裏知。青山千里屐。白髮滿頭詩。夜雪烹朝水。鮮花勒凍枝。回身笑罔爾。爾我共支離。
感懷作

閒適魚歸水。孤孺鳥怯飛。寒江粘戍艘。賈俗厭儒衣。失路干人左。貪生學道非。無才甘自棄。不是怨知希。
雪中

蓋膝衣三補。充脾飯一匙。長貧商賈貴。久客保傭知。開帖臨黃字。關門變黑鬚。飛蓬逐流水。何日是休時。
閒行

入肆添紅暈。出門換白衣。雉鷲過水去。雀冷近倉飛。古木半身死。鄰僧一箇歸。客中無舊識。遠望却依稀。

雪中看月

強起持杯酒。長歌命小鬟。一重兩重白。千里萬里山。凍鶴僵孤影。窮霜益老顏。客思只如此。漸覺別離頑。

無題

富貴豈非情。榮枯未必平。破籠鷹鳥去。斷竹放雲行。窮骨耽書傲。寒毛看劍生。東方唇自腐。執戟竟何成。

讀書

拭却草編塵。衣冠對古人。著來皆肺腑。道破益精神。把斧樵珠玉。恢綱網鳳麟。擬將半尺帚。匝地掃荆榛。

閒居

只對陳編坐。閒將稚子行。筆罷書將老。瓶響茶助成。饑鶴窺冰澗。窮鴉話夕城。江烟回照裏。轉溼轉鮮明。

乍晴卽事

寒日回霜薄。天風扇雪晴。山紋斜界路。樹影拗枝橫。海客鬚眉凍。門貧姓字生。下牀忘櫛洗。拋卷上西楹。

偶成

寒骨拋殘曆。冬風迫小年。霜圖虛孟尺。貧策付邱鞭。釋悶多談史。贏歡少破錢。不簪復不履。隨意但高眠。

劉侯宴

滿斗撒珠瑣。窗風射蠟暉。樂從三奏罷。酒看十分飛。參佐分山果。優人撤地衣。爲貪文字飲。少減呂侯威。

陶石簣書至

不復言餘事。唯云了卽休。山川銷斷案。花鳥罷春秋。定後窗行鼠。餐時壁下猴。自無求相意。焉用釣文鉤。

何茂倩索遊吳詩

莫漫談吳事。吳中佳事多。天高震澤網。髮細虎丘歌。只是官無那。由來客喜過。莫釐與纏綿。雙峯孰嵯峨。
子公貧病口占乞笑

揚州舟中晨起

病閱冬秋盡。方窮內外科。夢來牽母泣。愁覺此身多。腮涸魚求水。翎單雀窳羅。傷心談往事。悔作戀燈蛾。
薄月層冰上。飛飛叫去鴻。夢寒孤渚雲。茶響一盞風。凍網懸枯木。荒崖依病楓。繁華無用處。陡覺戀虛空。
送洪子崖之歸化縣

小邑無官長。登臨費履綦。方言從事譯。山景隸人知。廊舍巢鸚鵡。鄉田貢荔枝。嵐光侵簿牘。長日但圍碁。
丁酉除夕

登蘇門山泛舟百泉

得意人間事。經年作旅人。愁因山水減。蕩免父兄嗔。蠟屐千鄉雪。公衣鸞摺塵。瓜洲波起處。長日望垂綸。
食罷共成飯。來觀泓水泉。廢橋穿竹嶼。小舫載茶烟。方外清溪寺。人間好時田。那能營二項。風雨嘯豪眠。
其二

和朱非二山間之作

一葉寒塘上。孤雲信所如。東亭觀美箭。西泚訪幽居。靜玩涵波羽。幽憐避餌魚。未容狂阮籍。沉湎污清虛。
入谷非無路。鑿空尚有痕。勢危攀棘杪。力盡憩松根。天上雲烟市。仙家水石村。悠然見遠古。夢裏亦羲軒。
其二

愁絕蒼龍嶺。苔青萬古銅。嶂深憑綆波。棧絕賴枝通。洞隔寒溪雪。僧歸石壘風。半卷輕四岳。一笑傲三公。

其三

只覺川原變。寧知七曜同。按圖窮大地。卓筭量虛空。霞過遺仙影。雲歸識海風。人間三不朽。隱裏一微蟲。

其四

極態窮工出。摩天插地孤。平開東巖且。坐想北俱廬。白石鑄何在。青溪鶴也無。浩歌中夜月。萬里湛冰壺。

其五

雲懶飛難上。龍癡臥不醒。巴江寒蕩日。鄭火夜飛星。爐瀹千年液。松留太古青。綠霞封石鎖。應是護仙經。

偕朱非二入少林至初祖洞

宿世同來否。青山記夢登。雲分新墜石。樹老舊扶藤。古籙番文印。胡鬚壁影僧。摩公真狡獪。隻履去何曾。

話無言上人方丈

杖子撥秋烟。堂頭二十年。遺君半面識。乞我一齋禪。石壁分窗看。松風對榻眠。浮生成泛泛。俱有雪毛懸。

山中逢老衲少時從征有功者

頭髮遮眉白。歸來五乳峯。夢中聞虜笑。定起看經慵。戒鐵支爲枕。衲衣挂在松。閒時穿洞壁。欲去縛獐龍。

次良鄉

勞碌豈堪憐。心情亦自偏。閒中長似鬱。途裏却翛然。草屨多生業。名山老去緣。雲嵐成妄想。渴夢走鳴泉。

次定州和壁間韻

歲歲疲車馬。勞勞憇此州。精神漸耗減。名字益虛浮。斜月微茫岫。平河散漫流。西溪蓮在否。持語去年鷗。(昨

年六月。飲于西溪。)

定州見拙詩揚戲題

塔上烟煤句。何人勅此中。鳴虛聊以蚓。篆壁偶如蟲。蝕去宜苔蘚。銷來仗雨風。而今真入石。泥土被丹紅。

宿趙州 是日立秋

入市不聞鶯。殘陽半壓譙。人家多畫水。買肆尙依橋。禪夢來清磬。秋心動夜條。柏林如見語。潑汝舊時飄。

曉出柏鄉

未曉已先興。軒車帶睡登。官程膠齒飯。鄉思折腰菱。野店欹鬟女。孤菴滄鼎僧。不醒亦不醒。沙裏鼓鑿聲。

書所見

落日澹秋容。游雲忽自重。斜披四五樹。亂點兩三峯。馬顧橫橋水。僧歸別路松。巖隈不見寺。烟裏忽聞鐘。

嶠陵壁間見黃平倩詩悵然有懷和韻

角聲催曉關。雲冷夢初還。秋是王維句。月如李白顏。涸泉長念雨。籠鳥豈忘山。擬把一竿去。相從水石間。

潼關題壁

是日。至子夜果雨。涼風襲肌甚快。但雨不暢。夢中聞書記與快雪語。主公所乞者。洗頭盆水耳。何其怪也。不覺大笑。口占四十字爲謝。

一枕簾花涼。魂清夢亦長。雌雷方喚醒。女魃乍迷藏。雲識鬢鬟氣。風知菡萏香。那能倦膏沐。千里酒蘭湯。

偕朱非二汪以虛段徵之雨中投輿教寺望南山

樹古積苔痕。山高畫易昏。袖中雲氣出。堵上水聲喧。斷鼎殘碑寺。青螺紫澗村。倚闌叩京尹。還我玉峯軒。

其二

迹往休尋記。臺傾莫問年。風香來草曲。雪色照樊川。野寺瀟紅葉。人家住翠蓮。隔溪山更好。驅馬入蒼烟。

其二

檻外卽危巖。烟中跨楚秦。石留前叔字。洞老別朝人。夏月蓮花雪。冬風暖谷春。雲深無隙地。千里瘦龍鱗。

過華清宮浴湯泉

鏡澈古苔光。溪風湛碧香。花猶知世代。水不解興亡。粉黛山川俗。煙泉歲月長。而今正好景。石骨照蒼涼。

其二

十六長湯院。阿誰似玉環。故宮秋草裏。小邑水聲間。童子驅羊去。村姑賽廟還。教他楊廣笑。破國只驪山。（今官池。乃玉環池。）

其三

過烏烟中迹。回風水上痕。欲知天寶事。喚起石苔言。蘭乳飛千殿。宮雲遶數村。太真方病齒。歌拍且停翻。

其四

羯鼓弄伊涼。露花石火光。山餘繡嶺字。雲染碧螺香。芍藥留妃子。鸚哥說上皇。難將脂粉水。做我白雲鄉。

其五

鳳靡鸞叱易。王圖霸業輕。仙靈祠後見。笙祝夜深鳴。野火燒連理。（泉上有連理。槐燬於火。）秋風薦側生。遙知石鏡月。恨不照傾城。

其六

東嶺復西嶺。秦鄉與漢鄉。市城雲淡淡。今古水湯湯。廢址餅斜坂。歸樵話夕陽。亂亡猶有等。最劣是幽王。

再泛百泉

欲去復停棹。瓶甌尚在船。異沙千種色。密雨一湖泉。有鶴山中夢。無人池上絃。醉歸旋就枕。帶却澗聲眠。

浪歌附

朝入朱門大道。暮遊綠水橋邊。歌樓小醉十日。舞女一破千錢。鸚鵡睡殘欲語。花驄蹄健無鞭。願爲巫峯一夜。不願懸嶺千年。

瀟池和黃平倩壁間詩

落日疎林澗水。秋風匹馬咸秦。南北陵收過雨。東西騎起飛塵。龍鎖幽崖翠乳。雷燒古樹蒼藤。穴處巢居誰氏。斷轅折軫何人。

其二

四顧陂陀無地。一螺鄉井有君。百二嶠函天險。五千道德靈文。驛路屏遮幃掩。谿田錯繡羅文。思觸枕邊流水。夢牽嶠外孤雲。

七言律

登焦山

海門一帶霧初收。碧樹丹崖小十洲。山雜雲帆浮水上。江盤螺髻出潮頭。經堂晝寂眠蒼兕。石壁晴空挂野猴。白首閉關僧自苦。花開花落也春秋。

病中和黃道元至日禪寺夢愁詩

一番花信又成春。百結枯腸萬轉輪。鈴下久停長後版。功曹空閣案間塵。消愁莫問弓蛇影。對境聊觀夢幻身。宮縷添來非我有。祇應添得與游人。

別王百穀

河上青霜雁字斜。西風匹馬又天涯。錦帆涇壘郎官舍。冠子橋通處士家。好事每揮林下塵。清齋長試穀前茶。東鄰不是無妹子。眼底何人解洗紗。

閒居雜題

樹老無花也自新。山茶紅似女兒唇。數莖白髮春前長。一點青鬢雨後真。鶯欲下枝先作語。鵲能占歲亦如人。錦纏金絡紛紛去。飛盡晴郊十里塵。

其二

儒衣脫卻禮金仙。三十偷閒也少年。芊草如氈花欲舞。淡烟垂幙柳高眠。興來學作春山畫。病起重纏秋水篇。酒障詩魔都不減。何曾參得老龐禪。

其三

晴日園林放好春。館娃宮裏拾香塵。癡心未了鴛鴦債。宿命多慚鸚鵡身。柳愛風流因病睡。鶻貪歡喜也嗔人。桃花不識潘郎去。又逐東君一面新。

其四

一番丹蕊一番泥。何處垂楊無馬嘶。芍藥有香兼有態。山雞能舞亦能啼。陰晴雨旱勞占問。雲月風花細品題。十分漆園學得五。逍遙猶可物難齊。

其五

幽窗重鑷鬢邊絲。贏得青鬢諛少時。纏合博山烟吐篆。沙烘石子煖圍棊。靚粧却念畫眉鳥。佞巧愁聽百舌兒。笑殺陶家五楊柳。春來依舊折腰肢。

其六

縱多桃李也無言。可是然籬與映門。暖日護將鸚鵡瘡。和風吹却鷓鴣癩。鄉書題就雙重疊。鱸氣薰殘一縷溫。夢裏明明渡湖水。不知若箇似仙源。

皇甫仲璋邀飲惠山上

東風吹水浴平沙。鷓鴣鷓鴣滿釣槎。去日翟公猶有客。到來潘岳已無花。谿鱗呷雨層層浪。水碓吞雲處處家。白石青松如畫裏。臨流乞得惠泉茶。

其二

萍跡猶憐滯水鄉。濯纓滿地是滄浪。龍來德縣郎官綬。扮作青谿道士裝。沙鳥傍人眠不醒。浪花經雨折還香。

相思別後知無益。爛向春風醉一場。

元宵飲華中祕宅上

青絲華管夜從容。客正闌時酒正濃。堂上觀燈蓮品品。尊前顧影面重重。博他鏡月千迴醉。假我雲山第幾峯。塵尾奮來毛欲盡。當筵風雨約譚鋒。

其二

長竿百尺擁燈輪。濁酒千巡意轉真。霜亞殘枝花片老。雲拖輕影月痕新。訂將白石成知己。擲却烏紗是野人。漏水銷來杯不盡。當軒鸚鵡亦留賓。

飲華中祕園亭上

東風楊柳濯青枝。暖日池臺豔豔姿。巧石疎花宜對酒。文窗香閣好彈棋。饑來野鶴如人懶。飲去河豚亦自疑。竹里辛夷差得似。天然一幅輞川詩。

得罷官報

擬將心事寄烏藤。料得前身是老僧。病裏望歸如望赦。客中聞去似聞陞。尊前濁酒愁愁醉。飽後青山漫漫登。南北宗乘參取盡。龐家別有一枝燈。

遊惠山作

柳色漸舒枝漸齊。流鶯澁澁弄春啼。花溪水赤香魚子。荒草芽青倦馬蹄。鷓鴣鳥不行終戀侶。穀鳩無屋懶呼妻。一瓶煖貯惠泉酒。過得層巒日又低。

其二

雪後青山暖復鮮。疎黃淺綠也堪憐。高僧執卷供談柄。少婦明粧送佛錢。向子無端兒與女。華陽多事道兼禪。浮生早被微名誤。遲向人間醉五年。

和沈飛霞代老姬別用原韻

雙龍毛羽若爲乖。銷盡琵琶十里街。燕子有情終戀主。雞皮無色強名娃。愁同班氏秋來扇。願作楊家步後鈿。桃葉桃根君記否。當年親指帶如淮。

踏堤曲

濃綠疏黃總占新。六橋風日更精神。柳腰似欲爭遊妓。鶯舌分明喚醉人。暖谷蒸香疑作雨。芳蹊吹汗不沾塵。洛妃漫欲凌波出。曹植荒唐恐未真。

其二

畫閣層層出曉波。東風湖面軟於羅。佳人積李山花髻。蕩子垂楊水調歌。蝴蝶意閒隨夢去。鶯鶯情熱奈春何。蘇公雅亦稱相識。浪比西施媿已多。

其三

桃葉成蹊柳作行。東風吹熱少年場。趙家姊妹皆端正。謝族兒郎有短長。陌上口聲多汴語。壙頭結裏盡唐裝。吳歌越舞頭如夢。不是湖山也斷腸。

其四

亭亭如月婉如春。堤上樓邊總覓人。柳汁染將袍色嫩。梨花吹灑粉痕新。珠簾欲度閒仙語。寶屐初移拾翠塵。宋玉也知空作賦。越姬十倍勝東隣。

飲第六橋酒壚上

流芳亭畔草如油。墮粉吹香歷幾秋。鄂國有祠爭下馬。西陵無主漫登樓。玉龍釀熟多酬直。土脯魚肥易上鉤。南北諸峯收不盡。朝朝放艇過溪頭。

遊虎跑泉

竹牀松潤淨無塵。僧老當知寺亦貧。飢鳥共分香積米。落花常足道人薪。碑頭字識開山偈。繡裏衣寒護法神。汲取清泉三四盞。芽茶烹得與嘗新。

贈虞德園兄弟

霜庭五葉晚抽枝。喜得猶通一線兒。持戒每嘗無味水。閒情多賦落花詩。台宗賢教誰能識。何肉周妻到底疑。若使相逢不吐胆。更於何處覓相知。

雨中過蘇

二年前事似前朝。記得朱顏簡裏銷。雨雨風風新震澤。車車馬馬舊虹橋。塵來不上雙行脚。病後猶存一捻腰。是我萬般辛苦地。如今閒話儘逍遙。

其二

無官有客尙留吳。難道陶潛不腐儒。魂亦尋花如缺蝶。夢惟逐浪似鷓鴣。孤燈影瘦寒山寺。荒草流青夏駕湖。學道參禪都未澈。一毛聊得比楊朱。

廣陵別景升小修

搔頭幾日見新絲。二月河橋上馬時。長短官衙驚夢鼓。高低楊柳碍腸枝。江烟一擔充行李。流水三叉各路歧。

北地南天千萬里。青巾白帽幾人知。

秋日同梅子馬方子公飲北安門

閒對枯槎與釣綫。暮雲斑駁似龍鱗。青山不許談新事。白鳥如曾狎故人。官閣參差十里水。衣冠包裹一生塵。西門車馬東門月。冷熱從誰問假真。

伯修齋中

幾點秋毛染髮斑。深衣長褐古銅鑲。榻邊石骨抽枯筍。盆裏松根露淺山。霜月酒來如白酒。菊花老去變紅顏。雞聲未動聽官板。已在車塵馬足間。

齋中偶題

凍風吹落壁間塵。溫閣投花養瘦鱗。山水情多長愛畫。旃蘭氣少亦清人。鏡奩側畔觀時變。冠帶場中看偶新。野語街談隨意取。懶將文字擬先秦。

閒居

藤帶絲袍強束身。北風雖厲不吹塵。軒窗盡日閒諸史。眷屬經年斷五辛。官牒注來呈府吏。俸錢支得與門人。牀頭一夜西湖話。霜色蕭條上角巾。

其二

空街羸馬有何榮。寂寞繁華兩不成。破懶始知經有味。送眠微覺酒多情。腮毛未老隨霜換。肺病無根見臘生。收拾閒烟與閒水。憑將筠管作干城。

其三

幽房睡足簾紋紅。香鴨灰烟喚小童。絃裏亂流崩谷水。瓶中微帶入松風。身心何處謀長策。髮髮而今漸老翁。淨榻如綿窗似洗。明眸皓齒話虛空。

其四

百納層層煖蔽身。道書觀了且存神。懶心不慣思朝事。法服無端裏野人。芟葉篋中書小偈。柘枝風裏拾陳薪。江湖凍裂冰皮老。霜郭時時有巨鱗。

其五

空齋獨坐擁殘薪。筆有枯芒研有鱗。夢裏風窗聽似語。山中烟樹念如人。兒童也解談東事。簾鼓何因動北鄰。竟日飛蠶無却處。一層吹了一層塵。（時東議紛紛）

其六

霜鶴啣冰且忍飢。窮沙休憶稻粱肥。低葑勸欲求先著。鈍鳥焉能不早飛。身分無多難了事。酸迂那得濟時機。長安未有膠粘脚。日日開門放客歸。

戊戌初度

卑官自覺與心安。五畝無家去亦難。氈榻所親唯老易。儒衫相對幾孤寒。香茶每供鄰僧去。院樹時同小弟看。雪色照簾花颯水。濁尊聊復對空盤。

其二

禪燈灑灑雪玻璃。貝典將來戒小妻。客裏羈情籠野鶴。鄉中春夢闌山雞。灰心竟日疎莊子。彈舌清晨誦準提。無限長林無限羽。一枝那復計高低。

其三

閒居心似夾冰魚。雪裏輪蹄亦自疎。研酒和來香泛帖。瓶花吹落溼沾書。艱深乍覺詩如讖。消散方知道是虛。一卷南華誦未了。被人邀得過僧臚。

其四

清溪曲曲幾千松。夢裏開門看鶴踪。計久要桃葉渡。客程長念北高峰。笙歌漸漸于人懶。山水時時覺話重。六載牽羸成底事。不如灑酒學爲農。

贈黃平倩編修

窗前獨種菴婆羅。石火風燈不浪過。鄉映夜繡塵牘少。客衣春晒衲頭多。毫端滂滂書巴水。枕上噉噉夢小峨。詩有餘師禪有友。前希李白後東坡。

十六夜和三弟

涼月如霜鑿薄帷。空杯無計覓糟醅。買燈聊復歡兒女。弄筆粗能遣歲時。花火每攢騎馬客。蠟光先照走橋姬。少年樂事今無幾。近老方知此興衰。

和陸放翁初春遣興

疎散庸庸寄一官。匡牀趺坐覺身安。聊將古道酬賓客。免把閒思累腎肝。螢火幾時能脫腐。醴雞無日得離酸。東風已放西門柳。凍水冰條亦解歡。

游高粱橋

花時晴色釀芳原。出郭猶如出檻猿。霧質風稍新柳縷。蠟皮瘦骨老藤根。紅雲尾變知魚熟。碧纈紋繁覺水溫。

耳聽碧流心翠嶺。閒談恰已到山門。

暮春同謝生汪生小修遊北城臨水諸寺至德勝橋水軒待月

一曲池臺半腕花。遠山如髻隔層紗。南人作客多親水。北地無春不苦沙。熟馬慣行溪柳路。山僧解點密雲茶。滿川澄月千條纜。踏踏蒼波過幾家。

其二

無才終是樂官閒。何地何賓不解顏。乍疊乍鋪風裏水。半酣半醒霧中山。御溝板落金鱗出。宮樹花翻乳燕還。淺綠疎黃是處有。泥人真自勝姬鬟。

和韻贈黃平倩

逍遙未必是無官。割累忘情夢也安。入室祇容金相好。伴身唯有鐵腸肝。蓬萊監裏真先輩。冠帶場中老細酸。一帙維摩三斗酒。孤燈寒雨亦歡歡。

卽事和韻

柳下何曾耐小官。青氈緣簡且偷安。空窗淨閣銷塵眼。時草新花養病肝。廟市客來詢古字。糧船僧至餉吳酸。密函怪牒閒搜取。鈔得仙方寄所歡。

送顧升伯出使還吳

四月西山雨過時。蕭吹闌道沸旌旗。痛憐知己他鄉別。懶作諸王奉使詩。鏡驛青蘆呼水鷗。渡江白筍薦冰鯽。雕窗畫舸堂堂去。閒解言綉看小兒。

其一

青鬪生色水生波。處處吳姬餉酒醅。震澤有山皆樹橘。虎丘無月不聽歌。湖田沒去春駐少。儂語訛時怪事多。近日押徵知不免。闌門風景看如何。

送來山舅令太原

踏盡層巖見稔畬。烟槽雞犬若仙家。公亭客過開生釀。石室僧來判種花。竹下簿書閒草偈。山中人吏學烹砂。高槐影靜莎庭裏。香散屏空放早衙。

其二

閒將公事了尊罍。郭外青山探幾迴。從事也因流水出。長官多爲踏花來。印文長日封蒼蘚。簿筭經年長畫灰。身是嘉祥舊令尹。東西歷盡始知才。

送黃貞父令進賢

撇却孤山舊葛巾。暫時朱紫縛閒身。高才正不須違俗。七尺何妨也拜人。花裏課書分小吏。山中留偈謝高真。直將數斗西湖水。一洗南州案牘塵。

邱長孺自塞上來

百錢買得梨花春。洗却并州面上塵。萬里質田無售主。一生知己是貧人。扶搖不肯吹飛絮。尺水如何縱巨鱗。醉起彎弓猶一石。清時羈縻老麒麟。

和江進之雜詠

山亭處處挈胡牀。不獨游忙睡亦忙。官况易消如暴水。痴兒難長似黃楊。巖花盛日求長假。石榻閒時見古方。擲却儒紳與巾子。添將冰水注茶湯。

其二

盆池清淺薄苔封。弱竹叢叢箇影重。殘帙有書猶被蠹。空闌無藥亦招蜂。西山鬱鬱藜藜氣。講閣朝朝暮暮鐘。箸葉數筐書五尺。芥茶新寄自吳儂。

其三

藤葉常懸四五葩。閒隨方臥過鄰家。西廂托疾東廂假。南寺聽經北寺茶。蝶老花闌如倦客。天清雲薄似飛紗。姬衫典盡瓶猶餒。學把緡錢托畫叉。

其四

六尺莎階九尺廬。玄臺白楮任生疎。花前屢泛揜愁酒。架上聊存引睡書。新竹細紋如浪滑。吳綉寒緯似雲舒。幽窗一枕騰騰去。煉佛求仙事總虛。

繁臺張昭甫給諫竹居王孫邀飲留別

白果青蔬勞遠程。高臺傾笑曲池平。沙田似雪耘枯塚。柿子如丹綴土城。古漬有無遺宋獄。監門應否識侯生。欲知別後愁多少。試檢霜毛添幾莖。

柳浪館

徧將藍淺浸春顏。風柳參差九尺鬟。鶴過幾回沉影去。僧來時復帶雲還。閒疎滯葉通鄰水。擬典荒居作小山。欲住維摩容得否。湖亭穩得兩三間。

其二

一春博得幾開顏。欲買湖居先買閒。鶴有累心猶被斥。梅無高韻也遭刪。鑿窗每欲當流水。詠物長如畫遠山。

客尋屯烟青篔簹。不知僧在那溪灣。

雨中坐方平弟旃檀館卽事

柏屏藤格徑森疎。闌外蔬畦十畝餘。坐客始聞烹水法。高人時有乞花書。瓶中熟結香尤老。雨後山茶韻不如。本欲死心無可死。爛紅堆裏話清虛。

伯學齋中話舊感賦

相逢各自歎秋姿。長憶春郊走馬時。細竹也來成老節。稚松何意見霜皮。眼中幾度消寒水。髮脚公然長禿鬚。十五盛年看又過。不知誰是蠟梅枝。（時蠟梅盛開。）

別程彥之歸吳

無成何用出昭關。眼底濃華閱幾般。陸品攜來尋白水。謝家將去入名山。緇寮乞作分桃懺。練衲羞歸擲果灣。七十二峯青朵朵。嵐光只在屋楣間。

夢中得詩醒記中二聯足成之

散髮長吟灑水邊。吹烟唾月小遊仙。也知紫閣雙扉夢。不抵青溪半枕眠。避客偶然拋竹履。邀僧時一上花船。無心更着紅衫去。學得寒灰古木禪。

坐王章甫水明樓

槽光設色淺深間。萬瓦鱗鱗鑑碧灣。立塔自來當河口。高僧相過說廬山。當時杯底沈黃鶴。每就堂中乳白鵝。南北精藍青比比。蒲團纔得箇人閒。

赤壁懷子瞻

夜深清拍翮楊枝。驚起澄江白鷺鷥。過客爭澆赤壁酒。幾人曾和雪堂詩。山民自種元修菜。石榻剛存乳母碑。見欲鑄金範老子。柳浪湖上拜新祠。

寒香

寒香寂寞上屏紗。活火烹泉石碾茶。淡翠柳烟爭壓疊。雪條風幹互欹斜。旋開麴社通蓮社。痛飲南家又北家。禪榻歸來清似洗。醉看紅餞吐膏花。

無念同余迎先伯修賦此爲別

瘦石如何比老顏。纔留筋骨在人間。一舟破衲慈明哭。幾葉寒帆學士還。病久思歸黃竹嶺。衰來夢上戒壇山。江西湖北頻來往。學得心閒似水閒。

寄黃諫德平倩兼申玉泉之約

宦情擬上武牙灘。世味真吞栗棘丸。腕上千珠胡語熟。秋來一影射堂寒。面慈每覺違心易。肌疥當思忍癢難。楊木如蒼茶似掌。藍堆山色倩誰看。

初正偶題

慣懶無心更出關。清時夢亦趁人閒。幾回寺裏尋花去。獨自江頭看猿。處世漸同栗子里。全家擬住玉泉山。千谿萬碧何由見。只是蒼枝也破顏。

久不到沙市矣感賦

斑髮今來是老成。緇衣聊復大堤行。見僧每憶年多少。觀水因悲物變更。率爾扣門常候姓。偶然題壁不書名。章臺寺裏曾遊處。古棘叢篁遍地生。

久雪忽晴喜而有作

殘花殘木總精神。纔見寅年一日春。柳態美如新梳髮。山容親似遠歸人。閒追老衲三餘輩。更踏冰池五六巡。江郭早須騎馬出。旋呼稚子覓頭巾。

示度門

北平曾記寫疏時。黃帕親封下赤墀。三十四年薄宦客。一千七衆講經師。藍堆山續開皇詔。仙掌茶抽穀雨旗。鬼斧神工仍七日。直教重勒玉泉碑。

放言效白

掉頭誰擬作公卿。只合林間樹下行。臧是穀非憑耳過。元輕白俗任詩成。有身祇作他人看。無事休將造物爭。夜踏芒鞋深雪裏。自呼東郭冷先生。

其二

賢愚富貴且憑他。山上髻髮柳上蛾。鐵網試撈穿海月。漁舟任截過頭波。齊肩大士辭葦久。禿髮中書感事多。船上老郎江上女。咿啞容易得成歌。

其三

蠻靴爭說上場難。衫袖那當且自看。世路兩平三仄嶺。人情八折九迴灘。胸中毛女霞千片。石上王喬藥一丸。夢去幾番登岳頂。扶桑清水浴頰盤。

其四

高人竊欲比無功。閒把心情托去鴻。易象有時輸瓦卜。騷材兼不廢媮風。謀生拙似啣冰鶴。觸事剛如蝕木蟲。

莫放大鵬天上去。恐遮白日駭愚蒙。

其五

抹却濃嵐作羽衫。撫松終日坐枯巖。盜悲老氏折衝斗。馬謝莊生稅轡銜。青鳳下來傳古字。白雲飛去護仙緘。芝田數畝那耕得。收拾山中木柄椽。

卷中見亡友王官谷姓字感賦

殘墨猶香落姓名。孤缸清夜淚交橫。公然黑髮人將去。畢竟青山約未成。心事如冰見底裏。交遊於我快平生。柳浪湖上深更月。料得詩魂近水行。

其二

雲霞擬置別堂春。其奈些兒露水身。碧柳典來求古佛。青鬢嫁去事高真。一生書畫皆債債。數畝琅玕也賣人。湖石迤南梔子北。哭君此地最傷神。

苦雪戲作

十日不曾開木扉。強風苦欲弄殘威。辜他媚媚明明節。只作團團絮絮飛。琴客已聞將鶴賣。詩翁又訴打花稀。山人欲取畫中意。故着紅衫戴笠歸。

新買得畫舫將以爲菴因作舟居詩

擬將舊舫作安居。載月凭風信所如。魚鳥教他爲侍史。雲烟呼我作尙書。居如老蠹身藏木。行似蝸牛首戴盧。下無卓錫上片瓦。致身今日在空虛。

其二

囊中隨意貯青蚨。歌吹雖喧不可無。隱逸也須添故事。江山真合點狂夫。隨身恰似天宮殿。寓目皆披水畫圖。甲子不須頌鳳曆。但看蓮發與蓮枯。

其三

五湖不是學玄真。且喜素衣不上塵。家移碧纈繞中住。身是屏風畫裏人。閒追船子咨行脚。老情中蜂作近鄰。一衲蒙頭萬事已。無懷民與葛天民。

其四

隣隣魚社作新知。纔唱楊枝又竹枝。風打白蘋來夏口。雨深斑竹過湘祠。不愁入目山無態。只怕磨心景要詩。喚作朱公些子似。當窗祇是欠西施。

其五

峯巒曲折水灣環。時與遊僧作往還。暫爲書碑來禹廟。纔因買橋上包山。心關網密成聊嘆。夢裏雲牽偶不閒。慎勿誇張竿水過。惹他桑孔算魚蠻。(末句見坡公魚蠻詩)

其六

絲烟絲雨潤江湄。又到花嬌鳥嫩時。杜宇一身皆口頰。垂楊通體是腰肢。閒觀水態思吳壁。暗記方言證楚辭。鸚鵡太文鳥太野。就中潔白是銀鬚。

其七

更無他物作遮闌。但得心忘夢亦安。渭水一竿猶有待。嚴灘百尺也無端。魚龍直作雞豚狎。荇藻卻如蔓棘看。莫把古人來比我。同林各夢不相干。(末句用陳同甫)

其八

舟居元不卽田功。稍與農家節令同。縱小也妨月賴雨。雖喧不用卯頭風。纔聞攤稅征漁戶。又說抽丁報老翁。每被山民來借問。今年湖北幾都豐。

其九

全家相次入烟雲。老鶴稚鷗共一羣。便與青山堅作誓。免勞白水更移文。澄江夜月連天泛。古澗寒聲徹歲聞。欲把姓名通遠嶠。函書先達武衷君。

其十

聊將幽思托芳菲。閒月閒花總息機。青草蓋蹄黃犢喜。白波點尾翠禽飛。江籬不作牢騷詠。神女全拋豔粉衣。縱有志和難比我。我能容得鱖魚肥。

期蘇潛夫遊玉泉竟月不至及至而余復以大人病瘡歸于其行也以詩訊之

江程纔隔一牛鳴。人事參差奈此行。枉把青山來作夢。孤他白石上題名。花間廢巷查遺跡。雪後崩崖戰水聲。到日天台應寄訊。講堂久矣待寰生。

花朝和坡公韻

絲絲新柳颺堤門。早晚南村又北村。風信煖寒觀樹色。藥苗深淺記竿痕。行來漸覺姑臧重。靜裏頻將姪火溫。是物逢春皆作語。子規未必是啼魂。

是日新晴

一泓幽碧照籬門。偶爲題名過遠村。愁去東風消凍液。喜來春草迸苔痕。鶯花又作新晴看。山水閒將舊譜溫。

東野浪仙誰在者。苦吟清句當招魂。

述舊西山下有門頭村多精藍

探春猶記出青門。先問門頭第幾村。近水只觀娥散影。匝堤唯見酒淋痕。花時乞假朝參少。醉後聯鞭笑語溫。是日把杯人已往。雛鶯新柳也傷魂。

習池道中

深岩寂寂石花斑。洗却塵沙車馬顏。是客競來嘗白水。幾人休去伴青山。雲泉到眼無多熱。金紫蒙頭第一關。三尺磨崖書大字。人生到此是清閒。

七真洞贈道者

雲烟回合蔽仙關。萬仞斜通一橋山。事往已迷新甲子。洞深忘却舊人間。橋皮鶴下遺籬去。綠萼花來採藥還。白日餌將三五斗。方瞳如水照丹顏。

長生巖逢休糧道者

只將空榻伴鱗鱗。踏遍桃花澗底春。一口也攢爲長物。諸緣皆可作飛塵。施來白粲都餉鶴。種得黃精每寄人。留却石爐烟少許。深山透夜禮高真。

秋日柳浪館雨中王以明劉繩之見過

西風素裹午烟遲。一萬垂楊裊長絲。夢裏也隨僧入社。閒中多以頌爲詩。游鱗爲處常分藻。情羽棲時不論枝。沙碧水清雲激激。禾花將綻藕花衰。

館中再用前字寄王以明

閒開碧長秋思。水榭風軒分外宜。老衲寄書離岳久。田家留語赴齋遲。楓堤北枕西湖廟。漢水斜通濯足池。免使韓公嗤糞壤。園亭是處有新詩。

藕塘

藕塘風起散花鱗。踏徧溪橋不上塵。饑鶴偶來添半口。浮雲忽破現分身。每嫌蕉葉遮簾子。爲觸番書置淨巾。自起澆莎沃白石。清閒賴是不如人。

山居

山居只索任天真。無作無營自在身。青葉髻呼雜弟子。白蓮湖老惰耕人。偶逢上座學觀骨。免與東方難腐脣。一笑蒙城門下士。幾歸滄海幾飛塵。

九日偕諸弟及僧泛舟至和尚橋

蘆花風起雪平川。數畝荒洲倚廢蓮。小榜乍依沙子岸。鷺禽忽破水條烟。閒移竹影莓苔地。坐愛溪文荇藻天。且與鷺鷗相伴着。平分僧月載歸船。

玉泉寺

藍堆翠撲幾千年。銀浦何人也覆船。龍伯從來方闢地。蠶叢緣此遂登天。紅霞抹額將軍拜。白石橫烟幼婦眠。閒與故人池上語。摘將仙掌試清泉。

契夾由先生時先伯修歸窆

河陽三度放花春。畢竟拋他鳧鳥身。左手直教持老子。空聞斷不哭佳人。苔深舊蠶丹池冷。先生好服食。胞發金臺白朵新。淚眼一絲能幾許。那堪分酒兩家塵。

余蔬食三年矣。偶因口饑遂復動葷。輒爾有作用呈諸納不獨解嘲兼亦志愧云爾。

愛持空鉢嚼花寒。白水青鹽也自安。山色每呼樓笠去。月光只付橘皮看。偶逢白社新開釀。又學山公倒着冠。珍重往年趨閣道。略將餅脯問蔬盤。

柳浪初正

旋除白髮號衰翁。舊業今緣次第空。山鳥乍聞新格磔。峽僧遙寄小玲瓏。坐消纖雨輕陰日。閒踏疎黃淺碧風。收拾方橋與蘭漿。待看紅蓼慢流中。

舊太守徐濱岳觀察岳陽偶道敵邑詩以送之

江風灑灑綠條絲。父老爭來拜戟支。門外熊羆攀處子。掌中貂虎弄嬰兒。肝腸似月冰皆徹。惠澤如春草不知。一片酒香湖上石。摩苔重寫洞庭碑。

代送徐觀察

章臺春嫩碧芽肥。又見陽和使者歸。南紀霜崖留政蹟。洞庭波月澹容輝。弱蘿有寄千尋直。狐鸞乘吹萬里飛。三載少林門下士。謬持空鉢乞傳衣。

和萃芳館主人魯印山韻

乍雨乍烟作豔陽。高齋幾度角杯觴。偶逢竹冷溪幽處。只覺山心水味長。松下壓槽經月醉。花間彈局一枰香。主人恰似玄真子。細雨斜風載滿航。

其二

愛看幽鳥曝新陽。每遇嘉陰卽倒觴。盡日竹烟消酒去。有時鶯語入簾長。春塘雨過波紋亂。花塢風回蝶翅香。

行到碧橋深柳處。一帆涼月滿吳航。

其三

蘿石森疎倚夕陽。主人投轄客傳觴。天高未覺鷗營曠。松老方知鶴夢長。山雨山煙濃淡着。溪紅溪碧淺深香。醉來一覺雲門路。藤枕桃笙泛越航。

其四

幾回傍檻折迷陽。流澁春槽曲水觴。竹色淺分溪浪滑。花枝斜照夜鬟長。清言屢射當場覆。豔語頻勾隔座香。皂帽青鞋從此始。敢將瓢笠附輕航。

其五

幾番對酒惜頽陽。聊爲飛英送一觴。竹裏葵蔬尼客久。山中甲乙倍人長。仙畦屢溉新分藥。道轍猶薰舊賜香。上馬揖來無別語。米家曾乞載書航。

柳浪借諸客偶題時午節將至

榴花歷歷爛青枝。又到分絲剪艾時。布穀語乳辭社老。寒旱舌長畏童兒。酒人每自欺新戶。騷客頻來競險詩。花路柳關閑不啓。免將肉面照清池。

題澧州沈大夫加恩冊

碧水青崖戀主人。呼他魚鳥作齊民。山中不問栽蘭戶。庭外長留駕鶴賓。官舍有時推洗石。印牀無事只生塵。潛宮巴國爭傳語。看取天花暈錦新。

謝魯印山惠舟兼答來什

白鶴飛來油口濱。尺書聊得自修鱗。憑將貯月籠烟水。泛我輕雲冷石身。濯足且呼回道士。浣花先約杜詩人。鑑湖一曲幽如許。賀老終當作近鄰。

書尾以濟川見期非所望也因述鄙懷以報

巨川舟楫竟如何。不那湖湘烟水多。荇藻自然生遠沚。鳧鷖終是樂清波。環池匝木仲長統。細雨斜風張志和。白日黃雞底相惱。玲瓏爭不爲君歌。

湖亭對月述懷同散木賦

竹氣荷烟冷不分。石泉汨汨夜深聞。每隨流去呼杯子。但覺風來掃樹紋。百畝池臺唯貯月。一家生事只依雲。廢菴楊木頻棲止。漸喜從鷗不亂羣。

中秋對月同散木作

百年看月幾週盈。那得中秋度度明。縱使清光常滿滿。若無勝地也平平。朱樹碧樹垂千畝。白水青霞過一生。醒卽抱鎗眠卽枕。腮毛漸漸有霜莖。

偶成

自將白水照衰顏。也合長林豐草間。便欲易名辭故國。只愁借姓與青山。溪邊酌月傾高戶。花下題詩嫁小蠻。海錯一筐書半紙。門生新自浙東還。

寄小修

鄉園是處有花芳。不敵深山老萼香。十載交遊填上國。一朝文字榜都堂。玉因別足多酬債。砂到飛身始驗方。社曲城南饒古寺。休將名姓語支郎。

山中舊齋

山禽漠漠隨霜翎。戶外長搜老茯苓。蒲柳根中抽夏筍。桃花枝上寄冬青。竹蜂入壁垂千穴。天棘繁絲滿一庭。猶有數行殘粉字。古槐西角舊傳經。

答魯印山見賀新居之作

東亭故宅昔曾過。旋着新花剪舊莎。簾遠頗宜低度曲。門寬兼得大張羅。鳩巢喚婦真成拙。蝸屋隨身也覺多。試問柳浪湖上柳。幾回秋草幾春波。

癸卯初度筵中示社友及兩弟

拋他銀綬去躬耕。半踏鄉村半市城。竹大許年成老友。梅開是度作同庚。但憑長髮稱前輩。轉覺聰明畏後生。紫鳳檀槽香拍板。聽來都肖水泉聲。

集五弟春草堂

草堂紅碧盡離離。輕熱輕寒正好時。種藥且收曾效子。修花惟去最低枝。窗間番舌聽言鳥。堤外風簷看小兒。欲與少陵添故事。入春新作海棠詩。

浣溪莊落成同社中諸友賦

一灣澄碧一絲絳。洗却平泉草木塵。溪上唱歌隨孺子。樓頭作客盡仙人。鷓鴣帶月移西漢。蛺蝶分花過北鄰。白石青山從此始。不將簪帶惱居民。

其二

溪光桃燄煖紛紛。漸遠喧囂漸不開。階下每流無械水。窗間時有不歸雲。糟壇屢建三章約。花社新頒九錫文。

一曲垂楊十里板。醉中偏倚石榴裙。

賦得溪上落花

碧溪香重水鱗鱗。飄雪回風舞最新。欲止又飛如照影。乍開忽亂似分身。愁深孝女江頭月。夢逐陳王枕裏人。欲把遺芳付仙子。任他楊柳六街塵。

余友黃鵠生與所暱相去二舍爲置符以召各藏其半題曰花信風社中雅其事作詩詠之

割得銅符與小蠻。一回和着一開顏。香封字字花題驛。錦騎程程月作關。雲裏快呼王母使。雪中愁上藁砧山。劉郎漫恨仙途遠。流水桃源咫尺間。

其二

蕊珠新節出仙官。使雨召雲也不難。油壁車中呼小小。善和坊裏取端端。江頭作押逢青鯉。花下移文付彩鸞。縱使黃河如帶水。雙鴛依舊碧琅玕。

雨中集龔名世平遠樓

江干絲雨洗殘春。瘦朵濃條取次新。桐葉烟中遮去艇。麥苗風裏數行人。鐘彝屢辦商周識。絹帖閒翻晉宋塵。碧草青畦煩指點。尙書高壘臥麒麟。(樓近王襄簡墓。)

四弟旃檀館卽事

淙淙石脉溜春渠。長日關門掃地居。蓮葉漏中傾研汁。木香花底讀方書。雙鴛傍屋多藏鳥。小市通江易得魚。洗墨焚香幽事了。庭莎增草任澆鋤。

和散木韻

暖風吹雨灑花畦。榮辱何勞問木雞。窗下止容三畝月。門前新着一丸泥。功名且自輪諸弟。家政都將付老妻。碧水丹崖身自領。黃柑斗酒伴鶯啼。

其二

廢垣耘得作春畦。幽客時來載黍雞。蜀葛細裁三尺雪。吳瓶遠餉一封泥。全家蠲末封胡弟。半百高柔萊子妻。蔬水雖貧聊自解。幸無飢苦使兒啼。

集子靜水明樓聽歌仍和散木韻

百畝春臺蓋碧畦。玲瓏且莫唱黃雞。青絲縷胃鶯紋水。紅袖頻磨燕嘴泥。峴石坡前山簡客。天花場上淨名妻。千枝萬朵黃家去。聽取嬌鶯恰恰啼。

散木方鰲誓不娶詩以嘲之仍用前韻

漢陰無侶灌蔬畦。枯枕寒缸坐曉雞。未許少湯能沃雪。也知狂絮不粘泥。家鼃自伴龜豪語。野雉聊爲牧犢妻。割袖分桃聽懺悔。辟將黃葉止兒啼。

偶成示衛道人用前韻

丹壚成砌藥成畦。枉把刀圭事犬雞。料得此身雖暫毀。辟如土偶乍漂泥。寒山宛爾稱兄弟。龐叟隨緣示女妻。未轉枕來殘夢了。晨光又動曉鴉啼。

竹香

撰雨拖烟溼幾叢。空增十畝月玲瓏。但憑一抹高寒氣。洗盡千梢豔粉風。深院鶴醒人去後。孤雲僧老鼻觀中。松花柏子差相得。纔有微芬也不同。

其二

削盡纓華是此君。碧欄銀沼醉氤氳。全憑出格幽微韻。體出無聲太古文。定裏只消風引月。夢來唯覺水依雲。機材寫盡湖州派。清冷知他聞不聞。

喜小修至自燕

藍衫脫却乍歸鄉。心了無官也不妨。客過試開陳白釀。病餘聊復地黃湯。漫追舌底新朝事。且覓山中舊睡方。拚取大觥與長管。一齊闌入少年場。

碧鮮樓小集談養生

浮榮歷盡曉膏花。曉起方知髮有華。宏景道成矜白日。樂天老去事丹砂。聊開小閣延方士。拚取深閨鎖夜叉。雲外鬚眉烟外語。一瓶相對社前茶。

偶成

白頭學得一無成。倦即拋書飽即行。漸老始知窮本草。多閒方喜讀淵明。東家流水傾莊買。西角叢梢遷屋生。擬與樂天爲近舍。借他歌板佐鶯聲。

入德山舟中借寒灰冷雲雪照諸衲子及雲影居士月中有述

一帆斜月墮澄川。似有人呼鐵笛仙。老至青山爲眷屬。生來白社有因緣。幽探處處書成卷。淨侶年年載滿船。料得浮蹤無定止。住如竿影去時烟。

龍君御載酒過德山見訪一別十三年矣感念存歿不覺淒然已復自笑舉觥相樂大醉

十年一瞥意蒼茫。話到青山且盡觴。免與泡漚愁起滅。聊從烟水決行藏。聞吹玉笛翻新曲。醉倚天花入道場。

試去武陵谿上照。頭毛白盡老蕭郎。

德山簡劉憲使

碧渚蒼烟分外奇。浪中丹雉影離離。雲開絕壁趨庭吏。溪盡春杯見戟檠。暇日山臚多對語。清時苗部也傳詩。南陽子驥今誰是。正好從君覓路歧。

其二

龍潭秋水碧鱗鱗。好向桃源去問津。雲裏高牙如洞府。花間生齒類仙人。嗟他善卷非同世。記取金剛是故鄰。爲語殿西三桂子。青蓮今已悟前身。

別龍君超君御兄弟

青鞋不破武陵春。歸去西風一面塵。荷葉山頭聞杜宇。桃花源上別秦人。深村稻熟泉當戶。廢苑茶香寺作鄰。可是無花無地主。祇緣無計得分身。

託龍君超爲覓仙源隱居詩以寄之

雲石村中且卜廡。憑君爲買一峯餘。全栽芝菊爲疆界。盡寫雲嵐入券書。門對仙童澆藥地。巷通毛女浣花渠。閒中每愛天台去。好與劉晨間屋居。

質蠻谷七夕露坐

山亭漠漠冷秋烟。只在懸藤古石邊。睡裏何曾離好竹。耳中恰似有鳴泉。稍開僻徑通斜月。坐看明河憶去年。巴水正長天正闊。綠楊門外有藍船。

送唐堯肩北上

蒼顏白髮竟何成。醉裏酣歌指帝京。喜與中郎分姓字。羞從桃簡覓公卿。健鷹每欲辭韝去。俊馬唯須帶骨行。君過酒人罈上看。荆高到底氣如生。

送羅服卿還夷兼柬陶孝若年兄

缸花吐盡醪杯重。惜別絲絲話曉鐘。雙髻奚奴肩繡袞。一鞭驄馬出芙蓉。但知作敘干皇甫。未覺籠鬚笑士龍。寄語歐公門下士。青鞋將過紫芝峯。

閏九月菊

殘黃疎白也堪憐。舞向先生屋角邊。一與清閒爲伴侶。幾番灑散歷風烟。霜林已是呼先輩。秋蝶無因識暮年。拚取家醪三百盞。葛巾狼藉枕花眠。

過田我在鶴墅

小窗低檻綠氈氳。門外車騎了不聞。五畝池臺三畝宅。一停花竹兩停雲。蠻姬借引樽前笑。濁酒催舒面上紋。爲語窮顛王老子。幾人開口得如君。

初冬夜同郝公炎龔散木閒談

雲樹蕭然丈石居。清書遙夜薦霜疏。佳言屢似飛香屑。往事真如繹故書。窗外影閒雙睡鶴。燈前手冷一編魚。寒花瘦竹差相得。白首承明夢亦疎。

郡人來言楚事久未得旨感賦

皂囊飛羽掣風馳。不道天關叫亦遲。漢法自應裁大尾。淮南何意袖金錘。黃蒿野望千家哭。白髮心傷一路危。王業艱辛二百載。漫將九鼎綴輕絲。

其二

塵頭飛騎竟茫然。望盡雲梭口角邊。稅使逐來纔兩載。楚人機動已三年。從知鹿死非陰地。轉恐烏橫欲暮天。國祿濫規俱莫論。老臣塗血也堪憐。

月下過小修淨緣堂試吳客所餉松羅茶

碧芽拈試火前新。洗却詩腸數斗塵。江水又逢真陸羽。吳瓶重瀉舊翁春。和雲題去連篔簹。與月同來醉道人。竹影一堂修碧冷。乳花浮動雪鱗鱗。

甲辰初度

偶然臨水見蒼顏。且喜安身紫翠間。老去無心防白髮。衆中開口問青山。文書狼藉恣情看。賓客逢迎學語閒。三十七年恆河眼。試觀那似舊潺湲。

其二

閒花閒石伴疎慵。鏡掃湖光屋幾重。勸我爲官知未穩。便令遺世亦難從。樂天可學無楊柳。元亮差同有菊松。一盞春芽融雪水。坐聽遊衲數青峯。

其三

弟兄相對黑盈頭。便是逍遙地上仙。瀟碧堂中雲委地。柳浪湖上雪翻天。長縑古褶緇黃隊。皓齒修眉水石邊。不道爲官無一可。爲官無此日高眠。

其四

溪流疊疊過山屏。手植檉楊許大圍。夢裏不思龍尾道。閒中聊葺鹿皮衣。要圖麴蘖千回醉。且作檉檉數步飛。

濯足亭中人姓呂。踏花時過釣魚磯。

五弟生日同諸公集春草堂得文字

寒月高齋子鶴聞。竹烟梅雪冷紛紛。偶然筆落珠成字。悞被人呼鳳作羣。萬石幽隴香史冊。八荀杯杓走天文。眼中蠶蠶聯翩去。任我南山北嶺雲。

又次三弟韻

文藻於今更老成。風流人識小馮名。胸中早有吞牛氣。卷上時聞擲地聲。五字詩催鴛管亂。一簾香散酒籌橫。他時得第煩天語。幸免鞭笞及老兄。

立春日偶題

秋來喜遇雙重九。歲裏重逢兩立春。重疊也知天好事。流連無過老閒人。山茶吐景紅侵肉。睿酒吹香白到唇。水樹一區微料理。湖光趁取玻璃新。

梅花

空階綠淨影疎斜。戲把清枝壓鬢華。老去已無兒女態。春來猶愛典刑花。蒼雲白石長相對。明月寒塘自作家。擯去繡香與尊酒。幅巾聊試武夷茶。

其二

瘦枝逸格總天真。不屬東風旖旎塵。尙有蠟梅爲佞侍。可無修竹作同人。花前乍許孫登嘯。座上唯容靖節巾。國豔名葩世豈少。祇緣無此秀聿神。

乙巳元日

湖柳侵街水接門。東風纔續澹微溫。久乘下澤無官韻。乍着紅衫有摺痕。樽首顏頰俱入市。碧芽新鳥又成村。歸來且坐梅花下。倒却鸞黃四五疇。

寄黃平倩庶子

任他吹霧唾青天。割水求脂也可憐。誘篋祇堪助道品。羞囊休問買山錢。金華直冷披霜入。瑞草談深枕麴眠。一靜一忙閒比較。試思誰是地行仙。

其二

百年身世付疎頑。只在溪花浪柳間。已分髮毛捐白足。但憑牙頰佞青山。夢回巴國雲千里。書到峨眉翠幾灣。龍不隱鱗真可恥。漢陰甕裏省機關。

寄會長石太史

天祿歸來具道裝。黃齋八九瞰瀟湘。花前白蛤新雲氣。枕底青山舊日光。竹影侵溪朝洗研。柳梢披雨夜焚香。故應禪味如鹽水。宿世曾爲青草堂。

春分忽大雪同小修賦

湖光搖碧柳拖黃。青帝如何尙綉裝。似與天桃添粉澤。聊同飛絮鬪輕揚。斜穿霧縷沾鶯溼。亂捲風鬚誑蝶忙。擬寫爛焦深雪裏。怕人誤作輞川莊。

乍晴述懷

竹裏新啼喚羽雛。幽人情絮逸江湖。偶因訪藥偕繙侶。久不吟花長白鬚。社日雞豚謙北里。醉蘭筍錯夢東吳。春來背癢誰搔得。方外閒尋狡獪姑。

長石過訪共宿二聖禪林次日至柳浪遂有三峽之約

寒潭冰月澹鬚眉。話到鐘沉眼冷時。綠水攜來尋和者。白雲收去贈相知。閒枕著柳新莎地。認取長林倦鳥枝。謝客已雙屐屐齒。峽猿巫雨任追隨。

陶不退以容城論丁內艱歸滇中至敵邑瘍其令子遂瘞焉於其行也詩以送之

麻衫如葦別芹宮。那復哀鴻客路中。幸免西河夫子憫。稍存羸博古人風。腮毛換去三停白。柏葉歸來十度紅。富貴幾何愁苦劇。令人翹首問飛鴻。

其二

十年塵土敝衣裳。瞥見昆池舊景光。無佛稱尊雞足老。與天孰大夜郎王。蠻娘乍隱溪花笑。番客羞懷瘴草香。秘藥如山砂似鏃。試探何處有仙方。

送君超兄還武陵

碧江波疊曉霜肥。換盡生焦細縷衣。榴火爛時諸彥集。蠟梅香裏一騎歸。糟壇博社輕揚入。鶴侶鷗羣自在飛。枉渚陽山憑寄語。道人魂夢久相依。

其二

山水心情謝永嘉。斷溝殘石漸盈車。高齋是處鴉棲墨。娃閣頻分燕作家。袖裏新書驚惠子。卷中逸事困張華。烏藤白恰仙仙去。知入桃源幾樹花。

龍堂招提觀影戲精緻妙解前此未有汪師中龍君超皆有作

筵前百戲總逡巡。角底魚龍且讓新。逆往順來吳道子。乍非忽是李夫人。官城隱約瑤瑤國。冠帶飄飄魍魎身。

水沫乾坤成壞等。空中風箭火中輪。

其二

華燈膏燭月玲瓏。聖手當場欲繪空。出像登懸兼爾雅。返魂班巧與斤風。絲規縷析塵三昧。萬臂千頭小六通。喚醒人間石火夢。無情悲喜片時中。

其二

造物聊憑意匠成。縱無筋骨有神情。木人自覺機關少。粉本輸他笑語生。世界總依陽餒海。鄰封如近闔婆城。南詢童子參何晚。烟水風光第一程。

謝于楚陶孝若見訪柳浪得風字

交游南北總成翁。忽地相逢柳浪中。細雨小添澆藥水。落花時逐渡溪風。長堤雲卷千絲碧。黃閣霞舒十里紅。七載東皋唯頌酒。知君猶念老無功。

謝于楚由川入楚將東歸歛復北上有姬在燕也

蹄輪汨汨幾會間。鬢髮蕭騷塵滿顏。卷裏攜來三峽水。夢中吟去九華山。一江春月浮輕舸。萬樹鴉花念小蠻。世態飽經鹹苦盡。爭如歸臥酒壺間。

雁字

幾回聯絡幾回分。整整斜斜自作羣。龍女波中呈樣帖。天孫機上出迴文。長戈偶散平沙月。春蚓時盤塞北雲。翔鶴驚鴻徒有語。家雞那得健如君。

其二

長鋒短折布空輪。筆勢蕭疎絕點塵。萬轉豈能無別意。千行何事只書人。青腰玉女霜前贖。大翮先生化後身。浙水巴江從此去。漫將老健敵清新。

其二

常時風卷復霞舒。萬鴛勻勻點點疎。雲裏豈煩蒼頡氏。空中誰讀典墳書。鸞瀛展去緡千丈。檢塞同時載幾車。毛穎秃來今在否。月天試問老蟾蜍。

其四

絹素無功法不傳。幾將封事達天邊。青山卓似含鋒筆。碧霧濃如滲紙烟。體勢已超鸞翥上。契書知在鳥官前。明霞淩月疎疎見。染取成都十樣箋。

其五

瘦畫娟娟半欲欹。分如釵股絡如絲。千行寫盡黃姑練。一字題成碧落碑。南浦逆風文破碎。西江披雨墨淋漓。斜簷蔓引黃沙去。譜出胡笳出塞詩。

其六

篆烟劃月過瀟湘。流麗森疎綴幾行。禪客辨來知半滿。儒生記去識邊傍。回波影出雙鉤榻。暮雨催成急就章。鳳鳥不來河洛隱。年年編錄爲誰忙。

其七

秋風漠漠散毫端。謾道迷烟返浦難。細去雲梭如界墨。密來星點似鉛丹。纔從夢筆驛前過。又向造書臺上看。入夜幾聲嘹唳去。梧桐枝上一鉤寒。

其八

輕飄亂酒入纖濃。掛角羚羊那有蹤。鴉點紛紜呈惡札。鷹蟠險怒出狂鋒。征圖每暗蓬婆雪。退墨虛留石廩峯。我亦頻年有蠹癖。扶搖猶可一相從。

其九

一行行起布青天。只在明沙遠水邊。孤點乍隨如帶墨。數羣中斷似殘箋。鶯簧借與填新曲。鳳史煩爲記往年。莫道書成無雪餒。江南洲渚有秦烟。

其十

儒生習氣總難除。萬轉千番楮墨餘。入地也應爲帶草。化蟲依舊作鱉魚。江南塞北難移性。兄弟妻孥總解書。一掃人間狂蹟去。研光千尺展空虛。

送王以明先生赴南都試

把酒新聽百舌鳴。蒼烟盡處看君行。梨花雨漲春流疾。柳絮風香畫漿輕。寶劔危冠眞國士。高牙大纛盡門生。秋來怒翻天池老。不怕垂天化不成。

會退如雷何思柳浪湖時退如初度有詩見示次韻答之

醉裏烏藤手自扶。閒隨鷗鷺過澄湖。一江浩雪浮箕舌。千略深篔露頂顛。且與青娥刪白髮。休將五獄換三孤。烟帶好住逍遙侶。慚愧虛名老顧廚。（處翻謂公安地形如箕舌。）

和退如舟中韻退如訪道回家有新姬併以爲嘲

霞光猶繞菱荷衣。紅袖前迎遠客歸。玄鬢返來猶可辨。丹砂健後却疑非。三山誓許鸞臺入。一鶴終隨弄玉飛。

雲作風神花作語。看君戰勝幾多肥。

初夏同惟學惟長身尊遊二聖禪林檢歲有述

一尊高閣許從容。眺盡南湖與北峯。青葉黃衣餘碣在。玉函珠匣總塵封。空江隱隱流清梵。別壁沉沉起暮鐘。昏黑談經人不去。知君學佛意初濃。

其二

丈六空傳草一莖。蓮臺肅肅古先生。夜深虛閣聽龍語。世遠枯松讚佛名。蒲榻參來知行淺。稻田栽就覺身輕。等閒法法都如夢。眼底何勞覓化城。

其三

禪關避客畫常局。竹樹陰森可一庭。野雀半銜天女粉。梁塵漸污佛頭青。六時僧禮蓮花漏。三教人翻貝葉經。衣下有珠君識否。寤來如欲睹明星。

其四

蒼枝矯矯欲盤空。高閣冷冷受遠風。怪石枯藤隨意古。砌花畦草自然工。六朝遺事殘鐘外。千佛生涯曉鏡中。我亦冥心求聖果。十年夢落虎溪東。

萬二酉老師有垂老之疾感而賦此萬里中老儒余家父子兄弟祖孫皆從之遊其人可知

白首爲儒未厭貧。布袍落落散風塵。百年偃蹇窮途事。一榻艱難老病人。楚客由來夢鳳鳥。漢郊何日狩麒麟。勸君恁學無生忍。猶有金剛不壞身。

其二

青袍橫著世途欺。百歲蕭條只故籬。吾道春秋生死在。世情天地古今疑。五男差得如陶令。一女何曾有蔡姬。楚士從來多寂寞。爲君揮袖淚成絲。

傷周生

溪頭曾見浣春紗。珠箔於今天一涯。紫陌重遊千寶騎。青樓無復七香車。夫人南國空湘水。處子東鄰是宋家。記得西廊香閣裏。瓶花長插一枝斜。

送鄒金吾遊白下時寓武昌

將軍此日驅征輪。楓葉蕭蕭漢水濱。我已銷魂千里外。那堪重別故鄉人。西風馬度離亭柳。落日衣吹客舍塵。莫向勞勞亭上望。秋江容易得沾巾。

飲彭山人

疎竹蕭蕭畫掩扉。一樽滾卸世情微。三湘踪跡枯藤杖。二岳烟霞老布衣。夜雨階心桐子滴。秋齋簾面菊花飛。卻憐太史周南滯。鄉國淒涼久未歸。

寄贈

莫向南枝問舊棲。花開如笑復如啼。空憐夜月刀環夢。猶記東風桃李蹊。遊子贈無青玉案。佳人歌有白銅鞮。殷勤爲念章臺草。殘度春郊散馬蹄。

偶成

誰是乾坤獨往來。浪隨歡喜浪悲哀。世情到口居然俗。狂語何人了不猜。彭澤去官非爲酒。漆園曳尾豈無才。百年倏忽如彈指。昨見庭花爛熳開。

卽事

箇是春江舊舞樓。海棠花下小梁州。柳因有絮絲還在。蓮到無心苦始休。浪子燒燈齊射覆。美人越席與藏鉤。東風何意催桃李。多少西郊南陌頭。

辛卯元日

滿城佳氣鬱玄霄。海日如規上海潮。奉上再新宏治朔。百年三倍穆宗朝。柳含初綠風前舞。梅帶殘香雪裏飄。笑我疎愚非董子。太平猶頌不鳴條。

感王鬚庚

鬮鬮衣馬興何殊。醉擁陽昌舊酒壺。傲骨終然遭白眼。窮途無計覓青蚨。牀頭氣沮金平脫。袖裏顏催玉唾壺。安得再逢龍準叟。爲君輟洗濁諸儒。

贈李子髯

一尊相看意蒼茫。布置鬚眉到爾長。作字喜臨王氏帖。箋經常駁宋儒章。衡茅坐接高人笑。僮僕都無俗子腸。敵辯南冠還楚楚。男兒那復困詞場。

送莊冲虛使粵

青郊垂柳綠依依。一片仙帆帶月飛。蠻曲聽來醒暮酒。瘴烟行處溼征衣。荔灣草送王孫遠。梅嶺花逢漢使稀。總爲浮名淹此地。江南江北看君歸。

江上送別

颯颯征鴻帶雨飛。孤帆無計駐斜暉。西風蘭杜香流水。落日雲霞浣客衣。野店無人花自發。秋江有路夢先歸。

年來贈別傷同調。郢曲如君和者稀。

嬰惟長侍御舅初度

青春花鳥共爲歌。兩歲山居長薜蘿。疆仕古人元不忝。知非遽伯定如何。百年日月徒婚嫁。萬里雲霄有網羅。荏苒風塵能得幾。人生七十總無多。

贈散木和小修韻

逢君今日又春殘。對我高歌來日難。一字懶操鸚鵡賦。十年空戴沐猴冠。愁來斗酒且爲樂。淚到窮途未可乾。寂寞雙田烟水裏。何人道有子陵竿。

其二

腐儒偃蹇鬢毛殘。三十身閒衆所難。向客不題俗姓字。避人真著古衣冠。寶刀入握心猶俠。老馬憐途淚未乾。學道莫須占影草。只應行出壺頭竿。

別閩人王生

青草紅亭萬里塵。送君那得不沾巾。孤峯過雨梅花碧。野店逢秋荔子新。江鶴嶺猿頻弔客。濃蘭湘芷總關人。武夷山上仙蹤在。何日尋真共卜鄰。

感事

湘山晴色遠微微。盡日江頭獨醉歸。不見兩關傳露布。尙聞一殿未垂衣。邊籌自古無中下。朝論於今有是非。日暮平沙秋草亂。一雙白鳥避人飛。

歸來

歸來兄弟對門居。石浦河邊兩結廬。可比維摩方丈地。不妨揚子一牀書。蔬園有處皆添甲。花雨無多亦溜渠。野服科頭常聚首。阮家禮法向來疎。

哭兆孺

高城秋笛夜微徵。滿目西風捲素幃。四海有心隨短杖。三湘無處覓荷衣。劍空孤匣聽龍泣。客弔寒山有鶴歸。今日哭君騷雅盡。東南泉石少光輝。

其二

黃纒別去路漫漫。澤國空餘九畹蘭。白骨千年知已在。元言湖海和人難。秋江寂寞龍孫死。夜壑蕭條鬼火寒。痛殺吾山舊裏月。可同僊子一凭欄。

寒食飲二聖寺

東風隨處有亭臺。寺古無僧花也開。一百五日逢寒食。三十二相禮如來。珠池寶地都成劫。漢隴秦封且舉杯。石火電光只如此。白楊何事起愁哀。

送焦弱侯老師使梁因之楚訪李宏甫先生

丹書早發鳳凰樓。楊柳青陰滿陌頭。征馬晚嘶梁苑月。孤帆晴指洞庭秋。蓮開白社來陶令。瓜熟青門謁故侯。自笑兩家爲弟子。空於湖海望僊舟。

郊外送客卽席

漕河水煖綠瀾生。聽鳥看山也自清。寶馬驕嘶塵百丈。朱帆高捲日千程。飛杯客子紛無數。度曲兒童浪有情。人物喧闐烟樹裏。桃花如錦爛春城。

郊外水亭小集

山自蕭森澗自寒。却憐勝地在長安。桐陰恰好當窗覆。柳色終宜近水看。已倦呼兒猶問酒。不情逢客強加冠。湘江亦有幽居處。多少芙蓉憶釣竿。

其二

幽篁蔓蔓坐來清。懶慢都無對客情。戲水鷗雛分浪出。趁巢烏母曳枝行。堂前羯鼓人三爵。花下彈棋鳥一聲。紅藥青軒如夢裏。幾年塵傍馬頭生。

其三

清歌嫋嫋兩妖童。尼酒題詩興轉工。恰奉女來虛檻外。分疏人立小畦中。落花撲面都如雪。密樹宜亭不礙風。怪得夜來鄉夢好。穿雲直入武陵東。

送南粵使

青湯如縷背斜暉。雀雀班離出帝畿。蠻府官迎聽鳥語。瘴鄉人去着氈衣。枕椰葉密偏宜坐。鸚鵡雛嬌不耐飛。百粵山川題欲徧。素馨花老陸郎歸。

別李年兄

經年何事遠庭闈。走馬彈冠意總非。白髮自難千里別。青山豈爲一身歸。糴浮雀下迎仙舫。錦石花疎間綵衣。我亦思家去未得。因君魂傍故園扉。

上巳日東惟長

江城春色暖小燕。若箇青陽不酒壺。尙有好花能覆席。忍令嬌鳥怨提壺。醉來金谷罰多少。興到蘭亭鼓有無。

自信胸中磊塊甚。開尊恨不瀉江湖。

懷龍湖

漢陽江雨昔會過。歲月驚心感逝波。老子本將龍作性。楚人元以鳳爲歌。朱絃獨操誰能識。白頸成羣爾奈何。矯首雲霄時一望。別山長是鬱嵯峨。

將發黃時同舟爲王以明先生龔散木家伯修小修俱同訪龍湖者

江草青青江水流。荊州何日到黃州。鄭莊有客堪馳驛。郭泰如仙好附舟。此去山川俱作態。一時象緯合生愁。龜峯數點蒼烟裏。料得伊人已白頭。

阻雨

雲霄極日古亭州。江上淒其感昔遊。天下文章憐爾老。瀟湘風雨動人愁。雲眠楚國黃泥坂。潮打巴陵青雀舟。敢向乾坤尋勝覽。祇因李耳在西周。

贈嘉魚李太清

看君如欲老巖阿。矯首青霄路若何。近日彈章中貴少。一時謫籍楚人多。山嵐會意還生色。湖水無心也自波。天語丁寧猶記爾。年來或恐滯漁簑。

龍潭

孤舟千里訪瞿曇。蹤跡深潛古石潭。天下豈容知己二。百年真上洞山三。雲埋龜嶺平如障。水落龍宮湛似藍。愛得芝佛好眉宇。六時僧衆禮和南。

惠泉見黃平倩大書作字時余同在玉泉今五年矣

金龍池上作書時。牙管如飛我亦隨。花底披綰雲激激。柳邊濡髮水淋漓。聞中偶和天台偈。茶罷曾尋李白詩。何日青山偕舊侶。夜窗聽雨界烏絲。

宣城飲王舍人家留別

柏葉如丹鄴水濱。芙蓉花裏駐蹄輪。尊前齊贊能談語。瓊裏杜康若泥人。白日共驚頭上雪。青衣爭掃鬢間塵。雞聲喔喔催行李。到底輸君自在身。（邑有淳于髡杜康墓。）

送君御憲僉治兵甘州

秋盡天山幾盤。蕭蕭緜緜塞霜寒。材官似雪分行出。胡女如花隘路看。白鼻騎前回舞袖。青油幕底拜呼韓。知君解得從軍樂。不畏沙場行路難。

其二

歷盡邊霜與塞雲。舊題名處墨氤氳。要將麟鳳誇殊俗。也使侏僂識古文。漢世才人求屬國。晉家詞客帶將軍。腐儒半尺毛錐子。大蘇高牙得似君。

其三

十萬貔貅擁火旗。角巾紈扇坐摩時。聞中莫道腰圍減。塞上難辭髮髮絲。鼙鼓靜來朝散咳。氍毹遮處夜開棋。邊人慣唱伊涼曲。好譜新詞與雪兒。

其四

寶劍犀弓大羽囊。軍中聊作健兒裝。一函雲卷天驕檄。十里風吹侍史香。朗月澄江眞快士。修髯白面舊仙郎。也知陶侃無高韻。謝卻樛蒲與老莊。

壽雷元亮母太宜人

樹樹新鶯啼曉。春風南國。花前白髮光垂地。天上紅雲繡。襖子榴香芝數本。麻姑山近。柏千圍。使君自是烟島侶。趁取青溪老鶴飛。

惠安園亭看芍藥

僊葩亦自喜樓居。嫩紫妖紅總不如。灑灑水翻晴雪後。兜羅雲沒曉峯初。誇多屢向交遊述。遞遠頻登好事書。是我眼慳未有。主人元只比堯疏。

湯嘉賓邀同顧升伯李長卿唐君平遊草橋別墅

郊居絕勝午橋莊。南客行來眼亦忙。馬上乍逢蒲葦地。夢中移入水烟鄉。疎林透戶涼風出。翠葉平池急雨香。危石幽篁相對冷。一庭清影話瀟湘。

五月十二日退如生辰蒙以詩見示聊述二章奉報

酬侯以次日生又五月十三竹解日

菖蒲弄碧柳垂軒。過雨閒看峽蝶翻。喜與老髯爭一日。好同醉竹倒千樽。身依紫省黃樞地。夢遶青菱白藕村。門下校書真女史。吳綰親寫佛前幡。(退如有燕姬工書)

其二

睡闌日影度疏寮。甘載君王罷早朝。安石榴開紅照地。御河水釀綠平橋。花前曉珮聞燕語。醉後春雲夢楚腰。近日蒙莊通大旨。閒燒藜火注逍遙。

和退如初度與客談仙次韻

竹樹森疎翠逸身。與君連日坐花茵。樂邦有宅慙爲主。僊路無程醉是因。正好同看雙舞袖。何須高着九陽巾。

直消數幅梅花紙。便作華胥世上民。

送曹遠生進士左遷宜川典史

百糝青山亦起瀾。虛空讚毀豈相干。幸逢梅福稱先輩。卻喚陶潛作長官。溪雨松風聊簿領。雲心石面且衣冠。何妨鑿屋來仙尉。便作集賢校理看。

與元定孝若同話歸計用扇頭韻

嶺東何意獨違時。峻坂飛馳夢亦危。青草渡頭多少浪。白雲高處有無岐。閒思短榻歌漁父。靜抱幽絃問子期。且與提攜山上去。不須瓶恥始揚扈。

秋日苦雨和退如太史

積雨如雷臥不知。閉門猶自寫秋詩。高齋束篾安文几。侍女乘轎過酒卮。簷處也應無燥地。巢樓未見有安枝。題書爲慰東鄰子。夢裏分明擁蔡姬。

其二 時七夕先一日

寇轟電射不終朝。何事陰淫怒不消。樓上女兒齊浣曝。宮中銅狄盡浮腰。漢官著笠趨龍尾。河鼓張油度鵲橋。大道狹斜俱眼底。那堪十戶九蕭條。

其三

河漕西下沸如湯。驟雨那知觸禁牆。金馬門前泥沒象。銅駝陌上水平坊。千家燈火然陰壑。五夜哀呼徹未央。縛竹爲簾通市口。大都風景似南方。

其四

家家釜裏看游魚。壁落都空那可居。遠覓瓜梨分孺子。共租樓閣展圖書。哭聲斷處惟空巷。客夢還時想故廬。憶昨柳浪亭上水。湖光千頃蕩芙蓉。

七夕同方子公蔣子厚弟小修避水長孺樓居

梅逐緇塵帝里遊。除君何處可消愁。蚩蚩失土先謀芥。野鶴移家亦傍鷗。稍質衣衫充酒品。盡搬香茗在書樓。簾開忽見新晴月。又到黃姑織女愁。

爲耿華平題先公冊先公居江陵時以繡衣直指錄囚不及格被謫

手操丹筆淚沾巾。活却梧丘幾許人。韓朗大名爭日月。贊皇遺怨竟灰塵。家貧自許門容駟。國瑞方知種有麟。試看成蹊桃與李。寧同枳棘一班春。

劉元定齋中別諸社友時余有內人之戚

一竿直出帝城烟。馬首飛塵僅一年。倦鳥早辭燕樹雪。閒花又上武谿船。伯鸞未得借妻隱。和靖終當傍鶴眠。白盡頭顛應不返。青溪山下有鳴泉。

早春過葵園次蘇潛夫壁間韻余往過此八年矣

高齋只在郭門間。世外佳人共往還。老去心情渾念水。重來竹樹已連山。幽花近煖爭先發。好鳥逢春盡不閒。別後新功何所驗。臨溪且照舊容顏。

登靖川閣望武昌

霜崖突出薜紋斑。鐵笛臨風去不還。百里帆橋千里水。一層城郭幾層山。遙知鬱鬱蔥蔥地。只在熙熙攘攘間。沙鳥窺魚鷗覓渚。試看何物是清閒。

夏日馮明甫郡公招遊謝公岩同顧朗哉處士于野宗侯劇飲分韻得千字

刻秀堆嵐歲幾千。而今始落酒卮邊。洞中歌板疑雲出。石上觥籌似水傳。山簡韻高無政事。羊公才大少詩篇。兒童拍手攔街語。老守風流勝昔賢。

卽席用韻贈于野宗侯

買却青山一段烟。甕中光景任流連。但同習郁酌池水。不向君王乞酒泉。（于野酒戶不減汝陽。）細味宋繼
續几上。白雲只在枕函邊。碧幢羽客開來往。日課靈文字五千。

又贈朗哉仍用前韻

回首春明話昔年。因君忘却踏三千。銅鞮陌上穿花出。峴首碑前枕石眠。醉後書頭如長史。老來詩淡類斜川。
楚人調澀無佳韻。好譜離騷入管絃。

七夕招黃道元邱長儒陶孝若張伯實王遺狂十弟子飲小齋得衫字道元先以詩來率

爾奉答道元永嘉人余時以儀曹改司封

掖門清露滴松杉。暮直歸來口尙絨。斜月乍臨移酒盞。涼風忽起換蕉衫。桐江我記從前路。雁宕君居第幾岩。
官舍未容投轄飲。誤將塵土換冰銜。

中元日夜歸卽事仍用前韻

葛巾脫去鬢如杉。又草朝賢賸幾絨。竹裏乍香新茗椀。榻間猶藉舊荷衫。空窗月色流霜地。午夜桐聲水繞岩。
天駟豈能容野馬。身無羈縶口無銜。

暮春偕同署諸子飲郭外

滑滑春流瀉縠紋。嵐光映照石榴裙。今朝止許談風月。何日相從問水雲。細雨乍收山鳥喜。亂畦行盡草花薰。海棠枝底烏紗側。未覺飛觥到十分。

暮春遊韋氏莊憶十二年前先伯修暨顧升伯李長卿借遊此地今伯修去世八年顧李二兄新以言去古人云未免有情誰能遣此潸然久之

猶記天街白鼻驕。出門長是踏飛沙。幾年夜雨慈恩寺。十度春風柰子花。石火蒼茫思駐景。灘流清淺夢移家。東鄰法道衰如許。不見栽蓮謝永嘉。

壽畢侍御兩尊人

花外紅綉白雪垂。豸袍如火映春危。暈橋祇有齊眉伴。彭澤惟開曆齒兒。玉樹種成千畝實。鶴雛棲遍萬年枝。黃山石上青松老。閒看仙人數局棋。

初夏偕同署諸君子飲西郊池亭仍用前韻

花時聊復問鷗羣。樹有新陰藻有文。且與共聽幽澗水。休教驚散隔溪雲。青衫暫可驅從使。紅袖那堪對此君。韻遠心空無一語。不知啼鳥欲何云。

偶作贈方子公

一瓶一笠一條蓑。善操吳音與楚歌。野鶴神清因骨老。鴛鴦頭白爲情多。腰間珮玦千年物。醉後頭書十丈波。近日裁詩心轉細。每將長句學東坡。

冬盡偶成

青霜一寸冰皮老。凍楚荒荒落饑鳥。老去慚看日脚忙。冬來怕見曆頭少。客裏關心遼左書。夢中失路京華道。

宦心灰盡復如何。大都也似霜前草。

別小修

瓜洲雲色蔽天昏。腸斷金山寺裏猿。狎客也須同海鳥。過江切莫食河豚。幕中有主當持贖。雪裏無錢且典禪。畫戟如林高丈五。不知何處是朱門。

王太古令耶有父風卽賦

空階長日綠苔封。一望江烟翠色重。陶令無兒閒紙筆。福公有子識機鋒。窗前慈竹分新種。雪後山雞覓舊踪。總角未除髭未長。因君自笑老龍鍾。

卽事時京使至

朔霰冷冷打角巾。客途那得更長貧。百錢買看雙丫女。一日刺投數主人。白酒澄來如雪水。青袍當去得霜鱗。端居忽漫逢京使。怕說東華十丈塵。

丁酉十二月初六初度

雙鬢蓬蓬又一新。布衣何處不緇塵。高天下地盡如此。開口伸眉有幾人。客饌夜深燒蕨粉。山罏冬盡剝松鱗。清溪半曲田三畝。只待陶公與結鄰。

其二

幽窗朝起自焚牋。收拾從頭舊簡編。文字少無隔宿約。蠶叢充有半年錢。花前沃雪呼家妓。醉後灰心學老禪。拋却吳官今一載。青泉白石幾高眠。

其三

葛巾散帶亦何爲。白首龐公是我師。燈下侍兒閒禮懺。牀頭稚子解吟詩。江魚供客來冰鱖。山鳥驚人觸凍枝。鬢髮如霜鏡裏。等閒拔出幾莖絲。

其四

天涯隨處是生緣。闊帽寬衫似老年。算馬與人三十口。賣奴及宅五千錢。一心槁木寒灰去。幾度拋書把酒眠。古佛閣前溫炆裏。拽將紅袖夜談禪。

其五

雪霽寒江饌得魚。北風香墮臘梅初。身閒白髮頭先黑。病後烏紗夢亦疎。薄宦古人雙屈指。家鄉經歲兩番書。百年碌碌渾如此。檢點從前事事虛。

遊仙詩爲胡仲魚作

願作人間丁令威。千年華表一來歸。天門戲博輸龍去。石室燒丹試犬飛。洞裏松花充曉飯。篋中雲葉作寒衣。郭山若更逢潘子。爲問桃源是也非。

聞崔氏女拜無念學道戲柬念師

撒他螺黛與鉛華。愛湯惟消一碗茶。檀板且教歌梵字。羅衣權剪作袈裟。心如止水堪容月。身似寒林也着花。摩頂幾回親記取。生生世世法王家。

雪夜感懷

空房夜靜落燈煤。一縷臆風似剪來。三尺雪中乘夢去。五更天外覓愁迴。蕙仁酒盡惟空甕。螺甲薰殘只死灰。爲憶朱門深宅裏。幾人歌哭喪樓臺。

侵曉見閨人禮懺

殘月微微散曉星。窗風吹動畫簾鈴。衣中珠珞千條重。定後爐煙一縷青。鸚鵡教來持口戒。蓮華繡去裏心經。梵音唱徹聲清遠。臥閣何人夢不醒。

放言效元體

人間得失只如斯。得固欣然失豈知。消日總多無義語。安心唯有耐輸棋。鄉書寄去求鸞炙。閩客新來送荔枝。今古騰騰一覺裏。管他淳朴與澆漓。

其二

三十年間閃電身。半居白石半紅塵。空中往往書歡字。鏡裏頻頻感去人。方帶割來殉酒盞。磁瓶破後少茶甌。眼前笑得須當笑。未有脂膠粘日輪。

其三

花前蓬髮影婆娑。每到花開卽浩歌。甘草雖甜終傍苦。蜘蛛縱巧不離羅。常年歡與愁相對。百歲仙於人孰多。白日既知無返理。問君何不買青娥。

其四

葛藤爲杖竹爲冠。浮世都教一例觀。龍伯山來猶氣岸。醜雞夢裏亦酸寒。伊周未必閒經濟。楊墨徒勞闢異端。識得箇中些子去。蠻天鬼國也相安。

其五

幸將七牘贖閒身。早晚山中事事新。批頰烏爲司鼓吏。褰號蟲作守更人。攤書誤置巖前樹。洗墨常翻霧裏鱗。

醒卽長吟睡卽定。更於何處覓埃塵。

得家報

清晨聞外逢鄉使。持得平安書信來。初問三哥何處去。次言八口幾時迴。新城漸漸沈流水。舊舍荒荒長草萊。幸有南翺與北李。時時出郭時銜杯。

登華山

山藤亭上掛頭巾。便作參雲禮石人。流水有方能出世。名山如藥可輕身。眼中華嶽千尋壁。衣上咸陽一寸塵。逢着棋枰且休去。等閒看換野花香。

其二

瀑布聲中洗面塵。洞花泚草自然春。欲攀絕壁根無地。且趁孤雲未老身。墮險啼匡皆韻事。倚松坐石想幽人。飛仙已蜕茅龍死。留得青山一壑鱗。

其三

艱危歷盡到岩居。可有丹梯上碧虛。玉女煙中頻索夢。蓮花葉上細題書。補填積雪成新徑。展拓閒雲架小廬。別院棋枰聲隱隱。微風恍惚動仙裾。

其四

洗頭盆下搗芝苗。古洞深松話寂寥。仙迹久湮無後輩。遊人逆數卽前朝。身輕眼豁腸皆換。月冷煙清夢亦遙。見說乳泉甘似酒。捫蘿親與試雲瓢。

其五

杖底諸山似浪紋。綠青搖蕩綠紛紛。半規影裏江河合。一尺煙中晉楚分。未有因緣離下界。虛肝名字列高雲。松風破夢丹爐冷。慚愧瓊田碧草芬。

其六

玉井前頭乳穴重。奚兒聊以一廡從。空崖壁冷長留雪。古屋雲昏尚饜龍。明月自升千尺嶺。道人閒說五株松。瀑簾洞下真官老。占斷林泉是此峯。

華頂示同遊樵道人

踏遍秋雲琢紫苔。巨靈掌上覓松栽。公超舊谷猶疑霧。方朔前生解役雷。幻詭也能通道術。談諧大抵近仙才。芙蓉一削五千仞。不是狂夫不上來。

岳頂歸至青柯坪示同遊道人

飛鴻是處有遺踪。題破蒼崖霧幾重。枉把真形圖五嶽。難將奇句答三峯。山臞未老身慚鶴。頂雪歸來杖有龍。紫蕨黃精君記否。鐵犁溝下舊村農。

登太室絕頂

山行二十餘里。覓古今人題壁。不得一字。欲窮大泉石樓之勝。而壞祠無可栖止者。嵩遊之廢久矣。礫瓦紛紛雨洗斑。嵩峯久矣閉仙關。雲開忽見玲瓏壁。水外微鋪淡遠山。古道熟知龍洞峻。僧云勝在石樓間。

幽岩欲去無栖處。獵火燒空照夜還。

觀盧岩寺瀑布

百尺煙中紫峯分。水光搖日雪紛紛。長風碎曳千年石。飛雨斜侵半壁雲。澗底有人穿洞出。山間投礫隔村聞。

仙家只在深嵐裏。松腹猶存鳥篆文。

其二

洞門長是帶雲關。竹杖深穿香爨間。醉裏放杯眠澗水。夢中和雨入廬山。霞光射壁殘碑出。松影流堦處士還。潭下老龍呼不起。攜將新月過煙鬟。

贈登封令傅元鼎

嵩山之奧。有白鶴觀遺址。偃蓋松一株。亭亭可愛。元鼎圖復此地。故末句及之。

歷尾一廡。柴臍稀。石淙潭水洗秋衣。公庭葉落書常滿。絕壁雲開鳥自飛。入寺每教求繇蹟。上山親與勘松圍。夢中白鶴如相語。君是重來丁令威。

嵩陽宮古柏封於漢非漢物也都玄敬以爲三代時物信然

看窮人代只青葱。山鬼那能記始終。手把洛書逢大禹。眼窺日表見周公。龍鱗抉石方知地。鷗翻搏天始送風。縱使文長能誑語。問渠霞壁幾時紅。

石淙

一區崖壑洗深清。傍嶮隨夷置酒鎗。石是米顛懷袖出。景如摩詰畫詩成。（謂摩詰詩中畫。）遊人恰好中央坐。怒水常穿四壁行。若把廬岩來比較。廬岩雖勝少幽清。

其二

毘陀行盡見幽奇。想得川融山結時。大關嵩高如第舍。小分煙嶺卽園池。崩雲倒沫森森立。枕石聽泉事事宜。勝跡幾人曾到此。摩崖碑上有娥眉。

將入秦試士諸同舍別於西郭水亭得魚字

郭外園林盡不如。水亭香泛綠芙渠。門前且繫新驪馬。囊裏猶存舊鱖魚。華岳看雲唯自語。曲江題壁倩誰書。憑君爲報臨門尹。不是當時板屋車。

入超化寺水村

頽巒疊谷瀉溪光。石上題名尙李唐。竹葉送陰遮古寺。稻芒隨水出山莊。一林過雨蘆花白。半壁疎雲栗子黃。猶記西風紅蓼裏。桐槽載網入瀟湘。

青樓曲

懶看梧葉下空堂。秋月秋風淚幾行。獨夜香臺緘遠字。經年鸞匣綬離粧。蘭披別恨瀟湘浦。柳帶愁煙漢水傍。折盡庭花人不見。枉教鸞子墮流黃。

五言絕

虎邱

一片千人石。瑩晶若有神。劍光銷不盡。留與醉花人。

其二

問此石上歌。何如生公說。石若解點頭。聞歌亦當徹。

嚴陵

谿深六七尋。山高四五里。縱有百尺釣。豈能到潭底。

其二

文叔真有爲。先生真無用。試問宛洛都。誰似嚴灘重。

其三

舉世輕寒酸。窮骨誰相敬。如何嚴州城。亦以嚴爲姓。

其四

或言嚴本莊。蒙莊之後者。或言漢梅福。君之妻父也。

偶作

靜裏三三昧。多年得效方。不知緣底事。動輒嘆飄王。

別無念

漢口來何易。湘江去不難。北風吹順水。三日到齊安。

其二

送君竹林祠。竹子何森森。不痛別離腸。但傷知音心。

其三

辛苦李上人。白髮尋知己。爲爾住龍湖。爾胡滯於此。

其四

湖上望君切。江上送君苦。江上與湖上。計程一千五。

其五

陸程華容道。水程京口驛。良無黃金贈。感慨復何益。

其六

謂爾真吾師。謂吾真爾友。不識歐冶爐。肯鑄頑鐵否。

其七

海內交遊多。何人可與語。我欲知姓名。東西南北去。

其八

落魄蘇季子。無官妻嫂欺。爾若不見憐。飄零安可知。

滴瀝蓬書壁

蓬形如广字。石骨間沙礫。泉脈似融冰。飄空偶一滴。

別洪子兼寄吳臨川

暮雨復朝烟。送君江水邊。故人如問訊。道我憶臨川。

別龍湖師

十日輕爲別。重來未有期。出門餘淚眼。終不是男兒。

其二

惜別在今朝。車馬去遙遙。一行一回首。踟躕過板橋。

其三

鬱鬱西陵路。迢迢在何許。不及寒潭石。朝夕共君語。

其四

浪跡滯黃州。壯心成白首。君逢袁孝尼。肯語廣陵否。

其五

魚書曾有約。千里若爲函。瀟湘無限水。不遣到龍潭。

其六

兄弟爲知己。同袍若比鄰。出門去亦易。只愁君一身。

其七

死去君何恨。藏書大得名。紛紛薄俗子。相激轉相成。

其八

君意不在書。著書爲誰子。安得東南風。吹君渡湘水。

附龍湖答詩

入門爲兄弟。出門若比鄰。猶然下幽谷。來問幾死人。

其二

無會不成別。若來還有期。我有解脫法。灑淚讀君詩。

其三

赤壁賦蘇公。龍湖吟白首。君是袁伏袁。附君成四友。

其四

江陵至亭州。一千三百許。尙有廣陵散。未及共君語。

其五

別不說今朝。去不說遙遙。路逢進履者。定知過圯橋。

其六

江陵一千三。十里詩一函。計程至君家。百函到龍潭。

其七

平生懶著書。書成亦快予。驚風日夜吼。隨處足安居。

其八

多少無名死。予特死有聲。祇愁薄俗子。誤我不成名。

同無念過二聖寺

自從智者去。寶珠曾遊此。今日無念來。添一故事矣。

其二

長者即維摩。和尚似鷲子。中有妙音人。可比散花女。

十二月十八日至蘄陽舍舟從興國走咸寧道出金牛鎮山路如刀脊飛雪侵膚與人艱窘
幾不能步然千峯綴雪或如鴉鷄或如積瓊亦行役之一快也道中隨事口占遂得十六

絕句

江行值逆風。陸行招雪雨。何適不艱難。弱夫挽強弩。

其一 途中有感憶李安人

袖裏藏香茗。囊不具糗糧。出門無一有。始覺老妻亡。

其二

野竹根連石。村姑髻帶蠻。役夫前指我。此是小丫山。

其三

壁上煙森森。道旁石齒齒。舉頭不見人。但見前人履。

其四

皂衫如伏鹿。石底蹶而起。壯髮小平頭。霜鬢老椽史。

其六 懷吳明卿先生及仲子暉倩仲子客死白門

怪鳥啼空樹。斷雲愁暮山。可憐吳季子。死彼博羸間。

其七 出興國雨至中途始雪

淋淋灑灑行。仄仄欹欹遠。此去浮屠街。二十四泥坂。

其八

曉看煙林青。暮看雪嶺兀。似我苦征人。立時換白髮。

其九

莫嫌馬沒蹄。莫怨車泥轡。比作看山人。孤筇穿嶺雪。

其十 至大治

千山照平湖。城在湖波上。前途一髮行。斜繞屏風嶂。

其十一

好在宮台里。山高水亦環。兩崑陔絕起。更好大雷山。

其十二

峯峯雪點綴。曲曲水蒼寒。却似曾經眼。王維畫上看。

其十三

人行嶽嶺上。時與岩相突。馬落溪橋間。忽爲雪所沒。

其十四

酸呼復快吟。役者哭且怒。我是好琴人。那知黃柏樹。

其十五

怪石與危岑。山神勿相試。我行慣險難。歷盡風濤地。

其十六

豕繫天王座。鳥巢大士冠。雞棲爲市井。鹿柴作門關。

途中口占

八月歸長安。二月返鄉社。唧泥雙燕兒。依舊籬櫺下。

其二

二月返鄉社。四月卽長道。兒童隘巷觀。高士隔溪笑。

其三

辛苦老魚軒。廿年同道路。今日白楊村。卿留我獨去。

江上見數漁舟爲公卒所窘

釣竿拂曉霧。衣薄蘆花絮。一畝不籍官。也被官差去。

其二

浪道漁家樂。供輸亦未閒。君欲長安穩。隱于徒隸間。

途中口占

文字讀來倦。心情放去閒。夢回無一事。只有看西山。

其二

灑灑芙蓉鼓。油油禾黍道。野老扶牆行。佳人隔谿笑。

其三

駿馬紅絲絡。幘頭金蟒裝。兒童攜路語。道是賽牛王。

其四

脆瓦稀疎點。涼牕穩貼眠。夢中何所見。峽水與簾泉。

其五

眼裏雙瞳在。腹中一字無。乘閒聊緝網。欲去拔珊瑚。

其六

巷識回車跡。橋留斬袂痕。此中多俠鬼。且莫糴平原。

六言絕

與曾退如過葡桃園話舊偶成

問我低回何事。十年夢到胸中。今日鬼婆燕麥。當時秋雨春風。

其二

古井已無完檻。石榴依舊燒枝。莫道故人如夢。夢上却有長時。

其三

鶴啄苔而不去。僧振袂而相迎。少師影堂塵掩。古佛紺殿草生。

其四

葡桃閣人幾載。衣襟量去三圍。不放雲烟渺漠。焉知鴻鶴能飛。

七夕偶成

天上一昏一旦。人間甲子周年。不分黃姑織女。夜夜烏鵲橋邊。

其二

兒女紛紛乞巧。先生老矣何求。不用靈玄烏鵲。唯宜拙守斑鳩。

題尙覺和尙卷

手題頂骨數珠。腰懸生鐵戒尺。走遍南閩浮提。要與英雄結識。

七言絕

題劉生

不愛韓康早避名。愛他垂老解多情。調得歌兒聲似管。當筵唱出是劉生。
病中見中秋連日雨來江進之

禁方藥帙滿牀頭。雙挾青鬢坐小樓。疾疾愁愁三日雨。昏昏滑滑一年秋。
小婦別詩

一身狼狽踰冬秋。姊妹人人嘆白頭。剛得在家三日好。明朝行李又杭州。
其二

弱柳輕帆快送人。巫山原是女兒神。願隨潑火清明雨。洗却錢塘十里塵。
其三

輕寒輕熱養花天。箇日錢塘更可憐。驄馬欲嘶嘶不得。白公堤畔脚如鞭。
其四

湧金門外柳條絲。岳有新祠自有碑。一句叮嚀君記取。西陵莫作小蘇詩。
初至西湖

山上清波水上塵。錢時花月宋時春。看官不識杭州語。只道相逢有北人。
其二

一路香風十里堤。萬株楊柳着行齊。蘇州浪得佳名字。試把湖山共品題。
湖上遲陶石簣戲題

其二
蘭舟繫處一鵝嘶。簡是桃蹊箇柳蹊。山色湖光判斷盡。只留花草待標題。

歌舞叢中可度身。六橋隨處喚香塵。西家有個如花女。可得將來侑遠人。
桃花雨

淺碧深紅大半殘。惡風催雨剪刀寒。桃花不比杭州女。洗却胭脂不耐看。
湖上贈錢塘湯令

其一
一簾秋色二堂雲。白石灘頭坐使君。套取桃花爲押字。判來山水作移文。

其二
著意憐花緊護持。不曾殘殺一枝枝。花神欲謝廉明宰。分付袁郎好作詩。

其三
羅綺如烟粉作邱。青娥國裏小諸侯。河陽不敢談花事。只是天堂見亦羞。

其四
一箇窮官不解爲。貪他綠葉與青枝。來時開花去結子。教人怎不罵狂癡。
偏虛

剝却顛毛剩却身。衲衣袍帽不沾塵。告君古佛無多子。着了邊旁亦是人。

經下邳

諸儒坑盡一身餘。始覺秦家網目疎。枉把六經灰火底。橋邊猶有未燒書。

紀夢末句遲之德州詩

一尺殘膏到曉明。五更霜裏萬千情。依稀夢得遲之句。紅映樓臺綠映城。

梨花初月夜

梨花初點貼腮流。斜月笙簫處處樓。醉裏不知花是影。隔紗驚喚小揚州。

秋日同梅子馬方子公周承明飲北安門水軒

秋容瑟瑟上芙蓉。湖上青山鏡裏殊。碧瓦黃牆宮樹裏。湧金門外看西湖。

天壇

空壇深淨駁玻璃。髻髮簪冠老導師。銅沓金塗秋草裏。如今不似世宗時。

其一 李後主呼天爲碧翁

碧翁難道是無情。分合千年議不成。不得寧居天亦苦。古來多事是書生。

其三

六年通籍濫儒紳。正馬天街觸路塵。懶愧黃冠羽衣者。朱籠嬰引亦呵人。

其四

僊苑桃花朵朵香。會於天上省霓裳。劉郎老去風情減。閒把音容問太常。

香山 永陵幸西山語侍臣云請山惟香山有翠色

眞人天眼更絕倫。翠色香山此語眞。八十老僧牢記取。一時三遍語遊人。
昌平道中

菴前乞得老僧茶。一派垂楊十里沙。烏籠白鮫憑揀取。麝香李子枕頭瓜。

兒開美塲江進之書來始知

一春懷緒熱茫茫。夢裏無端也轉腸。小弟書來怕愁我。寒溫虛作兩三行。

其二

官程屈指二千餘。頗怪眞州消息疎。七月始得江令字。道兒亡在杪春初。

其三

說着旁人也痛酸。余今寧有鐵腸肝。十年送却六男女。已作尋常離別看。

其四

識得乘除理自明。梅蘭焉肯一時榮。黃泉若覩先姑去。好與曾登伴伴行。（曾登皆伯修子。先亡。）

得舍弟徐州書

開船已是四旬餘。纔得徐州一紙書。內中數語矇矓甚。見了愁於未見初。

其二

佳人生死不知聞。翠負梨花一面雲。昨日官羅新裁剪。爲伊留得半拖裙。

遣姬

蠶懶無心更作絲。樂天未老別楊枝。陽臺不是嫌雲雨。圖得生離勝死離。

羅隱南王章甫小集齋中說舊事偶成

漢江秋淨石粼粼。黃鶴樓高不見塵。今日樓臺歸劫火。眼中猶聚上樓人。

其二

萬瓦如鱗繡作堆。別山重見秃翁來。晴川閣下南條水。一日同君蕩幾回。

其三

珠樓曲曲貯仙娃。一帶風聽十里紗。記得中和門外路。女牆東去是他家。

其四

麝居逼近紫微堂。白火青煙五尺牀。鈴柝夜寒聽不得。雞鳴先起著衣裳。

燈市

六街花粉蔽蹄輪。一簇香飛紫路塵。請看樓下號呼者。卽是當時樓上人。

柳枝詞

江南柳絮已紛飛。河北垂楊未折枝。一種青娥嬌眼女。南家嫁早北家遲。

盤山道中嘲寶方死心寂子三和尚

筇節楞楞過頂顛。偏衫口上繫胡珠。雲中棕笠垂垂墮。正好和驢寫作圖。

石雨洞

山僧問亦不知名。凹處唯將腹背行。石骨數拳泉一縷。遊人多少只聞聲。

人紅螺嶮道中紀事

山風吹曉作新嵐。仙夢茫茫古石龕。欲識死生情切處。棺材峯上卓茆菴。（山上有棺材峯。）

其二

田家打棗婦盈畝。高髻垂肩竿在手。此是六郎繫馬樁。郎君未審停鞭否。

其三

葫蘆棚下水平巖。古戍遺屯記宛然。馬市時來今幾載。邊烽堡裏宿枯禪。

過黃梁祠

一掠青絲鏡面垂。朱題銀額呂仙祠。饒他壽盡塵沙劫。只是黃梁未醒時。

其二

不脫陰區苦奈何。仙官塵侶不爭多。人間惟有李長吉。解與神仙作輓歌。

宿朱仙鎮

秋高夜鐸冷空庭。草木猶疑戰鐵腥。地下九哥今悔不。六陵花鳥哭冬青。

其二

羯胡歲歲括金錢。稱姪稱臣也枉然。馬角不生龍蛻冷。酸心直到犬兒年。

其三

青驄挽斷綠楊絲。寒食西湖祭酒時。第六橋頭香十里。桃花風起疊琉璃。

其四

祠前簫鼓賽如雲。茹泣爭劖弔古文。一等英雄含恨死。幾時論定曲將軍。（野史載曲端事甚烈。）

看梅

莫將香色論梅花。毛女而今已出家。老幹瘦枝蒼幾許。總無花夢也輸他。

其二

自剝青苔自掃塵。僂經沈縷對幽人。不須更畫維摩詰。恰有梅花爲寫神。

送臨湘成公還至源寺時有火災

一鑿烟雲幾百春。嵌巖枯壁碎魚鱗。青山也曉茶毘法。要作涅槃堂裏人。

其二

不轉空輪轉火輪。一番金碧盡成塵。世情若也同燒却。好作瞻風撥草人。

其三

菴主鬚眉依舊青。檀那施得幾星星。踢瓶且免輸山子。揩背何須喚古靈。(上人爲寶方落髮師。)

其四

衲衣吹散綠楊風。貪拾春江石子紅。乞得黃家石浪字。可能將去徧虛空。(余時方爲寶方乞黃諭德石浪齋)

類。

送蜀僧往南海

一踏峨眉二十春。冰花破處石鱗鱗。憑將徧吉書一紙。傳與東洋打坐人。

法華菴看月江老衲移柏樹

竹皮屋子椹條籬。繁蕤濃花最不宜。乞得趙州柏樹子。當聽亂插兩三枝。

其二

一番霜雪一番姿。鐵幹銅膚自小時。和葉和梢纔五尺。幾年長出杜陵詩。

其三

自操禪枿畫庭莎。寬處須容一笠過。試較沙彌長幾許。眉尖上下不爭多。

其四

閒將柏葉攪胡茶。供養方情老作家。不似破頭山道者。貪他傳代古袈裟。

其五

眉如霜葉骨如槽。破衲何曾畏早寒。夜坐連雲春帶雨。如今眞作畫圖看。

王闍然館中看梅

乞得馬家雙玉鬢。清姿濯濯儘籬間。幽香偶逐寒風去。帶却書聲過別山。

其二

竹外斜侵十步強。千枝萬朵亞鄰牆。東風若過黃梅節。吹得先生醋甕香。

柳

晴江灩灩鴨頭絲。半管春情半別離。不知陶老緣何事。也向東籬插幾枝。

其二

牽愁帶緒弱煙中。銷却東鄰幾頰紅。欲把無鹽比西子。老髯時復立春風。

其三

少年容易起悲酸。每爲春條惹肺肝。而今心老煙灰滅。只作遮籬映水看。
祇園理藏完

其二
貝葉重分甲乙科。殘編無奈蠹蟲何。因君一問阿難老。強記如何得許多。

其三
書劫何須怨祖龍。南寮師弟北師公。元宵夜月春燈裏。半入兒童火爆中。

其四
收得殘函萬紙餘。更尋高閣作精廬。何人却出銀鈎手。贖取琳琅次第書。
過赤壁

驛石奔雲浪幾春。黃泥坊底射洞鱗。周郎事業坡公賦。遞與黃州作主人。
大林寺寶樹

其二
鐵幹銅膚四十圍。隔峯猶自望孫枝。塗雲抹月空山裏。曾見東林行道時。

其三
瘦石鱗鱗帶碧絲。百盤無地不青枝。人間那得西方種。問取嘉州合眼師。
題天池後嶺

其四
往將天事問修人。碧玉蒼波妄比倫。而今萬仞峯頭立。依舊圓空掛斗辰。
山中逢老僧

其五
擬把蒼烟付老閒。廿年形影不離山。牕前一樹盤空老。曾是天台拾子還。

其二

一抹青烟沉遠槽。禪心汰得似冰寒。閉山開水都休却。付於瞻風衲子看。

其三

念珠策得定功成。絕壑松濤夜夜行。說與時賢都不省。依稀記得老陽明。

其四

一室長關谷底泉。兒孫閑過幾霜頭。松根夜壁時來往。不省人間有睡眠。

其五

愛把蒼竿攬月漣。山風吹頂不曾寒。竹林寺裏尋常去。乞得西僧梵本看。

其六

課得西崖杉柏成。山中知面不知名。少時曾學收雲法。擬把一囊送我行。

其七

坐破松巖不記年。衲衣長是裏谿烟。天池寺裏猶嫌近。更住天池絕巖邊。

明空住柳浪五月附余舟南下別於歸宗道上因作柳浪二疊以送之

青池白石每談空。銷却寒缸幾炷紅。記取柳浪湖上柳。夜禪聽盡碧絲風。

其二

碧溪影裏一僧歸。漾得雲光上衲衣。記取柳浪湖上水。穀紋風起鷺鷥飛。

其三

石鐘話盡晚聽烟。閒剔春芽自煮泉。記取柳浪湖上月。隔花呼起放生船。
過歸宗寺

墨池秋水石苔寒。晉碣唐書野火殘。一丈草青紺殿裏。爭教赤眼不心酸。
蕪湖卅中同范長白念公看月

夜深蕉帽帶寒澌。隔水青梧辨露枝。問取無心老衲子。幾人消得幻琉璃。
其二

夜泉香鍛石罈紅。聽盡寒松帶雪風。算取人間幾月子。江心甌面復瓶中。
其二

青山不改黛螺春。孤閣娉婷是女神。一鬢秋光半匣水。人間多少熱忙人。
采石蛾眉亭

空江石壁瘦鱗鱗。膩綠頹斑酣冶春。掃取山光爲黛粉。儘教蕩子作仙人。
其二

擬將杯捲作家鄉。臥月橫煙夢幾場。况是蛾眉消得死。爭教白也不郎當。
其二

是處煙嵐掛齒唇。懶將時事蓄心神。青山也許人酬價。學得雲閒是主人。
白門逢焦師座主

十年一拜鄭康成。搔首青山獨自行。醒卽讀書倦卽枕。不將無事換公卿。

其二

赤軸猶如水瀉瓶。草頭書盡萬梢青。而今老矣都休却。日課雜花兩卷經。
侯師之水軒

架書狼籍粉蟲殘。六月文紗澱水寒。摩卻如花舊拍板。茶瓶相對白蔬盤。
其二師之耳曠老事西方之學

卷葉寧來多少時。形言眼語亦能知。白頭聞得無生事。學把胡珠喚老師。

八月六日舟中憶去年此日與大兄都城歸義寺別泫然念及大姑自云明歲二三月當還
出籠不遠因大笑而別今大姑與兄俱逝矣哀哉

別時猶記帶餘談。夾轂風生滿面灰。屈指來年二三月。大姑含笑長孫來。
其一

伏惑雖然學聖流。難辭真慟到肩頭。獨形獨影空舟裏。自說因緣自解愁。
其二

聞說南中也破顏。幾迴夢上九華山。而今恰走南中路。不是生遊是死還。
其三

饒他白髮倍蒼年。那得三朝無惡緣。一刻未離一刻苦。爭如長夜却先眠。
其四

燈前腸痛子瞻詩。宿世他生自可知。郵館暫來還暫去。蓮花聚首是長時。
其五

齋中偶同諸友作時菽

少時飛將氣如騰。老去常思轡上塵。抽得健兒金鏃矢。等閒親角兩三棚。
除夕偶題

螺甲香沉蠟焰殘。黃柑歷歷耀青盤。朝來令節候官長。當去紅衫要贖難。
其二

白酒青鹽強作歡。長歌到底意摧殘。當時京邸團圓日。只作尋常聚會看。
壬寅元日

不圖宴坐與澄神。只要朝嵐過眼新。算取開年得意事。衲頭隨著住山人。
元夕度門出宮中月餅同賦

會向昭容手內傳。綠綵親押聖人前。三千里路秦宮月。和雪和烟到楚天。
其二

盤中猶折半宮花。刻鳳攢龍自內家。不是國師爭袖得。也應墜破紫袿紗。
其三

曾是金娥印得成。留將舊樣說陰晴。等閒放出中秋月。併與春燈一夜明。
竹枝詞

龍洲江水如空。龍洲女兒挾巨艦。奔濤潑面郎驚否。看我船欹八尺風。
其二

雪裏山茶取次紅。白頭商婦哭春風。自從豹虎橫行後。十室金錢九室空。

其三

百錢一尺買吳絲。焦髮龍鍾舊玉兒。記得庚寅前後事。萬紅堆裏插花枝。

其四

東街晴雪未消泥。南陌陰蠶又漲堤。恰似江頭娟女面。乍時歡笑乍時啼。

其五

泥深一丈怯開門。惡風惡雨惡夢魂。纔喚婦來又喚去。斑鳩喚得也頑煩。

其六

長橋鐵鹿破洪濤。木綿子花七尺高。棧時蠻力強三虎。拋擲輕如一鳥毛。

其七

船上女兒畫春娥。一葉飄隨水上波。左手牽姝右牽板。雲冠不動青峨峨。
(以上二首書所見。)

其八

吳兒織杼語音儂。北容高簷項領重。江西賈子面如漆。袴褶行纏伴老傭。

其九

陌上相逢盡楚腰。涼州一曲寫吳綃。鸚絃撥盡西湖月。更與唱歌到板橋。

其十

玉娘一曲叫天驚。此地曾經牙板過。十五年前細腰柳。而今枯瘦十圍多。

其十一

一片春烟剪穀羅。吳聲軟媚似吳娥。楚妃不解吳調肉。硬字乾音信口吡。

其十二

賈客相逢倍惘然。橫楠杞梓下西川。青天處處橫羆虎。器女陪男償稅錢。
食筍時方正月

其二

鮮甘最與素盤宜。羞殺苜蒿與露葵。野腹雖饑下筋緩。疑他名字叫龍兒。
穀水溫風解凍時。家家饒得雪玻璃。憑將野意酬君子。飽食西窗讀楚辭。

其三

纔呼痛快忽傷唇。積玉堆霜止一巡。便與喚名西施腕。較他舌乳更清新。

其四

嬌年那得逼人清。雪骨雲肌已十成。校色與香皆第一。蔬經頭上擬題卿。

其五

族類叢生楚水濱。前身未嫁湘夫人。請君試看殘禪上。也有班班淚點頻。

其六

苦將墨滯染龍孫。只寫瀟瀟个字繁。寄語湖州文與可。機材爭似買盤飧。

其七

曾踏山陰雨後春。貓頭花箔賤如薪。陶家只揀破塘買。一日常番兩替人。（陶周望屢稱破塘筍。）

侍家大人游太和發郡城借遊者僧寶方冷雲尹生也

戴將頭髮入禪關。長得閒時也畏閒。從此野人功課定。一年須上兩番山。

其二

全家都愛踏雲烟。過去青山香火緣。扶著白頭拜真武。被人呼作地行仙。

其三

朝衣疊却繫烏藤。白石青岩取次登。識得袁家裝束別。紅旌隊裏一騎僧。

習家池

一庭幽碧鑲嵐烟。旋著春茶試乳泉。想得當時醉山簡。面容如赭影頰顛。

大堤女

文臆斜對木香籬。胡粉薄施細作眉。貪向牆頭看車馬。不知裙著刺花兒。

題紫霄太子巖

多少眞官學大還。只將白雪換頰顏。爭如淨飯眞王子。巢頂穿芽大雪山。

七星巖

紅霞一抹霧千重。石骨如斑翠點濃。何事丹砂炊不轉。諸仙長藉灶門峯。

關公祠智者書稱山玉泉爲四絕之二而攝山伽藍爲楚新尚

平驅妖國洗蛟潭。月下高禪獨自參。恥與攝山爲伴侶。爲他新尚作伽藍。

除夕有感

閒花閒月免繁神。且樂明朝到手春。前日柳浪亭上客。今來留得幾多人。

擬將

擬將藤杖伴袈裟。賀却新年便別家。湘竹廟前盆浦口。不知何處看桃花。

范生善形家言自山西還將歸豫章詩以別之

一身直出鴈門關。踏遍堯封禹跡還。收拾行滕與笈子。待隨徐福上三山。

其二

攜將雙目入雲堆。白石蒼崖日幾迴。但得肉山先報我。稍頭親自領僧來。

其三

三年擲却皂紗巾。五柳家風一味貧。願得龍沙休帶印。兒孫只作愛山人。

遊石洲

愛取春江一抹澄。斜帆疊疊柳層層。閒來袖得佳石子。付與山中好事僧。

其二

三番石上聽歌唇。轉眼楊花一紀春。座客十來消却五。更無一個六旬人。

柳浪館同龔散木小修賦得雪中新柳

纈青縈白幾千條。胡粉聊將贈舞腰。當日灞川無此景。強於雪裏寫芭蕉。

戲題十姊妹花燕中有紅姑娘花極紅

纈解緣屏引成行。淺白深朱別樣裝。却笑姑娘無意緒。只將紅粉鬧兒郎。

水仙花

琢盡扶桑冰作肌。冷光真與雪相宜。但從姑射皆仙種。莫道梁家是侍兒。

看紙鳶

等閒一葉破高雲。一簇妖童十里塵。便與富兒償酒債。不須更倩郭仙人。

甲辰午節觀競渡

平湖新漲滑如油。十丈紅旛繞樹流。我有敝綈三兩幅。也將裁去掛船頭。

其二

碧甃樓上水平溪。濯足池邊日正西。橋上橋下人如螳。只愁翻却孟公堤。

吳生貧甚所遭輒奇詩以送之

踏遍吳關楚陌塵。榆花空對白羅春。如何四海袁居士。遍遇人間憔悴人。

其二

謝氏青山入夢多。騷人終是惱湘波。白公有語君聽取。命壓人時不奈何。

甲辰中秋後二日禮德山鑑大師塔偶成四偈示同行諸衲

少年學得跳胡神。十地三賢眼上塵。老去無端呈敗醜。倒持霜刃與他人。

其二

流水高山只自聽。白雲終不礙峯青。貪他一口龍潭沫。枉却金剛般若經。

其三

電走星流也是遲。龍潭不見是親師。而今石塔牢籠取。正是金剛出世時。

其四

棒頭有眼師辨取。響裏尋文我不知。前日少陵祠上過。秋花秋鳥總如詩。

德山遇大智龍湖舊侶也

湖上烟巒一抹青。他時親見望州亭。也知魯國真男子。要識中郎舊典刑。

其二

好伴青山作主人。門前衲子去如塵。法堂草長深三尺。更與腰鎌走一巡。

答龍君御見憶之作君御詩云我家德山不得住故末句云云用博一笑次篇聊爲解嘲亦

可作一段公案也

雲嵐已是屬閒身。高下青崖日幾巡。看盡德山好烟水。只緣不是武陵人。

其二

眼前巒壑任高低。身裏尋身却是迷。正在武陵溪上住。不須更覓武陵溪。

德山聞長嫂去世慟念伯修感而有作

未亡去竟何悲。腸斷坡公卽世時。今日德山峯頂上。吞聲重作哭兄詩。

其二

山北山南累亦多。愁緣不盡奈他何。花源正好深深去。又聽人間薤露歌。

夜深不寐起視星文遂成謎語戲別君御兄

北斗欄杆南斗橫。竹林今夕夢難成。願憑織錦天孫指。譜出陽關疊外聲。

答君御諸作

碧水丹崖不自由。無因闌入會仙樓。布帆飽趁瀟湘水。幾處青楓黃葉舟。

其二

溪鳥溪花盡寄聲。花源無路只空行。陶潛老被漁翁誤。枉把青山累後生。（來詩嘲余不入花源。）

其三

溪流片片疊春紗。紅樹前頭又一家。寄語青門種瓜叟。種瓜先種枕頭瓜。（來詩有種瓜青門句。）

其四

打疊歌鸞與舞裙。九芝堂上氣如雲。無緣得見金門叟。齒落唇枯鬢細君。（時君御演出金門記。）

伏波將軍避暑石室

青山憔悴故將軍。苔甲年年印水紋。受盡蠻烟與瘴雨。不知溪上有閒雲。

其二

行盡點鴛水上頭。裹屍方始得心休。閒驅款段隨鄉里。我亦君家馬少游。

桃花流水引

花源棹返。幽思縈懷。枕上夢中。如有所得。命曰桃花流水引。亦仙家竹枝詞也。

華陽巾子碧纒環。紫府簾前舊押班。阿母筵頭爭一擲。醉中輸却小蓬山。

其二

路逢蕭史不回首。風裊芙蓉繡領巾。雲裏自然清格少。但憑閨體作仙人。

其三

袖却紅雲侍紫皇。該諧長是困東方。乍來不識天顏笑。只道頻噓列缺光。

其四

夜深仙犬吠花關。私過雲英與玉環。天上石來偷律重。玉桃一顆謫人間。

其五

掃斷紅霞陌上塵。青鸞白鳳集仙真。吹笙搗藥皆廝品。要作蓬山罵坐人。

其六

鬪草筵前霞作堆。花宮無事濫驅雷。麻姑向說水清淺。又過扶桑看一回。

其七

東海羣兒拜木公。腰間常繫鳳凰籠。絳裙一舞三山去。聲起扶搖滿翅風。

其八

光碧堂前催賜衣。少年天女弱腰圍。而今花樣新奇甚。不用銀河織錦機。

其九

盡到朝元會上來。春風坐遍小瓊臺。閒聽蔡誕輸龍語。引得諸仙笑似雷。

其十

澆盡銀灣水作田。全憑奇僻傲諸仙。老來猶自耽兒戲。弱水洋中泛鐵船。

竹枝詞時阻風安鄉河中

一溪纔順一溪灣。一尺纔過一丈還。船子已愁箭括水。兒童又指帽兒山。（諺云。黃山戴帽必風雨。河名一箭河。水勢甚急。）

其二

蘆花枝上水痕新。南市東村打白鱗。只在梁山山背面。梁山何苦不離人。

其三

武漢葱翠獨稱梁。正望黃山一點蒼。三日風頭兩日雨。謝公昨夜拜梁王。（黃山有謝公祠。梁山神卽漢梁松也。俗呼爲梁王。）

其四

儂家生長在河干。夫壻如魚不去灘。冬夜趁霜春趁水。蘆花被底一生寒。

送寒灰入參上兼訪陳遇卿
青峯只在兩眉間。何事三回不駐顏。信是黃冠多俗品。不曾俗却謝羅山。（寒灰三過武當。皆未入山。）

其二

玄編檢盡畫魚殘。不載雲官與鳥官。未識上真真本末。君行試取藏經看。

其三

摩肩簇綺沸如雷。早向天門道上來。爲語別峯佳絕處。玉虛巖底出瓊臺。

其四

少年擲却敝頭巾。老去常思箇裏人。
葱嶺走來無障地。莫教踏著一微塵。
乙巳初度口占

其二

南郭讀書西郭田。一竿秋水一湖烟。
蠻歌社酒時時醉。不學龐家獨跳禪。
白石青山到處緣。月高梳櫛日高眠。
無聞已是慚夫子。四十於今少二年。

江上

桃花春水滿江頭。獨擁佳人翡翠樓。
誰抱琵琶江口上。聲聲彈出小梁州。
其二

二月王花接郡城。絳桃垂柳獨分明。
請看高塚宮人草。別作青春一段情。
過康節先生安樂窩

天津橋上沙圍屋。共伯城邊石吐泉。
料得先生都不管。來時如月去如烟。
擬作內詞

其二

玉殿蓮篝夜未央。內人傳旨出昭陽。
朝來剛赴西宮約。草遣經筵進講章。
宜春苑裏日初斜。三百妖童校麗華。
韎韐戎衣朱鬣馬。不知若個是官家。

其二

百子池頭九子萍。美人雙照月稜青。宮槐葉綠春如水。誦得蓮花兩卷經。

其四

阿監當頭送好音。羊車行處載鸞衾。朝來領取鋪宮例。御帕親封少府金。

其五

彩仗龍旌拂曙輕。朝朝東閣坐先生。皂囊久積言官奏。分付金璫取次行。

其六

八月秋高兔子肥。卷毛宋鵲疾於飛。開闌一放天顏喜。玉手親攜自在歸。

其七

金衣滑滑攪春眠。白髮中官進簡編。天子自臨宣示帖。美人親碾校書箋。

其八

一般春色有枯榮。十樹櫻桃九樹生。拾得青梅如彈子。護花鈴下打流鶯。

夜飲鄒金吾家

夜深歌起碧油幢。部部爭先那肯降。闕盡龜茲諸樂府。却翻新譜按兩腔。

見宮監走馬

首宿風高萬馬齊。東華門裏映花嘶。平明挾彈西園去。白日晴翻碧玉蹄。

登嘯臺

青峯如面洗溪紋。石上鸞音久不聞。欲向先生供一匕。嵩山烟雨華山雲。

聞簫

江上清聲入夜哀。潛虬初泣雁初迴。前山月起青如黛。怕有幽人騎鳳來。

戲題君山

洞庭湖水日潺湲。腸斷湘妃竟不還。千里蒼梧常在眼。君山眞作望夫山。

余凡兩度阻雨冲霄觀俱爲訪龍湖師戲題壁上

江樹蕭森江水長。今朝風雨又瀟湘。冲霄道士迎門揖。笑指看花前度郎。

其二

我從觀裏拜青牛。忽憶龍湖比老邱。李贄便爲今李耳。西陵還似古西周。

黃昭質憲使得銅雀敗瓦割而爲三一以寄乃兄平倩其二遺余及小修弟

雕題蔽日榻連雲。曾見英雄話使君。近日懸壇誰鼎足。眼中依舊是三分。

其二

土蝕霜凋字半塗。雲霞千古潤肌膚。豐城獄底渾閒物。供得張華用也無。

其三

池波爲墨筆爲墳。爭似卿家老右軍。我是漢朝金日磾。粗毫焉可試羅文。

其四

卯君囊却上公車。梵宇毘邪應滿虛。自笑蒙莊老弟子。南華又作一通書。

惠安伯園亭看芍藥開至數十萬聊述數絕以紀其盛兼贈主人

看罷南徐紫錦堆。紅亭碧樹又催開。旋心纈子紛難識。喚取維揚舊譜來。

其二

雪色玲瓏照地華。飛觥走兕疾如車。等閑倒却春三甕。未了東軒一角花。

其三

百千新醴一時開。那遣花妖不下來。好與扶筇枝上去。花頭處處有樓臺。

其四

花助難樹亦難酬。炙雪澆風老未休。結與掃香十萬戶。靈芳國裏古諸侯。

衛河道中和邱長孺惜別

墜葉驚沙積蓼臆。射波寒月影幢幢。此身却似淘河鳥。纔過南江又北江。

其二

擬上青霄別有關。身無健翮莫追攀。而今已是孤飛鶴。毛羽摧頽返故山。

其三

辭却牆東好里鄰。思量來嚼浩衢塵。素衣變盡衰容減。到底還他赤骨貧。

其四

琴絕休悲大小絃。長貧長病豈須憐。朝春暮續生尤苦。爭得魂歸自在天。

其五

陌上秋風吹冷埃。西州門巷轉堪哀。梨花殘落刺桐死。每詣君時哭一回。

其六

柔櫓輕風覺有情。月高牛渚看潮生。江神木客爭傳語。可是袁家舊阿宏。

其七

耗盡雄心鬢亦皤。瀟亭無奈尉誰何。珊瑚百尺根株老。不信天家無鐵錘。

其八

別淚如傾祇賦詩。更無一物可相貽。自矜亦識汾陽老。眼底無君劍豎眉。

和曾退如別詩次韻

茂草長林不共棲。孤燈寒箔影淒淒。鷓鴣死去猶嫌北。鸚鵡道成必向西。（李安人念佛求生西方。）

其二

白傅可能無舞女。高柔那得少賢妻。柳浪湖上君來日。把酒唯聽一箇鷗。（退如末句云。歸去湖亭先問柳。變柑吾肯負黃鸝。）

丁未初度泊池陽自壽兼憶李安人

溪頭微雪點疎松。睡起開牕對遠峯。誰寫畫圖來壽汝。謝家江上九芙蓉。

其二

四十年間火宅身。思量何事不飛塵。而今欲學臯橋隱。少却堂前舉白人。

舟中聽王姬彈琴

懶把腰肢學小蠻。涼雲初月淡垂簾。攜君却好青山去。三峽流泉在指間。

雪中看山二仲呈詩一章後來似亦粗能者喜而有作

一生癡計是雲烟。五字吟成雪滿顛。老我已非前赤壁。稚兒那得小斜川。

廿三日至蒲圻謝中丞出迎時年九十二鶴髮丹容尙能騎乘真人中瑞也口占二絕以紀

其盛

一行旌節萬人從。爭看前朝老臥龍。杞梓樞輔俱朽盡。就中留得兩高松。(是年存問畢少保。畢號松坡。公號松屏)

其二

會看滄海化紅塵。雲過沙飛閱世人。便是聖朝祥瑞物。何須芝草與麒麟。

謝公伯子京兆君時年七十趨走膝下有若稚子凡謝公拜起俯仰皆京兆君扶之

碧瞳紅頰照霜明。尙父前頭倚仗行。七十老翁猶膝下。爲人爭不羨爲兄。

天寧洲逢老僧一百一歲

一寸眉垂霜覆肩。額光如鏡語清圓。南山坐閱松株老。不止磨頭四十年。

其二 指武皇南巡

開元天子最風流。曾見南巡錦幄舟。樂大也知非謠語。老人大父昔同遊。

其三 老僧與余同戊辰生

問年知得是辰生。甲子校君少一更。過去一般無影跡。何妨呼我作同庚。

元日登王章甫水明樓

經年勞碌馬啼間。久客雖歸也不閒。爭似水明樓上坐。浪花影裏看春山。

其二

雲山雖近不相親。草色烟光各自春。君欲讀書我從仕。何曾真作看山人。

借王章甫陳公弼登黃鶴樓

時章甫子宜卿及兒子二仲皆從

江流千頃覺雲烟。樓閣雖高不似前。畫板朱檐遮取盡。爭教容納好山川。

其二

兩家稚子共追隨。似我與君初上時。松老石欹樓亦換。可容玄髮不成絲。

峴首山觀羊叔子墮淚碑

欲知叔子恩多少。但看龜趺碧淺深。銅雀臺中歌舞妓。那能揮淚到如今。

博望驛

荒烟殘戍幾家村。庭鎖蒼苔古木昏。不恨君家開遠略。恨君尙未識崑崙。

玉郡丞邀飲陽和樓

青天一碧翠遮空。浪捲雲奔夕照中。郭外荷花三十里。清香散作滿城風。

其二

十丈朱旗照水殷。家家簫鼓染江山。千峯如畫供杯酒。不道清時是等閒。

中山劉刺史邀飲西溪

碧樹深深帶水斜。門垂果實類山家。攜將千日中山酒。來醉西溪六月花。

杪秋陪祀山陵同陶孝若黃道元謝響泉入僊人洞洞奇絕去馳道二里許

紅葉霜花積幾重。青山蛻骨走眠龍。伊祈善卷俱陳迹。各向秋雲占一峯。

嘲謝道人白鬚

髮既霜雪幾經春。五十年邊未老身。借問城西狂道士。虛添年歲誑時人。

其二

紫陌飛沙撲面行。和烟和雪看春明。身無官職家無勝。正好從君頰上生。

其三

妣水仙鉛積許多。霜根欲茁可如何。若教移去烏紗底。拚買春煤二百螺。

其四

篋裏無錢買地黃。花前雪色照人光。曉牕扣齒焚香罷。一盞山中蘆蕪湯。

蘇潛夫侍御買燕姬爲賦合歡詩

黛螺香裏惠文冠。消盡青霜鏡面寒。恰似江南花鳥手。畫將椒棘傍芳蘭。

其二

夜深猶未解明璫。爭奈呻吟老孟光。蘭火漸昏衣漸緩。袖花微帶橘陳香。

其三

燈前小語背流蘇。偷看封章就也無。花外日高屏扇掩。府中未省有啼烏。

其四

四臺御史氣如雲。白簡霜飛海外閒。歸去海棠花下語。却防鸚鵡作彈文。

閒閣試題爲蘭亭修楔圖效作二首

分別層溪與遠壑。天章寺裏雨中看。會稽內史風流甚。賴得中朝有謝安。

其二

石榻誰知定武訛。縱紋猶識舊宣和。憑君莫話冬青樹。添得青山淚許多。

送醫者黃生謁東諸侯

橘老柑黃不奈何。飄然艇子出烟波。而今海上單方幾。王不留行一味多。

送從軍羅山人還大足

老去漸思雲水鄉。苔斑蝕盡綠沈槍。青袍白馬翻然去。念取昌州舊海棠。

散木至自公安

江上分攜才一年。鬢如秋草面如烟。不知老態增多少。但覺頭巾闊似前。

無題送顯宗禪師南歸

秋來芍藥已無枝。老去湖蠶未有絲。古井澄瀾乾欲盡。阿誰腸斷比紅兒。

其二

迦陵命命不同飛。又喜開籬放雪衣。莫向甜桃言苦李。羞將遠志換當歸。

花燭詩爲顧小侯所建作時所建娶婦已五年

燈煤和就染雙眉。想得春牕欲曙時。只爲顧家婦太好。五年尙贈合歡詩。

其二

百合香焚百子羅。秋江如面柳如蛾。侯家夫婿楊家女。占却人天福許多。
廣陵曲戲贈黃昭質時昭質校士歸

一路青銅一面春。雕闌處處鎖朱輪。試將校黑分黃眼。品取如花似玉人。
其二

緋袍牙帶鞠躬迎。認得風騷舊長卿。莫似江南韓老子。教他炷艾待門生。
其三

肌香薰透繡羅襦。小立臆前拭粉朱。掛起眉圖親與較。果然顏色勝當爐。
其四

深東腰肢淺蹙蛾。伴娘頻促奈他何。白羅一尺寬如許。受得巫山雨幾多。
題潘稚恭小像

當年曾見虎頭真。長短濃纖各有神。只怪安仁描不似。爲他手骨異時人。
其二

研光絹上白波重。骨肉調勻粉墨濃。若要識他春月柳。還須雪裏看王恭。
子公貧病無日開顏。悶坐舟中口占乞笑

骨如枯竹面如灰。頃刻酸呼四五回。人世萬千窮惱病。被君包攬上身來。
題方醫卷方歛人客高郵

兒童每見求甘草。道侶相逢話藥方。高郵城裏尋常去。收得蘆芽幾許長。（末句見秦少游詩。）

公超谷 超能爲五里霧

醉裏提壺荷鋤還。大伸脚步即登山。何如且作收雲法。施得清光與世間。

希夷峽

白石青山眼倦開。風雲長到枕邊回。夢中亦有敲門客。報道莊周騎蝶來。

其二

會挈東臯到酒泉。而今醉國也騷然。睡鄉若有閒圖籍。欲向先生受一廛。

回心石

華頂不高潤不深。一迴遺世一登臨。若爲題向長安道。回却朱門紫陌心。

千尺幢至百尺峽

千仞雲中綴一絲。勢危那免壓枯枝。算來白石清泉死。差勝兒啼女喚時。

胡孫愁

仄嶺東移半尺苔。如何橫度碧崔嵬。上頭若有朝三叟。料得胡孫也喜來。

擦耳巖

過客時時耳屬垣。倚天翠壁亦何言。欲知懸邈欵危甚。看我青苔一面痕。

蒼龍嶺

瑟瑟秋濤谷底鳴。扶搖風裏一毛輕。半生始得驚人事。撒手蒼龍嶺上行。

衛叔卿博臺

雲中轉轉試鉤梯。棋路分明似芥畦。便欲與君終一局。只愁石爛水流西。

希夷避詔巖

一枕孤雲分外清。墮驢歸去有無情。岩中只可避丹詔。那得深岩避死生。

望嵩少

客程行盡太行山。又見嵩高紫翠間。料得有人山上笑。紅塵如海澆朱顏。

其二

欲從影裏問胡僧。車馬勞勞謝不能。縱有洗塵千澗水。夏蟲那可叩堅冰。

嵩陽宮古柏

苔甲生生裂水波。蒼皮十度手摩挲。問君那只高如許。漢壘唐基積幾多。

其二

雲散烟飛岫亦枯。風霜不上老肌膚。山中怪事知多少。石母生兒定有無。

中元夜枕上有憶

秋杳沉沉戶不扃。月光搖夢眼長醒。疎簾翠簾清如洗。少却流泉枕上聽。

宿華州公署

古槐修柏琅玕竹。曉日晴嵐翡翠山。疎影半牕鳩忽語。湘南烟水夢初還。

華州公署古槐大可四十圍蓋二百餘年物也余題之曰國槐詩以記之

孫枝鬱鬱遍三秦。溜雨籠烟不記春。若論花黃忙舉子。已曾忙過九朝人。
密縣天仙廟白松

手撫松圍數匝行。潤於膚色白於珩。看來亦是天喬種。和月和霜種始成。
其二

百尺亭亭幹寫空。虛碧浮日水玲瓏。青山好共陶宏景。欲枕閑聽帶雪風。
其三

瘦玉峻峻數十盤。巢雲老鶴夢猶寒。若爲貌出參天雪。更向南崗頭上看。
其四

傳言天女化時生。畢竟移根種不成。閭盡大官諸本草。上頭未有白松名。